



6

37-e




Bibliotheca
majori Coll. Rom.
Societ. Jesu

6 37-e-65

23.6.12

23
C
21

23-e-4





IVSTI BARONII
VETERACASTRENSIS

SS. TH. ET I. V. D. ILL^{mo} ARCH^{po}

Moguntino à Consilijs.

EPISTOLARVM
SACRARVM

AD PONTIFICEM MAX. ET AM-
plissimos Cardinales &c.

celig LIBRI VI. *St. Locum*

QVIBVS QVÆ AD CAVSAM
ABIECTÆ A SE HÆRESEOS PERTI-
nent, ordine quasi historico complexus est:
insertis aliorum subinde ad se amœ-
bæis Epistolis.


S. Hieron. Epist. 109. ad Domn. & Rogat.

*Licet hydra sibilat, Sistrorq; Sinon incendia iactet, nunquam
meum iuvante Christo silebit eloquium: etiam prae sa lingua
balbutiet. Lepant qui solunt, qui nolunt abijciant, euentilant a-
pices, litteras calumnientur: magis Vestra charitate promovebor
ad studium, quam illorum detractioe & odio deterrebor.*



MOGUNTIAE.

Typographeo Ioann. Albini.
Anno M. DCV.



Handwritten scribble or signature on the left side of the page.

Handwritten signature or mark on the right side of the page.



ILL^{mo} ET REV^{mo} PRINCIPI

D. IOANNI
SCHVICARDO,

ARCHIEPISCOPO ET E-
LECTORI MOGVNTINO,
S. R. IMP. per Germaniam
Archicancellario,



IVSTVS BARONIVS VETE-
racastrensis.

EPISTOLARVM
scribendarum du-
plex ratio esse so-



let, ILL^{me} & REV^{me} PRIN-
CEPS: vna voluptatis, neces-
sitatis altera. Vtramq; com-
plexus Turpilius Comicus,

a Apud S.

Hieron.

Epist. 42.

ad Nice-

am hypo-

Aquil.

*• Sola, inquit, res est, quæ homines
absentes præsentem facit. Nec falsam
dedit, vt^b Hieronymo placet,*

):(2

in re b Ibidem.

EPISTOLA

in re non vera sententiam. Quid enim
 est tam præsens inter absentes, quàm
 per Epistolas & alloqui & audire,
 quos diligas? Nam & rudes illi Ita-
 c *Cicer. 1.* *Tuscul.* lia homines, quos^c Cæscos Ennius
 appellat, qui sibi, vt in Rhetoricis
 d *Lib. 1.* *de inuēt.* *ab initio.* Cicero ait, ritu ferino victum quære-
 bant, ante chartæ & membranarum
 vsum aut in dedolatis è ligno codicil-
 lis, aut in corticibus arborum mutuò
 Epistolarũ alloquia missitabant. Vn-
 de & portitores earum tabellarios,
 & scriptores à libris arborum libra-
 rios vocauere. Quantò magis igitur
 nos, expolito iam artibus mundo, id
 non debemus omittere, quod illi sibi
 præstiterunt, apud quos erat cruda ru-
 sticitas, & qui humanitatem quodam
 modo nesciebant? Hæc D. Hiero-
 nymus: quibus simile aliud
 Cice-

DEDICATORIA.

° *Ciceronis* adijcerem, nisi id e Lib. 2.
Epist. 4.
ad Curiō.
nimis peruulgatū esset. De
me si quis forte quærat, quæ
mihi scribendarum Episto-
larum ratio fuerit, ynam ne-
cessitatem respōdebo: eam-
que si quis nosse desiderat,
age veniat in rem præsen-
tem, videat tabulas, argu-
menta subducatur, nō scriptas
à me litteras, sed tam paucas
scriptas mirabitur. De editi-
one minus laboro. Quæ e-
nim scriptu olim digna iu-
dicaui, lectu quā nunc indi-
gna iudicare potero? Lectu
inquam vel ijs, quibus scri-
pta non fuerunt. Qui ut et-
iamnum legant, non solum
):(3 patior

EPISTOLA

patior facilè & opto, sed & hortor & moneo. Quod si qui legere fastidient, nullam mihi vel horum nausea molestiam creabit. Aspernentur, abominentur, execrentur. Ego bonis bonis rationibus excusatus, facilè *Marruc* *cinorum* istorum inuidiam cō-

fCic.7.E- temnam. Sed legere tamen
pist.21.ad debent, non dicendi ele-
Pap. Pe- gantia, quæ in Epistolis ^t*vul-*
tum. gari *sermone texendis* non est, sed
Ambr. li. causæ ipsius simplicitate, &
6. Epist. malignitatis suę opprobrio,
40. adSa- qui quam multa mendacio-
bin. rū millia de me omniq; sta-
Lips. in tu meo in vulgus sparserint,
Epistolic. hoc vno teste tanquam ^s*in-*
cap. 7. *g Laert.*
lib. 4. in
vita Xe-
nocr.

iurato

DEDICATORIA.

iurato Xenocrate, aut^h Metelli Nu^h *Cic. lib. 1. ad Attic. epi. 13.*
midici fidiſſimis tabulis cogno-
ſcent. Eſt enim verè quod a-
iunt, ſermo animi index, ^{*i*} *detegi-* *Lips. præloq. Epist.*
murq; in Epistolis, & ſubycimur ocu-
culis planè nudi, vt ſi me noſſe velis,
aut alium, Epistolas legas, quæ depin-
gunt. Ingenij, affectus, iudicij, imò &
vitæ non vana imago iſthic. Itaq; vt
repetam quod & aliàs dixi,
quod ego nunc ea, quæ pri-
uatos quondam intra parie-
tes ſcripta & actitata ſunt,
publicè nunc legenda, ac
totius orbis theatro ſpectan-
da ppono, ſinceritatis argu-
mentū eſt. ^{*k Ioan. 3. 20. 21.*} *Omnis .n. q malè agit,*
odit lucē, & nō venit ad lucē, vt nō ar-
guatur opera eius. Qui autē facit veri-

): (4 tatem,

EPISTOLA

tatem, venit ad lucem, ut manifestentur opera eius, quia in Deo sunt facta. Quamobrem ego qui causæ meæ securissimè fido, nil celo, nil tego, nil tenebris aut verborum præstigijs inuoluo, sed in ipsa consiliorum penetralia aduersarios nunc intromitto, qui legant licet clausa, videant occulta, nil proditoriè, nil perfidè, machinatum me inuenient. Scripsi ad pares aut ad superiores. A paribus consilium, à superioribus auxilium postulauì, & in causa quidem optima, grauissima, sincerissima. De salute enim mea anxius, consului eos, quos con-

DEDICATORIA.

consilio valere, & salutis negotia intelligere iudicabam. Necessitatibus constrictus opem imploraui eorū, quos & officio posse, & benignitate velle me iuuare cognoram.

Sed ne longius in hunc campum excurram, ad te sermonem conuerto ILL^{me} & REV^{me} D^{ne}. Cui quam obrem hoc EPISTOLARE VOLUMEN consecrare, tuique sub Amplissimi nominis Clientela in lucem emittere voluerim, causæ mihi multe, sed è multis in primis duę fuerunt: insignis virtus tua, atq; insignis in me iam multis

): (5 tis

EPISTOLA

tis annis pluribus argum-
tis testata beneuolentia &
humanitas. De virtute ne-
mo est quin affatim perspe-
ctum habeat, quàm benè
cum titulo ARCHIEPISCO-
PI moribus tuis conueniat.
Tu enim es, cuius cura non
pro gregibus tantum tuis &
populis, sed & pro aliorum
gregum populorumque pa-
storibus vigilantissimè ex-
cubat: Tu es, quem omnes
pijssimè & religiosissimè vi-
uere, iustitiæ & æquitati a-
cerrimè incumbere, proces-
sionibus publicis non solum
interesse sed & præesse, Ve-
nerabile Sacramentum vel
publi-

DEDICATORIA.

publicè manibus portare ,
vel priuatim sepe sacris ope-
rando conficere, reformati-
onis opus strenuè & confi-
denter persequi, Ecclesias
scholasq; restaurare, pasto-
res liberaliter habere, hære-
ses extirpare , pertinacibus
nullam aurem præbere, er-
rorum ac seditionum flabel-
la omni ditionis sine eijs cere,
morigeros omni suauitate
complecti, iustitiam deniq;
foro, veritatem Ecclesijs, pa-
cem terræ reducere norunt.
Sunt hæc in ore atque oculis
omnium clarissimè posita,
multo que plura istis, quæ si
ego commemorare vellem,
habe-

EPISTOLA

haberem profectò, quo laudatissimis Imperatorib. non compararem te solùm, sed

*1 C. Plin.
in Paneg.
Traian.
dict.*

& anteferrem. ¹ *Salua est te Principe, omnibus vita & dignitas, nec iam consideratus ac sapiens, qui etatem in tenebris agit. Eadem quippe sub Principe virtutibus præmia, quæ in libertate: nec benefactis tantum ex conscientia merces, sed etiam præmia sunt. Amas constantiam civium, rectosque ac viuidos animos non ut alij, contundis ac deprimis, sed foves & attollis. Prodest bonos esse, quum sit satis abundeque, si non nocet: his honores, his sacerdotia, his provincias offers, hi amicitia tua, hi iudicio florent, acuuntur isti integritatis & industriæ pretio. Similes & dissimiles alliciuntur. nam præmia bonorum malorumque bonos ac malos faciunt.*

Iam

DEDICATORIA.

Iam erroribus quàm fideliter
mederis, omnibusque quos bonos fa-
cis, hanc astruis laudem, ne coëgisse
videaris. Quid vitam? Quid mores iu-
uentutis quàm piè & Catholicè
formas? Quem honorem dicendi ma-
gistris, quam dignitatem Ortho-
doxę fidei Doctoribus habes?
Ut sub te spiritum & sanguinem &
patriam recepit Catholica fides,
quam priorum temporum immanitas
exilijs punierat, cùm sibi vitiorum o-
mnium conscij homines, inimicam vi-
tij fidei sacrilegè relegarent?
At tu eandem fidem in complexu, o-
culis, auribus habes. Præstas enim
quæcunq; præcipit, tantumq; eam dili-
gis, quantum ab illa probaris. Sed &
comitas tua quanta? Securi
& hilares, cū cōmodum est, conveni-
mus,

EPISTOLA

mus, & admittente Principe, interdum est aliquid quod nos domi quasi magis necessarium teneat. Excusati semper tibi, nec unquam excusandi sumus. Scis enim sibi quemq; prestare, quod te videat, quod te frequentet, ac tantò liberalius ac diutius voluptatis huius copiam præbes. Nec salutationes tuas fuga & vastitas sequitur: remoramur, resistimus, ut in cōmuni domo. En quantus se laudum tuarum campus aperit. **ILL^{mc} PRINCEPS**, quanta seges, si expatiari longius liberet. Sed hic sisto pedem, vnumque illud addo: Talem ac tantum Principem. **APOSTOLICAS & CARDINALITIAS** litteras, quas hic quasi selectissimum exercitum

DEDICATORIA.

tum in hostes emitto, efflagitasse ductorem, ne quod

^m Chabrias & ⁿ Philippus dicere m Plutar. in Apoph. n Stob. ser mon. 52. consuescebāt, Leonem, agmen cerno ducē incedere cogere-

tur. Sed & hunc ipsum tibi honorem tua innumerabilia in me merita vindicabāt.

Tu enim primo huc cum familia aduentantem quasi alter° Onesiphorus Paulinus, aut

^p Florētius Hieronymian° hospitio o 2. Tim. 1. 16. p Hieron. Epist. 5. ad Florēt. tuo ac refrigerio excepisti,

tu pressum inuidia ac maledictis aduersariorum amore tuo suauissimo subleuasti, vltum miserijs aura liberalitatis tuæ refocillasti, naufragum in portum reduxi-

EPISTOLA

duxisti, periclitantem apud
Principes, principibus re-
conciliaſti, muneris deni-
que expertem, munere ho-
neſtiſſimo collocupletaſti:
nec dum finem facis, diuini
amoris tui erga me verbis
factiſque liberaliſſimè de-
monſtrandi. Quibus tuis
immortalibus in me meritis
cum nec referre pares, neq;
agere ſatis dignas gratias
poſſim, en accipe hoc qua-
lecunq; gratiſſimi pectoris
pignus, natum quidem o-
lim, ſed noua nunc incude
perpolitum, noua ſtructura
decoratum, noua denique
acceſſione locupletatum,

vt

DEDICATORIA.

vt vix paucula aliqua veteris faciei lineamenta appareant. Quod si quid tamen debiti ponderis aut decoris abesse putabis, quæso farciat id diues ille bonitatis tuæ penus, tesseramque hanc habe gratissimæ meæ in te voluntatis. Quam dum æqui bonique consules, ego Deum per dius pernoxque precabor, Catholicæ vt Ecclesiæ, Romano Imperio, tibi mihi que ac populis tuis, omni animi suauitate ac lubentia in te recumbentibus, diu superstes viuas, & quæ præclara restaurandæ fidei opera cœpisti, præclarior-

EPISTOLA DEDICAT.
rioribus compleas, & felicioribus absolvas. Vale. Mogunt. 3. Idus Mart. M. DCV.




BENE-



BENEVOLO LECTO-

R I S.



MITT O ad te, *Christiane*
Lector, EPISTOLARVM
SACRARVM, siue A-

MOEBÆARVM potius,

id est à me Celsissimisque Patronis
meis & amicis vtrò citroque scri-

ptarum LIBROS VI. Quibus quia

varia hinc inde iudicia pertimescē-

da video, *Prologum* hunc *Galeatum*

præfixi, vt quas posset calumnias

excuteret: quas non posset, frange-

ret, meque aliquo saltem famæ le-

uamine sustentaret. Ac primum *de*

scriptione, neminem audire dignor,

cum rei ipsius necessitas pro me pa-

lam loquatur, cum etiam cuique li-

ceat esse rerum suarum arbitro. De

editione partim amici, partim inimi-

ci mouerunt. Illi honestissimo A-

postolicarum litterarum desiderio

flagrantes, meque sæpiusculè lon-

gissimis etiam ex aulis atque Aca-

);(:(2

demijs

I.

II.

EPISTOLA

III.

de miis de mittendis sibi exemplis
 consalutantes. Hi omnem de iis fa-
 mam vel mendacio ascribentes,
 vel quando commodum visum est,
 odioso proditionis flagello verbe-
 rantes. Quibus vtrisque vt satisfa-
 cerem, illis volens, his nolens, ad
 hanc publicæ editionis ἐπιτομήν cō-
 fugi, vspiam etiam priuati honoris
 mei & status testimoniis insertis.
 Quod per Deum te obsecro, *Chri-
 stiane Lector*, ne iani iactantię, aut pue-
 rili ostentationi (à qua me tam lon-
 gè abesse volo, quàm verum agno-
 sco illud ^a Petrarchæ: *Sapientia titulis
 non eget, per se ipsa clara est. Quis luter-
 nam quæso vnquam soli vt videretur ad-
 hibuit? multi & cum his titulis obscuri,
 & absq; his clarissimi euasere. Sæpè nul-
 lum bonis, clarum malis meritis signum
 fuit*) sed illis ipsis criminatōribus
 meis ascribas, qui quicq; quoquo
 modo in honorem mei vergere vi-
 detur, purè putè negant, purè putè
 cauantur, pura puta mendacia es-
 se men-

*a Franc.
 Petrarch.
 Dial. 46.
 de var.
 stud. tit.*

AD LECTOREM.

e mentiuntur. Neque ego tamen
 his tam inuidiosis augmentis oc-
 currerem, nisi hîc rem & salutem
 meam haud alijs præsiidiis defendi
 posse viderem. Proximus est *ordo*,
 quem in distinguendis Epistolis, aut
 dispartiendis libris, alios è *persona-*
rum, alios è *locorum* differentiis mu-
 uari video. Ego contra ac ^b *Plinius*,
 temporis solum & annorum dis-
 crimine. Exorsus igitur ab anno se-
 culari M. D C. quo primum hanc
 scribendi aleam cœpi, ad præsen-
 tem vsque M. D C V. cum singulis
 annis singulos libros claudio, vt quæ
 e meo sincerissimo ad Ecclesiam
 accessu, de Pontificis Max. atque Il-
 lustrissimorum Cardinalium beni-
 nissimo erga me affectu, vel men-
 acissimis hæreticorû ludibriis op-
 onere, vel piissimæ posteritatis me-
 roriæ commendare statueram, pla-
 iori ac perspicaciori omnia dis-
 crimine distinerentur. *Cognomen*
 emini scrupulum faceffet. Fateor

IV.

bPlin. Se-
cundus li.
1. Epist. 1.

V.

):():(3 enim

EPISTOLA

- enim à Calendis demum Septem-
bribus M. DCII. mihi illius vsurpā-
di ius fuisse. At ne binominem me
idem libellus haberet, anterioribus
etiam Epistolis illud infixi, malorū
fortè aliquibus ingratiis, at bono-
rum libentissima venia, quam in pri-
us editis iam Epistolis (nam de re-
centibus nihil laboro) vel leuiter
immutatis, vel pro necessitate au-
ctis amplificatisque, mihi quoque
firmiter polliceri audeo. De AMOE-
BAEIS Pontif. Max. atque Ill^{orum}
Cardinaliū, &c. editis, quid tu sto-
macharis, qui neque meæ, neque il-
lorum voluntatis nutum nosti? Mi-
rare potius humanitatem, ample-
ctere *Φιλανθρωπίαν* tantorum Prin-
cipum, quos non vereri vides, tan-
tillo cum homuncione, tot annos,
tam penè familiari scribendi vicif-
situdine concertare. Volui ego hoc
te condemnare admirabili humili-
tatis exemplo, volui premere *Ro-*
mani culpinis inuidiam, quā qui per-
petuis

*c Hieron.
Epist. 57.
ad Dam.
Pap.*

AD LECTOREM.

petuis conuiciis exagitant, age habeant hoc perpetuum vanitatis suæ documentum, habeant item irrefragabile causæ meæ fulcimentum, quam suis quoq; præfidiis tueri volui eos, quibus cum (si Diis placet) deliquisse videbar.

VIII.

Restat de *Stylo*; quem ut in iisdem Apostolicis mirifica illa Spiritus vis atque *ἐνέργεια*, omni Ciceroniana Suada superior affatim commendat: ita in meis forte hæret, quod prolixam excusationem mereatur. Idque quia nihil abnuo, ad ^d S. Hieron. *d Hieron.*
ronymum properè cōfugio, cui cum *Epist. 153.*
Paulinus Antiochenæ vrbis Episcopus exprobraret, quod *ad Paulin.* *paruas & incomptas litterulas mitteret; non de incuria hoc venire respondit, sed de timore ipsius, ne verbosius ad eum loquens, plura reprehendenda transmitteret. Et nauigandi, inquit, tempore tanta à me simul Epistola flagitantur, ut si cuncta ad singulos velim scribere, occurrere nequeam. Unde accidit, ut omissa compositione ver-*
):(): (4 *borum*

EPISTOLA

borum, & scribentium solitudine, dictem quicquid in buccam venerit, & amicum te tantum meorum dictorum, non iudicem considerem. Idem Ruffino:

e S. Hier.
ron. Epi.
131. ad
Ruffin.

Ignosce inquit, si scatens oratio cursu non solito fluat. Non enim eodem lepore. dictamus quo scribimus: quia in altero saepe stylum vertimus, iterum quæ legi digna sint scripturi: in altero quicquid in buccam venerit, celeri sermone conuoluimus. Eadem excusatio, candide Lector, si litterulis hisce meis (meis inquam: de alienis enim absit tam iniquum calculum feram) rudicertè & vulgari filo contextis prodesse potest, fauce quæso, ac seueram frontem depone. Scripsi ego magnis plerunq; viris ac principibus, quorum cogitatio omnem ingenij aciem præstringit & heberat. Scripsi

f Hieron.
Epist. 153.
ad Pauli.
g Epist. 31.
ad Theop.
Episc. A-
lexand.

mœsto sæpè animo, sæpè ægro, sæpius occupato. At^f quod animo occupato fit, non benè fieri idem Hieronymus censet. ^g Nec tristis est, eodem autore, eloquentia, maximè si ad agritudinem

ani-

AD LECTOREM.

animi, corporis quoque aegritudo accedat,
quæ me quoties affligerit, norunt ij;
quorum sub manibus frequenter
anhelauī. Quanquam igitur tutum
mihi in illo Ciceroniano præfidiū :

^h Epistolam nihil aut iudicio aut concioni ^h Cicer. 7.
simile habere, sed quotidianis verbis texē- ^{Epist. 21.}
dam : tutius etiam in illo Hieronī- ^{ad Pap.}
miano, ⁱ Ecclesiasticas, siue sacras scri- ^{Pet.}
ptiones, qualis certè hæc mea est, ⁱ Epist. 52.
etiam si habeant eloquij venustatem, dis- ^{ad Pam-}
simulare eam tamen debere. & fugere, ut ^{mach. pro}
non otiosis Philosophorum scholis paucisq; ^{li. suis ad-}
discipulis, sed vniuerso loquantur hominū ^{uers. Ioni.}
generi : prætexam tamen coronidis
loco huic Suadæ meæ, quod ^k Ouidius ^k Lib. 1.
alicubi flaccidæ Musæ suæ prætendit. ^{Trist. E-}
^{leg. 1.}

Carmina proueniūt animo deducta sereno,
Nubila sunt subitis tēpora nostra malis.
Carmina secessum scribentis & otia quarūt,
Memare, me venti, me fera taletat hujē.
Carminibus metus omnis abest, ego perdi-
tus ensem

Hæsurum iugulo iam puto iamq; meo.
Hec quoque quæ facio iudex mirabitur æ-
quus,

Scriptaq; cum venia qualiacung; leget.

FINIS

) ((5 CLA-

CLARISSIMO VIRO
D. IVSTO BARONIO
VETERACASTRENSI IN CA-
THOLICÆ ECCLESIAE PORTVM
feliciter recepto.

IUSTVM

Deduxit (Dominus) per vias rectas, & c-
stendit illi regnum Dei, & dedit illi
scientiam Sanctorum.

Sap. 10. 10.

Candida Religio, veterumq; antistita-
morum

Et veri dux una fides, tuq; arbitra mundi
IUSTITIA, optanti nova suffice gaudia cœlo.
Ecco tunc tibi IUSTYS adest, iā iustus apertas
Hæreseon surgit nubem eluclatus in auras.
Fallendiq; astus, ah iuratasq; tenebras,
Præterita in puro cognoscit damna sereno.
Talis erat dominâ postquam Memphitide
pressum

Iosephus tetro Iustus caput extulit antro,
Vt faceret Phario terrarum arbitria curru.
Tu dominam infamem, densa caliginis um-
bras,

Servitiumq; animæ iā vindice lumine Christi
Egressus, sanctâ cum libertate, fideq;
Ducis inoffenso constâtem tramite gressum,
Sidereamq; viam, & tritos cœlestibus orbes,
Ter felix, solidiq; locus vestigia VERA.

Aspi-

Aspice quâ eterna teritur petra ardua calle,
Hanc firmata super fulgenti Ecclesia cœtu,
Immoto perstat vultu immutabilis, unum
Doctrina & morum seruans sincera tenorem,
Non illa ancipiti mentem frustrata figurâ
Præcipitat dubiam sensus variante salutem,
At recto stabiliq; gradu fida inferet astris
Inculpata animam, vite aspera vincere
cuncta, &

Subter humi stratis docet insultare periclis.
Certa via, & longo sæclorum plana meatu
Et diuerticulis sæclorum imperdita constat.
Hac quia te reducem, leni IUSTE agmine
ducens

Emeritum æthereæ fert admotura coronæ,
Perge alacer, quo iam tot ierunt sæcula ductus.
Nec metus, illa etiam priuatum lumine
Saulum,

Quam sua cernentem, securius orbita vexit.
Hac olim AURELIUS varijs anfractibus actus
Dum reprobat, repetitq; vias, in pace quieta
Sollicitam ingemuit, raptamq; per inuia vi-
tam,

Erroresq; suos. Huc errabunda Luthero
Conièptore tulit STAPHYLVS vestigia: Magnus
Te Exemplo, scriptisq; grauis PISTORIUS
anteit.

Proximus, inq; viam docet auia corda reuerti,
Palantesq; animas Fidei, cœloq; reducit.
Huc te etiã immensos post magni pectoris æstus
Elabyrinthæis ambagibus extricatum

Sum-

*Sūma Dei eduxit clementia IVSTE ; nec illum
Aut latuit studium, aut pia cura impensa sa-
luti,*

Et toties vigiles in veri indagine noctes.

*Cum veterum crebro monumenta exacta re-
mensus,*

Et praecepta Patrū, Magnae concordia Romae;

Atq; aliena novis emirabare magistris,

Assuit, & blando cita pectora perculit ictu

GRATIA, dum medio pendes discrimine rerum

Et verum damnas animo alternāte probasq;

Postquam nocte animi excussā, vinculaq; solutis

Aetheream toto admisisti pectore lucem.

Tum vero inuisito fulsit constantia scuto,

Et triplici Heroos artus adamante reuinxit.

Nō graue propositum carissima pignora nati,

Coniugij non fregit amor, non fama malignis

Pronior, & IVSTI virtutibus inuida mouit.

*Et merito patriā, quam Christo agere exul
adempto*

Maluit, & patrio bene profumo astra pacisci,

Iam sic ille fide meritisq; adspirat olympo,

Sic alijs praetentat iter, quos nocte profunda

Lux summā de luce Deo, Deus euocet ultro

In regnum, & puro det lumine posse renasci.

A. C. M.

IN-

INDEX

EPISTOLARVM,

Cui quæq; à quoq; scripta sit.

- | | |
|--|---|
| <p><i>Ab. S. E. H.</i>
Iust. Baron. lib 5. Epist. 10. p. 370.</p> <p><i>Andrea Vermadio Societ. Iesu Theologo.</i>
Iust. Baron. lib. 1. Epist. 1. p. 1 & Epist. 3. p. 16. Et Epist. 6. p. 32. Et lib. 3. Epist. 14. p. 263.</p> <p><i>D. Bernhardino Paulino S. D. N. Datario.</i>
Iust. Baron. lib. 1. Epist. 17. p. 287. Et lib. 6. Epist. 3. p. 391.</p> <p><i>BVLLA S. Inquisit. Rom. super lectione libror. prohib. lib. 4. p. 335.</i></p> <p><i>D. Cesari Baronio Sorano, S. R. E. Cardinali.</i>
Iustus Baron. lib. 1. Epist. 8. p. 44. Et lib. 2. Epist. 5. p. 66. Et Epist. 8. p. 88. Et Epist. 16. p. 159. Et lib. 3. Epist. 10. p. 240. Et Epist. 16. p. 284. Et lib. 4. Epist. 5. p. 315. Et Epist. 14. p. 333. Et lib. 5. Epist. 1. p. 343. Et lib. 6. Epist. 1. p. 374.</p> <p><i>D. Cinthio Aldobrand. S. R. E. Cardinali.</i></p> | <p>Iust. Baron. lib. 2. Epist. 17. p. 163. Et lib. 4. Epist. 7. p. 319.</p> <p><i>D. CLEMENTI VIII. Pontif. Max.</i>
Iust. Baron. lib. 1. Epist. 7. p. 33. Et lib. 2. Epist. 7. p. 84. Et Epist. 15. p. 156. Et lib. 3. Epist. 15. p. 280. Et lib. 6. Epist. 2. p. 383.</p> <p><i>Danieli Tossano, Acad. Heidelb. Profess.</i>
Iust. Baron. lib. 3. Epist. 1. p. 206. Nicol. Serarius. lib. 2. Epist. 22. p. 172. Et lib. 3. Epist. 19. p. 289.</p> <p><i>Danidi Pareo Acad. Heidelb. Profess.</i>
Iust. Baron. lib. 2. Epist. 13. p. 102.</p> <p><i>Frid. Hufmanno à Name-dei, viro Nob^{mo}</i>
Iustus Baron. lib. 5. Epist. 4. p. 348.</p> <p><i>D. Georg. Friderico à Greifenclauu, Metropol. Eccles. Mog^a Præposito.</i>
Iust. Baron. lib. 5. Epist. 11. p. 372.</p> <p style="text-align: right;"><i>Gre</i></p> |
|--|---|

I N D E X

- | | |
|--|--|
| <p><i>Gregorio Renato.</i>
Iust. Baron. lib. 1. Epist. 4.
p. 21.</p> <p><i>Henrico Bellano.</i>
Iust. Baron. lib. 2. Epist. 12.
p. 96. Et Epist. 14. p. 106.</p> <p><i>Henrico Caluino.</i>
Iust. Baron. lib. 2. Epist. 14.
p. 106.</p> <p><i>D. Ioanni Adamo Archp^o
& Electori Mog^o.</i>
Cæsar Barorius S. R. E.
Cardinalis lib. 3. Epist. 9.
p. 239.</p> <p>Iust. Baron. lib. 3. Epist. 4.
p. 227.</p> <p><i>Joann. Mulhusino Societ.
Iesu Theologo.</i>
Iust. Baron. lib. 3. Epist. 6.
p. 231.</p> <p><i>D. Ioann. Pistorio Preposit-
to Vratislanienfi.</i>
Iust. Baron. lib. 4. Epist. 9.
p. 323.</p> <p><i>D. Ioan. Schuicardo à Crö-
berg Metropol. Eccl. Mog^x
Decano.</i>
Iust. Baron. lib. 3. Epist. 5. p.
229.</p> <p><i>Eidem D. Ioan. Schui-
cardo Archp^o & Electori</i></p> | <p><i>Mog^o.</i>
Iust. Baron. lib. 5. Epist. 5.
p. 352.</p> <p><i>Iosepho Windenio, Doctore
Iureconsulto.</i>
Iust. Baron. lib. 1. Epist. 10.
p. 53.</p> <p><i>D. Iulio Episcopo Herbipol.
Francon. Duci.</i>
Iust. Baron. lib. 4. Epist. 15.
p. 339.</p> <p><i>Iusto Baronio Veteraca-
strensi.</i>
Andreas Vermad. Societ.
Iesu Theol. lib. 1. Epist. 2. p.
8. & Epist. 5. p. 30.</p> <p>D. BERNHARD. PAVLINVS
S. D. N. Datarius, lib. 4. E-
pist. 4. p. 314.</p> <p>D. CÆSAR BARONIVS S.
R. E. Cardinal. lib. 2. Epist.
3. p. 64. Et Epist. 11. p. 95.
Et Epist. 19. p. 168. Et lib. 3.
Epist. 12. p. 258. Et lib. 4. E-
pist. 12. p. 331.</p> <p>D. CINTHIUS Aldobrand.
S. R. E. Cardinal. lib. 2. E-
pist. 2. p. 63. Et Epist. 10. p.
94. Et Epist. 21. p. 171. Et
lib. 4. Epist. 2. p. 312.</p> <p>D. CLEMENS VIII. PONTIF.
Max.</p> |
|--|--|

E P I S T O L A R V M.

Max.lib.2. Epist. i. p. 57. Et
Epist. 9 p. 90. Et Epist. 20.
p. 169. Et lib. 4. Epist. i. p.
308.

D. IULIUS EPISCOP. HER-
bipol. Franconia Dux.
lib. 4. Epist. 16. p. 341.

LUDOVICVS Schvartz-
meier S. Cæs. Maieft. à
consil. lib. 3. Epist. 2. p.
223.

D. OCTAVIUS PARAVICI-
nus S. R. E. Cardinal. lib. 4.
Epist. 3. p. 313. Et Epist. 10.
p. 326. Et lib. 5. Epist. 2. p.
345. Et Epist. 7. p. 360.

D. ROBERT. BELLARMI-
nus S. R. E. Cardinal. Ar-
chiepiscop. Capua. lib. 2.
Epist. 4. p. 64. Et lib. 3. E-
pist. 8. p. 237. Et Epist. 11. p.
257.

Ludonico Schvartzmeie-
ro à Schvartzenau S.
Cæs. Maieft. à consil.

Iust. Baron. lib. 3. Epist. 13.
p. 260.

N. N.

Iustus Baron. lib. 5. Epist.
8. p. 361.

Nicolaus Serario Societ. Iesu

Theologo.

D. Cæsar Baronius S. R. E.
Cardinal. lib. 4. Epist. 13. p.
332.

D. Ostantio Paravicino S.
R. E. Cardinali.

Iustus Baron. lib. 2. Epist.
6. p. 79. Et lib. 4. Epist. 8.
p. 321. Et Epist. 11. p. 327. Et
lib. 5. Epist. 3. p. 346.

ORATIO de damnis Ger-
maniae per hodiernas hæ-
reses illatis. lib. 2. p. 68.

D. Philippo Electo Episco-
po VVormatiensi.

Iust. Baron. lib. 5. Epist. 9.
p. 369.

D. Roberto Bellarmino S. R.
E. Cardinali, Archiepiscopo
Capua.

Iust. Baron. lib. 1. Epist. 9.
p. 50. & lib. 2. Epist. 18. p.
166. Et lib. 3. Epist. 3. p. 225.
Et Epist. 7. p. 236. Et lib. 4.
Epist. 6. p. 317.

TESTIMONIUM Absoluti-
onis S. Inquisit. Rom. lib.
3. p. 234.

Testimonium Facultatis
Theologicae, Illust. Acad.
Perusinae. lib. 3. p. 243.

Testi-

INDEXEPIST.

<i>Testimonium</i>	Facultatis Iust. Baron. lib. 3. Epist. 18.
<i>Iuridicæ Illust. Acad. Sen-</i>	p. 287.
<i>nensis lib. 3. p. 251.</i>	<i>Valentino Leuchtio. Doct.</i>
<i>Thoma Bozio, Congregat.</i>	<i>Theol. Canonic. Francofurt.</i>
<i>Orat. Theologo præstan-</i>	Iust. Baron. lib. 5. Epist. 6.
<i>tiß.</i>	357.



I.

IVSTI BARONII
VETERACASTRENSIS
EPISTOLARVM SA-

CRARVM

LIBER I.



EPISTOLA I.

IVSTVS BARONIVS VETERA-
CASTRENSIS ANDREAE VER-

*madio, Societatis Iesu Theo-
logo. S. P. D.*



IRABERIS fortasse quid sit, *De princeps*
REVERENDE VERMA- *prius fides Ca-*
DI, quod ab eo tempore, *tholica, ac*
quo nuper fuimus vnà, pla- *potissimum*
cidamque inter nos de fide *de Verbo Dei.*

συζητησιν habuim⁹, ego contra promissi fi-
dè litteras tibi mittere intermiserim. Quod
etsi minus rectè factum agnosco, tamen
quia necessitate potius quàm negligentia
prætermisum est, spero veniam dabis, me-
que tardius loquentem benignius auidius-
que audies. Primum autem hoc tibi ante o-
mnia certum esse volo, quod nuper etiam
manifesto argumento perspicere potuisti,

A iam

iam per Dei gratiam, multorumq; annorum
August. indefessam lectionē ita mihi fidē Catholi-
Tract. 13. ad cā persuasam, vt ^a *extra eam nullā Ecclesiam*
c. 3. Ioan. nullā salutē esse, firmiter credā & statuā. Sed
1. q. 1. c. Tene quia multa sæpē incidunt calumniā quadā,
mon. Cyri. & malitiosa scripturarum interpretatione,
de Vnit. Ec. quæ vel p̄spicacissimis fucū facere, & tan-
cl. c. 4. quam nebulā veritatis serenitatem offusca-
247. 1. c. Lo. re queunt: magnoperē curandum existi-
qu. Hieron. mo, vt proficiscentibus ad ^b *Ciuitatem Dei,*
Epist. 57 ad ^c *cuius Rex veritas, cuius Lex charitas, cuius*
Damas. 24. *modus eternitas:* planum in offensumque
q. 1. c. Quo- iterparemus: ne hic vel illic impingentes
niam. hæreant, & dubia fide cum ^d *potestatibus te-*
b. August. *nebrarum* congregiantur. Qua de causa
lib. 2. Re- meam ad vos trāsmigrationem neutiquam
tract. c. 43. præcipitandam arbitror: donec indurata
Ep. 202 melius ad solem cornua conflictum occur-
ad Nestar. santium hostium ferre strenuius ac supera-
c. Idem Epi. re possint. Interim quia ^e *Christiana anima*
5. ad Mar- *pabulum hoc esse nosti, si in lege Domini medi-*
cell. *tetur die ac nocte:* Si compendio agitata
d. Coloss. 2. hodiē controuersias tractare, & quasi ru-
35. minandas nobis proponere velimus, hac
c. Psal. 1. 2. diuisione, vt puto, commodissimē proce-
Hieron. E- demus.
pist. 6. ad
Florant.

*Theologia
 generalis di
 sributiobi
 partita*

Omnis quæ de rebus diuinis cogitatio
 suscipitur, vel de Principijs fidei est, vel de
 ijs quæ ex principijs illis extruuntur. *Princi-*
pia voco rationes & firmamenta, quibus id
 quod

quod credendum faciendumue proponitur, verum iustumque esse demonstratur. Et si enim fides *ἀπὸ δεικτος* est, ut pulchre Nazianzenus alicubi loquitur, & propterea definitur ab Apostolo *f* *Sperandum substantia rerum, argumentum non apparentium*: id tamen magis ad quæstionem *ἢ δὴ* quàm *ὅτι* pertinere existimo. Nam *g* *Arist. 2. Anal. 1. b Ouid. 3. de arte.*

h *Quod latet, ignotum est: ignoti nulla cupido.*

Nec quisquam credo inficias ibit, vel generalem saltem rationem veritatis, honestatis & rectitudinis, fidei obedientiæq; veræ substratam esse oportere. Quare enim hoc vel illud credam; quod tu credendum Ecclesiæ proponis? quia verum certumq; id esse vel ratio sana; vel diuina patefactio docet. Quare hoc vel illud faciam, quod tu adeò seuerè mādās & præcipis. Quia iustum bonumq; id esse iterum vel naturæ instinctus, vel iussum diuinum ostendit. Hactenus sanè rationē pcedere nemo sanus negarit. At si iā rationis istius id est, mandati aut patefactionis diuinæ (quam quidē talē esse cōstat) rationē poscas, ibi mentē subsistere, seq; in *obediētiā fidei subingatis sensib⁹* sub *1. 2. Corint. 10. 5.* mittere oportere, libens agnosco & fateor. Neq; enim rationibus nobiscum Deus agit, sed legibus. At *legem breuem esse oportet,*

ait rectè^k Seneca, quò facilius ab Imperitiis te-
 neatur, velut emissà diuinitus vox: quæ inbeat
 non disputet. Et^l Augustino auctore, Non
 intelligendi viuacitas, sed credendi simplicitas
 tutissimos facit.

Principia
 Theologia
 duplicia.

1. Cor. 2.
 14.

Conc. Tri.
 sess. 5. decre.
 de peccato
 originali.
 S. 1. Bellar.
 li. 4. de grat.
 & li. arbit.
 d. 2. Calum.
 lib. 2. insti.
 c. 2. S. 2. &
 13.

Rom. 1. 19.

Cæterum principia ille fidei & morum
 generalissima diuisione vel naturalia sunt,
 vel (vt consueto Theologorum verbo v-
 tar,) supernaturalia. *Naturalia* appello,
 quæ vel à natura ipsa arripuimus, hausim^o,
 expressimus, vel ab hominibus^m animalibus
 didicimus, legimus, accepimus, adeoq;
 ad quæ partim docti & instituti, partim fa-
 cti & imbuti sumus. Tamen si enim non
 ignoro, vehementer peccato læsam esse ho-
 minis mentem, ⁿ totumq; *Adamum* (vt Cō-
 cilio etiam Tridentino placuit) per illam
 prænauicationis offensam, secundum corpus &
 animam in deterius commutatum: palàm ta-
 men est, tātum illi naturalis luminis super-
 esse, vt non solum veritates theoricæ &
 mechanicas, quæ in artibus humanis & na-
 turalibus continentur, cognoscere possit,
 verum etiam bonum verumq; morale, vni-
 uersè consideratum: vt Deum esse colen-
 dum, parentes venerandos, liberos diligen-
 dos, &c. Quid enim aliud voluit Apostolus
 cum scripsit, ^o Τὸ γνωστὸν θεῷ etiam gentibus
 ex mundi structura manifestum esse? Et san-
 ctæ historiæ scriptaq; Philosophorum testan-

tur

tur^p non vulgarem eos, sed valde præcla-
 ram & Illustrem Dei cognitionem habuif-
 se: idq; non tantum per manus accepta tra-
 ditione Iudæorum, aut peculiari Dei affla-
 tu, sed plerumque etiam naturalis ingenij
 solertiaq; adiumento, Philosophiæque in
 primis ductu & auspicio. Quanquam neq;
 magnum hoc mundi spectaculum abistis
 subsidij eximendum duco. ^q Plato enim
 nō immeritò *mundū Epistolam* vocavit *Dei*
patris ad genus humanum. Et ^r Antonius ille
Eremita omnibus libris & præceptoribus
 destitutus, *ipsam naturam creaturarum* di-
 xit *sibi esse librum perpetuò presentem, in quo*
verba Dei relegere, quoties liberet, liceret. De
 hoc naturalium principiorū genere, quod
 ad hanc quidem causam attinet, nullam ad-
 modum litem esse existimo. Fatemur enim
 vtrique, extra Ecclesiam, & in ijs qui non-
 dum sunt diuinitus illuminati, aliquid ea
 quidem, sed non satis momenti habere, ad
 conuincendum animum, & de diuinis my-
 sterijs erudiendum. De Christo enim nihil
 habent, nihil de Euangelio. In Ecclesia ve-
 rò, vbi animi iam perfectiori doctrina im-
 buti, pleneq; de omnibus ad salutem perti-
 nentibus instructi sunt, illa sublunaria vel
 tanquam similitudines fidem illustrant, vel
 tanquam secundaria & succenturiata argu-
 menta obscurè infirmiterque confirmant.

*p Bekk. B.
 4. de grat.
 & li. arbit.
 c. 2. & li.
 5. ibidem
 c. 1. 2. & so-
 quentibus:
 Aretius pro
 ble. 1. de na-
 tura. Dei
 cognitione.
 q Plato in
 Timæo.
 r Hist. Tri-
 part. lib. 8.
 cap. 1.*

Iam ad *Supernaturalia* Principia ut veniā,
 sunt illa testificationes ipsius verissimi sa-
 pientissimiq; Dei, qui ¹ *multifariam multis-*
que modis olim locutus patribus in Prophetis,
novissime diebus istis locutus est nobis in filio,
 & adhuc loquitur per ministros legitime
 vocatos & ordinatos, ut ² *ad consummationē*
usq; seculi duret edificatio corporis Christi, o-
mnesq; perfecti fiamus eodē sensu & fide, ne-
que sit in nobis ³ *ruga erroris, vel macula*
impietatis. Hi θεοπνευστοι λόγοι, medicina
animorū, ac ⁴ *lucerna pedum nostrorum, quia*
& ⁵ *virtus Dei in salutem omni credenti, miser-*
 rimo planē fato nostro in *pomū Eridos* ho-
 diē cōmutantur, & tanquā *Helena* quādam
 tot aīos Catholicos protestātesq; exercēt.
 Capita autē controuersia, si rectē subduxi,
 nouem hisce quæstionibus continentur.

Controuer-
sa de Verbo
Dei, capita
nonem.

2. Cancil.
Trid. sess 4.
de canom.
scripti.

1. Vbi patefactiones illę diuinę olim homi-
 nibus factę inueniātur: vtrū in solo Dei ver-
 bo, quod scripturam canonicā appellamus:
 an verō extra verbū Dei in reuelationib⁹ &
 somnijs priuatis: an denique partim verbo
 Dei scripto, partim traditionibus non scri-
 ptis, quas propterea ² *pār pietatis affectu cū*
 scripturis suscipi necesse sit.

2. An illę patefactiones diuinę siue in scri-
 pturas siue in traditiones relatę, fideliter ab
 authoribus consignatę, & à posteris incor-
 ruptę seruataę sint, ita ut à nobis certā fidem
 autoritatęq; mereantur. Quod partim cō-

traveteres hæresiarchas, *Simonianos, Basilianos, Marcionitas, &c.* partim et cōtra *Iudeos, Mahumetistas, & Libertinos* dispiciendum est.

3 Quinā sint illi libri à Deo inspirati, & à Prophetis Apostolisq; consignati, quo iudicio cognoscatur, & ab alijs profanis vel Apocryphis discernantur: suane aliqua propria nota & indicio omnib' conspicuo, an verò Ecclesiæ tantū discretione & iudicatu.

4 In quorum potestate istorum librorum verè sacrorum & canonicorum lectio sit, aliquorū ne perfectiorum tantum, an verò omnium promiscuè Christianorum.

5 Si omnium; qua lingua tum publicè & priuatim legi: tum etiam in quam scripturę transferri possint & debeant.

6 An scripturarum qualescunque versiones parem cum authentica lingua auctoritatem habeant.

7 An istorum librorum sacrorum stylus perspicuus, & dilucidus sit, vt à quouis non tantum legi, verum etiam rectè intelligi, & ad controuersiarum diiudicationem securè applicari possint.

8 Si alicubi obscura, ambigua, flexiloqua liuina pronunciata videantur, vnde interpretatio eorum petenda: vtrum ex ipsa scriptura, aliorum locorum facta collatione, an verò aliunde ab aliquo iudice & interprete spirituali.

9 Denique an interpretationes & decreta Pontificum Romanorum, item Cōciliorum, sint certum principium Theologicū, cui tuto fides committi possit & debeat.

Hiscē nouem quæstionibus, mi VERMADI, omnia contineri existimo, quæ à Theologis in hac materia cōtrouerti nūc solēt. Si quid præterea est, quod in dilceptionem veniat, velim moneri à te, & de his breuiter instrui, vt quid Catholicæ fidei asseclam tenere necesse sit, tuo quoque suffragio cognoscā. Fateor enim cum ^a S. Hieronymo, *nunquam me in diuinis rebus proprijs viribus credere velle, nec habere opinionem meam, sed ea etiam de quibus scire arbitror, interrogare solere. Quanto magis super ijs, de quibus anceps sum?* Nec parum iuuat consensum videre piorum, & à diuersis idem doceri, non postremum est veræ prædicationis argumentum. Vale mi PATER, proq; salute mea vota apud Deum interpone. Heidel. prid. Calend. Iunij. Anno seculari. M. DC.

*a Hieron.
Epist. 108.
ad Domni.
C. Rogat.
in li. paral.*

EPISTOLA II.

ANDREAS VERMADIUS SOCIETATIS IESV PRESBYTER

Iusto Baronio Veteracastrensi

S.P.D.

*Soluuntur
propositæ
quæstiones
IX. de Verbo
Dei.*

MIRABAR sanè quod scribis, silentium tuum, mi IUSTE, tam diuturnum præfer.

fertim tamq; pertinax. Sed abundè satisfecisti proximis literis tuis, quibus conceptâ nobis spem de te magis magisque confirmasti: tantoque nos in CHRISTO affecisti gaudio, vt non possimus non plurimum gratulari tibi & nobis, de tam excelso animo veritatis amante, & auido cognitionis rerum ad æternam salutem spectantium: quarum fundamenta sunt quæstiones no- uem de patefactionibus diuinis propositæ.

Quas etsi sufficienter ^a Bellarminus noster ^{a Tom. I. controu. I. General.} explicauit, tamen quia meam etiam sententiam requiris, ne amici videar deesse officio, breuiter animi sensa aperiam, & quid hæreticis ista proponentibus respondendum putem, monebo.

Ac primum de prima quæstione quàm ^{Verbum Dei duplex, scriptum & non scriptum} impiè sentiant Swenckfeldiani ac Fanatici, in vulgus notum est. Profiniteor autem ego cum Ecclesia Catholica, patefactiones illas, quibus Deus notitiam mentis suæ verissimam hominibus manifestat, verbo DEI, quâ scripto, quâ tradito, contineri; nec video quo solo fundati Protestantes hæc sententiam negare audent verbis, quam re ipsa & facto veritati consonam testantur. CRE- DVNT vna mecum, libros veteris & noui testamenti verè diuinos, quod sanè ex scriptura nullo modo, ex traditione autem sola constare potest. Nam vt rectè ait ^b Bellar- ^{b Bellar. lib. 4. de Verb. Dei non scriptis. c. 4.}

*Ballarm.
ibidem.*

minus, libros prophetarum & Apostolorum, etiam si scriptura dicat esse diuinos, huic tamen infallibilem adhibere non possumus fidem, nisi prius crederimus, scripturam quæ hoc affirmat, diuinam esse. CREDUNT VNÀ MECUM, Euangelia Marci & Lucae esse vera, Euangelia Thoma & Bartholomæi esse falsa, cum ratio potius dicat, magis credendum libro præferenti titulum Apostoli, quàm non Apostoli. Hæc autem fides ex scripturis haberi non potest, sed ex traditione constat. CREDUNT VNÀ MECUM, quod distinctio diuinarum personarum sit per Relationes, quod Pater sit ingenuitus. Filius à patre genitus, Spiritus Sanctus à Filio Patreque procedens; sed nullam Dei patefactionem in sacris scripturis expressam reperimus, quæ hunc fidei articulum disertis verbis eloquatur, sed illæ quæ quasi per manus traditæ à CHRISTO & Apostolis continua successione ad nos usque peruenerunt. CREDUNT VNA MECUM, paruulos ante rationis usum vtiliter baptismatis sacramentum initiari, cum tamen illud dogma non habeat in scripturis testimonia. Scio ^d D. Augustinum ad illud confirmandum allegoriam circumcisionis proferre, & alios alia; ex quibus tamen non firmam & solidam probationem desumi posse affirmat, sed tantum probabilem coniecturam. D. Augustini verba hæc sunt. Traditum tenet vniuersitas Ecclesie, quod paruuli

*d. August.
l. 4. cont.
Donatist.
cap. 23.*

nuli infantes baptizantur, qui^e corde nondum *o Rom. 10.*
possunt credere ad iustitiam & ore confiteri ad¹⁰
salutem. Et si quisquam in hac re auctoritatē
diuinam querat, quanquā quod uniuersa te-
net Ecclesia, nec Consilijs Institutū, sed semper
retentum est, non nisi auctoritate Apostolica
traditum rectissime creditur; tamen veraciter
conicere possumus ex Circūcisione carnis, quā
¹prior populus accepit. Dū addit (veraciter cō- *f Gen. 17. 12*
icere possumus) nihil aliud insinuat, quam
firmā hanc rationē non esse, sed probabile
coniecturā; robur autē suum hoc dogma ex
tradita patefactione diuina adipisci. Cū igitur
hec & similia fide teneant nobiscū, & te-
nēda prædicent: nihilq; credendū censeāt,
& meritō, nisi quod Deus reuelauit, ac pa-
tefecit, a eo cognoscere, quo fundamento
nixi, traditum Dei verbum tollant, quod
re ipsa ponunt.

Iam de *secunda questione* ingenuē confi- *Au thoritas*
tentur & docent, docueruntq; & confessi *Verbo Dei,*
sunt semper omnes Catholici; auctores à *totiusq; Re-*
quibus diuinæ patefactiones cōsignatę sūt, *ligionis*
eam dignitatem, reuerentiam, authorita- *Christiana*
tem & fidem mereri, vt de eorum fidelitate
dubitari disceptariue à nemine possit, mul-
tisque rationibus falsitatis arguuntur *Iudei*
& *Mahumetani*, qui cæca infidelitatis cali-
gine immerfi, claram veritatis lucem in
dubium vocant.

Prima

Prima ducitur ab eorum condicione & auctoritate, q̄ fidē Christianā olim receperunt: qua vtitur LACTANTIUS *lib. 5. diuin. Instit. ca. 13.* & S. AVGVSTINVS *lib. 1. de util. credend. cap. 14.*

Secunda ducitur à constantia Martyrū, qualvstinvs *Apologia 1. ad Senat. Roman.* testatur, se maximè fuisse motum ad fidem: & ea etiam vtitur LACTANTIUS *lib. 5. Instit. diuin. cap. 13. & 14.*

Tertia ratio ducitur à mirifica mutatione animi eorum, qui fidem Christianam suscipiunt & colunt: qua vsi sunt S. IUSTINVS *Apolog. 2. pro Christianis ad Antonin. Pium Imper.* TERTVLLIANVS *lib. ad Scapulam.* LACTANTIUS *lib. 3. diuin. Instit. cap. 26.*

Quarta ducitur à modo, quo olim fuit propugnata. Hac vtitur IUSTINVS Martyr *Apolog. 2. ad Antonin. Pium.* CHRYSOSTOMVS *Homil. 34. in Matth. Homil. 4. & 5. in 1. ad Corinth.* D. AVGVSTINVS *lib. 22. de ciuit. DEI cap. 5.* DAMASCENVS *lib. 4. Orthodoxe fidei cap. 4.*

Quinta à miraculis, quę vel ob eam rem maximè, quasi antonomasticōs nominari solent *signa*, quia cum primis significant atque declarant, eam doctrinam diuinitus probari, atque aded veram esse, cuius ad confirmationem edantur. Hac vsus est D. CHRYSOSTOMVS, *Homil. 3. in 2. ad Corinth.*

D. AUG.

D. AVGVSTINVS, lib. 22. de ciuitat. Dei cap. 8. & lib. de Vtilit. credend. cap. 16. Plures aliæ adduci possunt, desumptæ ab eorum testimonio, qui fidem nostram non receperunt, ab eorum cladibus, qui eam oppugnarunt; à Prophetiis prædictionibus, à sanctitate & rectitudine doctrinæ & similibus. Ex quibus manifestum fit, patefactiones illas à nobis indubitatam fidem mereri, & cæcos esse Iudaos ac Mahumetanos, qui tam manifestam veritatis lucem non sentiunt.

Venio ad tertiam questionem, quæ cum duarum sit partium, geminam responsionem postulat. Ad priorem partem, qua quæritur, quinam sint Canonici, respondeo cum œcumenica ac generali Tridentina Synodo, sessione quarta: quam ipse domi priuatim legere potes. Ad posteriorem, qua quæritur, quo iudicio distinguantur Canonici ab Apocryphis: profiteor contra CALVINVM, cum Ecclesia Catholica: iudicio priuati spiritus, vel internæ testificationis, non posse discerni, sed Ecclesiæ iudicio & autoritate: nec illius solum Ecclesiæ, quæ temporibus Apostolorum fuit, vt LVTHE- RVVS opinatus est; sed etiam illius, quæ Apostolos secuta est. Stat enim D. Pauli sententia, Ecclesiam esse columnam & firmamentum veritatis.

Canon scriptura.

Canonicorum librorum ab Apocryphis distinctio.

2 Tim. 3. 15

Scriptura à quibus legend.

Ad quartam questionem respondeo, duplex

plex esse genus hominum Christianorum, alterum quod præiudicato iam errore occupatum, eò sua legendæ scripturæ studia refert, vt erroris, quò imbutum est, fulcimenta corradat, & non tam ex communi Ecclesiæ consensu, quàm suoapte iudicio per affectum corrupto sententiam sibi scripturæ confingat. Alterum verò quod mente sincera ac humili plus Ecclesiæ quàm proprio iudicio confidens, eò sedula lectione progreditur, vt signatam antea patribus scripturæ sententiam firmiter insistat: atque hoc ipsum esse genus hominum dicimus, quod securè simul ac vtiliter sacræ paginam potest euoluere. Istud verò minime, cum sanam sibi conficere medicinam insani ministerio iudicij non minus queat, quàm si imperitum vulgus ex benè instructa Apotheca sorbitiunculam contra omnis generis morbos conficere præsumeret.

Quo Idiomate scriptura legenda.

Quintò *qua lingua Sacra reddi debeant litteræ ac peruiulgari*, si ex Protestantium principio respondere quis velit, dicat necessum est, non alia, quàm qua primùm fuerunt conscriptæ. Quodenim verti debeant in aliam, nusquam præceptum legimus. Nihil autem faciendum à quoquam illi contendunt, quod scripturâ sacrâ non præcipiatur. At verò secundum Catholicorum sententiam

tiam

tiam haud grauatè conceditur, vt eo, quo supra diximus modo, ab omnibus lingua patria legantur.

Sextò *Scripturae versiones qualescunq;* nullus probauerit Catholicorum, nisi quas Ecclesiæ autoritas comprobauerit, cuius est decernere, conueniat ne patria versio cum authentica, an discrepet.

Postremò, vt reliqua omnia vno fasce complectar, *scripturam non omnibus intellectu facilem*, doctorum studia & concertationes patefaciunt, idè quæ obscura & ambigua sunt, si facta aliorum locorum collatione explicari possunt, rectè quidem: sin minus, ad Ecclesiam summumq; Pastorem referentur. ^h Illorum enim iudicio standū, nascentis Ecclesiæ praxis docuit.

Hæc sunt, quæ ad quæstiones nouem in tanta temporis angustia & laborum distractione, qui per infirmitatem Concionatoris nostri mihi impositi sunt, respondere licuit, quæq; aduersarijs ista perquirentibus rectè responderi posse puto. Si quid præterea est, priuato studio facile inuestigabis.

Nostre Epistolæ modus plura ferre reculauit. Vale. Spiræ. 3. Cal. Iulij. Anno seculari. M. D C.

EPI.

EPISTOLA III.

IVSTVS BARONIVS VETERACA-
STRENSIS ANDREAE VER-

*madio, Societatis Iesu Theo-
logo S.P.D.*

PARVM fideli nuntio commisisti tuas
PATER: obiecitq; ea fors non solum ma-
gno me discrimini, verum & ab hoc perte-
xendarum controuersiarum cœpto planè
deiecit. Quod quemadmodū acciderit, co-
ram narrabo. Nunc illud scito, proditis lit-
teris diem mihi dictum, ac tantum non tri-
bunal inter amicos statutum fuisse. Vnus
eorum, grauem exorsus orationem, vehe-
mentissimè mecum queri cœpit, rogauitq;
quid mihi rei esset cum IESUITIS, veri-
tatis & bonorum omnium (quod absit)
hostibus, quibus cum tam familiariter
conuersarer, tam amicè consilia de religio-
ne communicarem. Ac ne quid negare au-
sim, ad manum esse litteras Iesuiticas, *Spira*
non ita pridem ad me missas, quæ diuina
gubernante manu patefactæ omne con-
siliū meum patefecerint. Id verò parum
decere sincerioris fidei sectatorem & ma-
gistrum, ² *Paulum* omne cum infidelibus
commercium prohibere: multo igitur ma-
gis cum *Antichristi* famulis, &c. Quæ cum
ego audissem, perterritus non nihil, iniqui-

tate

2. Corint.

6. 14.

2. Ioh. 10.

17.

tate tamen rei commotus, acri promptoque sermone excusationem mei orsus sum. Quid? inquam: vosne ita finistis de viris optimis & doctissimis, quamuis aduersariis vestris sentiretis; ut disputationes etiam cum illis & amicitiam in vitio ponere non vereamini? Quis vllius erroris conuicit IESUITAS? Quis *Antichristi* famulos esse demonstrauit? Vestra quidem id præsumptio habet, & pulpita vestra nihil aliud sonant, sed infirmis admodum argumentis, & si calumnias excipias, nullis. Imò verò illi *Catholici* nominis possessione gaudent; nec dum video magnoperè, multum licet multis contra tumultuantibus & perstreptentibus, hanc ipsorum gloriacionem retusam. Ostēdite vos, si potestis, IESUITAS vel in Deum blasphemos, vel in proximum contumeliosos, vel in docendo erroneos, vel in conuersatione lubricos aut perfidos esse: fatebor *Antichristianos* dicēdos, fatebor iniquè à me factum; qui amicitia cum illis contracta, religionis negotia tractare cœperim.

Hic illi interpellantes (plura enim subiecturum videbant) Ergone, inquiūt, tu ad *Papistas* transibis? Si ita animatus es, actum de te est, actum de omni tua & liberorum tuorum fortuna. Tum ego: Hei inquam, tam subitonè vobis *Papista*? De dogmatib⁹

B non-

nondum vidimus, litteras tantum meas excuso, neque æquum arbitror, homines immerentes, inauditos, nedum conuictos, tam iniqua censerī lege, vt alloquio etiam & litteris virorum bonorum iudicentur indigni. Quid si illi de vobis tale iudicium ferāt, vosq; hæreticos, vel schismaticos, atque à veteri Apostolica Ecclesia Apostaticos dicant, nonne grauem vobis iniuriam illatam queremini? Nonne cœlos & sidera testabimini, quin & martyres vos pronuntiabitis? Nolite ^b aff. Et religionem metiri, sed veritate, alioqui sua cuiq; videbitur verissima. Sentio ego à me Iesuitas ἀνεῳγμένους πύλας τῆς ἀφ᾽ ἡμῶν: aper. as musarum fores, consuli debere ac poisse meritò: idque non humanitatis tantum, sed & singularis eruditionis doctrinæque laude. Neque id postulo, vt mea tantum fide credatis: credite ^c Wittak. ro vestro, credite ^d Iunio, credite cæteris professoribus ac pastoribus vestris, qui nullam sibi satis phaleratam habere videntur lectionem aut concionem, nisi domi post pulpita Canisium, Bellarminum, Valentianum, aut Granatensem, Osorium, Stapletonum & similes expilauerint.

His illi auditis, maiori adhuc ira exardescētes, in conuitia prorumpēbant, Iesuitas (ita communiter omnes fermè hodiè Catholicos indignant) manifestos Sophistas

*Philos. In-
dau. de Le-
gar. A. exā.
ad casum.*

*Wittak.
præf. Di-
sp. de Ger.
Des. Et præ-
f. 3. ad
Lect. Dupl.
vduer. Sta-
pleton.
d. Franc. Iu-
nius. Præf.
Notar. ad
Bellarm.*

stas & quadruplatores esse, *Papatum* meras
tenebras, ipsumq; *Antichristi* regnum, quod
à *Luthero*, *Caluino*, & alijs ad oculus dem-
onstratum sit. Ego subridens, parcius in-
quam, parcius; nolite præcipitare calculos,
res ardua, ^t & adhuc sub indice lis est. Scio
vobis pleraq; dogmata & sententias *Iesui-
tarum* ne à limine quidem notas esse. Quid
ergo de ignotis tanquam *caci de coloribus*
iudicatis? Statis doctorum vestrorum iudi-
cijs. At isti plures & maiores causæ suæ te-
stes habent: habent scripturas, habent con-
cilia, habent vniuersum S S. Patrum cho-
rum: habent consentientes in plerisque
& *Græcos*, *Russos*, *Moscouitas*, *Aethiopes*: in-
summa totum fermè orbem Christianum
habent. Quod si ergo standum est testimo-
nijs, ^h *Orbis maior est urbe*, *Germania maior*
Palatinatu, *Europa maior Germania*. Eccle-
sia denique *Romana maior vtraque*. Nec
puto illud ⁱ *Donatisticum* vos repetituros,
De cetero mundo perisse Ecclesiam, & in sola
Germania aut *Gallia*, aut *Anglia*, in parte
Lutheri vel *Caluini* remansisse. Qui enim
ita *Euangelizat*, *Augustino* & mihi *anathe-
ma est*. Alia latitudo patribus promissa
fuit. ^k *In semine tuo* inquit Dominus, bene-
dicentur omnes gentes terra, &c. Neq; video
quomodo Ecclesiam possitis profiteri CA-
THOLICAM, si tam angustis circumscripta

B 2

sit

e Terent.
Phorm.f Horat. in
arse Poet.g Quod pa-
ter ex singu-
lorum con-
fessionibus
publicè eda-
tu.h Hieron.
Epist 85. ad
Evagr. Epi-
scop. 93. Di-
scinct c. Le-
gimus.i August.
contra Epi-
scop. li.
i. cap. 2.Et de Unit.
Eccl. cap. 12.k Gen. 12. 3.
G 18. 18. G
22. 18.

E/ al 71. 17.

1 Psal. 71. 2. sit limitibus, vt non pertingat ¹ à mari ad
2. 1 Psal. 54. mare, & ^m funiculus eius ad fines vsque terra.

Tum illi seuerissimo vultu intuentes me,
 At tu inquiunt manifestè *Papista* es, qui i-
 psorum causam tam genuinè agis? Quid
 enim illi aliud, quàm *Patres Patres, Ecclesi-*
am Ecclesiam crepant. Si tu ita affectus es,
 nos magistratui significabimus, qui te in or-
 dinem cogat, tuamque curiositatem com-
 pescat. Facite inquam quod lubet, nihil mi-
 hi hoc nomine metuo: conscientia boni-
 tas, & causæ æquitas consolantur me, nec
 quicquam commerui, quàm quod scripsi
 Iesuitis, & in plerisque ipsorum sententias
 à Prædicantibus malitiosè vel imperitè
 peruerti agnosco. Si mihi hoc nomine ma-
 lum accerteris, patiar sanè, sed vos quàm re-
 ctè videritis. *Deum inter me & vos iudicem*
constituo. Sic amicitia dissoluta discessum
 est.

Hæc verò cur ad te, PATER REVERENDE,
 tam longa cōmemoratione? Primum vo-
 lui excusare diuturnum silentium meum,
 vt qua ex causa proficisceretur, cognosce-
 res. Deinde putavi luctum meum in amici
 sinum deponendum, vt qua in parte posset,
 me consilio aut opera iuaret. Qua de re
 quia nec tempus nec periculum plura sinit
 scribere, cætera in aduentum meum diffe-
 ro. Interea tu vale, meque quod facis, sin-
 cerè

cerè amare perge. Heidelb. 17. Cal. August.
M. DC.

EPISTOLA IV.


IVSTVS BARONIVS VETERA-
CASTRENSIS GREGORIO RE-
nato S. P. D.

ACCERI litteras tuas, GREGORI, quibus *De sancti-*
retexens partem nuperæ συζητήσεως *tate morū*
nostræ, quæstiunculam proponis de loco *Ecclesiæ Ca-*
Euangelico: ² *Attendite à falsis prophetis,* *tholica.*
qui veniunt ad vos in vestimentis ovium, in- *a Math. 7.*
trinsecus autem sunt lupi rapaces: à FRVCTI- *15. 16.*
bvs eorum cognoscetis eos. Hic enim quia in-
ter tesseras Pseudoprophetaum FRVCTVS
vel maximè commemorantur: & verò FRV-
CTVS operum duabus radicibus enascuntur:
alij doctrinæ ipsius sanæ aut corruptæ:
alij liberæ hominum voluntatis, etiam præ-
ter doctrinæ genium sese efferentis & lu-
xuriantis: dubitare te ais, vtrum hi vel illi
intelligèdi veniant: et si isti præ his, vtrum
in veteri magis quàm noua Ecclesia repe-
riantur. De vtroq; breuiter vt potero satis-
faciam.

Ac de priori pridem sunt, qui longissi-
mè à scopo aberrantes, FRVCTVS ipsam do-
ctrinam interpretantur, quasi Dominus
eos doctores definiat veros, qui veram, fal-

Fructus nō
est ipsa do-
ctrina.

B 3 sos



fos qui falsam doctrinā profiteantur. Quod sanè parum præsentī loco commodum est, cum nil nisi inanem circulum, & ut logici loquūtur *ἀίτημα τῆ ἐξ ἀρχῆς* efficiat. Etenim ipsa Prophetarum doctrina hic in questionem venit, & certo signo dignoscenda proponitur. Nihil autem sui ipsius index esse potest, sed alio & quidem manifestiori signo indiget: qualis puritas doctrinæ non est, sed fructus pœnitentiæ, & constans conspicuaque virtutum omnium cultura, quæ in sensus hominum incurrit. Deinde *fructus* per quos falsa doctrina à vera, ac falsi doctores à veris distingui debent, ^b similes sunt *ficibus* ac *uinis*. At doctrina non habet rationem *ficium* vel *uinarum*, sed stipitis potius ac radicis, vnde fructus enascuntur, cum doctrina efficax sit per opera, non vicissim opera per doctrinam. Quomodo ergo fructus de doctrina interpretandi erunt?

*Matth. 7.
v. 16.*

*Fructus
sunt opera
externa.*

*Matth. 7.
2..*

Id. v. 23.

Id. v. 24.

Postremò Dominus ipse hos *fructus* de externis & visibilibus operibus interpretatur, cum subdit: ^c *Non omnis qui dicit mihi Domine Domine, intrabit in regnum cœlorum, sed qui FACIT voluntatem patris mei qui in cœlis est, ipse intrabit in regnum cœlorum.* Et paulò post ^d *Discedite à me omnes qui OPERAMINI iniquitatem.* Atque iterum infra. ^e *Omnis qui audit verba mea hæc, & FA-
CIT*

ET ea, assimilabitur viro sapienti, qui edificavit domum suam super petram, &c. Omnium verd apertissimè in^e præcedentibus, vbi sic *libid. 9. p.* argumentatur. Quemadmodum se habent fructus ad arborem, sic opera se habent ad doctorem vel doctrinam. Atqui fructus mali, malam & acerbam arborem, fructus boni bonam & dulcem arborem arguunt. Quapropter etiam bona opera bonum doctorem & doctrinam, mala opera falsum doctorem & impuram doctrinam arguunt, &c.

At inquis, opera illa externa communia sunt utrisque, & veris & falsis prophetis: Itaque & hæc ipso loco *Occupatio* *Opera non* *vestimentis omnium* *quarum sed* *doctrina est* *finis in tel-* comparantur, quibus se lupi tegant: & Dominus alibi nolens doctrinam discerni ex opere, cum sæpè mali bona doceant: *Qua- g. Matib. 7.* *15.* *h. Matth. 23* *5.* cumq; dixerint vobis, inquit, Pharisei & Scribæ, seruate & facite, secundum opera verò eorum nolite facere. Dicunt enim & non faciunt Alligant onera grania, & importabilia, & imponunt in humeros hominum, digito autem suo nolunt ea mouere. Rectè inquam. Ergo iam alterum quoque videamus, cuius radices opera hic intelligenda sint. Aliqua enim voluntatum ipsarum corruptione fiunt, cetera ipsius doctrinæ genium sese effrentium, & conscientiam manifesta vi contaminatum. Aliqua ipsius doctrinæ mol-

litie ita concipiuntur, fouentur, & aluntur,
i Ez. xlv. 18. vt secundum ¹ Propheticum illud *puluis illi*
18. *quasi consuantur sub omni cubito manus, & ceruicalia substernantur sub capite uniuersæ*
atatis, ad capiendas animas. De illis vt certum
 est, hic Dominum non loqui: ita de his sermonem esse, manifesta ratio euincit. Nam
 quæ doctrina ita afficit homines, vt calore
 pietatis indies magis magisque exardescât,
 & negata impietate totos se sanctimonix
 mancipient, ea procul dubio sancta, pia &
 diuina est. Quæ verò homines ad languo-
 rem trahit, inq; salute curanda facit remis-
 siores, improbæ protinus notæ conuincit-
 tur, quemadmodum Dominus ipse argu-
 it: ^k *Numquid colligunt de spinis vias, aut de*
16. *tribulis ficus? Sic omnis arbor bona bonos fru-*
ctus facit, mala autem arbor malos fructus fa-
cit. Non potest arbor bona malos fructus face-
re, neque arbor mala bonos fructus facer.

*Catholica
 doctrina bo-
 norum opo-
 rum facun-
 da.*

*1. d. xlv. 9. de
 moribus
 Ecclesie Ca-
 tholicæ. l. 1.
 ca. 30. & 31*

Quod si iam secundo loco vetus doctri-
 na ad nouam hac lance appendatur, fa-
 cilis indicio se vtriusque genius prodet. Eni-
 uerò Catholici cum fide pœnitentiam vr-
 gent, cordis amaritudinem præcipiunt, ie-
 iunia, preces, eleemosynas, omniaque cor-
 pori, dura ac laboriosa iniungunt. Quo fit
 vt (teste ¹ Augustino) *tam multi hospitales,*
tam multi officiosi, multi misericordes, multi
docti, multi casti, multi sancti, multi ^q *adeo*
Dei

Dei amore flagrant in Ecclesia reperiantur,
 ut eos in summa continentia atq; mundi huius
 incredibili contemptu solitudo delectet. Nam
 (quod non minus hodiè quàm olim verum
 est) quis nescit summa continentia hominum
 Christianorum multitudinem per totum or-
 bem indies magis magisq; diffundi: quis nescit
 eos, qui secretissimi penitus ab omni hominum
 conspectu, pane solo, qui eis per certa interval- *Eremita.*
 la temporum affertur, & aqua contenti, deser-
 rissimas terras incolunt, persfruentes colloquio
 Dei, cui puris mentibus inhaerunt, & eius
 pulchritudinis contemplatione beatissimi, qua-
 nisi sanctorum intellectu percipi non potest.
 Quis inquam nescit hos. Videntur enim non-
 nullis res humanas plusquam oporteret, dese-
 ruisse, non intelligentibus, quantum nobis co-
 rû animus in orationibus prosit, & vita ad exē-
 plum, quorum corpora videre non sinimur.
 Tantum isti admonendi sunt, qui sese inaniter
 iactant, in tantum processisse temperantiam &
 continentiam sanctissimorum Catholice fidei
 Christianorum, ut restringenda nonnullis, &
 quasi ad humanos fines reuocanda videatur.
 Usq; adeo supra homines illorum animos eua-
 sisse, ab his etiam, quibus id displicet, indicatur.
 Sed si hoc excedit nostram tolerantiam, quis *Cenobita.*
 non illos miretur & predicet, qui contemptis
 atq; desertis mundi huius illecebris, in commu-
 nem vitam castissimam sanctissimamq; con-
 gre-

Moniales.

gregati, simul atq; agunt, vincentes in orationibus, in lectionibus, in disputationibus: nulla superbia tumidi, nulla peruicacia turbulenti, nulla inuidia liuidi: sed modesti, verecundi, pacati, concordissimam vitam & intensissimam in Deum, gratissimum munus ipsi offerunt, a quo ista posse meruerunt. Hec est etiam vita fœminarum Deo sollicitè castèq; seruientium, quæ habitaculis segregata ac remota à viris quam longissimè decet, pia tantum illis charitate iunguntur, & imitatione virtutis: ad quas iuuenum nullus accessus est, neq; ipsorum quamuis grauissimorum & probatissimorum, senum, nisi usq; ad vestibulum necessaria præbendi, quibus indigent, gratia. Lanificio namq; corpus exercent atq; sustentant, vestesq; ipsas fratribus tradunt, ab ijs inuicem quod v. Etui opus est resumentes. Hos mores, hanc vitam, hunc ordinem, hoc institutum, si laudare velim, neq; dignè valeo, & vereor ne indicare videar per seipsum tantummodo expositum placere non posse, si super narratoris simplicitatem: huiusmodi etiam laudatoris addendum putauero.

*Antithesis doctrinae baronica, quæ fructu laetæ cupidi-
tatis.*

At Protestantes Euangelici (quo nomine gaudere volunt) de operibus pœnitentiæ tam contemptim sentiunt, ut illa etiam quondam ad salutem perniciofa non censuerint solum, sed & scripserint. Quo titulo & argumento integer Georgij Maioris li-
bor

her extat. Et ^m *Lutherus* eò vefaniæ pro- ^{m Tom 7.}
gressus est, vt quoduis *bonum opus quan-* ^{Witt fol. 130}
tenius factum benè, peccatum statuerit mor- ^{131.}
ale. Quamobrem & in omnibus suis ope-
ribus, maximè *Tomo 6. Witt. fol. 256.* ani-
mos hominum tanto operè à bonis operibus
ad libertatem, vel licentiam potius auocat.
Qua ex re tanta passim profanitas consecu-
ta, vt *Lutherus* ipse alicubi scribat, ^p *Mun-* ^{n Postill.}
dū indies ex sua doctrina peiorem fieri. Homi- ^{Doroest. la-}
nes inquit, vno antea, nunc septem Diabolis ^{nenf. an. 59.}
obsidentur. Diabolus nunc plena cohorte homi- ^{Conc. 2. De-}
nes inuadit, vt sub clara Euangelij luce multo ^{mito. l. Adm.}
sint, quam antea sub Papatu, auariores, astuti-
ores, fraudulentiores, crudeliores, libidinosio-
res, procaciores ac peiores. Alij etsi opera qui-
dem laudant, fideique quo ad præsentiam
adiungunt, quo ad effectum tamen gratiæ
& remunerationis tollunt, & grauissimis
etiam sceleribus vnica fiduciæ præsidio
impunitatem spondent. Qua ex re quid ali-
ud sequi potest, quàm acerbi & insipidi fru-
ctus impietatis? quemadmodum præclarif-
simè quondam Sadoletus Cardinalis ° *Ex-* ^{o pegim. 64.}
hortatione ad principes populosque Ger-
maniæ scripsit. Hac voce (sola in Deum fide
homines effici iustos, adiustitiam in nobis con-
ficiendam bona opera nil referre) per populos
promulgata, authoribusq, auditis, quis non in-
telligat, maximos motus animorum, id quod
factum

factum est, necessario fuisse concitandos? Cum enim credere in Deum facile sit: difficile autem cupiditates suas temperare: nemo paulo mobilior atque imperitior esse potuit, qui non exiguo illo credendi negotio, liberam suis cupiditatibus inserviendi facultatem redimere sibi vellet. Quia propter etsi interdum videas nonnullos de pietate grauitur differentes, tamen similes putato Græcis illis, quos^p Anacharsis numismate tantum ad numerandum uti dicebat: vel similes Philosophis, quos^q Diogenes pro bona valetudine sacrificantes in ipso sacro epulis ingurgitari querebatur.

p Plutar. in
lib. de per-
fect. morū.
q Laër. li. 1.
de vit. Philo-
soph.

r Catech.
Heidelb.
quest. 64.

1. Corinth.
13. 2.

1 Iacob. 2.
24.

At inquis, fieri non potest, ut qui Christo per fidem insiti sunt, fructus non proferant gratitudinis, fidesque aded ab operibus indiuisa manet. Hoc quàm verum sit, docet illa vox Apostoli. ^s Si habuero omnem fidem, ita ut montes transferam, caritatem autem non habuero, nihil sum. Et illa altera S. Iacobi. ^t Quid proderit fratres mei, si fidem quis dicat se habere, opera autem non habeat? nunquid poterit fides saluare eum? Tandem Augustinus de Trini. c. 18. Fides inquit, sine caritate potest quidem esse, sed non & prodesse. Et Tractat. 10. in Epistolam Ioannis. Iam credit aliquis in Christo, sed o dit Christum, habet confessionem fidei in timore pœne, non in amore corona: adde huic fidei dilectionem, ut fiat fides,

des, qualem dicit Apostolus Paulus, ¹ fides quæ per dilectionem operatur. Deinde si necessario fidem sequuntur opera (addit idem ² Sadoletus) quid attingit ab ea iustitia, quæ per ³ fidei imprimatur, opera bona seiungere? Cum ea ita complexa & cognata ipsa cum fide sint, ut simul cum ea adsint, & simul cum ea iustificent, tanquam ad rationem fidei substantiamq; pertinentia. Quod enim stare per se sine alio non potest, habet illud certè quo sine non potest esse, ad naturam suam penitus adiunctum. Nec tamen diffiteor, debere quidem, atq; in multis etiam fidem opera subsequi. Nam si Euangelium potens est ad salutem, potens quoque esse debet ad pietatem, sine qua salus nulli obtingere potest. Ideò Apostolus talem in Christiano fidem desiderat, ⁴ quæ per caritatem operetur. ⁵ Gal. 5. 6. Et alibi negat eos Christum rectè didicisse, ⁶ qui in vanitate sensus sui ambulantes, semetipsos tradiderunt impudicitie, in operationem ⁷ immunditie omnis, in auaritiâ. Vnde D. Cyprianus. ⁸ Qui habet fidei veritatem (inquit) servat Dei timorem: qui autem Dei timorem servat, etiam caritatem & misericordiam erga pauperes servabit. Et ⁹ Eusebius Christianum definit, qui per Christi cognitionem & doctrinam animi moderatione & iustitia, continentiaq; vitæ ac pietatis confessione excellit. Atque hoc per Dei gratiam ita clare &

Vbi supra

pag. 75.

Gal. 5. 6.

Eph. 4. 18

19.

a De opere

b Eleme-

syn. 2.

b Lib. 1. hist.

Ecc. cap. 5.

rè &c

*Lib. 1. de
moribus,
Cathol. Ec-
cles. cap. 34.*

rè & abundanter in Catholica fit Ecclesia,
ut meritò concludam cum Augustino.^c *I-*
stis Manichæi (Euangelici) *si potestis ob sistite,*
istos intuemini, istos sine mendacioso audetis,
cū contumelia nominate, istorū ieiunijs vestra
ieiunia, castitati castitatem, vestitū vestitui,
epulas epulis, modestiam modestia, caritatem
denig, caritati, & quod res maxime postulat,
præceptis præcepta conferte. Iam videbitis
quid inter ostentationem & seueritatem, inter
vitam rectam & errorem, inter fidem atque
fallaciam, inter robur & tumorem, inter bea-
titudinem & miseriam, inter unitatem &
conscissionem, postremò quid inter superstitionis
sirenas & portum religionis intersit. Vale
mi suauissime Gregori, ac breui responso
contentus, veritati locum, mihi veniam
concede. Heidelb. Calend. August M. DC.

EPISTOLA V.

ANDREAS VERMADIUS SO-
CIETATIS IESV PRESBYTER

Insto Baronio Veteracastrensi

S.P.D.

IN FORTVNIOLITTERARUM mearum in fidei
certamente deuenisse, optatissime I v-
STE, intellexi pariter & dolui. Sed credo p-
fectò, Deum hac machera funem tuæ mo-
ram-

a Gen. 19. 19

b Ioh. 3. 2.

c Act. 4. 23.

d Gen. 19.

23.

ra amputare voluisse, teque pariter ac^a LOTHVM *cunctanem ac disputanem* violenta manuè Sodomis eripere, ne scrupulosa disceptatione torqueres diu spiritum Dei intrate, locaresque operam^b Nicodemo, quā^c profitentibus discipulis locare debueras. Ecce autem qua te via angelus Domini in^d SEGOR deducturus sit. Misinus nos omnē causam tuā in urbem: vbi lecta Pontifici, lecta Baroni^o, singulare singulis gaudium excirauit. Baroni^{us} maximè salutis tuæ cupidus suadet, primo tempore Pontifici mentem tuam exponas, eiusq; potius ductu & hortatu emigrationis consiliū moderere, quam priuato arbitrio, quo & in necessitatibus postea liberius ad eius præsidium cōfugere, & commendationibus ipsius munitus honestiorem vsq; iam locum inuenire possis. Scriberem hac de te plura, quæ iussu Ill^m Baroni^j Iosephus Windemi^{us} ad nos perscripsit, nisi ex nupero casu timidiorem calamum haberem. Fac igitur cura litteraria ad biduum aut triduum seposita, ad nos ipse excurras, aut si te negotiorum compedes tenent, litteras sine mora in urbem expedias, quas nos Pontifici, & quibuscunq; volueris Cardinalibus fido Mercurio transmittemus. Vale; Spiræ Prid. Non. Decemb. M. DC.

Edi-

EPISTOLA VI.

IVSTVS BARONIVS VETERACA-
STRENSIS ANDREAE VER-
madiæ Societatis Iesu Theologo
S.P.D.

LITTERAS tuas, mi PATER, meliori iam
fato scriptas traditasque, heri sub ves-
peram accepi ac perlegi. Quarum conspe-
ctus etsi multo mihi fuit iucundissimus,
tuamque incredibilem erga me solitudi-
nem ac curam nouo, eoque eximio argu-
mento demonstrauit: tamen vt verum fa-
tear, recordatione humilitatis meæ, ac re-
uerentia tantorum nominum, quibus cau-
sam meam innotuisse scribis, tantoperè
commotus sum, vt dubitem maiorine pu-
dore an lætitia sim affectus. Sed quia prou-
dentissimo Deo ita placuit, consicijs iuuan-
tibusque ipsis summis Ecclesiæ præsulibus
me in salutis portum deducere, sanè ample-
ctor consilium tuum, istorumq; plus quam
paternum erga me affectum sempiternis
gratijs prosequor. Scribendi officium vere-
or vt satis decorè explere possim. Nosti e-
nim veterem à *D. Hieronymo ladam sen-
tentiam, non esse tristem eloquentiam, maxi-
mè si ad ægritudinem animi accedat corporis
ægritudo: à qua nescio quàm longè nunc ab-
sum.

* Epist. 31.
ad Theoph.
Epsc. Ale-
xand.

sum. Periclitabor tamen vires, & quia venire ad vos propter urgentissimos *ἐπὶ τοῖς* nostris non licet, paucorum dierum spatio litteras cupitas transmittam. Interea tu cum Collegio feliciter. Vale, successumque causæ Deo precibus commenda. Heidelberg. Non. Decemb. M. DC.

EPISTOLA VIII.

BEATISSIMO IN CHRISTO PATRI AC DOMINO CLEMENTI
VIII. Pont. Max.

IUSTVS BARONIVS VETERACASTRENSIS S.P.D.

Quàm multi sunt, BEAT^{MC} PATER, *a S. Athanas. Epist. ad Marcel. Pap.*
a Sæcte Apostolicæ Romanæ, atq; uniuersalis Christi Ecclesiæ Venerande Papa: quàm multi inquam sunt, qui hunc conatum meum extremæ impietatis ac perfidiæ condemnabunt! quàm multi, qui hereseos & apostasias manifestæ! Postquam enim ego Dei sic ferente imperscrutabili voluntate isthic terrarum natus atque educatus sum, quin & multos annos vixi, & munera officiaq; gessi, vbi (^b D. Hieronymi verbis utar) *b Epist. 57. ad Damas. Pap.*
perfligato a sobole mala patrimonio obrutus sulcis frumenta in lolium auenasq; degenerarunt: vbi Lucifer ille qui occiderat, supra sidera posuit
C thro-

*thronum suum: ubi testacea vel lignea vasa
virgam ferream, & æternum operiuntur in-
cendum: id est, me interprete, ubi hæretico
grassante furore, pulsa veteris fidei solidi-
tate, doctrina noua, atque à consensu toti-
us orbis omnique antiquitatis aliena, sub
specioso Euangelij nomine, cum multa-
rum animarum sempiterna perniciæ in vul-
gus spargitur ac disseminatur, nunc verò
collustratis diuinitus oculis meis, perspe-
ctisq; fœdissimis sectariorum erroribus
ac delirijs, ad Catholicæ Ecclesiæ gremi-
um, iuuante Domino, Tuq; sanctitate ap-
probante, transire toto pectore satago: mi-
rum quot probra, quot conuicia, quã acer-
bas insectationes ac virulentas proscripti-
ones in me vndiq; iaculaturi sunt ij, quos
sacrilega obstinatio, ac furor prauus extra
salutares hosce Ecclesiæ carceres detinet.*

*c. August.
lib. de Uni-
tate Eccles.
c. 12. & 13.*

Non minus enim quàm Lymphatis o-
lim *Circumcellionibus*, huic infelici homi-
num generi persuasum est, *de toto mundo vi-
sibilem perussæ Ecclesiæ, atq; in sola Lutheri
aut Caluini parte remansisse.* Quamobrem
Romanam Ecclesiæ non secus ac turpis-
simum Lupanar atque ipsissimam *Babyloni-
cam* meretricem, quibus possunt acerbissi-
mis verbis ac crudelissimis supplicijs per-
sequuntur.

Ast ego qui Christi militiæ me verè nunc
adscri-



adscriptum profiteor, cœlesti fortitudine armatus, fideiq; constantia roboratus, nulla tela inimicorum pertimescere, multo minus leuissima ista hominum nec de sua nec de aliena salute rectè sentientium, iudicia reformidare debeat. Quin consolari ac sustentare me debet diuina huic sedi in S.

Petro Pontificum Romanorum ἀλφειά tributa vis atque auctoritas, dicente Christo,

^d Tu es Petra, & super hanc petram edificabo ^{d Matth. 16}
Ecclesiam meam, & portæ inferi non prauale- ^{18. & de Bel-}
bunt aduersus eam: tibi dabo claves regni cœ- ^{larm. lib. 1.}
lorum. Et quodcunq; ligaueris super terram, ^{de Rom. Pon-}
erit ligatum & in cœlis, & quodcunq; solueris ^{tif. cap. 10.}

super terram, erit solutum & in cœlis. Quæ

verba considerans ^e S. Basilii, Petrus in- ^{e Lib. 2 in}
quit, propter fidei excellentiam Ecclesie adifi- ^{Euang.}

cium in seipsum suscepit. Et ^f S. Chrysosto- ^{f Hom 4. in}
mus, Quid autem Petrus inquit, basis Ecce- ^{ca. 6. Esai.}

sia; ille vehemens amator Christi, ille sermone in-
doctus, & Rhetorum victor, ille imperitus, qui
tamen Philosophis obturauit os, ille qui Græca-
nicam sapientiam non aliter, quam aranea-
rum telam dissoluit, ille qui sagenam misit in
mare, & piscatus est orbem? Denique ^g S. O.

ptatus: Cathedra, inquit, una est, & negare
non audes, scire te Petro primam in urbe Ro-
ma Cathedram esse collatam, ubi sederit omni-
um Apostolorum caput Petrus, inde Cephas
appellatus, in quo uno Cathedra unitas ab o-

mnibus seruaretur, nec ceteri Apostoli singulas sibi quisq; defenderent, ut iam Schismaticus & peccator esset, qui contra singularem Cathedram alteram collocaret. Ergo Cathedra vna est, quæ est prima de doctibus. In ea sedit primus Petrus, succedit Linus, Lino Clemens, &c.

Deinde consolari ac sustentare me debet omnium vniuersi orbis Christianorum, omnibus seculis in hac vna sede tanquam certissimo capite ac matrice Ecclesiarum omnium firmiter recumbens spes atque existimatio. Quorum nemo vnquam vel priuam vel publicè tam vecors extitit, quin cum hac sede tanquam noua Hierosolyma fixam stabilemque sibi vnitatem colendam, eiusque autoritate tanquam indubitato Dei oraculo omnes fidei controuersias decidendas putarit. Adeo quidem, ut hæreticorum etiam sæx, ^h Marcion & Valentinus, item ⁱ Campense cum Tharsensibus nihil aliud ambierint, quàm vt autoritate cõmunionis Romanæ suas mundo tabulas venditare possent. Quod cum per Damasum Romanum Pontif. non possent, ^k è latebris extracti ac foras pulsi, breuimorini sunt. Quamobrem D. Hieronymus (vt solennia Conciliorum decreta prætermittam, quæ ^l Quartodecimanos Victoris; Nouatianos & Anabaptistas Cornely: Aria-

^h Baron.

Tem 2. An.

167. § 6.

ⁱ Hieron. E-

pist 57 ad

Damas.

^k Hieron.

Epist. 94.

ad August.

^l Bellarm.

libr. 2. De

verb. Dei

cap. 8.

nos Syluestri: Macedonianos Damasi, Nestorianos Celestini: Eurychianos Leonis: Pelagianos Innocentij & Zozimi, &c. Pontificum Romanorum voce tanquam cœlesti fulgure perculerunt) exorto in oriente hæreleon nouarum semine, non aliam quàm Cathedram Petri Apostolico ore laudatam sibi consulendam censuit. ^{m Hieron.} Quoniam inquit, ^{Epist. 57 ad Damas. Pa.} vetusto oriens inter se populorum furore collisus, ⁿ indiscissam Domini tunicam, & desuper textam, minutatim per frusta discerpit, & ^{n Ioann. 19. 23.} Christi ^{o Cant. 2. 25} vincam exterminant vites, ut inier ^{p Ierem. 2. 13.} ^{q Cant. 4. 12.} ^{r Rom. 1. 8.} ^{s Mat. 13. 40.} ^{t Luc. 13. 37} ^u lacus centricos, qui aquam non habent, dissicile, ubi ^q fons signatus, & hortus ille conclusus sit, possit intelligi. Ideò n. ibi Cath. dram Petri, & fidem ^r Apostolico ore laudatam, censui consulendam, inde nunc mea animæ postulans cibum, unde olim Christi vestimenta suscepi. Neq; verò tanta vastitas elementi liquentis, & interiacens longitudo terrarum me à ^r pretiose margarite potuit inquisitione prohibere. ^t Vbiq; fuerit corpus, illic congregabuntur & aquila. Et paulò post, Quinquam tui me terreat magnitudo, inuitat tamen humanitas. A sacerdote v. Etimam salutis, a pastore, presidium ouis flagito. Faceat inuidia: Romani culminus recedat ambitio: cum successore piscatoris, & discipulo crucis loquor: Ego nullum primum, nisi Christum sequens, Beatitudini tue, id est Cathedre Petri cōmunionē cō-

socior: super illam Petram edificatam Ecclesiam scio. Quicumq; extra hanc domum agnum comederit, profanus est. Si quis in arca Noë non fuerit, peribit regnante diluvio. Non novi Vitalem, Meletium respuo, ignoro Paulinum, quicumq; tecum non colligit, spargit: hoc est, qui Christi non est, Antichristi est. O Sanctam Sancti viri vocem, ducem atque auspicem non huius modo meæ, sed & proximæ^u *Rathenica* atque^x *Alexandrina* solenniter in urbe multorum populorum plausu & iubilo factæ Palinodias. Cuius si dicam exemplum quantas meo pectori faces subiecerit, quàm acribus stimulis animum perpunerit, integræ hanc paginam compleuerō. Nec leue est, ^y *conspirantem Christianorum multitudinem curare*: haud leue, mundo comite ad illius Ecclesiæ gremium currere, ^z *quæ ab Apostolis fundata, & à Sanctis culta, in hanc usq; diem frustra hæreticis circumalatrantibus per successiones Episcoporum culmen auctoritatis obtinuit.*

u Baron.

in fine

To 7. Ann.

*u. Idem in
fine Tom.*

6. Ann.

*y Aug. Epi.
163.*

*z August.
De Viril cre-
ditio c. 17.*

Sed fratres mei, quos desero, PATER SANCT^{me} audientes talia, rident & stomachantur, meque conuitijs omnibus incessunt. Insanis, inquit, neque adis Ecclesiam Dei, sed deseris. Quid ita inquam? persuasum hoc vobis est, sed malè. Tenebar & ego quondam eodem errore, *Romanam Ecclesiam maledictis lacerans, communio-*
nem-

neinque Dei in sola Calumnie parte remansisse credens. Sed quis hoc euicerat? Calumnia graues, & atrocias in domum Dei conuulsa mentem meam peruerso iudicio imbuerant. Itaque sequens illos, qui à corpore Christi præcisi properabant ad exitium,

^a *Va va quibus gradibus descendebam & ipse a August. lib. 3. confes. cap. 6.*
in profunda inferi. Ab alienabar à promissis Dei, & tetra morte inuolutus pulchrè me

viuere existimabam. ^b *Sed tu DEVS longanimis b August. 11. confess. 12. 2.*
& misericors oblitum tui, oblitus non es: tu se-

curus mei curam gessisti, ac miseratus simplicitatem meam (neque enim destinata malitia peccabam) ^c *præuenisti me antequam innoca- c August. 13. confess. 6. 1.*

rem te, & institisti crebrescens modis vocibus, perumpens surditatem, & in tonans vo-

ce forte in interiorem auriem meam, ut cognoscerem eminentem scientiam charitatis

CHRISTI, & firmitudinem Ecclesiæ tuæ, quæ supra Petram fundata, vndiq; circum-

frementibus procellis inconcussa staret. Tu demonstrasti mihi seruorum tuorum

ministerio, quàm graui crimine alligati fu-

rerent, qui rupta vnitate fidei, ^d *ultrorse apud d Cyr. de t. Cypr. de vnitate Eccl. cap. 8.*

præficerent, qui se prapósitos sine vlla ordinati-

onis lege constituerent: ^e *qui contemptis Epi- e Cyr. de vnitate Eccl. cap. 11.*

scopis, & DEI sacerdotibus derelictis, constituere auderent aliud altare, precem alienam il-

licitis vocibus facere, Dominica hostiæ verita-

temper falsa sacrificia profanare. Hoc demonstrasti mihi DEVS meus, & gratias ago.

*a. August. 11. c. Noui, confiteor tibi Domine, mecumq; nouet
confess. c. 7. & benedicat te, quisquis ingratus non est ceriæ
veritati.*

At vos fratres meos plusquam prod'gos salutis vestræ obtestor, deposito paulum typho deliberationem Christiani hominis mecum suscipiatis, quamq; longè à DEO peregrinemini, vel limis saltem oculis aspi-ciatis. Subducite mecum, an vel vnum verè Ecclesiæ signum apud vos demonstrare possitis. Cerrè *unitate* destituiimini, à consensu orbis Christiani præcisi, & in minutissimas sectas miserè disseci. *Sanctitate* quanta præstetis, publicè notum est, vosq; ipsos profanitatis vestræ palam pudet ac lædet. Catholicos nominare vos nec vultis nec potestis, tam angustis obscuræ alicuius regiunculæ limitibus circumscripti. Iam si

*f. Tertull. de
praescript. c.
32.*

*g. August.
Epist. 165.*

Apostolicos vos nominare libet, *f. Edite ori-
gines Ecclesiarum vestrarum, exoluite ordi-
nem Episcoporum vestrorum, g. & in ordine
illo Patrum, exorti à S. Petro ad præsentem
vsque CLEMENTEM VIII. quis cui successerit,
videre. Cerrè in eo ordine successionis nullus
Donatista Episcopus inuenitur, nullus Luthe-
ranus, nullus Calvinista. Quid ergo iam
amplius aduersum patres vestros sæuitis?*

*h. August.
in Psal. con-
tra partem
Donati.*

Quid studio partium excæcamini? *h. Venite
mecum*

mecum ad Romanam Ecclesiam, ut inferamini in vite: dolor est cum vos videmus prae-
fatos ita iacere. Ipsa est Petra, quam non vincunt
superbae inferorum porta. Idque ut mecum
intelligatis, deponite ad tempus persuasio-
nem sapientiae vestrae: ¹ Audite doctos Catho-
lice Ecclesiae viros, tanta pace animi, & eo vo-
to, quo vos ego audiui, nihil opus erit XX. annis,
quibus me ludificastis. Longè omnino, longè
breuiore tempore quid intersit inter veritatem
vanitatemq; cernetis.

August.
lib. 1. de mo-
ribus Catho-
lic. Eccles.
cap. 18.

Atque hæc fortasse paulò prolixius
SANC^{me}. PATER, commiseratione fratrum
meorum: quibus consultò exponere volui,
quibus ego remedijs ad sanitatem adductus
essem, ut quæ mihi medicina profuisset; ea-
dem ipsi vtentes conualescerent. Audiui e-
nim ego. pro Augustini consilio, doctos Ca-
tholicæ Ecclesiæ viros, Sanctorum Patrum
monumenta sedulo euolui, recentiorum
Theologorum scripta, inprimisque diuini
viri ROBERTI BELLARMINI (cui post
Deum præcipuas conuersionis meæ partes
asscribo) enucleatissimas Disputationes stu-
diosè legi: Ecclesiæ Græce consensum ex
Patriarchæ Constantinopolitani in Augusta-
nam Confessionem Censura sollicitè rimatus
sum: coram etiam cum multis sacerdotibus
sermones contuli: nihilq; aded prætermisi,
quod ad cognoscendas Catholicorum sen-

*Epist. 52.
ad Anton.*

rentias facere videretur. Neque id iniuriâ. Oportet enim, vt^k Cyprianus ait, non tantum quid maligni atq; Apostata dicant, audire, verum etiam quid modesti & graves viri sentiant faciant, de vitæ ipsorum ac disciplina exploratione perpendere. Hanc sollicitudinē meam si imitarentur isti, qui se magistros profitentes orbis terrarum, sua plerophoria miserè decipiuntur, fortasse etiam pœnitentiā imitarentur, & mecum resiliunt ab ijs, qui sine vocatione ingressi, sine ratione mentiti, sine mente grassati, supera inferis miscuerunt, & neque vitæ innocentia fratribus similes, nec fidei vnitatem patribus concordese esse voluerunt.

Sed vt etiam, cuius gratia tota hæc scriptio instituta est, progrediar: vides BEAT^{me} PATER, quis sit sensus meus & animus. Redeo ex fuga & dispersione longa: cupio reconciliari ijs, qui veræ Ecclesiæ possessores ac vitæ æternæ hæredes rectissimè creduntur: Tanquam ^louis perdita sto ad ostium^m ouilis Christi, & ⁿ pulsans humiliter intro-mitti cupio. Hic cum nulli clauēs aut spatiosi ouilis cura commissā sit, præterquam Tua Beatitudini soli: prouolutus ad pedes Sanctissimos tuos, cum multo gemitu & planctu per Christum rogo & obsecro, ne astuantem hanc animam spernas, aut à grege tuo reijcias: quin potius apertis clemen-

*Luc. 15. 4
en Isaac. 10.
85.
in Alexsum
ad verb. 30.
Antonij,
pulsantis
for. D. Pau
li Eremita
Apud Hic
non in Gita
S. Pauli.*

ter

terforibus, ad Ecclesiæ sacrosanctæ communionem, & saluberrima Sacramentorum pabula admittas: postmodum, quod reliquum est, exulem breui propter Christum relictis omnibus futurum, Apostolica benedictione tua compleas, & sustentas. Quod à BEAT^{ma} SANCTITATE T^a. petere & sperare, non iussit impudens aliqua aut proterua audacia: sed iussus & autoritas eorum, qui suo merito SANCTITATI T^a. à latere iuncti, omniumque consiliorum cōscij, hanc mihi promptissimam voluntatem tuam in media *Germania* non obscure confirmarunt. Idque ubi eorum votis, & tua plusquam diuina ad *Germanos* iuandos promptitudine impetrare licebit, mea in Deum pietas, & in Apostolicam hanc sedem humilitas atque obedientia: in tuenda verò Catholica vnitate firmitas & constātia, ita semper constabit, vt nunq̃ vel nomine Catholico, vel Pontificis Maximi beneficiis planè indignus fuisse videar. Nec dum viuam, Sacrosanctam Dei Maiestatem ardentibus votis precari desinam T^m. vt *Sanctitatem* vniuersæ Ecclesiæ Christianæ quàm diutissimè incolumem seruare, Tuumque istum Pontificatum quàm plurimorū *Germanorum* conuersione magis magisque insignem facere dignetur. Vale. Heidelb. Idib. Decemb. Anno seculari. M. DC.

EPISTOLA VIII.

ILL^{mo}. ET REV^{mo}. D. CÆSARI

Baronio Sorano, S.R.E. Cardinali.

IVSTVS BARONIVS VETERACASTRENSIS. S.

INTER Romanæ Ecclesiæ præfules, interque veræ ac solidæ iustitiæ præcones, qui aduentanti nunc *Antichristo* diuina ingenij sui acie nervos incidunt, profugisq; ab Ecclesia tuba sonanti receptui canunt, te facile principem esse, CÆSAR BARONI, CARDINALIS ILL^{mc}, & fama dictitat, & præclarissima ANNALIVM tuorum monumenta contestantur. Quocirca aliquoties me has scribere ingressum, deterruit partim grauissimorum negotiorum tuorum recordatio: partim iusta debitaque Illustrissimi nominis tui reuerentia. Sed hæsitantem confirmavit iteram spectatissima ordinis vestri humanitas, & inprimis benignissima mei ad scribendum à te facta inuitatio. Qui cum consultissimi viri, *Iosephi Windenij* sermonibus, nec non *Patrum* quorundam *Spirensium* litteris de mea ad Catholicam fidem cōuersione certior factus esses, Summoque idem Pontifici retulisses: mirificè vterque pro vestra pietate cum ^{beatis} Dei spiri-

spiritibus huius animulæ inuentione vos ostendistis recreatos. Atque ego si affectus istius vestri erga me magnitudinem ullis verborum præconijs satis celebrare, vel digna gratiarum actione prosequi me posse sperare, valde oblitus sum & virium mearum, & longè maximæ dignitatis vestræ Apostolicæ. Verum ut tam benignis celebribusque benefactoribus maiorum erga me meritorum occasionem præbeam, paucula de rebus meis, & diuturnis præsertim erroribus hac epistola commemorare animum induxi.

Qua in re illud primo loco constituo, nulla me voluntate tamdiu extra Christi castra profugam, aduersus sacerdotes DEI maledicum, ab officina salutis alienum fuisse, sed patriæ partim corruptione infectum, partim peruersa præceptorum informatione inductum. Postquam enim persolutis iam quatuor *Apocalypses* tubarum pœnis, quinta tuba sonante, hæc misera *Germania* nostra, per illam funestam ^b *cælo de lapsam stellam*, & *inexpiabili crimine inuoluta*, & *fumo tar-* ^{6. Apoc. 8. 12. & 13.} *tareo*, *locustisq; pestilentibus*, in tantam fidei vitæque profanitatem adducta est: Ego quoque huius *Aegypti* incola, communibus, proh dolor, tenebris inuolutus, & ab regia salutis via cum alijs abstractus sum. Ac ne multus sim, vigentibus publicè erroribus,

e. 4. Acad.
quest.

ribus, illud mihi accidit, q̃ *Marcus Cicero* in *Academia* de stultis Philosophis commemorat. ° *Ceteri* inquit, primum ante tenentur astricti, quàm quid esset optimum, indicare potuerunt: deinde infirmissimo tempore attatis, aut obsecuti amico cuidam, aut una alicuius, quem primum audierunt, oratione capti, de rebus incognitis indicant, & ad quamcunque sunt disciplinam quasi tempestate delati, ad eam tanquam ad saxum adherescunt. *Viua* profectò, viua deceptionis mei imago. Parentibus enim (quod misericors Deus in melius vertat) hæreticis natus, præceptoribus hæreticis vsus, patriæ hæreticæ consuetudine imbutus, ad fidem quoque hæreticam me pertrahi passus sum. Eam inquam fidem, si fides dicenda est, quæ à consensu orbis Christiani aliena, deliriorum *CALVINI* serua, *Donatisticam* quandam puritatem iactitat, & Catholicum nomen detestata, fidam Christi sponsam, *Romanam Ecclesiam*, miris verborum ludibrijs subsannat, & ferro furenter persequitur.

Sed quia benignus Deus simplicitatem meam & interitum miserabatur, subinde optima iam annis aliquot continuis suppeditauit remedia, quibus ad erroris & periculi sensum, sanæque mentis possessionem adduci possem. Ac primum, quia me fascinaturnum videbat, gloriosæ Euangelicæ professi-

fessionis titulo; sæpiusculè in mentem reuocauit, laceram scissamque huius *Synagoge* faciem, quæ nullo vnitis vinculo copulata, in multas minutissimas partes secta, capitali inter se odio dissideret, & tanquam ^d *Babylon* suis frustrata ausis, indies suppul- ^{d Gen. 11. 9.} lulantibus nouis foetibus emarcesceret, atque extingueretur.

Deinde, vt (quod penè puer animaduertam) fraudes & mendacia hæreticorum, in detorquendis ac sugillandis Catholicorum sententijs, manifestius aperiret, lectionem ipsorum Catholicorum authorum suasis: primumque in manus dedit Sanctorum aliquot Patrum commentaria, AUGUSTINI in primis & CYPRIANI: qui tanquam *duo fulmina belli*, facile prostrauerunt ple-
raque nouatorum mendacia, quantaque fide illi in tractanda antiquitate versarentur, demonstrarunt. Sed vt ad rem propius accederem, atque ipsam quasi arcem causæ inuaderem, ad ipsos quoque recentiores Theologos consulendum incitauit. Quos ubi inspexi, tanquam ^e *Bethsaidanus ille* ^{e Marc. 6.} gradatim sanat⁹, primum a longe *videremi-* ^{22 23. 24.} *hi visus sum homines tanquam arbores incedentes.* Deinde continuata lectione & ^f *re* ^{f Marc. 6.} *petita* quasi impositione manus dominicæ ^{25.} plenariam sanitatem recuperaui, ac dilucidè tandem omnia peruidere cœpi. Enim-
uero

uerò parentum liberorumque amor, præ-
 ceptorum admiratio, &c. agrè melioribus
 2. Act. 4. 19. locum dedit. Sed quia *potiorem Dei quam*
hominum rationem habendam noueram; &
 apertissima veritas vrgebat, coactus sum il-
 li manus dare, nec amplius reluctari potui.
 b Cicero 4. *h Ut enim lancem in libra ponderibus imposi-*
 Academ. *tis deprimi, sic animum perspicuis cedere ne-*
 quast. *cesse est.* Et quum inconstantiæ fama infidi-
 1. Epist. 73. aretur, succurrebat Cyprianus, ¹ Non in-
 ad Inbasia- quuens, quia semel erratum est, ideo semper er-
 uis. *randum est, cum magis sapientibus & Deum;*
timentibus congruat; patefacta & respecta
veritati libenter atq; incunctanter obsequi;
quam pertinaciter atq; obstinatè contra fratres
& sacerdotes pro hereticis reluctari.

Sic itaque diuina ope fanatus, fide & in-
 tellectu interioris hominis, dudum ratio-
 nes omnes quæsiui, euadendi hanc lernam;
 & publicè profitèdi fidem meam. Sed quia
 1. Luc. 14. Dominus ipse monebat, ² ne *turrim adif-*
 28. & 197. *caturus, aut hostem casurus,* temerè ad opus
 proflirem, sed *sumptibus prius subductis* vi-
 derem, par ne operi perficiendo esse pos-
 sem, ne spe deiectus, risum ludibriumque
 mouerem vicinis: Ego iusta me ratione mo-
 ueri credebam, vt lentè agerem, & vada pri-
 us tentarem, littoraque explorarem, quàm
 me periculoso cum meis mari committe-
 rem. Cumq; hoc sollicitè mecum iam mul-

tos menses faceret *Religiosissimus in Christo*
Patet ANDREAS VERMADIVS, Ecce
 Θεὸς ἀπὸ μυχῶν, nobis de ouiculis ali-
 quibus conciliandis sollicitis, tua inprimis
 opera, CARDINALIS ILLVSTRIS-
 SIMUS, ipsum Pastorem summum conciliauit, eiusq;
 voce humanissima quæque pollicitus est:
 Quam tam optatam consilij perficiendi oc-
 casionem, vt ego è manibus dimitterem,
 nihil erat. Quin potius te auspice ac duce
 humiles qualdam, & fortasse non satis pro
 tanta dignitate compositas literulas ad se-
 dem Apostolicam conscripsi: certa spe fre-
 tus, fore vt explicatis Pontifici Maximo lō-
 gorum errorum meorum deceptionibus,
 & periculorum, in quibus ad huc versor,
 angustijs, coadiuuante diuina misericordia,
 & ingenua Pontificis Maximi bonitate, hoc
 præsertim anno *Iubilæi* & veniam delicto-
 rum, & Catholicæ vnitatis vinculum, Apo-
 stolicæque liberalitatis fructum facilius ef-
 sem impetraturus. Quod votum meum, vt
 & tu, felix consultor, voto tuo comproba-
 re, Summoque Pontifici cum aliquo insi-
 gni tuæ erga me beneuolentiæ indicio cō-
 mendare velis, per Sanctam Domini Cru-
 cem, & viuifica ipsius vulnera ardentissi-
 mē precor. Ego quàm primum Apostolicæ
 voluntatis nutum vel minima significatio-
 ne percepero, me illi absque vlla cunctati-
 one

one morigerū præstabo: & quidquid por-
rò ad Catholici nominis dignitatem, ad hu-
millimam pro acceptis beneficijs gratitu-
dinem, ad commissam denique quamcun-
que *Spartam* meā pertinebit, tanta ovis *Isa.*
fide curabo, ut nulla in parte meo muneri
defuisse videar. DOMINVS IESVS Sanctissi-
mum Pontificem, teque magnum Ecclesiæ
Cardinem, meo & aliorum profelytorum
bono quàm diutissimè seruet incolumem.
Heidelb. Idib. Decemb. M. DC.

EPISTOLA IX.

ILL^{mo} ET REV^{mo} D. ROBERTO
Bellarmino S. R. E. Cardi-
nali.

IUSTVS BARONIVS VETE-
racastrensis. S.

TV verò ille es ROBERTE BELLARMI-
NE, CARDINALIS ILLUSTRIS-
SIME, quem colit & veneratur anima mea, quem
diligit & exoptat cor meum. Tu es, qui ani-
mam hanc vindicasti à morte, & plusquam
Cimmerijs tenebris obrutam, diuinæ verita-
tis fulgore iuxta Deū collustrasti. Tibi vo-
ta faciam, tuumque immortale nomen per-
petuis laudibus celebrabo. Ecquid hoc est,
in-

in-

inquis? quem insperatū *Peana* audio? quis peregrino celeusmate acclamat? Ego ego sum, diue vir, ^a *dulce decus & præsidium meum*. Ego sum, magnus debitor tuus. Si gratiam merui abste, ades huc: percipe magnalia DEI, audi excellentissimos laborum tuorum fructus. Ecce sedebas quondam, & medicinam parabas egris, quos vel *tartarea locustæ* à ^b *D. Iohanne* præsignificatæ, falsorum dogmatum aculeis læserant, vel hydrops saltæ sapientiæ inflarat, vel leuis superbiæ aura ex area Ecclesiæ piecerat. His medicinam *Disputationibus* tuis parabas, atque in vulgus prolatam cunctis propinabas. Sed vide ingratos homines. Alios vis morbi obstupefecerat, alios desperatio acquirendæ sanitatis abalienauerat, alios furor ad proculcandum pharmacum incitabat. Mihi quid accidit, ægrorum infirmissimo? Propinatur eadem librorum tuorum medicina. Rideo vt assuetus eram, & tamen periculi faciendi causa gusto, pleniusq; lectione imbibo. Hic, quod ægris quibusdam accidere solet, pharmacum primo commouet animum, ac resultum quærit. Postmodum aliquandiu retentum, occulta virtute interius cum morbo conflictu habito, sudorem toto corpore excitat. Quod vbi sensi, tum demum grauissima me lue infectū, totaque cura ad frequentandum antidotū

a Horat. de i. ad Ma-
cen.

b Apoc. 9. 2.

opus esse animaduerti. Eiq; dū constāter incumbo, maiores indies vires colligere, maiore sanitatē recuperare cōpi ac tandē Dei munere ita corroborat⁹ mihi videor vt nūc quidem nihil amplius in votis habeam, quā primo quoque die abiectis pristinis errorum exuijs valetudinārium hāreticorum relinquere, & in arce Ecclesiæ Dei cum Catholicis sincero corde ac fide ambulare. En operum tuorum saluberrimam in me medicinam BELLARMINE! En quanto me malo eripu- ris: quantoque bono bearis! Laborabā periculosē, tu sanasti: moriebar lachrymosē, tu viuificasti, sepultus eram calamitosē, tu ē pulueribus inferni atque ipsis *Acherontis* faucib⁹ excitasti, inque regia Dei collocasti. ō magnum atque incredibile beneficium tuum! ō nunquam satis commemoranda merita? Pro ijs quid ego reponam? Nil nisi quod priscis diuorum donarijs inscribi solebat, *Aliud quidem non habeo.* Sed & Iustus Agonotheta Deus in hac iam vita constituens te inter principes populi sui, atque inter columnas Ecclesiæ suæ hanc tuam pietatem insigni laurea coronauit, inque altera longē maiori & diuiniore coronabit: quando ^c *qui docti fuerint, fulgebunt quasi splendor firmamenti, & qui ad iustitiam erudierint multos, quasi stelle in perpetuas aternitates.* En Minerval tuum
BEL-

1^a Tim. 2. 3.

BELLARMINE: En laurum! En gloriam! Qui
 vt misericordiæ queque præmium conse-
 quare, exilio meo consolando sustentando-
 que faciliè efficies. Idque vt facias, per illam
 sanctam tuam Deoq; plenam animam, per
 illas diuinas ac mihi prosperrimas *Disputa-*
tiones tuas ita rogo atque obsecro, vt maiori
 studio non possim. Ego interea tibi tuique
 simillimo BARONIO Canticum illud ^{d. d. Lib. 3. con}
Augustini, quod de vobis quasi vaticinans ^{fiss. cap. 8.}
 protulit, ingeminare non cessabo. *Currite*
ignes Sancti, ignes decori, vos enim estis lumen
mundi, nec estis sub modio. Exaltatus est cui
adhesistis, & exaltauit vos, discurrite & in-
notescite omnibus gentibus. Heidelb. Metrop.
 Palatinat. Idib. Decemb. M. D C.

EPISTOLA X.

CLARISSIMO VIRO D. IOSE-
 pho Windenio, Doctori Iure-
 consulto

IUSTVS BARONIVS VETERA-
 castrensis S.

OVTINAM Romæ vobis vel vnum diem
 coram adesse liceret, clarissime WIN-
 DENI, totam mearum rerum seriem à primo
 vobis *ono* commemorarem, exponeremq;
 quibus adhuc angustijs, probante Domino
 meam in recens cognita veritate constan-
 D 3 tiam,

tiam, circumseptus sim. Quin & vobis pro
 vestra illa insigni ad me iuuandum prom-
 ptitudine, gratias quas posse maximas age-
 rem, rogareque, vt quàm à longè osten-
 distis, beneuolentiam, deinceps ad pacem
 anhelanti, atq; ægrè ex hisce voraginibus
 emergenti, præstare non desisteretis. Sed
 quia loci distantia ac præsens rerum mearū
 status, nullo id modo sinunt, literarum mi-
 nisterio vtamur, donec locus & tempus
 meliora. Interea tu pro tua prudentia facile
 reputare potes, quanta hic conuersionem
 meam discrimina maneant, si publicè pate-
 scat. Et tamen nonnullis aliquid suboluit:
 qui magna anxietate euentum rei expectāt,
 persuasi fore, vt temporis diuturnitate iste
 meus ardor refrigescat. Sed qui didici ex o-
 re Saluatoris, non satis esse ^a *manum aratro*
admonere, sed constantiam requiri, illosque
 demum *Βεβαίον* consecuturos, ^b *qui ad fi-*
nem usq; perseuerarint: nunquam iuuante
 Deo committam, vt vlla me pericula, vel
 blanditiæ de gradu constantiæ deiiciant.
 Nec non sapè laudabo auream illam ^c *D.*
Cypriani sententiam, *Graues viros, & semel*
super Petram solida stabilitate fundatos, non
dico aura leui, sed nec vento aut turbine com-
moueri, ne animus dubius & incertus, varijs
opinionibus velut quibusdam vëtorum incur-
santium flatibus frequenter agitetur, & à pro-
posito

^a Luc. 9. 62

^b Matt. 24.
30.

^c Epist. 52.
ad Anton.

posito suo, cum quadam lenitatis reprehensione
minuetur.

Quanquam igitur minimè præcipitan-
dam arbitror meam ex hisce terris emigrati-
onem, *diffuereq;* potius quàm *findere* hanc
cum collegis amicitiam pro *Ciceroniani*
Læly consilio cupio: attamen quia ouicu-
lâ diu inter lupos versari, periculosum est,
necessariò mihi aliqua securitatis ratio ine-
unda erit, vt Deo hominibusque fides mea
constet, & familiam *meam* ex hoc incendio
tempestiuè eripiam. Indies enim mihi au-
dire videor id, quod *Hector Aeneæ*;

Lib. de
Amicit.
Hieron. E-
pist. 4. ad
Niceam.
Hypod. A-
quil.

Eia age nate Dea, teg; bis ait eripe flam-
mis,

e Virgilium
2. Aeneid.

Hostis habet muros, ruit alto à culmine
Troia.

De fortunis meis non tam sollicitus sum,
quàm de vxore, ternaue prole, tenella ad-
huc, & in primis annis constituta. Vicissim
consolatur *Pontificis Max.* bonitas & spe-
ctata *Φιλανθρωπία*, què propterea de ve-
stro consilio peculiaribus literis certius ad-
huc conciliare mihi volui, modo rectum
cursum tenuerim. Istas literas, vt & alteras
ad *Illustrissimos Cardinales BARONIVM &*
BELLARMINVM, vt tu pro tuo in me amore
rectè curare velis, *WINDENI*, maiorem in
modum peto. De *BARONIO* quid velim, tibi
notum est. *BELLARMINVM* salutare, prope

diuina eius erga me merita iusserunt. Iste enim est, cuius ductu auspicijsque primum ad Catholicam ingressum feci: iste me erudit, fouit ac confirmauit in sanctissima Dei veritate: idque eruditissimis *Disputationibus* suis: de quibus si quis alius, certè iudiciosissimus ^f BARONIUS veram tulit sententiam: *Disputationes* Inquit, *Roberti Bellarmini* sunt instar ^g turris illius, quam *Dauid* edificauit cum propugnaculis, ex qua mille pendunt *Clypei*, & omnis armatura fortium. Sed video excrecere Epistolam. Finis sit, scribendi quidem, non autem diligendi, quod vt veræ religionis ^h *glucino* coniuncti in multos annos facere possimus, ex animo voueo & opto. Vale. Heidelberg. Idibus Decemb. M.DC.


f Tom. 1.
Ann. 53. 5.

32.
2 *Can.* 4. 4.

h *Hierm.*
Epist. 6. ad
Florent. &
Epist. 103.
ad Paulin.

LIBRI PRIMÆPISTOLARVM
F I N I S.





IVSTI BARONII

VETERACASTRENSIS

EPISTOLARVM SA-

CRARVM

LIBER II.

EPISTOLA I.

CLEMENS PAPA VIII.

DILECTO FILIO

IVSTO BARONIO VETERA-

castrensi.

*Dilecte Fili, Salutem & Apostolicam
benedictionem.*

PERLECTIS litteris tu-
is, quas ad nos dedisti,
de tua ad fidem Catho-
licam conuersione, cō-
mota sunt viscera nostra, super filio
nostro è regione longinqua, vbi a fa-
mes ac^b tenebra, & umbra mortis, ad do-
mum paternam redeunte, hoc est
ad^c unam sanctam Catholicam & Apo-

^a Amos 8. 10^b Esai. 9. 2.^c Symb. Ro.

Eccl. Conc.

Trid. sess. 3.

D 5

stoli.

1. Tim. 3. *stolicam Ecclesiam, quæ est^d domus DEI*
v. *viuentis, columna & firmamentum ve-*
ritatis. Et quamuis corpore longè à
eEph. 4. 3. nobis absis, tamen^c *in unitate fidei, &*
Hieron. E- *in vinculo charitatis, & in spiritu Chri-*
post. 6. ad *sti, qui in semetipso etiam disunctis-*
Florent. *sima iungit atque conglutinat, te vt*
fl Luc. 15. 20. *præsentem intuebamur, & cecidimus*
super collum tuum, teque non iam vt
alienum, sed vt filium, non vt mem-
brum Diaboli, sed vt membrum Chri-
sti & nostrum paterno affectu com-
plexi sumus, gaudio spiritali exul-
antes in Domino, quia filius noster,
g Luc. 15. 31. *filius Ecclesiæ & qui perierat, inuentus*
31. *est, & qui mortuus erat, reuixit.* ^a Bene-
h 2. Cor. 1. 3. *dictus Deus & Pater Domini nostri*
Eph. 1. 3. *Iesu Christi, qui¹ ostendit in te abundan-*
2. Pet. 1. 3. *tes diuitias gratiæ & misericordiæ suæ,*
1 Eph. 2. 7. *qui te densissimis errorum atq; hæ-*
1 Eph. 2. 5. *retum tenebris obæccatum, & plæ-*
nè mortuum, secundum interiorem
hominem, excitauit, illuminauit, &
conuiuificauit in CHRISTO, &
Eph. 1. 17. *dedit tibi¹ spiritam sapientiæ, & reuelationis,*

tionis, in agnitione eius, ut cognosce-
 res, & intelligeres, quia ^m unus est ^{m Ephes. 4.}
 DEVS, una fides, una Ecclesia, non in s.
 vnus prouinciæ angulum coniecto,
 sed toto terrarum orbe diffusa, non
ⁿ in penetralibus, & locis tenebricosis ^{Matth. 24.}
 abdita, sed ut ^o ciuitas Dei ^{supra mon.} 26.
 temporata, non heri aut nudius terti- ^{o. Matth. 5.} 15.
 us excogitata, à paucis hominibus
 cupidis, elatis, superbis & qui deserē- ^{p Vincens.}
 tes antiquitatem, vniuersitatem, consen- ^{in commun.}
 sum, & abnegantes veritatē à Chri- ^{cap. 3.}
 sto traditam, ab Apostolis promul-
 gatam, à fortissimis Martyribus san-
 guine confirmatam, à sacrosanctis
 æcumenicis Concilijs declaratam,
 à sanctis Patribus per tot seculorum
 ætates vnanimi, atq; admirabili sen-
 su & consensu prædicatam, seiplos
 solos horribili superbia & intolera-
 bili audacia omnibus præferentes,
^q conuerterunt se à fidei veritate ad fabu- ^{q 2. Tim 4.}
 las, & adorauerunt idola manuum ^{4.}
 suarum, nimirum hæreses & impie-
 tates suas, quibus dementarunt mul-
 tos,

tos, & quod sine magno dolore com-
 memorari non potest, animas pre-
 cioso CHRISTI sanguine redēptas,
 secum abduxerūt in damnationem
 atque interitum sempiternum. Ite-
 rum igitur & sæpius ¹ benedictus De-
 us, & Pater misericordiarum, qui ² ex
 tenebris illis eduxit te in admirabile lumē
 suum, & benedictus tu, fili, qui diuinę
 vocationi & Spiritui Sancto non re-
 stitisti, sed ³ aperuisti cor tuum pul-
 santi DEO, teque ⁴ prauenienti in
 benedictionibus dulcedinis, quęsiuisti
 & inuenisti sapientiam, veritatem,
 vitam, tene eam, nec dimittas, & q̃
 Deo auctore fortiter inchoasti, eo-
 dem adiutore constanter perfice,
⁵ misisti manum ad aratrum, ne respicias
 retrò. Licet te ciues, & necessarij tui,
 vt scribis, irrideant, detestētur, pro-
 scribant, ne te vlllo humano affectu
 aut timore, aut terrenis & carnali-
 bus rationibus à tuo sancto propo-
 sito retardari, nedum dimoueri pati-
 aris. Vitę auctor clamat ad te, ⁶ Qui
 amat

12. Cor. 13.

1. Ps. 2. 9.

1. Apoc. 3. 10.

1. Ps. 20. 4.

1. Luc. 9. 62.

7. Math. 23.

37.

amat patrem aut matrem plus quam me,
non est me dignus. Etiam si parentes,
 patria, cognati, amici deserent &
 derelinquent te, Dominus & Pater
 omnium assumet te, & nos, qui illius
 vicē in terris, imēriti licet, gerimus
 assumemus. Utinā illi exemplū tuū
 imitentur, sed si² magis tenebras di- *2. Tim. 3. 10*
 ligūt, quā lucem, illi miseri in pec-
 cato suo morientur. tu a *fuge de me.* *2. Apocal. 18*
dio Babylonis. & *salua animam tuam,* *6. Gen. 19. 17*
pro qua nulla cōmutatio dari potest. Ne *Matth. 16.*
 ergo timeas, te enim tāquam ouem
 perditam, vt scribis, ad ouile Christi
 pullantem, non solum non repelle-
 mus, sed vltro accersimus, & iā nunc
 inuitamus, & apertis brachijs expe-
 ctamus, vt complectamur, & perfe-
 ctē introducamus intra gremium
 sanctæ matris Ecclesiæ, *qua te partu-* *2. Gal. 4. 12*
rit, donec Christus formetur in te. Veni
 ad nos, veni ad urbem Romam, veni
 ad Ecclesiam matrem, & magistrā
 omnium Ecclesiarum, à qua totius
 Ecclesiæ Catholicæ vnitas dimanat.

vbi

vbi domicilium religionis, vbi fidei
 Petra, & Apostolica illa successio à
 beatissimis Apostolis Petro & Pau-
 lo, vsque ad humilitatem nostram,
 quæ omnes hæreses conuicit & pro-
 sternit: nos studijs tuis suffragabi-
 mur, eaque, vt expectis, sustentabi-
 mus, vt multis prodesse possis, neq;
 patiemur, vt quæ ad vitam, & victum
 necessaria sūt desideres. Ea enim ti-
 bi sumministrari iubebimus, tuisq;
 commodis benignè consulemus, o-
 ni denique amoris significatione te
 in Domino prosequemur. Cuius
 nostræ in te voluntatis, has nostras
 litteras testes, & veluti pignus esse
 volumus. Deus autē omnis gratiæ,
Philp. i. 6. *qui opus suum in te incepit, ipse absoluat
 & perficiat, in laudem & gloriam no-
 minis sui, usq; in diem Christi, Amen.*
 Datum Romæ apud Sanctum Pe-
 trum, sub annulo piscatoris, die 17.
 Ianuarij. M. DCI. Pontificatus no-
 stri Anno Nono.

Siluius Antonianus Card.

EPISTOLA II.

CINTHIUS ALDOBRANDI-

nus S. R. E. Cardina-
lis

IUSTO BARONIO VETE-
racastrensi. S.

Ornatissime Domine.

QUAS literas ad S. D. N. superiori men-
se Decemb. dedisti, eas ego quoq; per-
legi, & quidem cum incredibili quadam a-
nimi mei voluptate. Erant enim huiusmo-
di, ut facile appareret, non potuisse tam
præclara perscribi, nisi ab eo, cuius mentē
manumque diuinus afflatus iam regeret,
penitusque occuparet. Tantam felicitatem
tibi ex animo gratulor, Deum Opt. Maxim.
precatus, ut gloriosam hanc victoriam, quā
de te ipso iam retulisti, non tibi solum, sed
& alijs quā plurimis velit esse salutarem.
Quod quidem omnino fore confidimus,
præsertim si, quod polliceris, in eam curam
sedulo deinceps incubueris, ut rectam ve-
ritatis viam aberrantibus pio officio de-
monstres. De paterna S^{ris}. S^æ. erga te cari-
tate, nihil atinet me plura scribere, quan-
do quidem eam cumulatē exprimit *Breue*
Apostolicum, quod mitto. De me priuatim
omnia

omnia tibi pollicearis velim, quæ ab homi-
ne tui amantissimo proficisci possunt. Vale
feliciter, & qui tam eruditionis laude (vt vi-
deo) flores, ad solidam ex vera pietate glo-
riam, qua nihil illustri⁹, totis viribus, quod
facis, contende. Romæ die 20. Ianuarij. M.
DCI.

EPISTOLA III.

CÆSAR BARONIVS SORA-
nus S. R. E. Cardina-
lis.

IVSTO BARONIO VETE-
racasrensi S.

Amantissime Frater.

VT perlegi literas tuas, Deo Opt. Max.
Ps. 44. 9. ^a cuius sunt miseratione. (vt cecinit Da-
vid) super omnia opera eius, plurimas gratias
1. Pet. 2. 9. egi, quod ^b tenebris te vocauerit in admirabile
 lumen suum. Hoc beneficio nullū ma-
 ius, gratia nulla potēti⁹ vel vtilior, ob idq;
 custodienda cautius, & sollicitius conser-
 uanda, aliudque non tam generoso victori
1. Eph. 5. 16. ^c carmen sit triumphale canendum, quàm i-
Col. 4. 5. dem ipse monendus verbis Apostoli: ^c Vi-
 dete quomodo caute ambuletis, non quasi insi-
 pientes, sed vt sapientes, redimētes tempus,
 quoniam dies mali sunt; & cohortandus ver-
 bis

bis Dominicis: ^d *Ambulate dum lucem habetis, ut non vos tenebrae comprehendant: & dum lucem habetis, credite in lucem, ut filij lucis sitis.* ^{d Ioan. 12. 35.} Victus semel Diabolus, maiori impetu solet assurgere, & validioribus viribus victorem appetere; prout nos exemplo illo docuit Dominus, de *Spiritu nequam*, ^{f Matth. 18 43. & seq.} qui cum exit ab homine, non quiescit, sed auxiliares copias colligit, assumens septem alios spiritus nequiores se; ut quam dereliquit ad tempus munitionem inuadat, aut dolis expugnet. ^{g 1. Pet. 5. 8.} Circum namque ille (monet Petrus) tanquam leo rugiens, quærens quem deuoret; cui ^h *resistite fortes in fide.* Quærit fugitiuum suum, militantem iam in castris Ecclesiæ, repetit transfugam suum, ne prodatur artes suas & consilia sua faciat manifesta, valde timens, ne rursus ⁱ *Saulus* in Ecclesiæ Catholice conflatorio igne diuini spiritus conflatur in *Paulum*, & fulmen prodeat veritatis, telum mendacij, quo ipse ad debellandas gentes est usus. Tu vero strenue miles Christi, caue ne semel sumptum scutum fidei abijcias indecore; magis autem teipso potentior indies euadens, teipsum supera, teipsum æmulans; ut erubescas non longe maiora præstare sub Christo duce miles adscriptus, quam sub principe tenebrarum ^k *opera exhibueris tenebrarum.* ^{l Hieron. E. p. 13. ad Paul. n. do Infr. 1. Mō. nach.}

Ista ego ad te commilito tuus, cupidissi-

E mus

2^a Corinib.
9.

1^a Th. 5. 41.

in Luc. 19.
9. 6.

mus gloriæ tuæ, absens corpore clamo, præ-
sens spiritu auribus ingero. ^k *Speſtaculum*
iam factus Deo, angelis, & hominibus, inter
duos tuos Agonothetas, *Cyprianum & Au-*
gustinum, in certaminis campum ingreſſus,
fauente Deo, miniſtrantibus Angelis, coad-
iuuantibus fratribus, ſanctis monentibus
& opem ferentib⁹, nihil eſt tibi timendum,
ſed gaudendum; magis verò ^l *exultandum*,
ſi pro fide Catholica, ipſa veritate tuenda, ali-
quid pati dignus inuentus fueris. Reddidi li-
teras tuas Summo Pontifici, audit libenter
iam diu perditæ balatus ouis, quam & iudi-
cavit dignam, vocem audire paſtoris, Apo-
ſtolicis te literis alloquēs, quibus velut ex-
tentis brachijs te complectitur, & quot
characterib⁹, tot petit oſculis, ^m *imponēs ſu-*
per humeros ſuos, &c. quem ſemper verè pa-
ſtorem & patrem experieris. Vale. Romæ.
20. Ianuar. Anno Domini. M. DCI.

EPISTOLA IV.

ROBERTVS BELLARMINVS

Politianus, S.R.E. Cardi-
nalis

IVSTO BARONIO VETERA-
caſtrenſi S.

Clariffime Domine.

QUOD gratia Spiritus Sancti cor tuum
potenti ſua virtute ad veram lucem a-
ſpici-

spiciendam & amandam conuerterit', &
 lator ex animo, & gratias ^a *Patriluminum*, ^a *Iacob. 2.*
 quantas possum, ago. Quod verò ad hoc ef- ^{17.}
 ficiendum scriptis meis prouidentia diuina
 vti voluerit, exulto mihi crede, pro fructu,
 sed inani non efferor gloria. Satis enim im-
 perfectum meum noui: neq; ignoro, ^b *uir- b 2. Cor. 12.*
 tutem Dei, vt Apostolus ait, *in infirmitate* ^{2.}
perfecti, id est, tantò illustrius Dei potentiam
 enitescere, quantò per instrumenta infir-
 miora operatur. Magnum Dei donum est
 agnitio veræ Ecclesiæ, in qua sola reconci-
 liantur homines Deo, & spem solidam cõ-
 cipiunt adipiscendæ salutis æternæ. Hæc
 videlicet est illa ^c *pretiosissima margarita*, ^c *Matth. 13.*
quam qui inuenit, venditis omnibus compara- ^{46.}
re studet. Neque metuendum est, ne si pro-
 pter fidẽ patrimoniũ amittam⁹, fame nobis
 & frigore pereundum sit, cum Dominus
 dicat, ^d *Querite primum regnum Dei, & in-* ^d *Matth. 6.*
stitiam eius, & hæc omnia adyicientur vobis. ^{33.}
 Sed etiam si ^e *rapinam bonorum nostrorum*, ^e *Heb. 10 34*
 vt Apostoli verbis vtar, sine spe talia rursus
 acquirendi, pati nos oporteret, non ideo
 minore ardore animi in veræ fidei professi-
 onem & prædicationem incumbere debe-
 remus. ^f *Non enim sunt condignæ passionēs* ^f *Rom 8. 18.*
huius temporis ad futuram gloriam, quæ re-
uelabitur in nobis. Pontifex Maximus opti-
 mam voluntatem erga te gerit, & breui da-

bit operam, ut res necessariae tibi & tuis ad vitam honestè transigendam non desint. Sed si fortè diutius res differretur, quam par esset, ob distantiam regionum, & plurima negotia, quibus Optimus Pontifex quotidie penè obcruitur, velim ad mentem reuocēs, quod *Mōses* populo in angustiis posito dicebat, & *Tentat vos Dominus Deus vester, ut sciat an diligatis eum*. Ego pro mea virili non deero, tu in precibus apud Deum, *ut opus bonum, quod in te cepit, ipse perficiat*, tum apud homines, ut temporalia subministrent ijs, quos à Patre cœlesti ad regnū æternū vocari vident. Vale Clarissime

¶ Para. 22 vir, ⁱ confortare in Domino, viriliter age, ^k omnem sollicitudinem tuam in Deum projice, *¶ 1. Pet. 5. 7.* quoniam ipsi est cūrā de nobis. Romæ die 18. Ianuar. Anno M. DCL.

EPISTOLA V.

ILL^{mo} ET REV^{mo} D. CÆSARI

Baronio Sorano, S.R.E. Cardinali

IVSTVS BARONIVS VETERACASTRENSIS S.

ADXVI. Calend. Martij, cum properè SPIRAM vocatus aduolassem, redditæ mihi sunt litteræ tuæ, AMPL^{mc}. CARDINALIS

LIS: reddite item Pontificis Maximi, amoris, sapientiæ & consolationis vtræq; plenissimæ. Quibus quia coram respondere constitui, nihil nunc addo, nisi id, quod maxime desideratis: ^{a Horat. li. 3. camr. Ode 3.} *Iustum & tenacem propositum* ^{b D. Hiero. super Matt.} *virum* haud ita parui cœlestis gratiæ radios, aut Sacrosanctæ Cōmunionis Ecclesiasticæ fœdus facere, ut vel precum lenociniis, vel minarum terroribus aliorum vel *latum pilum* se patiatur dimoueri. Est mihi alia veritatis, alia conscientiæ religio. Nec diffiteor hostes vndiquaque instare acres. Sed cui semper in ore ac vultu terribilis illa ^{b D. Hiero.} *D. Hieronymi* tuba: *sive comedam inquit, sive bibam, sive aliquid aliud faciam, super Meum semper vox illa videtur sonare in auribus meis:* SVRGITE MORTVI, VENITE AD IUDICIUM, facile omnes hostes contemnit, facile in dentes illius etiam ferocissimi ^{c Leonis ir.} *Leonis* irruit, quem tu rectè dies noctesque prædas agere, ac fugitiuos suos quærere scribis. Sed quis hac de re sensus meus sit, cognosces plenius in vrbe: Cognosces etiam aliquantulum ex subnexa oratiuncula, quam hisce diebus lectione *Saturnaliorum* LIPSII calens in recentes *Myrmillones* nostros & *Andabatas* hæreticos effudi. Leges obiter pransus ad fenestram. Operæ nihil habet, ingenij perparum, fateor. At pietatis aliquantum, cuius tibi à me testem esse volo.

E 3

Vale,

Vale, ac perpetuum clientem tuum precibus præsidijque vndiquaq; fulci. Heidelberg. Calend. Martij M. DCI.

ORATIO

DE INCREDIBILI DAMNO
GERMANIAE PER HODIER-
nas Hæreses illato: similitudine prisca-
rum gladiaturarum illu-
strata.

INTER priscae crudelitatis exempla, inter-
que sanguinaria fauerrimi humani ge-
neris hostis stratagemata, non postremum
sibi locum vendicant *Saturnalia gladiatorum pugnae, ac ludus matutinus Bestiariorum.*
Quorum quemadmodum illi, vel ad de-
functorum manium propitiationem, vel ad
conuiuiorum delectationem, vel ad luxum
& magnificentiae ostentationem, denis, tri-
cenis, aut etiam millenis sæpe paribus, in
foro septis circisive, acutissimo inter sese
ferro concurrentes, de vita decertabant. Ita
hî non benigniori fato, homines vel liberi
in prælio capti, vel serui ad hanc lanienam
educati, vel *Christiani* denique obfidem
morti dediti, ad oblectandos impiorum
hominum animos, oculosque crudelium
tyrannorum, vel populi sanguinem sitien-
tis

Gladiato-
rum.

Bestiarj.

tis obsaturandos, crudelissimis valentissimisque bestiis obiecti, aduerso cum illis Marte congredi, atq; ab ijs vel mortem vel victoriam deportare cogebantur.

Acerbum sanè ac triste spectaculum!

* quod tãtam cladem vastitiemq; generi hu-
mano attulit, vt nullus mensis abierit, qui non ^{a Iustus Li-} *psub. 1. Sa-*
vicenis aut tricenis capitũ millib⁹ Europæ con- ^{surual c. 12}
stiterit. Quo nomine nõ sapientiorib⁹ tantũ
Ethnicis horrore, sed Christianis inprimis
Imperatoribus tantæ abominationi fuit, vt
nihil toto suo imperio execrabilius sibi à
maioribus traditum, nihil maiori cura pro-
hibendum abrogandumque censuerint,
quàm dira illa & funesta spectacula, ^{b ubi b Cyp. 2.}
homo in hominis voluptatem occidebatur. Ac ^{psb. 1. ad}
laudis quidem huius potissima pars Con- ^{Donat.}
stantino Magno adscribenda venit, cuius ad-
huc in ^c Codice sancta hæc lex extat. *Cruenta* ^{d Cod. lib. 11.}
spectacula in otio civili & domestica quiete non ^{est. 43.}
placent. Quapropter omninò gladiatores esse
prohibemus.

Sed vide malignissimi hostis nostri frau-
des & astutias. Pro sua insatiabili ad huma-
num sanguinem hauriendum cupiditate,
præreptam sibi gladiaturæ lanienam dolens,
redintegrata acie, perniciosioribusque ex-
cogitatis armis, noua mundo munera, no-
ua spectacula edere cœpit: & tum Patrum,
tum nostra inprimis memoria *Amphithea-*

Diabolus
Gladiatorum
loco hauriet
excitat.

tris hæreseon extructis, talem gladiaturam instituit, qua & corpora & animi hominum perpetuo dolore confecti macerarentur. Perruptis enim Ecclesiæ repagulis, sensibusque hominum à fide & vnitæte pristina deiectis, circos septaque cinxit, quibus omnis illa prisca gladiaturæ facies, mentis errore, & hæreseos furore depugnaret. Atque olim quidem quos huius farinæ homines in arenam produxerit, quàm bellè illi suum latrocinando munus exornarint, dicere hic nihil attinet. Nunc hac nostra ætate triplici potissimum manu orbem Christianum depopulatur. Atque alios quidem dedit, ut ita loquar, Boreales, *Lutheri* signa sequentes, sine culta armatura cæstibus tantum pugnantes, atque, ut ille ait, ^d *stipitibus duris, sud. t. usq. præustis*. Alios australes & occiduos *Zwinglio* & *Caluino* Sacramento obstrictos, politissimisq; & acutissimis instructos telis, ad integram quasi militiam sufficientibus. Alios denique intermedios *Mennone* duce in aquis pyratarum instar prædas agentes, & ut variorum signorū, ita vario quoque ferro pugnantes, præcipuè autem salutari fonte submergentes, quos è Christi nauicula in suas cymbas pellexerunt.

Triplex hæc gladiatoria manus, ita strenuè passim suum munus exercet, ut totam illam

*Huius secun-
di hæresici
triplices.*

Lutherani.

d Virg 7.

Aeneid.

Zwingliani

& Caluini

ani.

Anabapti-

sta.

*Hæresis ad
familias*

*Gladiato-
rum compa-
rata.*

illam priscam familiam reuixisse putes. Alij enim veluti noui SECVTORES tanto spiritu cum ^{et rugiente illo leone} gregem Domini insequuntur, ac cuspide linguæ mendacis, ^{et Pet. 5. 4.} massæque plumbeæ calumniarum innoxios Ecclesiæ præsules ita infestant, vt nemo quisquam eorum effugere furorem possit. Alij tanquam RETIARIJ & LAQUEARIJ tam blandè aperta que facie sophismata sua incautis iniiciunt, vt priusquam hostem obseruarint, damnabili iam errore constri-cti, irretiti que teneantur. Alij inhumanorum instar THRECVM ita ad seditiones & fundendum sanguinem assueti sunt, vt cum Catholicorum copia non datur, ipsis fratrib⁹ suis virulentum mucronem imprimant. Alij tanquam ESS EDARIJ & ANDABATÆ, vel calumniarum plaustris insidentes, vel furoris & insanix equis vecti, imperita ac cæca temeritate in medium veritatis Clypeum feruntur, laxisque habenis se & alios in æternam perniciem præcipitant. Tandem his omnibus accedunt quidam veluti MYRMILLONES, HOPIOMACHI & SAMNITES: quorum illis contra veritatē continuū impudentiæ tegimen, id est, ^f Apocalypsi ^{f. Apoc. 9. 9} interprete, lorica ferrea: His verò acies nouis doctrinarum insignibus clara, & scuta magnificæ prædicationis auro cælata, & galeæ cristatæ, vt respondeant similitudini

2 Apocal. 9.
7.

locustarum, quas & Iohannes vidit similes equis paratis in praelium, & super capita habentes coronas aureas, faciesque ut facies hominum.

h Epist. 7.

Horum omnium cædes, vulnera, cadavera, rapinas, quas in omnibus mundi provinciis quotidie agunt & hactenus egerunt, si quis dextro oculo intueatur, nã ille demum triste ac luctuosum spectaculum videre se fatebitur, omnium quotquot sub sole viuunt oculis deplorandum, & conatu maximo prohibendum. Nam quod olim corporibus hominum in *Spectaculo Meridiana* accidit: id demum hic animis eorundem & spiritibus maiori feritate contingit: ut rectissime cum ^h Seneca exclames: *Quidquid ante pugnatum est, misericordia fuit, nũc omissis nugis mera homicidia sunt. Nihil habet quo tegantur, ad ictum totis corporibus expositi, nunquam frustra mittunt manum: non galea, non scuto repellitur ferrum. quò munimenta? quò artes? omnia ista mortes mera sunt. Manè leonibus & ursis homines: meridie spectatoribus suis obijciuntur, & victorem in aliam detinent cadem. Exitus pugnantium mors est. Hec sunt dum vacat arena. ô veram viamque spectaculorum nostrorum Iconographiam! Quid enim? Hæreticus panoplia Diaboli instructus, fraude, mendacijs, technis ac blasphemijs vndique obitus ac*
tectus

tectus, cuius oculi nil nisi infernales spirant ignes, lingua præsentissimum virus fundit, manus¹ *Harpyiarum* instar nefario *Virg. a.* *contactu omnia fœdant*, quas putas strages e- *Aeneid.*
dit? quanta vulnera animabus infligit? Tantò scilicet grauiora, ^k quantò fraudulentius omnia hic geruntur. Ostendebant *Amphi-* *Cypr. de G.*
theatra suum cuique hostem: qui cordati- *nit. Eccles.*
ores ac rubustiores erant, propositum sibi *cap. L*
Antagonistam subigebant, ac suum tutabatur vitam. Ast hic non hostis, non interfector, non bellum aut pugna, sed pax & statæ induciæ, omniaque blandissima & securissima: quibus hominum mentes inescatæ, non tantum non galea, aut scuto repellunt ferrum, sed obuio etiam pectore accipiunt, ipsique sibi firmitus imprimunt. ô fatalem calamitatem! quis sine lachrymis tantam stragem intueatur? Quocunq; oculos conuertis,

Sanguine rorat humus, reboat clamoribus æther:

Sydera casorum sanguine clara rubent.

O Luthere caue, Caluine quiesce: reconde

Sicam, qui binis corpora tingis aquis.

Sauitum satis est: Exhorret vulnera Phabui,

Mergitur infernâ cymba Charontis aqua.

Nec tantum insano peregrinos perditis ense,

Vestra perit propriâ vita salusq; manu.

Sed iam opere pretium puto, ludos quoque

Scholasticis
cipua heresi-
corum in
Germania

que precipuos horum lanistarum commem-
morare. Quemadmodum enim olim gladi-
atores in familia primum habiti atque, po-
stea crescente numero & crebritate editio-
num in ludis quibusdam publicis vsum ar-
morum condocerant, & ad pugnam insti-
tuti sunt: ita etiam hæc noua manus intra
primatos nata parietes, paulò post publica
facta, sua *καταγώγια* & *μονομαχο* *τροφεία*
nata est, in quibus discit docetque quomo-
do Catholicam veritatem oppugnet, quo
pede sese recipiat, & quomodo obuersa ad-
uersarijs in quantulo spatio resistat.

Primumq; intermedij *Anabaptiste* nulla
Scholastica disciplina aut theatriali splen-
dore clari, in lacunjs, cauernis, agris, aut
medijs etiam sæpè syluis discunt, docent,
iugulant, quotquot simplicitatis suæ casti-
bus induerunt. At *Lutherus* tanquam Sica-
rius Arcticus *Saxonia* occupata, quatuor
sibi ludos illustres constituit, quibus discunt
omnes, qui in vicinis postea *Hassia*, *Porussia*,
Sueuia, &c. finibus nomine eius verbi Dei
rudibus batuunt, hominesque ad mortis i-
ter instituunt. Ij sunt *Wittenbergensis*, *Li-
pensis*, *Ienensis*, & tandem *Tubingensis* Aca-
demiæ, virtutibus suis ita claræ, vt oratio-
nem nostram ipsa multitudo sua abster-
reant.

Iam *Zwinglius* & *Calvinus* facto syncre-
tismo

tismo familias suas coniunxerunt, & vt latioribus grassari finibus possent, varios hinc inde per *Galliam, Germaniam, Angliam, Belgium*, ludos aperuerunt, è quibus quanta damna communi patriæ prouenerint, publicè satis constat. Præcipuam in *Germania* sedem ac veluti arcem imperatoriam in *montibus Himeris* fixerunt, vbi leges præscribentes & dictata dantes tantum discipulorum numerum colligunt, vt colonias postea alio quoque mittant, nec ullus *Germanie* angulus supersit, vbi non aliquis huius sectæ tenebrio latitet, qui se data occasione tanquam ex insidijs prodat, suorumq; magistrorum spicula in obuio quosq; contorqueat. Hæc tantorum malorum officinam, quis est qui ignorare possit? Tu minuta *Babylon*, *Apollineis* insignibus clara, ¹scriptum habens in fronte nomen *Mysterium*: nega si potes, nega te matrem esse abominationum *Dipnosophisticarum* in omnibus terris: nega te mysterijs tuis, *Sacramentarijs* erroribus tuis, quotquot vique familiæ huius sunt, vel nascendo peperisse, vel obstetricando formasse, vel nutricando aluisse. Tu *Hyrana Tigris* vbera admoues *Gallis*, vt spurij potius *Caluini* & *Beze*, quam soboles Christi esse malint. Tu *Britannos, Heluetios, Belgas* instituis, vt domum reuersi patria incendia alere, quàm pacifi-

i Apoc. 178

pacificæ veritati locum dare pulchrius ducant. Inprimisque hoc detestabili scelere fœcundus est ludus ille magnus in vrbe, calidus institutione, densus I yrocinijs, stultus peruersa *sapientia*: Inde tanquam ex *quo Troiano* innumerabiles patriæ incendiarij prodierunt. Hic sementis vicinarum ditionum, hic messis, hic trituration. ô fatales Cellulæ, pingui sagina sordidæ, *quibus cibis corpora impletis in succum, ut carius pereant in pœnam*, suoque sanguine fœcundæc arenam! Quàm metuo *Babylon*,^m ne veniat super te sanguis omnium, qui à prædicato Euangelio aures præbuerunt, seductorib⁹, malueruntque paucos sequi cœcos ad perniciem, quàm multos oculatos ad salutem.

*in Matt. 22.
25.*

in Apoc. 2. 5

Resipisce, resipisce, ⁿ *priora opera facito, ne moveatur candelabrū tuū de loco suo*. Ablacta infantulos tuos, nec quære præmium obstetricationis tuæ, ne flagella & tormenta inuenias. Ad perniciem instituis, cibosque propinas venenatissima errorum toxica. Necte falle *sapientia* tuæ persuasionem, vano veritatis Ecclesiæque titulo ne tibi impone. Plures sunt sapientiores te, oculatiores, spiritu ditiores, qui te stultam esse dicunt & conuincunt. Audi mundum audientem Christum: Crede mundo credenti Christo.

*o. p. Aug.
ab. 21. de
ciuit. Dei
c. 2.*

^o *Magnum ipse prodigium est, qui mundo credente non credit*. Neq; hic Ecclesiæ Dei mos

aut

aut genius est, ut rupto quo cœpit filo, ad aliam transeat lineam, diuque latitans inter angusta tandem & moribus intestinis referata spelaæa concludatur. ^{p Symb. cō} ^{flant.} *Vna est, Sancta est, Catholica & Apostolica est: regia est* ^{q P sal. 18.6.} ^{Augustin.} ^{Tract. 2. in} ^{Epist. Ioan.} ^{1. 1. 2. 3.} ^{Dan. 2. 34.} ^{35. 45.} ^{Mich. 4. 1. 2.} ^{Mat. 4. 5. 16.} ^{Joan. 15. 6.} ^{1. August. B.} ^{pist. 222.} *in sole collocata, mons magnus ab Oriente in occidentem protensus, ardentissimis luminibus lucidus. Tu autem qualis sis cognosce, parentes tuos intueri, facta tua contemplare. Ramus es ab arbore excisus, humore iam callus, vitaque vacuus, ac nisi redieris ad arborem & inferaris, succumque ab radice tractum in flores & fructus conuertras, breui incendio ignis depascendus. Scripturam iactitas, vana est gloriatio: Extra Ecclesiam scripturæ prætextus nullus est, nec potest habere sensum Christi: qui à Corpore Christi auulsus adulteræ iungitur, promissionumque sacramentis contradicit. Augustinum audi, Consensio suo suadentem: Intellectum valde ama, quia & ipsa Scriptura sancta, quæ magnarum rerum ante intelligentiam suadent fidem, nisi eas rectè intelligas, viles tibi esse non possunt. Omnes enim heretici qui eas in authoritate recipiunt, ipsas sibi videntur sectari, cum suos potius sectentur errores, ac per hoc non quod eas contemnunt, sed quod eas non intelligant, heretici sunt. Agnosce igitur culpam tuam, cerne vlcera tua. Si quid habes, quo te muniri posse putas, scito totum*

Donat.

¶ Extant
separatim
in Præscrip.
nostræ tra-
bat. 2. c. 3.

Donatisticum ac Novatianum esse, iam dudum voce scriptisque antiquitatis conuictum atq; damnatum. Non credis scio; veni ergo & vide: lege antiquitatē; lege præter multa præclarissimos duos^u *Cypriani & Augustini de unitate Ecclesia* libellos: sed secutura lege, non præscriptura: abundè dubitationi tuæ satisfiet. Sed certò scio, me *surdo fabulam*: ita perplacent sibi homines isti in erroribus suis, pulchrumque ducunt contradicere orbi terrarum, ut videantur magistri orbis terrarum, nec sicam è manibus deponent, donec *Constantinus* aliquis pro tribunali iubeat, fractisque thræcidicis pacem orbi restituat.

Quod utinam breuì à vobis experiri liceat, *Sanctissimi atque Illustrissimi Ecclesiarum Præsules, fortissimi patriæ defensores ac Principes*, ne pereant ita homines in æternum consultò. Quamquam stulti sunt ipsi, cæci, non intelligētes magna ex parte, quid vel agant, vel patiantur. Illecti à sicaris spectatum adēūt ludos, & priusquam animaduertunt, auribus oculisque truncati, deinceps nec audire monētes, nec cernere ferientes possunt. Quare vestræ hæ partes sunt, qui sanis sensib⁹ superestis, ut succuratis nescientibus, ut excitetis dormientes, prohibeatis cæcos à præcipitio, stultos ab incendio, malè sanos à laqueo, omnes à frau-

fraude & æterno exitio: Inprimisque tu æ-
terne Deus, ² *pater luminum* & intelligen- ^{& Iaco. 2.17.}
 tiæ concute hominum istorum corda, vt
 videant quàm longè peregrinentur à te,
 quamque furiosè diruant ouile tuum. Fac
 quærant causas secessionis suæ, an satis iuste
 infectentur domum tuam, & dum quærūt,
 inueniant veritatem in sanctis tuis & se-
 quantur: fac videant errorem & emendent
 impietatem, ament quos oderunt, laudent
 quos condemnarunt, sequantur quos ex-
 horruerunt, & salui fiant qui perierant.

F I N I S
 O R A T I O N I S.

EPISTOLA VI.

ILL^{mo} ACREV^{mo} D. OCTAVIO PA-
 raucino S. R. E. Cardi-
 nali

IUSTVS BARONIVS VETERA-
castrensis S.

QVAM miseræ sint vices rerum huma-
 narum, AMPLISSIME CARDINALIS,
 quàmque variè multi in hoc vasto mundi
 pelago vel bellorum fluctibus iactentur,
 vel errorum & hæreseon procellis à saluta-
 ri fidei portu, ad inhospita saxa & scopulos
 æternæ damnationis allidantur, plus satis,
 F proh

proh dolor, misera hæc *Germania nostra* septuaginta nunc & amplius annorum suffragio demonstrat: Egoque minimus inter multos, non planè istius calamitatis expers. Sed quanta Dei in reuocandis multis ab erroribus & æterna perniciæ benignitas sit: quanta item Ecclesiæ Catholicæ, quæ Christi^a corpus & sponsa est, in recipiendis tractandisque talibus lenitas & mansuetudo, meo iterum exemplo luculentissimè patet. Annos enim complures iactatus curru inani^{um} questionum, ut loquitur author⁶ Hypognosticôn, lapsusque in fluctus vane contentionis & hæreseos, velut nanis desertæ gubernaculo, per diuersa & incognita littora opinionum volutus, metuens tandem naufragy, reuertens, & in portu fidei Catholicæ, ubi menulla posset fluctuosa curiositatis, vel impietatis tempestas turbare vel mergere, anchoram meam figere cupiens, ecce Apostolicæ sedis arcem adeo, flensque cogitata mea propono. Hic non secus atque olim *Aeneæ* socijs *Dido*:

*d Virgil.
Aenid.*

^d Soluite, inquit, corde metum *Tencri*, secludite curas;

Sen vos *Hesperiam* magnam, *Saturniaq;*
arua,

Sine Erycis fines, regemq; optatis *Acesten*,
Auxilio tutos dimittam, opibusq; iunabo.

Vultis & his mecum pariter considerare regnis?
Vrbem

Urbem quam statuo vestra est, subducite naues.

Ita sanè mihi ad vnicaſ literas tota quaſi Apoſtolica aula in occurſum venit, meque complexa vlnis caritatis, noſter inquit eris, abijce curas, tabentes ſale artus in littore noſtro pone: nauiculas tuas ſubducito: quacunque in re tibi vſui eſſe poterimus, apertos inuenies theſauros miſericordię noſtrę: fouebimus te auxilio, defendem⁹ præſidio.

Ad quę omnia ego meritò hiſc iam in ellogia erumpere debebam **CARDINALIS ILLUSTRISſIME**, & celiſ laudibus extollere tam inſignem humanitatem & beneficenti-
am veſtram. Sed quę tanta poteſteſſe, præfertim penes me balbum, dicendi facultas, quę non ad tam vaſtum laudum campum exhorreſcat, & exareſcat? Pontifex Opt^{uſ}. & Sanctiſ^{uſ}. tanquam alter pater familiãſ,
• *videns à longè redire filium famelicum,* ^{f ſi. e Luc. 15. 20.}
liquis porcorum ferè cōfectum, ^{f Luc. 15. 16.} *miſericordia*
commotus accurrens ruit in collum meum, ^{g Luc. 15. 20.} *&*
oſculatus me, proferri iubet ſtolam, ^{g ſeq.} *quatin-*
duar, & calceamenta, quibus muniat: *quia*
ſilius, inquit, *meuſ mortuus erat,* *& reuixit,*
perierat & inuentus eſt. Non minus domeſtici ei⁹ *Cardinales Illuſtriſſimi* plauſu re-
plentur & gaudio, accurrunt, ſpectant, læ-
tantur, ſalutant, ^h *mai⁹ ſq³ gaudium eſt ſuper* ^{h Luc. 15. 7.}

uno peccatore respiciente, quam super nona-
 ginta nouem iustis, qui semper cum patre
 manentes, pœnitentia non indignerunt. Hâc
 tantam tamque excellentem erga me pie-
 tatem, humanitatemque nondum quidem
 coram, sed literis tamen abundè testatam,
 quibus ego verbis prædicabo? quibus lau-
 dibus efferam? lachrymæ admirantes, sin-
 gultus approbantes exoriuntur pectori meo
 nec quicquam possum, nisi, *veni, vide, mira-
 re, gratulare*. S. ANTONIVS, cùm ad eum
 scriberet *Constantinus Magnus*, humilitatis
 admiratione abreptus, *Ecce*, inquit, *etiam
 reges & principes terra ad nos scribunt*. Quan-
 tùm magis ego miserrimus peccator, vix è fu-
 ga domum rediens, & ne comparandus
 quidem ANTONIO, viro sanctitate & mira-
 culis clarissimo, tanta beatitudine affectus,
 exclamare debeo: *Ecce etiam summi Eccle-
 siarum Præsules, Pastor summus ouilis do-
 minici, Illustriissimi eius Cardinales, viri om-
 ni virtutum genere instructissimi ac San-
 ctissimi, ad me miserum scribunt, ad me ac-
 currunt, me complectuntur, me in mani-
 bus gerunt, instruunt, ad beneficiorum su-
 orum messëm inuitant*. *Cicerone* hic aliquo
 laudatore opus est, nostra nimis frigent. Et
 fortè non par sit ipse

à Luc. lib. 7.
 circa 1115.

_____ ¹ *Romani maximus author,*
Tullius eloquij.

Vos

Vos verò hæretici inuidentes, audete iam amplius exprobrare *Romæ* fastum: Ecce fastuosa non est, humilima est, benignissima est. Elati non scribunt ad humiles, etsi fortè benefaciunt humilibus. Tu verò rumpere liuor iners, dispergere, confundere, discere pietatem habitare *Romæ*, non elationem. Triumphet anima mea in Deo, qui tam benè mihi vult, qui auertit cæcitatem meam, tamque liberali spe exilium meum consolatur. Iam quas Pontifici Maximo, totique sedi Apostolicæ pro commemoratis beneficijs gratias debeo, vellem quidem, sed non possum exsoluere dignas. Tuam *Illustr. Parauicine* in mea causa tuenda præclare nauatam operam tacitus nullo modo præterire possum. Pro egregia enim animi tui erga *Germaniam* nostram voluntate, non secus ac *qua uox illi baiuli paralytici,*
quicum non possent appropinquare Domino & *Marc. 2.3.*
præ turba, nudauerunt tectum ædium, funi-
busq; demissis grabbatum ante oculos eius sta-
tuerunt. Ita tu occupatissimo Pontifici & turba negotiorum quasi pressò grabbatum litterarum mearum tanquam per medios parietes insinuasti & commendasti, utque tam citò & benignè responderet, indefesso tuo studio effecisti. Hoc tantum beneficium, cum velim, nec possim satis dignè celebrare, partes meas commendo tibi omni-

1 Ephes. 2.

4.

m Matt. 5. 7

m Matth. 10.

41.

potentissime Deus, qui¹ *diues gratia & benedictione*, ^m *Beati*, inquis, *miseriordes, quoniam misericordiam consequentur: & qui receperit iustum in nomine iusti, mercedem iusti accipiet.* Heidelb. Calend. Martij. M. DCI.

EPISTOLA VII.

SANCTISSIMO IN CHRISTO

Patri & D. N. CLEMENTI VIII. Pontifici Maximo

IUSTVS BARONIVS VETERACASTRENSIS.

BEATA verò tempora nostra, PATER SANCT^{mc} quæ te tantum Ecclesiæ præfulem genuere! Beatum me, qui talem, post CHRISTVM, animæ meæ pastorem inueni: tam vigilem, vt balatus redeuntis ex eremo ouiculæ non obaudiat: tam fidum, vt pulsantem ad fores Ecclesiæ non repellat: tam humilem, vt voce etiam & alloquio dignetur. ô quis sacrum illud *Apostolicum* tuum satis digno encomio prædicabit? præsens ætas mirabitur affectus humanitatem: posteritas prædicabit veritatis sinceritatem: secula omnia obstupescant religionis sanctimoniam. Ita enim clementer reducem excipis, PATER, ita sincerè tyronem imbuis: ita religiosè tractas & inuitas exulem, vt & miris modis incomparabilem nominis tui famam

famam augeas, & hæreticos omnes pudore ignominiaque suffundas. Crepant multa degeneres filij, de matris desertæ in humanitate, exagitant spiritum eius celsum: Dominici gregis pastores, summos pariter & imos, quibus possunt virulentissimis conuitijs proscindunt, & fœdissimis fictorum criminum maculis conspurcât. Sed qui tales sunt, adsint huc, aperiant oculos, pandant aures, capiant fidelissimæ matris pietatem, curam, benignitatem, sollicitudinem, humilitatem, distenta vbera, religiosissimû sinum. Et si mentis stupore perculsi sunt, vel crassis manibus tangant diuinam Pastoris Summi erga miseram ouiculam propensionem, ^a *cum magna eam exultatione in humeros suos recipientem, domumq; reportantem.* ô vtinam amore tali illecti, inveniuntur & ipsi, ne perditii pereant, & miseri errore, miserrimi fiant dânatione & cruciatu sempiterno! Capiant exemplû redeuntis filij & recipientis patris: neque pluris faciant superba mundi desertæ, reluctancia & & relatrancia castris Dei; quæ ^b *igneo promissionum Dei muro circumuallata, nihil dâmini è* ^c *canum circûlatrantium* rabie capiunt: gaudij autem plurimum ex salute eorum, qui ex hostibus amici facti, futuræ gloriæ consortium adipiscuntur.

^a *Luc. 15. 5.*

^b *Reg. 8. 17.*

^c *Aug de G. 11. cred. 6. 17.*

Sed missis illis, ad te redeo *Maxime Pon-*

F 4

islex:

ad Heb. 13. 17

rifex: cui quoniã omnes totius orbis Christiani diuino humanoque iure ad promptã alacremq; obedientiam deuincti sunt, mo-
nente Apostolo, ^d *Obedite prapostis vestris qui vigilant pro animabus vestris*: Ego Sancti-
tatis Tuae voce (quod citra summam gratiam commemorare nequeo) non solum ab hæreseos gurgite ad Sacrosanctæ Romanæ Ecclesiæ portum clementer admissus, ve-
rum in urbem quoque Sanctam, in domicilium religionis humanissimè euocatus: non potui nec debui, quin quàm primum ad visenda Sanctorum Apostolorum limina, tuaque vltiora iussa capeßenda iter arriperem. Sed vide quid acciderit. *Augusta* dum me accipit, corripit febris, plusculisq; paroxysmis prostratum sistere cursum cogit. Nec medicorum voluntas alia, quàm vt hoc ingrauescente calore quieti atque vmbre me tradam, iter firmiori valetudini, tempeßtati leniori referuem. Quæ si tua quoque voluntas, PATER SANCT^{me} mirum quàm mihi quam familiæ meæ commodabis. Ego vbi primum loco pedem mouere licebit, faxo me Catholici alicubi in *Germania* socium confessionis & æmulum pietatis habeant. Et quia in primis *M o g v n -*
TIAM, fidelem illam atq; illustrem Romanæ Ecclesiæ filiam cogitat animus, omnia mihi ibi securiora & certiora pollicebor, si secundã
com-

commendationis tuæ auram cymbulæ meæ
afflaueris. Interea quia nihilominus quasi

Agabo vate non paruum huic commigra- *e. Act. 21. 10.*
tioni meæ calamitatum messem præpara-

tam video, Deum Optimum Max. serijs vo-
tis precor, vt quam in me mentem semel

excitauit, eandem Spiritus sui robore per-
petuò firmet atque alat, ne vnquam me vl-

la (quod absit) aduersitas gradu constan-
tiæ deiiciat. Tu verò Christianorum MA-

GNE PATER, quam erga me semel suscepisti
curam & beneuolentiam, quæso per Deum

nunquam deponere: quin auge indies & am-
plia, vt *prora* mihi sis & *puppis*, scutum &

hasta, in omnium necessitatum conflictu.
Profiniteor ego in conspectu Dei, quod ante-

hac etiam SPIRÆ in collegio Societatis IESV
Sacramento interposito professus sum, me

sincero pectore Catholicam fidem ample-
cti, & ad extremum vsque spiritum ample-

xurum, quoscunque potuero, edoctrum,
& contra quosuis pro virili verbis factisq;

atque etiam si opus sit, sanguine defensu-
rum. Nec Stis T^a incredibilia erga me me-

rita vlla vnquam temporis obliuio ex ani-
mo meo delebit. *In columen te & memorem*

mei CHRISTVS Deus noster tueatur omni- *f. Hieron. E-*
tens, Domine Verè Sancte, & Beatissime Papa. *pist. 80. &*

Augustæ Vindel. ii. Calend. Iunij M.DCI. *94 & 96.*

& 98. ad
August. l.
dem Epist.
55. ad Ripa.

EPISTOLA VIII.

ILL^{mo} ET REV^{mo} D. CÆSARIBARONIO Sorano S. R. E. Cardinali

IUSTVS BARONIVS VETERACASTRENSIS S.

LV si primum meum ad vos iter, febris malignitate abruptum. Quam vtrum equorum iactationes, vel curruum quassationes, vel diuersorum pultarij conciliarint, anceps sum. Id certum, vitæ hætenus sedentariæ insueras commotiones haud parum infestas fuisse. Tempus & modum à magno illo AVGVSTINO mutuatus sum, qui & ipse quondam à *Manicheorum* scholis ad Catholicos transitum meditans: ² Placuit inquit, mihi, in conspectu tuo Domine, non tumultuose abripere, sed leniter subtrahere ministerium linguæ meæ nundinis loquaci: a is: ne ut erius pueri meditantes, non legem tuam, non pacem tuam, sed insanias mendaces, & bella forensia, mercarentur ex ore meo arma furori suo. Et opportune iam paucissimi dies supererant, ad vindemiales ferias. & statui tolerare illos, ut solenniter abscederem, & redemptus à te iam non redirem uenalis. Consilium ergo nostrum erat coram te, coram hominibus autem nisi nostris non erat: & conuenerat in-

ser

e. August.
lib. 9. con-
f. 2. cap. 2.

zer nos ne passim cuiquam effunderetur. Et nō nullis interpositis: ^b Peccasse me inquit, in ^b *ibidem.*

boc quisquam seruorum tuorum fratrum meorum dixerit, quod iam plena corde militiā tua, passus me fuerim vel una hora sedere in Cathedra mendacij. At ego non contendo. Verum tamen quia propter nomen tuum quod sanctificasti per terras, etiam laudatores utiq; haberet, votum & propositum nostrum, iactantia simile videbatur, non operiri tam proximum feriarum tempus, sed de publica professione atque ante oculos omnium sita ante discedere, ut conuersa in factum meum ora cunctorum intuituentium quam vicinum vindemialem diem preuenire voluerim, multa dicerē, quod quasi appetissem magnus videri. Et quo mihi erat istud, ut putaretur & disputaretur de animo meo, & blasphemaretur bonum nostrum? Hęc S. Augustinus magnum illud orbis Christiani lumen, quæ ego totidem verbis (ut parua magnis comparem) de me dicta velim. Nam nec ego ante statas paschatos ferias, ne cum tumultu desiderarer, nec non nisi cum amicis communicato consilio, ne

^c *circulum turbarent ei ἐν αὐλαῖς κράτιστοι,* a. Archimedes apud
^d *Paulum olim ac Silam ἐκ Μυσίας ἐν Βιθυνίᾳ* b. Hierarch. in Marcell.
^e *disponensq; omnia suauiter: Ita mihi, cum* d. Act. 16. 7. e. Sap. 5. 6.

f. Argvß.
 165. onf. ff.
 147. 9
 2 Apoc. 12.
 14.

hi, cum iustam videndæ vrbis horam nondum affulisse videret, remoram^f aggritudinis corporalis iniecit, ut & per tempus, vel remora, vel dimidium temporis, *MOGUNTIAE* (quo potissimum mens aspirat) tyrocinijs fidei completis, instructiorem postea atque alluctiorem *Romæ* Sanctis Apostolis cultum exhiberem. Successum spero tu, *magnam decus & præstium meum*, apud Deum, Pontificem, Archipræsulem *Moguntinum* votis tuis exorabis. Ita me totum tuæ commendo & committo fidei. Plura febris ingrauescens non sinit. Vale longissimè. *Augustæ Vindel, 11. Calend. Iunij. M.DCI.*

EPISTOLA IX.

CLEMENS PAPA VIII.

IVSTO BARONIO VETERA-
canstrensi. S.

*Dilecte Fili, Salutem & Apostolicam
 benedictionem.*

MINVS voluptatis nobis attulerunt litteræ tuæ, *Augusta Vindelicorum* datæ, quam certè attulissent, si de tua exterioris hominis prospera valetudine ea audiuissemus,

mus, quæ semper optamus. Nam in
interiori homine te per Dei gratiam
egregiè valere, & diuino Spiritus
Sancti lumine magis magisque illu-
strari, multo nostro cum gaudio
perspicimus. Nunc autem mole-
stum est, quod scribis, te cum iam
Romam pergeres, in morbum, sicut
Domino placuit, incidisse. Sed bo-
no animo esto fili, ^a *diligentibus Deum*
omnia cooperantur in bonum. is, ^b *qui te*
è tenebris eduxit in admirabile lumen sis-
um, ipse ^c *solicitus erit tui,* & ^d *omnia*
tua suauiter disponet. ^e Cor. fortare er-
go in eo, & ^f *quod facis fac,* vt ^g *diui-*
tias bonitatis eius prædices, & ^h *quã*
ta fecerit tibi, magna constantia, nō
minori pietate enarres. nam quæ
scribis, te eg. *ssē Spira in Collegio Socie-*
tatis Iesu, vt. ⁱ Deo alt. ssimo gloriam
dares, & sancto proposito animi tui
firmitatem ostenderes, iucunda no-
bis fuerunt. Sic ^k *maius gaudium est in*
cælo Angelis Dei, sic Ecclesia sancta, &
boni omnes impensius lauantur, &

lanti-

^a Rom. 8. 28^b 1. Pet. 2. 9.^c Psal. 39. 18^d Sap. 8. 1.^e 1. Pet. 1. 23^f 2. Cor. 12.^g 2. Cor. 12.^h Rom. 2. 4.ⁱ Luc. 1. 42.^j Ioan. 9. 24^k Luc. 15. 7.

1 Apoc. 12.9 antiquus hostis *Satan* cum filijs tenebrarum^m fremit & tabescit. Sed
m Ps. 111.10 speramus in ipso,ⁿ qui potens est, &
Luc. 1. 49 cuius misericordiz^o non est numerus, quod multos exemplo tuo *Peri-*
p Coloss. 1.13 *piet ex potestate tenebrarum, & transfe-*
9 Ioan. 12. 25. *ret in Regnū filij dilectionis sue,* ut & ipsi
 & sint *filij lucis*. Confortare igitur iterum & sæpius fili in Deo tuo, qui
 nunquam te deseret, & nos certè, qui te paternè amamus, non desermus,
 sed studijs tuis fauebimus, & commodis tuis, quantum cum Domino poterimus,
 amanter consulimus. Nec te nobis gratias agere opus est. Nam dum nostri in te
 amoris significationem aliquam damus, in eo ipso nos plurimū oblectamur.
 Itaq; libenter admodum scripsimus, ut petisti *Dilecto filio Electo Moguntino,*
 eique te, & tuos, & quęcunque ad te pertinent, efficaciter commendauimus,
 nec dubitamus, quin ille insigni virtute præditus Princeps, &
 sua sponte, & nostro intuitu te omni
 officio

officio ac pietate complectatur. Quod verò scribis, te familiæ tuæ cognomen, ob impij illius, & detestabilis Satanæ ministri *Calaini*, iam horrere, nec illud iam amplius usurpare, sed ex nostra autoritate mutare velle, agnoscimus & in hoc quoq; zelum tuum Catholicæ fidei, eamq; mutationem vt tuo arbitratu facias, tibi ipsi permittimus. Quod reliquū est fili, Deum precamur, vt suam integritatem tueatur, & augeat, cuius vice nos licet immeriti, Apostolicam benedictionem nostram tibi ex animo impartimur. Datum Romæ, apud Sanctos Apostolos, sub annulo piscatoris. die 12. Iulij. M.

D C I. Pontificatus nostri
Anno Decimo.

Siluius Antonianus Cardinalis.

EPI.

EPISTOLA X.

CINTHIUS ALDOBRANDI-
nus S. R. E. Cardina-
lis

IVSTO BARONIO VETE-
racastrensi. S.

Admodum Magnifice & Ornatissime
Domine.

PATERNVM S. D. N. erga te animum de-
clarare pergunt alteræ Stis Sæ litteræ,
quas etiam mitto. Quid autem & ipse causa
tua velim, mallem equidem solidis officijs,
quàm verbis ostendere: & ostendam vel
non rogatus, vbi cunque se eius rei dabit fa-
cultas. Sic enim existimare debes, non so-
lū me ex tua ad Catholicā fidem conuersi-
one singulari quodam gaudio affectum, sed
etiam statim erga te sic fuisse animatum, vt
in te diligendo nemini eorum concedam,
quos nosti esse tui amantissimos. Prioribus
Stis Sæ litteris ego itidem officij causa co-
mites adiunxeram paucos versiculos, quos
vna tibi redditos arbitror. Vt vt sit, hosce
denuò certissimos testes habebis meæ in te
propensissimæ voluntatis. Quod reliquum
est, à Deo Opt. Maximo summis precibus
cōtendo, vt quemadmodum mente & ani-
mo, sic etiam corpore perpetuò valeas, cui
iterum

iterum omnia studia atque officia mea lubens defero ac polliceor. Romæ die 14. Iulij M.DCI.

EPISTOLA XI.

CÆSAR BARONIVS SORANUS S. R. E. Cardinalis

IUSTO BARONIO VETERACASTRENSI S.

Clarissime Domine.

ACCEPI litteras tuas, ex quibus summum dolorem hausi, quod te, quem hoc tempore, quo itineri te cōmiseras, rectè valere optaueram, nunc in morbū incidisse intelligam. Equidem summoperè cuperem pluribus verbis te consolari, nisi scirem ea te fortitudine esse, vt à nullo potius, quàm à te alleuationem vllam debeas expectare: cum omninò confidam, ^a *infirmi- tatem hanc* ^{a Ioan. 11.} *non esse ad mortem*, quod olim Dominus nos- ter sororibus Lazari ægrotantis respondit, *sed pro gloria Dei*. Porro cum S. D. N. egi de rebus tuis, qui ea propensione in te est animat⁹, vt nihil æq; desideret, quàm vt omnia tibi cedant felicissimè. Quapropter bono animo esto. Etsi enim constitutus sis (vt Paulus ait) ^b *in labore, in erumna, in vigilijs,* ^{b 2. Cor. 11.} *in frigore, & nuditate,* ^c *confide tamen in Do-* ^{27.} *mino,* ^{c Ps. 114. 1.}

G

mino,

^{27.} *Ps. 114. 1.*

d Psal. 40. 4 *mino, sicut mons Sion, Nam ipse^d opem feret*
o Deni. 7. 15 *super lectū doloris tui, & auferet à te languo-*
res & infirmitates pessimas. Ego verò quam-
 uis satis notum esse existimem, quā bene-
 uolentia te tuaque negotia sim prosequu-
 tus, cupio intelligas nihil mihi tam graue
 vnquam posse euenire, quod me ab hoc
 meo animo valeat auocare. Romæ. Pridie
 Id. Quint. M. DCI.

EPISTOLA XII.

IVSTVS BARONIVS VETE-
 racastrensis

HENRICO BELLANO

Socero S.

ET si probè scio, *Humaniss^e* D. SOCER,
 non iucundissimum me tibi aut familię
 parentibusue nuncium allaturum, qui om-
 nes pariter à CATHOLICA fide, quam ex
 hisce meis me palam amplexum intellige-
 tis, toto quasi cœlo & plusquam *Vatiniāno*
odio, diffidetis: attamen quia ipsi testes e-
 stis, pluris faciendum Iustissimi Dei amo-
 rem, conscientię tranquillitatem, & com-
 munem omnium nostrum salutem, quam
 fluxam aliquam, lubricam & perniciosam
 in erroribus sectandis concordiam, Iusta
 me ratione impulsus puravi, vt non solum
 securus famę manifestissimæ DEI veritati,
 à quā

à quâ longè aberrassem, manus darem, sed vobis etiam cæterisque de meâ absentia sollicitis totius consilij rationem perscriberem, locumque familiæ, quo sese ad me ocyus reciperet, designarem. Nam ad VI. Calend. Maij.^a *S. Augustini* Exemplo feriarum Scholasticarû opportunitate solutus, rheda (vt scis) publica *Spiram* deuectus, Catholicas interea Ecclesias obiui, ineq; cum ijs societate & fœdere altrinxî, qui Nouitatum hostes prisce Romanæ fidei normam sanctè religioseque tuentur. Proximè *Augusta* redux, *Moguntiam* appuli, eumq; locum sedi figendæ opportunissimum fore speravi, quod & propius à vobis absit, & faciliorem familiæ transportandæ rationem ostendat. Hanc igitur cum suppellectilibus vt bona magistratus venia continuò ad me mittaris, oro. Sin renuat, instabitis, ac me de remora laxanda tempestiuè facietis certior. Vestrû in rē totam animum nihil moror neque miror. Doleo tamen esse intemperantiorē. Laudem merentur & præmiū apud cœleste numen, qui egressi *Babylonem* vestram publicè Ecclesiæ Dei agglutinantur; diuturnæque rebellionis pœnas à semetipsis deposcunt. Certè quàm necessaria sit omnibus ad salutem aspirantibus veræ Ecclesiæ communicatio, præter nostros, *Augustinum*, *Cyprianum*, *Hieronymum*,

*Lib. 9. com
fess. cap. 2.
Vide proxime
ante, Epist. 8.*

mum, ipse CALVINVS vester docere te po-
 test, cuius in INSTITVTIONE malè sana hæc
 b Calu. lib. 4. inst. ca. 1. §. 1. *sanissima verba extant.* ^b *Incipiam inquit, ab*
Ecclesia: in cuius sinum aggregari vult Deus
filios suos, non modo vt eius opera & ministerio
alantur, quãdũ infantes sunt ac pueri, sed cu-
ra etiam materna regantur, donec adoleſcant,
ac tandem perueniant ad fidei metam. Hæc e-
 * Marc. 10. 2. *nim * quæ Deus coniunxit separari fas non est,*
vt quibus ipse est pater, Ecclesia etiam mater
ſit: neq; id ſub Lege modo, ſed etiam poſt Chriſti
 c Gal. 4. 26. *aduentum, teſte Paulo, qui^c nouæ & cœleſtis*
Hieruſolymæ nos eſſe filios docet. & Paulo poſt.
 d Ibid. § 3. *Tantum poteſt Eccleſiæ participatio, vt nos*
 e Ibid. § 4. *in Dei Societate contineat. Atq; iterum, ^c Quia*
nunc de viſibili Eccleſia diſſerere propoſitum,
eſt, diſcamus vel vno matris elogio, quã utilis
ſit nobis eius cognitio, imò neceſſaria: quando
non alius eſt in vitam ingreſſus, niſi nos ipſa
concipiat in utero, niſi pariat, niſi nos alai ſuis
uberibus, deniq; ſub cuſtodia & gubernatione
 f Matth. 22. 30. *ſua nos tueatur, donec exuti carne mortali, ^f ſi-*
miles erimus Angelis. Neq; enim patitur noſtra
infirmiſ, à ſchola nos dimitti, donec toto vite
curſu diſcipuli fuerimus. Adde quod extra
eius gremium nulla eſt ſperanda peccato-
 g Ieſa 37 32. *rum remiſſio, nec vlla ſalus, teſte ^g Ieſaia &*
 h Ioele. 2. 32. *^h Ioele. Quibus ſubſcribit ⁱ Ezechiel, quum de-*
 i Ezech. 13. 2. *nunciat in Catalogo populi Dei non fore, quos*
à cœleſti vita abdicat. Sicuti ex oppoſito dicun-

tur

tur nomē suū inscribere inter ciues Hiero-
 solymæ, q̄ se ad vera pietatis cultū conuertunt.
 Quā ratione & alio^k Plāmo dicitur, Me- Ps. 106. 4.
 mento mei Iehoua in beneplacito populi tui:
 visita me in salute tua, ut videam beneficenti-
 am electorum tuorum, later in letitia gen-
 ite tue, gaudeam cum hereditate tua. Quibus
 verbis paternus Dei fauor & peculiare spiritu-
 alis vitæ testimonium ad gregem eius restringi-
 tur, ut semper exitialis sit ab Ecclesia discessio.
 Ab hac Caluini Theologia profectò parum
 Calviniana vide quā prope Catechetæ
 vestri VRSINVS & PAREVS absint. ¹ Hec do- In prologa.
 ctrina inquit est prima & præcipua nota Catechet.
 vera Ecclesiæ, quam Deus in mundo vult esse general.
 conspicuam, & separari à reliquo genere hu- quest. 1. p. 8.
 mano, iuxta dicta: ^m Fugite Idola. ⁿ Exite e Item p. 400.
 medio eorum, & separamini. ^o Si quis venit ad quest. 7. de
 Eccles.
 vos, & hanc doctrinam non adfert, ei nec aue m. 1. Ioan. 5.
 dicite. ^p Sancti estote, immundum ne tangito- 21.
 te, qui fertis vasa Domini. ^q Exite ex ea popule n. 2. Cor. 6.
 mi, ne ex plagis eius accipiat. Vult aut 17.
 hanc separationem Deus fieri: Primò, propter m. 2. Ioh. 10.
 suā gloriam. Vt. n. non vult ipse commisceri p. Ies. 52. 31.
 cū idolis & diabolis: ita etiam vult suā verita- 1. Apoc. 18. 4
 tem discerni à mendacijs, & suos domesticos ab
 hostibus Ecclesiæ, hoc est, filijs diaboli segregari.
 Contumeliosum est Deo, cogitare, quod velit
 tales filios habere, qui eum persequantur. Bla-
 phemum est, Deum facere autorem doctrinæ

1. Cor. 6.
14.

impia, & patronum blasphemorum. ¹ Quæ enim concordia Christo cum Belial? Deinde propter consolationem & salutem electorum.

Neceſſe eſt enim Eccleſiã in hoc mundo conſpici, ut ſciant electi diſperſi in toto genere humano, cui cœtus ſe debeant adiungere in hac vita, & ad Eccleſiam aggregati, hac certa conſolatione fruantur, ſe eſſe in eo cœtu qui Deo placet, & qui habet promiſſiones vite æternæ. Vult enim Deus omnes ſaluandos aggregari Eccleſiæ in hac vita, quia extra Eccleſiam non eſt ſalus. Hæc illi.

Iam quod vera illa & germana Chriſtianorum mater, vera & orthodoxa Apoſtolica Eccleſia, ſit vna hæc Romana, Pontificum & Episcoporum moderamini ſubdita, & conſcientiæ meæ probatiſſimum eſt, & facile ſi animum adijcias, aduerſus *Lutheri* & *Caluini* ſynagogulas demõſtratu. Quod dum ego in vſum veſtrum molior, cogitate quæſo, quàm firmæ & claræ ſint Dei de ſpõſa ſua promiſſiones, cogitate quàm neceſſaria ſit ad Chriſti regnum æternum, & miſeræ plebeculæ, quæ exorientibus hæreſibꝰ nullo ſe meliori quàm Eccleſiæ fulcro ſuſtentare poteſt, ſalutem perpetua Eccleſiæ ſtabilitas. Cogitate quam ſit certa & euident illa ratiocinatio: Nullam aliam ſinceram eſſe fidem poſſe, quam quæ ab *Apoſtoliſ* profecta per continuam omnium Patrũ &

& seculorum successionem ad nos vsque propagata sit. Nisi enim *Apostolos* truncos aut itipites efficere velimus, necesse est saltem primitiuam ab ipsis Ecclesiam rectè fideliterq; institutam fateamur: & quia ^s *u-*
si prius sexcentis annis Ecclesiam virginem
perstitisse agnoscunt, necesse est illorum sex
 seculorum scriptoribus puræ incorruptæ-
 que veritatis auctoritatem concedamus. At
 si periculum faciamus à proximo ad proxi-
 mum, à *Martiali* ad *Dionysium*, à *Dionysio*
 ad *Ignatium*, ab *Ignatio* ad *Clementem Ro-*
manum, à *Clemente* ad *Iustinum*, à *Iustino* ad
Irenæum, ab *Irenæo* ad *Clementē Alexandri-*
num: à *Clemente* ad *Originem*, ab *Origine* ad
Dionysium Alexandrinum, à *Dionysio* ad *Ter-*
tullianum: à *Tertulliano* ad *Cyprianum*, à *Cy-*
priano ad *Arnobium*: ab *Arnobio* ad *Lactan-*
tium, à *Lactatio* ad *Hilarium*, ab *Hilario* ad
Athanasium, ab *Athanasio* ad *Cyrillum*, à *Cy-*
rillo ad *Ambrosium*, ab *Ambrosio* ad *Optatum*,
 ab *Optato* ad *Basilium*, à *Basilio* ad *Epipha-*
nium: ab *Epiphanio* ad *Gregoriosum Naxi-*
anzenum tum *Nyssænum*: à *Gregorijs* ad *Hie-*
ronymum: ab *Hieronymo* ad *Chrysostomum*, à
Chrysostomo ad *Augustinum*, ab *Augustino*
 denique per intermedios ad *Gregorium* vs-
 que *Magnum*: nullam in vniuersis aliam fi-
 dem, nullam aliam cæremoniam, nullam a-
 liam denique religionis micam præter vnā

Luther. de
Capt. Baby-
lon.

Item in Sup
put. Amor.
munda.

Calu. Epist.
ad Sadol.

Eccl. 4. 10.
Bit. c. p. 17.

S. 47 G. 6
2 S. 3.

Pontificiam Romanam deprehendemus. Ut iam consequens esse ipse agnoscas, huic vni & soli veritatis palmā deferendam, huic vni & soli fidē nomenque dandum, cuiuscunque etiam *Catiline* aut *Cethegi* hactenus partes contra patriam secutus fueris. Spero dixisse me, quæ si non tollendæ, saltem mitigandæ bili vestræ sufficiant. Plura si desideratis, faxo suo tempore. Nunc id vnum volui, sciretis quæ me terra haberet, quoq; iter familia ad me dirigeret. Hanc ne longiori mora suspendatis, oro. Vale, & cum domo tua meaque salue. Moguntia 6. Idus Iunij. M. DCI.

EPISTOLA XIII.

IVSTVS BARONIVS VETERACASTRENSIS

DAVIDI PAREO, ACAD. HEID.
Professori S.

Pleniorē
Pareana
Epistola
confutatio-
nem, vide
Epist. proximi
me sequenti
XIV.

LITTERAS tuas optimo animo, sed maximo errore scriptas, *Clariss^e*. PAREE, hoc ipso vespere sub cœnam accepi pariter ac legi, sed sine omni mentis de sancto proposito dimotione. Illis ut respondeam, necessitas quidem & præter conscientiam nominis & famæ ratio postulare videtur. Huiusmodi enim me maculis conspurcas, ut nisi me probè purgem, meam ipse famam flagitiosè

tiosè prostituere videar. Sed vt cuncter, iustus periculi metus facit. Cauete mihi & meis de non iniicienda remora, habebitis breui integram & fusam causæ meæ defensionem: in qua non hoc agam, quod vobis propositum esse video, vt persona personā lacessat, aut inania cōuitia aërem verberēt, mentesq; exasperent, sed vt causa cū causa, ratio cum ratione decertet. Literæ sanè tuæ magnum verborum apparatus habent, & multa de *Babylone*, de *Aegyptijs* ollis, de *Antichristo* & eius iugo ingeminant, sed nihil probant, eaque vt controuersissima, ita à vestra parte infirmisissimis coniecturis, seu vt veri⁹ dicam, calumnijs innixa sunt. Probare illa, non præsupponere oportebat, & postea probatis reprehensionem facti mei superstruere. Sed enutrito nimirum in fide *Caluiniana* satis ista probata credebas. Equidem erant quondam specie quadam veri instillata. Sed qui diligentius ista maturiori ætate ponderaui, *Sacro* *antē* *Antiquitatis* iudicio temperaui, vana & commentitia instabilium ingeniorum fragmenta esse deprehendi. Quæso discite vos tandem honorem aliquem habere patribus vestris, clarissimis Ecclesiæ luminibus, nec putate Spiritum Domini ab illis in vos solos recessisse. Ecce ego fidenter assero, totam vobis *antiquitatem* à primo statim patre ad vltimum

G 5 vsq;

a Aug. & in
Psal. cont.
parte Don.

vsque (quorum quidem scripta ad manus nostras peruenerunt) non in vno liquo, sed in omnibus, quos ab *Romana* Ecclesia diuersos habetis, articulis aduersari: vestram etiam fidem hodiè non minus *Orientalibus* quàm *Occidentalibus* Ecclesijs damnatam esse, lectione cognoui. Aut ergo asserite vos solos ^a *à vite precisos* errare, quod probabilius est, aut totam Christi Ecclesiam non in hac tantum mundi senecta, sed ab initio quoque in errore versatam, & quia *Romane* Ecclesię instituta examussim sequitur, *Charactere* *Antichristi* in primo statim oculo, vt ita loquar, accepisse, ac propterea perijisse. Quæ tanta blasphemia est, vt nulla maior esse possit. Sed inhibeo manum. Leo Palatinus vnguem ostentat. Mittite ad me pri^a vxorem cū liberis & suppellectile, aut de securitate caueate, habebitis à me literas rationum plenas, nec modestiæ inanes. Interea non est quod metuatis, ne religiosorum aut Monachorum ordini accedam, ne vxore pro concubina abutar. Pròh dedecus, vnde hæc vox vobis in mentē? Omnesne Catholici sacerdotes? omnesne sacerdotes concubinarij? longè aliud meum propositum est. Iuri animum adieci, eique studio absoluendo honestum Pontifex stipendium addixit. Itaque reddite mihi familiam; politicum & ciuile mecū vitæ genus ducent.

ducent. Conscientiæ vxoris iam ante sæpe
& satis cautum est, & adhuc à me religiose
cauetur. Deus illam restituat, & spiritu con-
solationis roboret, quo necessarium mecū
fortitet exilium ferat.

Quod tam horrendis me vocibus inces-
sis, *Apostata, profugi, veteratoris contra con-*
scientiam agentis, tanè inique molesteq; fe-
ro. Quid enim? putas ne me tam prodigum
esse salutis meæ, vt cum summo discrimine
& offensione acerbissima charissimorum
conscientiam læsurus, & reclamante ani-
mo in exilium transiturus sim? GALEAZIVS
vester *Caracciolus*, cuius ipsi vitam *Heidel-*
bergæ impressistis, cum *Caluinismum* am-
plexatus clam domo aufugeret, & *Genueam*
veniens priore vxore abdicata aliam super-
induceret, nunquid ipse profugus, vetera-
tor, *Apostata*, desertor erat? nunquid con-
tra conscientiam agebat? non ais, quia ad
meliores transibat partes. Idem iuris mihi
tribue, qui meliora & mitiora, vt res ipsa
clamat. *Apostasiam* nullam agnosco, nisi
qualem *Paulus* fecit à *Iudeis*, & *Augustinus* à
Manicheis: quos in more habuisse testatur,
vt si quis illorum retia rupisset, & Catholi-
cæ vnitati accessisset, quamprimum de illo
clamarent, ^b *Lumen per illum transitum fe-*
cit. Sed memineris charissime compater,
quod *Cyprianus* simili in casu respōdit, cum
vnica-

^b *August.*
de Seruicord.
cap. 2.

6. Epist. de
 vna. Eccl. f.
 cap. 3.
 adhibet.
 e. l. l. d. m.
 cap. 4.

Phil. c. 5.

vnitatem Ecclesiæ contra Nouatianos asse-
 reret: ^c Non nos ab illis, sed illi à nobis recesser-
 runt. Illi enim ^d diuersa sibi conuenticula sta-
 tuerunt, illi veritatis caput atq; originem re-
 liquerunt, ^e Cathedram Petri, super quam fun-
 data est Ecclesia. Eodem modo si vos vnita-
 tem Ecclesiæ, quæ teste eodem Cypriano,
^f Adulterari non potest, multo minus in An-
 tichristianismum degenerare, firmiter & cō-
 stanter tenuissetis, nec cum *Luthero* & *Cal-*
uino Apostatæ facti essetis, non mihi iam
 vestrum crimen exprobraretis. Plura festi-
 natio tabellarij non finit. Valete igitur, &
 familiam vobis cōmendatam habete. Ra-
 ptim Mogunt. 16. Cal. Iulij. M. D C I.

EPISTOLA XIV.

IUSTVS BARONIVS VETERA-
 canstrensis

HENRICO CALVINO PATRI,

*Henrico Bellano Socero, caterisq; suis in
 Palatinatu Neccessarijs, Collegis
 & amicis.*

Illuminantem Dei gratiam.

Apo. opia
 priuata ad
 pueros &
 neccessarios

ET literis multorum, & sermone omni-
 um perfertur ad me, CHARISSIMI, in-
 credibilem esse animi vestri grauitèr adhuc
 in me accensi perturbationem atque iram,
 incredibilem totius ciuitatis motum, adeò
 vt &

ut & Princeps miretur, & Senatus indigne-
 tur, & populus vobiscum lamentetur, Præ-
 dicantium vero cætus odiosissimis verbo-
 rum ludibrijs incessat religiosissimam me-
 am ad Catholicos transmigrationem. Ego
 verò ut mea causa facilè omnes huiusmodi
 fluctus & tempestates contemno, ita vestra
 causa doleo, vosque paulo minus exanima-
 tos esse opto. Ecquid enim est, ô boni, quã-
 obrem tam tragicè vos habeatis? Ecquid
 est, cur tam sinistra vel ipsi de me passim
 spargatis, vel ab alijs sparsa temerè credatis?
 Nonne ipsi profitemini, hunc esse diuinæ
 religionis genium, ut ^a *separet hominem ad-* *Matth. 10.*
uersus patrem suum, & filiam aduersus ma- *35.*
trem suam, & nurum aduersus socrum suam?
 Nōne agnoscitis, grauiorem esse fidei cau-
 sam, quam quæ parentum amicorumuè nu-
 tui aut arbitrio committi debeat aut possit?
 Nempe ut Poëtæ tralatitijs verbis dicam:

^b *Temporis æterni hæc, & non tantum uni-* *b Lucresius*
us horæ *lib. 3.*

Ambigitur status, in quo sit mortalibus o-
mnis

Ætas, post mortem quæ restat cunq̃ue ma-
nenda.

Quin igitur hoc pede me vestro meti-
 mini, ut quàm vobis in religionibus maio-
 rum derelinquendis facultatem sumpstis,
 mihi ipsi quoque concedatis, meque Dei
 potius

potius ac conscientia quam hominum ductum sequi permittatis? Non est iniquior lex vlla, quam quæ in vno probat, quod in altero damnat, quæ non veritatis lance, sed suopte affectu verum iustumq; pensat. Sed video vlcus animi vestri. Non tam mihi vobiscum res est, quam cum consultoribus vestris: consultoribus inquam prauis, cæcis, ira odioque aduersus Catholicam fidem accensis. Quorum vel tribunitijs concionibus, vel priuatis suggestionibus & calumnijs quandiu vos aures præbebitis, vix est vt ego vllum mea apud vos excusationis fructum sperare audeam. Verè enim Cicero: *Ut mare inquit, quod sua natura tranquillum sit, ventorum vi agitari consuevit atq; turbari: sic & homines sua sponte placati, hominum seditionum vocibus vt violentissimis tempestatibus concitantur.*

*Pro A.
Cluent.*

Attamen quia nuper Hyperaspistes vester *Parus*, quem ad me sollicitandum subornastis, sua ad me Epistola, cui respondere me plenè atq; ex voto, vt necessitas postulabat, temporis angustia passa non est, in ipso statim vestibulo decem potissima querimoniarum vestrarum capita commemorauit, quibus & compita, & mœta, & conuiuia, & templa resonare faciliè auguror: imo quæ præcipuum doloris vestri fomitem esse omni ratione cognosco: age ne sibilans hæc
hydra,

hydra, vel *Decacornis* potius bestia quicquā mihi aut vobis molestiæ deinceps facellat, nouum illi prælium mouebo, ac singulis ordine capitibus excisis hanc luctui vestro medicinam, hoc famæ meæ leuamen afferre conabor. Nam quæ insuper *Parcus* vel à detortis, vel malè intellectis Catholicæ doctrinæ capitibus præsidia petit, eiusmodi sunt, vt vel tanquam falsa & commentitia coargutione non indigeant: vel tanquam prolixiora, non sinr huius loci. Nam^d singula quæ hæretici proferunt deliramenta, vt breuior Epistola sermo subuertat, necesse non est, ait Marcellæ suæ S. Hieronymus.

*d'Epist. ad
Marcell.
contr.
Mont.*

Principio igitur, vt ἀρεῶν ἡδονῆς μεσσιπῶν rem ipsam aggrediar, ita summam accusationis suæ ebuccinat Pareus: *Me contra diuina & humana iura, contra fidem & conscientiam meam, contra denique honestatem & humanitatem omnem, dulcissimos liberos meos, cum coniugemei amantissima, legitimam vocationem meam, ipsamq; orthodoxam fidem & Ecclesiam, in qua natus & educatus sum, clanculum profugum deseruisse; adeoq; & mihi reatum apud Deum opinione mea grauiorem, & infamiam apud bonos omnes, vobis vero omnibus dedecus cum dolore acerbissimo, scandalum deniq; publicè in Ecclesia Dei conciliasse.* Multiplex certè ac vehemens accusatio, si pares probationes. Sed (expectate dum
pro-

problem) thesaurus quod aiunt carbones. E decem illis quæ impropere piaculis, ne vnum quidem vnius argumentum proferre habet. * *Calūnia refutatio.*

sumum, de Iure diuino scilicet & humano à me violato carmen? Ampullæ meræ sunt, & nugæ meræ. Quam in rem non alium nisi vnum Augustinum testem citabo, cuius hæc *dis dia πασών* abluðes vox

*e August. de
Scrib. creden.
cap. 7.*

extat. *Omnia diuina & humana Iura permittunt querere Catholicam fidem. Tenere autem & colere per humanum certè Ius licet, si de diuino quādiu erramus, incertum est.* Hæc Augustinus. Quid Pareus? Violat inquit diuini & humani Iuris Maiestatem, qui Catholicæ fidei è Calvinismo cultor accedit.

*fsymb. A.
post. Nica.
Constant.
Eph. f. Chal
cedon.*

g 1 Tim 3.

15.

b Deut. 17.

8. & seq.

1. Matth. 18.

17.

1. Matth. 16.

18. 19.

1 Cyr. de G.

niz. Eccl. ca.

3. & Epist.

ad Quir.

Proh quantum Augustini Pareig, sensus distant! Ait ille, quod hic negat: laudi ducit ille, quod hic probro. At ego te Paree explicare velim, quod nam Ius diuinum prohibere censeas adire Ecclesiam Catholicā?

Quam^f *symbolo* credere iubemur. Quam ex scriptura *domum Dei viuentis, columnam & firmamentum veritatis*, ^h dubiorum interpreterem, ¹ controuersiarum iudicem esse didicimus? Quam Christus^k *super Petrum aedificaturus se* dixit? Quam ¹ Sancti Patres, oecumenica concilia, sacri Canones in Præfulatu Romani Pontificis, tanquam Principis Episcoporum perpetua stabilitate coherere

re

rere testantur. Certè parum ad mentem tu-
 am antiquissimus Martyr, purissimusq; A-
 postolorum discipulus IGNATIVS: <sup>Paulin. E-
pist. 4. ad
Sener.</sup> Ignatius inquit, qui & Theophorus, misericordie
 consecuta in magnificentia altissimi Dei & sal-
 uatoris nostri, quæ præsidet in loco ROMANÆ
 regionis, Deo digna, decentissima, beatifican-
 da, laudanda, digna qua quis potiatur, castissi-
 ma, & eximie Charitatis Christi & Patris no-
 men ferens spiritu plena, &c. Parum etiam I-
 RENÆVS; Polycarpi & Papiæ discipulorum
 Iohannis discipulus. <sup>Chrysost. ho-
mil. 4. in c.
6. 1/a.
Augustin.
serm. 15. de
Sanct.
m Ignat. E-
pist. ad Ro-
man.</sup> Ad hanc inquit (ROMANAM) Ecclesiam propter potentio-
 rem prin-
 cipalitatē necesse est omnem conuenire Eccle-
 siam: hoc est eos qui sunt undiq; fideles. In qua
 semper ab his qui sunt undiq; conseruata est ea
 quæ est ab Apostolis traditio. Parum CYPRI-
 ANVS, qui Romanam Ecclesiam <sup>o Cyp. Epi.
45 & lib.
de Unit. Ecc-
cles cap. 5.
p Hieron. E-
pist. 5. ad
Damas.</sup> ^o matricem
 & radicem omnium Ecclesiarum pronuncia-
 uit, ad quam perfidia non possit habere acces-
 sum. Parum denique HIERONYMVVS, qui ^{p non}
 Vitali, non Meletio, non Paulino, sed Ca:the-
 dra Petri communionē consociari volebat:
 quod super illam Petram edificatam Ecclesi-
 am sciret, quodq; extra hanc domum agnum
 comedens, profanus & sacrilegus esset; Anti-
 christi non Christi membrum.

Sed de Patribus tacebo: de Concilijs iti-
 dem. Adjura me vocat ille, Charissimi. Iura
 igitur videamus, & primum quidem Cano-

H nes,

nes, iudices pfecto vobis (vt apparebit) parum æquos. Quid enim in iplo statim limi-

9 Distinct. ne DECRETORVM? *9* Nolite errare fraires mei
11. c. 3. ex E- charissimi. (ait DISTINCTIO XI.) doctrinis
pist. 1. Iulij varijs, & extraneis nolite abduci. En Institu-
Pap. ad E- ta Apostolorum, & Apostolicorum virorum,
pisc. Orient. Canonesq; habetis: his fruimini, his circumda-

mini, his delectamini, his armamini; ut his freti, circumdati, delectati, armati, contra cuncta inimicorum iacula persistere valeatis. Satis enim indignum est, quemquam vel PONTIFICVM, vel ordinum subsequentiū, hanc regulam refutare, quam beati PETRI Sedem & sequi videat, & docere. Multum enim conuenit, ut totum corpus Ecclesie in hac sibi met observatione concordet, quæ inde auctoritatem habet, ubi Dominus ECCLESIE TOTIVS POSVIT

10 Dist. 11. ex
Epist. 1. Innocent. 1. ad
Decem. E-
pisc. Eugen.
in unum.

PRINCIPATVM. Et paulo post. *1* Quis nesciat aut non aduertat, id quod à PRINCIPLE APOSTOLORVM PETRO ROMANÆ ECCLESIE traditum est, ac nunc usq; custoditur, ab omnibus debere seruari? Nec super induci, aut introduci aliquid, quod aut auctoritatem non habeat; aut aliunde accipere videatur exemplum? Præsertim cum sit manifestum, in omnem Italiam, Gallias, Hispanias, Africam, atq; Siciliam, Insulasq; interiacentes, nullum instituisse Ecclesias, nisi eos, quos venerabilis Apostolus PETRVS, aut eius successores constituerunt sacerdotes: aut legant, si in istis provin-

cys

cis alius Apostolorum inuenitur, aut legitur docuisse. Quod si legunt, quia nusquam inuenitur, oportet eos hoc sequi, quod Ecclesia ROMANA custodit; à qua nos principium accepisse non dubium est: ne dum peregrinis sermonibus student, caput institutionum videantur omittere. Iterum **DISTINCTIO XII.** Non decet in-

*(Dist. 12. c. 1
ex Epist. 1.
Calixti Pap.
1. ad Bened.
Episc.)*

quit, à capite membra discedere: sed iuxta sacra scriptura testimonium omnia membra caput sequantur. Nulli verò dubium est, quod APOSTOLICA ECCLESIA MATER EST OMNIUM ECCLESIARVM, à cuius vos regulis nullatenus conuenit deuiare. Et sicut Dei filius venit facere voluntatem patris, sic & vos voluntatem vestræ impleatis matris, quæ est Ecclesia: CUIUS CAPUT ut prædictum est, ROMANA EXISTIT ECCLESIA. Quidquid ergo sine discretionem instituta contra huius disciplinam actum fuerit, ratum haberi ratio nulla permittit.

Sed quid ago Charissimi? Egone vobiscum Canonibus pugno? quos alij vestrum capitali iudicio ad rogam damnant: alij ridiculè inter clauas Antichristi numeratos, non magis se lædere posse arbitratur, quam gladius Aeneas potuit

*1. Lutherus
Wittenb. ad
Portam El-
ster, S. 160
Pseudoiub.
meum Wit.
u Franc. In-
nitus comm.
in Adocat.
x Virgil 3.
Aeneid.*

* Obscenas Pelagiferos cedere volucres,

Quæ neq; vim plumis ullam nec vulnera tergo

Accipiunt, celeriq; fuga sub sidera lapse

Semesam prædam, & vestigia fœda relin-
quunt:

H 2

Mu-

Mutatis igitur telis humana iura videamus, quæ ^{Augustin.} *Augustino teste in legibus Regum & Imperatorum posita sunt.* Hic verò in manibus præsens victoria, ut ego quidem eundem hæreticum & iureconsultum bonum

IURECONSULTVS credere ægerrime possim. Nam quod medici dicere solent, obliuisci Medicum professionis suæ, qui humanitatis obliuiscatur id ego longè rectius de Iureconsulto censeam, obliuisci *Iustiniani* sui, qui Romanæ Ecclesiæ obliuiscatur. Tot enim ac tam euidentes passim in *Codice* atque *Authenticis* pro SS. Romana Ecclesia, proque omni eius fide atque œconomia constitutiones extant: ut iam pridem eruditus vir IOAN. BAPTISTA

2. TH. THEOLOGICA IURIDICA

^a *Lactant.* *lib. 2. cap. 9.* ^b *Plato in Laches.* ^c *De sacro fuit Missa.* ^d *quasi Doris cōcinere.* ^e *super sacrificio Missæ* ^f *constitutiones. Authent. ut in priuat. domib.* ^g *sacra mysteria non fiant. §. 13. 58. Et Authent. Sed nouo Iure. C. de Episc. & Cleric. Et Authent. ut clerici qui recedunt alijs pro eis subrogat. præb. emol. &c. §. 12. 57. Et Authent. de ordinat.*

ordinat. *Episc. & Cleric. 9. 20. 127.* Item^d CON-^d De Eccles.
STITVTIO de Ecclesiæ Catholicæ templis & Cathol. tem-
oratorijs: Vbi primum de Iure Ecclesiæ & pl. & ora-
pœna violatorū. *L. Inbemus. C. de Sacros. Ec-*
cles. Et L. si quis in hoc. C. de Sacros. Eccles. De-
inde de Fundatione Ecclesiarū, eiusq; cau-
sa & expensis. *L. 41. (quæ in nonnullis Codici-*
bis 43. est, & in recentioribus ponitur in lib.
prætermis. Class. 1.) C. de Episc. & Cleric. Et
Procem. Authent. ut determinatus sit numer.
Cleric. 8. Inuestigantes. Et Authent. ut nullus
fabricet oratory domos, præter voluntatem E-
piscopi. 5. 22. 67. Et Authent. de non alienand.
aut permutand. rebus Eccles. 2. 1. 7. Et L. 20. C.
de heret. & Manich. Tertio de Ecclesijs nul-
la molestia sed honore afficiendis, & hære-
ticorum vsui minimè concedendis. L. de-
nunciamus. C. de his qui ad Ecclesias confug. Et
L. 1. C. de offic. Prefect. Pretor. Africe. Et L. si
qui Orthodoxe. C. de heret. & Manich. Et L. 3.
§. arma quoq; C. de his qui ad Eccles. confug. Et
Authent. ut liceat matri & auia & c. §. quia
verò ita 8. 18. 117. Quarto de Asylis Ecclesia-
rum. L. 3. C. de his qui ad Eccles. confug. Item
e CONSTITVTIO de Episcopatus dignitate: e III. De E-
vbi primum de Electione Episcopi & con-
secratione. *L. si quenuquam C. de Episc. & Cle-*
ric. Et Authent. quomodo oporteat Episcopos &
reliq. Cleric. ad ordinationem adduci. 1. 6. 6. Et
Authent. de Sanctiss. Episcop. & Deo amabili-

bus & reuerendissimis Clericis & Monachis 9. 6. 123. Et *Authent. de ordinat. Episcop. & Cleric. 9. 20. 137.* Deinde de Cathedra seu residentia Episcopi. *Authent. ut nullus fabricet orator. domos. prater volunt. Episc. 5. 22. 67.* Et *Authent. quomodo oporteat Episcopos & reliquos Cleric. ad ordinat. adduci. 1. 6. 6.* Et *Authent. de Sanctiss. Episcop. & Deo Amabil. & reuerendiss. Cleric. & Monach. 9. 6. 123.* Tertio de Episcoporum cœlibatu. *Authent. Episcopo C. de Episcop. & Cleric. & L. si quenquam. C. de Episc. & Cleric. & Authent. quomodo oporteat Episc. & Cleric. ad ordinat. adduci. 1. 6. 6. §. & neq. uxori. cum §. seq.* Et *Authent. de Sanctiss. Episc. & c. §. sancimus, & §. presbyteris* 9. 6. 123. Item ^f CONSTITVTIO de communi Clericorum statu, votoque cœlibatus seu castitate ab eisdem obseruanda. Vbi primū de personis ad munus Ecclesiasticum deligendis. *L. 41. C. que aliās in lib. Pratermiss. C. class. 1. recensetur*) *C. de Episcop. & Cleric.* Et *Constitut. 115. §. sancimus apud. Iulian. Patric.* Deinde de Constantia religionis & sacerdotij. *L. quisquis emensis C. de Episcop. & Cleric.* Et *Authent. quomodo oport. Episcop. §. semel autem. 1. 6. 6.* Et *Authent. sed neq. C. de Episc. & Cleric.* Et *L. final C. de Apostat.* Tertio de frequentia & multitudine clericorum apud veteres etiam Christianos. *Authent. ut determinat. sit numer. Cleric. Sanctiss.*

fiv. De Clericorum & su ac cœlibatu.

Eliss. maioris Eccles. §. quapropter sancimus 1.
3.3. Et Nouell. constitut. 5. apud Iulian. Patric.
§. non liceat. Quarto de priuilegijs & immu-
nitate Cleri. L. generaliter. C. de Episcop. &
Cleric. Quinto de voto, cœlibatu & castita-
te Clericorum. Authent. quomodo oport. E-
piscop. & Cleric. §. hæc autem 1.6.6. Et Authen.
de lenonibus 3.1.14. Et Authent. Episcopo C.
de Episc. & Cleric. Et L. 41. (aliàs in lib præ-
termis. C. class 1.) C. de Episcop. & Cleric. §.
conuenit. Et Authent. de Sanctiss. Episc. & c.
§. presbyteris. 9.6.123. Et L. eum qui C. de Episc.
& Cleric. Et Authent. multò magis. C. de E-
pisc. & Cleric. Et L. si Presbyter. C. de Episcop.
& Cleric. & Authent. de Monach. §. si quis au-
tem. 1. 5.5. Et Authent. de Sanctiss. Episcop.
& c. §. si autem tempore. Et §. Presbyteris 9. 6.
123. Et Authent. de ordinat. Episcop. & Cle-
ric. §. quod autem 9.20.137. Item^g CONSTITV-
 TIO de vita monastica, & continentia in mo-
 nasterijs seruanda. *Authent. de Monachis. 1.*
5.5. Et Authent. de non alienandis aut permu-
tand. bonis Eccles. §. quia verò non cognouimus
2.1.7. Et Authent. de Sanctiss. Episcop. & c. §.
iubemus cum §§. seqq. 9.6.123. Vbi etiam de
foro conuenienti Monachorum. Authent.
apud quos oport. causam dicere Monachos &
Ascetrias. 6.8.79. Deinde de raptu seu corru-
ptione sacrarum virginum. L. si quis 1. C. de
Episcop. & Cleric. Et L. Raptores. C. eodem.

g V. De Mo-
nachis &
Monialib.

Et *Authent. quomodo oport. Episcop. & Cleric.*
§. quanta igitur. .6.6. Et Authent. de Sanctiss.

*b VI. De Tra-
 ditionibus
 Patrum ob-
 seruand.*

*Episcop. §. si quis rapuerit. 9. 6. 123. Item^h CON-
 STITVTIO de Sanctorum Patrum traditione
 & doctrina constantissime obseruanda. L.
 5. C. de Summa Trinit. & fide Catholica. Et L.
 6. C. eodem §. necessarium. Et *Authent. quo-
 modo oport. Episcop. & Cleric. & c. circa initi-
 um. & §. sed etiam 1. 66. Et Authent. ut Cleri.
 apud proprios Episcop. prim. conueniantur. 6.
 12. 83. Et Authent. de Ecclesiastic. tit. & priui-
 leg. circa initium. 9. 13. 131. Itemⁱ CONSTITV-
 TIO de Sacrorum Conciliorum immota fi-
 de & autoritate. L. 2. & L. nemo Cleric. C.
 de Summa Trinit. & fide Catholica. Et *Edict.
 ad popul. Constantinopol. quod per Demetri-
 um & Hypatium Episcopos ad Ioan. 11 Pon-
 tif. Roman. transmisit. §. Trecenti. & §. quoni-
 am autem. Et L. quicumq. C. de heret. & Ma-
 nich. Et Authent. ut cum de appellatione cogno-
 scitur, secundum illas leges debeat iudicari,
 qua tempore lata sententia & suggestionis ob-
 tinebant §. si quis de predictis 8. 16. 115. Et Au-
 thent. de Ecclesiasticis tit. & priuileg. §. sanc-
 mus. 9. 14. 131. Item^k CONSTITVTIO de pœni-
 tentiæ Sacramento & Confessione. *Edict.
 ad Constantinopol. de his qui luxuriantur con-
 tra natur. 9. 23. 141. Et L. Hi qui sanctam. C.
 de Apostat. Et Authent. ut non luxurientur
 homines contra natur. nec inrent per capillos****

*i VII. De au-
 thoritate
 Conciliorum.*

*k VIII. De
 Pœnitent. &
 confessione.*

De

De

Dei. 6. 6. 77. Item¹ CONSTITVTIO de Sancto-
rum cultu & inuocatione Deiparæ Virgi-
nis Mariæ. *Authent. Iusiurandum quod præ-*
statur ab his, qui administrationes accipiunt.
Collat. 2. tit. 3. Et L. 6. C. de Summa Trinit. &
fide Catholica. Et Authent. ut determinatus
sit numer. Cleric. & c. §. sancimus 1. 3. 3. Et Au-
thent. de Ecclesiasticis tit. & priuile. 9. 14. 131.
Et L. 1. C. de offic. Præfæcti Prator. Africa.
Item^m CONSTITVTIO de Sanctorum reli-
quiis venerandis. *L. 3. C. de Sacrosanct. Ec-*
cles. Et L. decernimus C. de Episcop. & Cleric. Et
Itemⁿ CONSTITVTIO de Sanctæ crucis ve-
neratione, inuentione & autoritate. L. Cruce
cum sit nobis. C. nemini licere signum Saluato-
ris Christi, humi vel in silice, vel in marmore
aut in sculpere, aut pingere. Et L. Iudeos C. de
Iudeis & cælicolis. Et Authent. sed nouo iure.
C. de Episcop. & Cleric. Et L. decernimus C.
eodem. Et Authent. de Sanctiss. Episc. & c. §. o-
mnibus autem laicis, 9. 6. 123. Quod ipsum
Sanctæ Crucis signum in consecratione
quoque templorum adesse voluit Impera-
tor. Authent. de Monach. §. illud igitur. 1. 5.
5. Et Authent. ut nullus fabricet orator. do-
mos & c. §. primo. 5. 22. 67. Et Authent. de Ec-
clesiasticis tit. & priuileg. §. si quis autem. 9. 14.
131. Et Authent. de moderatore Hellenoponti.
§. Namque ab omnibus. 4. 7. 28. Vbi Helena
Constantini Magni mater, pientissima mu-
lier,

o XII. De
Festis San-
ctorum.

o XIII. De
meritis Bo-
norum ope-
rum, de q³
Iustificat.

o XIV. De
Leuitijs,
Processionib.
Et bonis Ca-
picio.

o XV. De iei-
iunio Qua-
dragesima.

o XVI. De
penis in ha-
reticos Ca-
pijs.

lier, nobis sacrum Christianorum signum
inuenisse dicitur. Itē^o CONSTITVTIO de fe-
storum dierum obseruatione. *L. nemo deinceps* C. de Episc. audientia. Et *L. 2. § l. omnes*
Iudices. § L. quadraginta Et *l. omnes dies*
Et l. actus omnes. Et l. provinciarum. Et L.
final. C. de feriis. Item^o CONSTITVTIO de
honorum operum meritis & Iustificatione.
Authent. de Sanctiss. Episcop. & c. §. sed neque
9. 6. 123. Et Authent. ut cum de appellat. co-
gnoscitur, secundum illas leges indicetur, que
tempore late sententie obinebant. §. Si unum.
8. 16. 115. Et l. 41. C. de Episc. & Cleric. Et Au-
thent. ut determinat. sit numer. clericorum. §.
Sicut enim. 1. 3. 3. Item^o CONSTITVTIO de
publicis precib. seu litanijs & horis Cano-
nicis, nec non de publicis processionibus
seu supplicationib. *l. 41. §. Præterea sanc-*
imus C. de Episcop. & Cleric. Et Authent. de
Ordinat. Episcop. & Cleric. §. Illud quoq³ 9. 20.
137. Et Authent. Sed nouo iure. C. de Episc. &
cleric. Et Authent. de Sanctiss. Episcop. & c. §.
Si quis cum sacra. Et §. Omnibus autem laicis.
9. 6. 123. Item^o CONSTITVTIO de Sanctiss.
Quadragesimæ Ieiunio *l. quadraginta. Et l.*
penult. C. de Ferijs. Deniq; vt multa alia hu-
ius generis præteream, ^o CONSTITVTIO de
rebellibus in Catholicam Romanam Ec-
clesiam Hæreticis non solum vitandis, sed
& proscribendis, & damnandis, atque vlti-
mo

mo supplicio afficiendis. Cuius argumenti est *L. 2. & 6. C. de Summa Trinit. & fide Catholica*. Et *L. omnes vetita*. Et *L. Ariani*. Et *L. quicumq.* Et *L. damnato. C. de Heret. & Manich.* Et *Authent. de depositione Anthimi & Seueri. 4. 21. 42.* Multo verò expressius *L. Manich. 4.* Et *L. cognouimus 19. C. de Heret. & Manich.* Et *L. eum. qui C. de Apostat.* Et *L. Nemo Clericus C. de Summa Trinit. & fide Catholica.* Item *l. 3. & 5. & 6. C. eodem.* Et *l. final. 9. His ita dispositis C. de Episc. & Cleric.* Et *l. Nemo in foro C. de Episcopali audientia.* Et *l. 1. C. de Heret. & Manich.* Et *Authent. item privilegium.* Et *Authent. credentes.* Et *Authent. si verò Dominus.* Et *l. Ariani.* Et *L. quicumq.* Et *L. cognouimus.* Et *l. quoniam.* Et *l. diuinam. C. de Heret. & Manich.* Item cæteræ ferè omnes eiusdem tituli leges & Authentica. Quibus multa etiam ex ipsis *Novellarum Collationibus* adijcere liceret: Vt & de prohibitis hæreticorum scriptis, de interdictis conciliabulis, atque alijs huius generis rebus complurimis: nisi breuitati studendum viderem.

Hæc igitur vt dixi, atq; alia his complura, luculentissimo nobis exemplo atque argumento esse poterant, firmissimi istius omnis diuini & humani iuris, ad quod me vocat PAREVS, in vnam Catholicam & Romanam fidem consensus: præsertim si singularum legum

XVII. De
 Romani
 & author.
 Rom. Eccl.
 sia.

legum aut Constitutionum grauissima ver-
 ba ordine ad lancem appensa oculis subij-
 ceretur. Sed quia id nimis longū ac tadio-
 sum foret: imo quia tam vbere stylo librum
 potius quam Epistolam exaraturi essemus:
 age prætermiſſis ambagibus illis, vnicū
 illud caput (quod instar omnium est) ^{de}
Sacroſancta Romane Eccleſie authoritate, de-
que perfidia eorum, qui ab eius cōmunionē de-
ſciſcunt, videamus. Hoc enim rectē conſti-
 tuto, nulli dubium eſſe poteſt, eius Eccleſiæ
 magiſterio antiquiſſimorum Imperatorum
 fidem fuiſſe conſonam, quam præ omnibus
 venerati, ſummis & priuilegijs cinxerunt,
 & laudibus in cœlum vſque extulerunt. De
 hoc autem capite ita Gratianus, Valentinia-
 nus & Theodoſius Imppp. l. i. C. de Sūma
 Trinit. & fide Catholica, &c. *Cunctos inqui-*
unt, populos, quos clementie noſtræ regit impe-
rium, in tali volumus religione verſari, quam
Diuum Petrum Apoſtolum tradidiſſe Roma-
nis, religio vſque adhuc ab ipſo inſinuata de-
clarat, quamque Pontificem Damasum ſequi
claret. Hanc legem ſequentes, Chriſtianorum
Catholicorum nomen iubemus amplecti: reli-
quos verò dementes, veſanoſq; indicantes, he-
retici dogmatis infamiam ſuſtinere, diuina
primum vindictā, poſt etiam motus animi no-
ſtri, quem ex cœleſti arbitrio ſumpſerim, vlti-
one plectendos. Et Iuſtinianus Imp. in Episto-
 la ad

la ad Ioan. Papam II. quæ vna cum eiusdem Pontificis responsione inter leges Codicis sub tit. de Summa Trinit. & fide Cathol. ab ipsomet Iustiniano relata est. Reddentes inquit, honorem APOSTOLICÆ SEDI & Vestræ Sanctitati (quod semper nobis in voto & fuit & est) & ut decet patrem honorantes vestram beatitudinem, omnia quæ ad Ecclesiarum statum pertinent, festinavimus ad notitiam deferre Vestræ Sanctitatis: quoniam semper nobis fuit magnum studium unitatem vestræ Apostolicæ sedis, & statum sanctarum Dei Ecclesiarum custodire, qui hactenus obtinet, & incommotè permanet, nulla intercedente contrarietate: Ideoq; omnes Sacerdotes uniuersi Orientalis tractus & subycere & unire Sedi Vestræ Sanctitatis properavimus. In presenti ergo quæ commota sunt (quamvis manifesta & indubitata sint, & secundum APOSTOLICÆ VESTRÆ SEDIS doctrinam ab omnibus semper sacerdotibus firmè custodita & predicata) necessarium duximus, ut ad notitiā Vestræ Sanctitatis perveniant. Nec enim patimur quicquam, quod ad Ecclesiarum statum pertinet, quamvis manifestum & indubitatum sit, quod mouetur, ut non etiam Vestræ innotescat Sanctitati, ¹ QUÆ CAPUT EST OMNIUM SAN- & Romana
CTARVM ECCLESIA RV M. Per omnia enim (ut Ecclesia ca-
dictum est) properamus honorem & auctori- put omnia
tatem crescere Vestræ Sedis, &c. Ecclesiarū

Huic

Huic Epistolæ Imperatoriæ in hæc verba Pontifex rescripsit, quæ ipsa quoq; inter leges Cod. subeodem I. Tit. relata habetur. *Inter claras sapientia ac mansuetudinis vestra laudes, Christianissime Principum, puriore luce, tanquam aliquod sydus irradiat, quod amore fidei, quod charitatis studio, edocti Ecclesiasticis disciplinis, Romane Sedis reuerentiam conseruatis, & ei cuncta subijcitis; & ad eius deducitis unitatem, ad cuius auctorem, hoc est, Apostolorum primum Domino loquente præceptum est, y pascite oues meas: Quam esse omnium verè Ecclesiarum caput, & Patrum regula, & principum statuta declarant, & pietatis vestra reuerendissimi testantur affatus.*

5 lo an. 31.
17.
2. Rom. ca-
pus.

Iterum Iustinianus Imp. in Edicto ad populum Constantinopolitanum, quod ad Ioan. Pontif. Rom. II. misit. circa fin. §. super hæc autem omnia: Dioscorus, qui cum nihil in fidem peccasset, tamen propter solum Ecclesiasticum ordinem à sancta Ecclesia Romana anathematizatus est. Et in principio Authent. vt Ecclesia Rom. cent. ann. gaudeat præscript: 2. 4. 9. Vt legum Originem anterior Roma sortita est: ita & summi Pontificatus apicem apud eam esse, nemo est, qui dubitet. Unde & nos necessarium duximus, patriam legum, fontem sacerdoty, speciali nostri numinis lege illustrare, vt ex hac in uniuersas Ecclesias Catholicas, quæ usq; ad Oceanum posite sunt;

sunt, saluberrime legis vigor extendatur, & sit totius Occidentis nec non & Orientis, &c. lex propria ad honorem Dei consecrata. Et ibidem. §. quod igitur. Quod igitur nostra eternitas ad omnipotentis Dei honorē veneranda sedis summi Apostoli Petri dedicauit: hoc habeant omnes terra, omnes Insula totius Occidentis, quæ usq; ad ipsius oceani recessus extenduntur, nostri Imperij prouidentiam per hoc in æternum. Idem in Authent. de Eccles. tit. & priuileg. 9. 14. 131. Sacrorum Conciliorum dogmata, sicuti sanctas scripturas, accipimus: idēque sancimus, secundum earum definitiones, sanctissimum senioris Romæ Papam, primum esse omnium sacerdotum. Beatissimum autem Archiepiscopum Constantinopoleos nouæ Romæ, secundum habere locum post sanctam Apostolicam senioris Romæ sedem. Et in Authent. de depositione Anthimi & Seueri 14. 21. 42. Quid nuper factum sit circa Anthimum; scimus, qui quidem deiectus est de Sede huius regie urbis (Constantinopolis) à sancte & gloriose memorie Agapeto, sanctissime Ecclesie antiquæ Romæ Pontifice, eò quod nullo modo sibi ipsi conueniens, contra omnes sacros canones se intruserat, &c. Et in constitut. Nouell. CXIX. §. 2. apud Iulium Patricium, Antecessorem Constantinopolitanum. Papa Romanus prior omnibus Episcopis & Patriarchis sedeat. Denique idem Iustinianus Imp. ad Eu-

Eulalium Episcopum & Eccles. Carthagi-
 nensem. *Prima salus rectæ fidei regulam cu-
 stodire, & à constitutis Patrum nullatenus de-
 uiare, & quia non potest Domini nostri Jesu
 Christi prætermitti sententia, dicentis: ² tu es
 Petrus, & super hanc Petram edificabo Eccle-
 siam meam. Et hæc quæ dicta sunt, rerum pro-
 bantur effectibus; quia in sede Apostolica extra
 maculam semper est Catholica servata reli-
 gio. De qua spe & fide minimè separari cupi-
 entes, & Patrum sequentes constituta, ana-
 thematizamus omnes, qui contra Sanctam
 Romanam & Apostolicam Ecclesiam super-
 biendo, suas erigunt cervices, sequentes in o-
 mnibus Apostolicam Sedem; & prædicantes
 eius omnia, spero ut in una communione vo-
 bis cum, quam Sedes Apostolica prædicat, esse
 merear, in qua est integra & vera Christiana
 religionis & perfecta soliditas, promittens se-
 questratos à communione Ecclesie Catholice,
 id est, non consentientes Sedi Apostolicæ, eorum
 nomina inter sacra non recitanda esse myste-
 ria. Quod si in aliquo à professione mea deui-
 a retenta uero, his quos damnaui, duplicem mea
 sententia esse profiteor. Hanc professionem me-
 am manu mea subscripsi, & Bonifacio Sancto
 & venerabili Papæ urbis Romæ direxi, da-
 mnans & antecessores & successores meos, &
 omnes, qui Sanctæ Romanæ & Apostolicæ Ec-
 clesie privilegia cassare nituntur. Hinc enim
 super-*

supernæ misericordiæ documentum perdoce-
tur, quando & mundani principes causas fidei
cum Reipub. ordinatione coniungunt; & Ec-
clesiarum præsules, quod ad dispensationem su-
am pertinet, officij memores exequuntur. Tali-
bus enim indigebat post discordiæ procellas re-
ligio Christiana rectoribus, qui compressis pro-
uida dispensatione turbinibus, diu peregrina-
tam pacem depulsa tempestate reducerent, ut
in futura post secula ad propositi sui exempla
tendentes, sibi ascribendam indubitanter o-
stenderent, quicquid 'Domino placitum poste-
ris pro sua imitatione fecissent. Benedicamus
Dominum, fratres charissimi, nostris hoc die-
bus fuisse concessum; & totis orationum & ci-
rarum viribus adnitemur, ut quæ Dei ope bene
cœpta sunt, ipso adiuvante per omnia comple-
antur. Sperandum enim est, ut ad compagem
corporis sui reliqua, quæ adhuc diuisa sunt,
membra festinent, & a potioribus minora non
discrepent.

Audin' PAREE (tibi .n. cantilenā hanc ca-
no) audin' quid diuini & humani iuris my-
stæ de Romanæ Ecclesiæ fide & communi-
one sentiant? Audin' quàm prouidè ad
hoc me tribunal vocatis? Non sic^b *Marius* *b* *Tribell.*
suo telo perijt, ut ego hic tuo te iugulare gla- *Pollis.*
dio possim. Tu enim ille diuini & humani
iuris perduellis, qui non solum nouam
& ab Apostolica sede alienissimam fidem

mordicus amplecteris & tueris: sed & quod
 peius est, idem nouitatis tuæ virus multis
 simplicibus atq; imperitis adolescentibus,
 qui quid optimum sit, per ætatem iudicare
 nondum possunt, non inhalas tantum aut
 instillas, sed & infundis propè atque intru-
 dis. Vt si è sacris te percellere cogitarem,
 promptum esset illud Christi fulmen. ^d *Va*
vobis Scribæ & Pharisei hypocritæ: qui circui-
ris mare & aridam, vt faciatis vnum profe-
lytum, & cum fuerit factus, facitis eum filium
gehennæ duplo quàm vos. Va vobis duces cæci,
&c. Sed legum nunc aduersus te mucronè
 dest:ingere malo, vt qui ad leges prouo-
 casti, legum auctoritate cadas: quemadmo-
 dum ^e *Brasidas* ille in prælio iaculum sibi per
 scutum adactum è vulnere extraxit, eoque ipso
 hostem suum interfecit. Credas igitur mihi
 velim *Parce*, non esse in vllum fermè cri-
 men seueriora aut asperiora iura, quàm in
 hæresin. Quod vt in re præsentī videas, en
 tibi è quàm plurimis duas, quæ mihi nunc
 incidunt, potissimas Constitutiones, reli-
 quarū sui similiū abundantissimas. testes.
^f *Vna est in l. 4. C. de hære. & Manic. Vbi Arca-*
dus, Honorius, & Theodosius Imppp. Ma-
nichæos inquit, seu Manichæas, vel Donati-
stas meruissima seueritate persequimur. Hinc
itaq; hominum generi nihil ex moribus, nihil
ex legibus cōmune sit cum cæteris. Ac primum
vola-

^c *Cicer. 4.*
Ad.

^d *Matth. 23*
15.

^e *Plutarch.*
in apoph.

^f *De penis*
hæreticorū
constitutio
nes.

volumus esse publicum crimen. Quia quod in religionem diuinam committitur, in omnium fertur iniuriam. Quos bonorum etiam omnium publicatione persequimur. Ipsos quoque volumus amoueri ab omni liberalitate & successione, quolibet titulo veniente. Prætereā non donandi, non emendi, non vendendi, non postremo contrahendi, cuiquam conuicto relinquimus facultatem. In mortem quoque inquisitio extendatur. Nam si in criminibus maiestatis licet memoriam accusare defuncti, non immerito & hic debet subire tale iudicium. Ergo & suprema illius scriptura irrita sit, siue testamento, siue codicillo, siue Epistola, siue quolibet alio genere reliquerit voluntatem, qui Manichæus fuisse conuincitur, sed nec filios heredes eis existere, aut adire permittimus, nisi à paterna prauitate discesserint. Delictum veniam pœnitentibus damus. In eos etiam auctoritatis nostræ aculei dirigantur, qui eos domibus suis damnanda prouisione defendunt. Seruos insuper extra noxam esse volumus, si Dominum sacrilegum euitantes, ad Ecclesiam Catholicam seruitio fideliore transierint.

Altera constitutio est in l. 8. C. eodem tit. ubi Valentinianus & Marcianus Impp. sic decernunt. Vniuersi heretici non Ecclesias, non Monasteria sibi construant: parasynaxes & conuenticula, tam diurna quam nocturna non contrahant: neq; ad domum, vel possessio-

nes cuiusquam, neque ad Monasterium, vel quemcumq; alterum locum operaturi, sectæ funestissima congregentur. Quod si fecerint, & hoc factum fuisse Domino volente constiterit, post rem in examine iudicis approbatam; domum vel possessionem eius, in qua conuenerint, vel monasterium, eius ciuitatis orthodoxa Ecclesie, in cuius territorio est, iubemus addici. Si vero ignorante Domino, sciente verò eo, qui pensiones domus exigit, vel aëlore vel conductore pradij parasynaxes & conuenticula interdicta collegerint; conductor vel procurator; sine aëlor, vel quicumq; eos in domum, vel possessionem; vel monasterium receperint; ac passi fuerint illicitas parasynaxes conuentusq; celebrari: si uilis & abiectæ sint conditionis, fustibus publicè & in pœnam suam, & in aliorum coërceantur exemplum. Si honestæ verò sint: personæ, decem libras auri mulctæ nomine fisco nostro cogantur inferre. Nullum præterea Apollinaristam vel Eutyichianistam ad aliquā iubemus aspirare militiam. Et si inuenti fuerint militari cingulo soluti, honestorum hominum & pala:y communionem priuentur: nec in aliqua, nec in qua nati sunt, ciuitate vel vi-co, aut regione versentur. Si qui verò in hac alma urbe nati sint, tam sacratissimo comitatu, quam omni per prouincias metropolitana ciuitate pellantur. Nulli insuper Eutyichianistæ, vel Apollinaristæ publicè vel priuatim cō-

uocādi catus, vel circulos contrahēdi, & de errore heretico disputādi, ac puerſitatē facinorosi dogmatis adſerēdi, tribuatur facultas. Nulli contra venerabilem Chalcedonenſem Synodum liceat aliquid vel dictare, vel ſcribere, vel edere, atq; emittere, aut aliorum dicta vel ſcripta ſuper eadem re proferre. Nemo huiusmodi habere libros, & ſacrilega ſcriptorum audeat monumenta ſeruare. Quod ſi qui in his criminibus fuerint deprehenſi, perpetua deportatione damnentur. Eos vero, qui diſcendi ſtudio adierint, de infauſta heresi diſputantes, decim librarum auri, quæ fiſco noſtro inferenda ſunt, iubemus ſubire diſpendium. Vltimo etiam ſupplicio coërceantur, qui illicita docere tentauerint. Omnes vero huiusmodi chartæ ac libri, qui funeſtum Eutycheiſ ſcilicet, & Apollinarij complexi fuerint dogma, incendio concrementur, ut facinoroſæ puerſitatis veſtigia flammis combuſta depereant. Aiquum namq; eſt, ut immaniſſima ſacrilegia par pœnæ magnitudo percellat: ſcientibus moderatoribus prouinciarum, eorumq; apparitoribus, deſenſoribus etiam ciuitatum, quòd ſi ea quæ legis huius religioſiſſima ſanctione cuſtodienda decernimus, aut neglexerint, aut aliqua permiferint temeritate violari: denarum librarum auri mulctam fiſco noſtro inferre cogantur: inſuper etiam exiſtimationis ſuæ periculum ſuſtinebunt.

g Virgil. 3.
Æneid.

Heu heu Paree, quos tibi, quos tuis pœ-
narum cumulos accerfis! Non sic ^g *Aetna*
Enceladus, vt tu mole hac premeris, modo
non brutam illam Stoicorum ἀναισθησίαν
indueris. Nec blandiare tibi, priscorum tā-
tum illorum monstrorum, *Manichæi*, *Nes-
torij*, *Eutycheis*, *Apollinaris*, &c. mentionē
in hisce sanctionibus fieri, nullam *Caluini*,
Lutheri, aut tui. Quæ de Samaritis lege sta-
tuta sunt, circa *Synagogas* & *successiones*: ob-
tinent & in *Montanistis*, & *Ascodrogitis*, &
Ophiis, ait l. 18. C. de hæret. & *Manich.* Et
Hereticis quamvis est in appellatione diuersi-
tas, tamen est in hæresis prauitate coniunctio,
& dispar quidem nomen, sed idem sacrilegi-
um, ait l. 8. C. eodem. *Hereticorum* autem
vocabulo continentur, & latis aduersus eos
sanctionibus succumbere debent, QUI VELLE-
VI ARGVMENTO A IVDICIO CATHOLICÆ
RELIGIONIS ET TRAMITE DETECTI FVE-
RINT DEVIARE, ait l. 2. C. eodem tit. Quod
vtrum tu facias *Paree*, non est nunc dispu-
tandum: aded quippe manifestum, vt non
ratione inquiri, sed manibus palpari possit.
Deniq; si recentia Edicta postulas, vide quæ
laudatissimus Imperator CAROLVS V.
Wormatiæ in comitijs 8. Idus Maij M. D.
XXI. aduersus *Lutherum* eiusq; coniuratos
seuerissima sanctione promulgauit: habe-
bis quæ culpæ tuæ pondus, innocentiæ meæ
leua-

leuamen afferre queant. Atq; hæc de primo ^{* II. Ca-} accusationis tuæ capite plus fortan satis. ^{lumnia}

Ad ^{*} ALTERVM venio, vbi fidem & con- ^{confuta-} scientiam meam petens, obliquè innuere ^{tio.}

vis, (quæ certè vobis in omnes Catholicæ fidei profelytos, veteres & nouos, familia-
rissima calumnia est) non tam veritate & religione, quàm lucri aut honoris, aut glo-
riæ cupiditate, etiam contra interioris pe-
ctoris dictamen, ad Romanæ Ecclesiæ soci-
etatem me conuolasse: parumq; abest, quin
Satyrici illius telum in me contorqueas:

^h *Quid sentire putas omnes Caluine recēti*

De scelere, & fidei violatæ crimine?

*h. Iulianal.
Satyr. 13. ad
Caluin.*

Sed ego tibi hic Augustinianum sta-
tim clypeum obuerto, quo & ipse quon-
dam simile *Secundini Manichei* iaculum

populsauit. ¹ *Tristis inquit, sum, quod tenaci-*

ter inhaesisti suspicionibus falsis, partim aduer-

sus me, partim aduersus ipsam que mutari nō

potest veritatem. Vsq̃uam ne fides est, quæ

non ^k animæ immortalitatem propositam

habeat & vel præmia bonorum, vel poenas

malorum factorum? Potest ne igitur quis-

quam conscientiæ meæ tam iniquus arbi-

ter esse, vt quam hæctenus in Calviniano

errore integram saluamq; iudicauit, nunc

in Christi fide læsam ¹ *cauteriatamque* pro-

nunciare audeat? Non non ita impio corde

sumus, vt Dei omnipotentis metum tam

viliter habeamus, & contra quam mens se-

*Augustin.
contr. Se-
cundin.*

Manich. c. 1.

*k. August.
de veril. cre-
dend. ca. 7.*

*1. Tim. 4.
2.*

*m Ez. c. 6.
13. 19.*

riò credat, propter ^m pugillum hordei & fragmen panis, cuius huius & futurae vitæ periculo, patrio solo exules profiteamur. Nemo cyclops positum in visceribus suis Dei tribunal tam fastuosè euerterit. Fortasse rudera illi sua nesciunt, qui in alieno fundo tam altas turres non suspicantur. Ac nos

*n Cic. Orat.
pro Mlon.*

quidem iam inde à pueris edocti, ⁿ magnam vim habere conscientiam in utramq; partem, ut semper poenam ante oculos versari putent, qui peccauerint: & nihil timeant, qui nihil ad-

*o Cic. Orat.
pro Rosc. A-
merin.*

miserint: nos edocti, non ut ^o in fabulis sepe numero videmus, eos qui aliquid impiè sceleratèq; commiserint, agitari, & perterriti furiarum tædis ardentibus: sed sua quemq; fraude, suo terrore maximè vexari: suo quemq; scelere agitari, amentiaq; affici: suis malis cogitationibus conscientisq; animi terreri: hasq; esse impijs assiduas domesticasq; furias, quæ dies noctesque poenas à consceleratissimis hominibus repetant: Hæc inquam iam dudum piè sanctèque edocti, tam matura ac prouida ætate tantum in animam nostram facinus admittere: tam diro vulnere tenerrimam sauciare conscientiam, voluisse, qui credi possumus? vix cadere posse in hominem puto tam grande nefas: vix ipsam suspicionem: nisi (quem supra memorauimus) Sanctissimi Augustini me exemplum coargueret. Qui cum olim pari nobiscum exemplo paucis a-

gellulis

gellulis paternis contemptis, à Manichæorum
 rabie ad liberam Dei seruitutem conuersus
 esset, non solum principio à Secundino Ma-
 nichæo, sed & postmodum ad Episcopale fa-
 stigium euectus, ab æmulis in hanc mali-
 guam ambitionis & Φιλαρρησίας suspici-
 onem subinde vocatus est. ^{p Ed: 225.} Ego inquit, se-
 cundum multorum sensum, comparantium ^{ad Albina.}
 semetipsum sibi met ipsis, non diuitias dimisisse,
 sed ad diuitias videor venisse. Vix enim vigesi-
 ma particula res mea paterna existimari po-
 test, in comparatione prædiorum Ecclesiæ, quæ
 nunc ut Dominus existimor possidere. Et ma-
 nifestius in libro contra Secundinum, vbi &
 calumniæ remedium adferre docet. ^{9 August.} Sicut
 inquit, sensum oculi tui sentire non possum, nec ^{contr. Se-}
 tu mei sed tantummodo nobis hac de re crede- ^{cundin.}
 re vel non credere possumus: illam verò speciem, ^{Manich.}
 quæ nostris oculis visibilis subiaceret, inuicem no- ^{cap. 2.}
 bis valemus ostendere: sic de affectionibus ani-
 morum nostrorum, quas proprias habemus,
 credamus nobis, si placet: si autem non placet,
 non credamus. Nam ^r quod tu de animo meo ^{ibid. ca. 1.}
 verum non sentis, facile contemno. Hoc enim
 sentis, quod etsi in me non agnosco, fieri tamen
 potest, ut sit in homine. Ergo etiamsi erras in
 me, non tamen ita erras, ut me de hominum nu-
 mero eximat tua opinio: quia id de me credis,
 quod fieri potest in animo humano, etiamsi non
 sit factum in animo meo. Nec igitur opus est, ut

tibi hanc suspicionem magnopere coner auferre. Non enim spes tua pendet ex me, aut bonus esse non poteris, nisi ego fuero. Senti de Augustino quidquid libet. Sola me in oculis Dei conscientia non accuset. Quod enim ait Apostolus: *1a. Cor. 4.3.* ^s Mihi minimum est ut a vobis iudicer, aut ab humano die. Ego autem vicem tibi non rependam, ut de tua mente aliquid existimare in malam partem audeam, quod intueri non valeo. Nec dico quod me subdole lacerare volueris: sed tantum de te opinor, quantum de te indicas verbis. Quamobrem etsi non bona de me suspicatus sis, quod carnali timore alicuius incommoditatis, quæ de vestra societate mihi accidere potuerit, hæresin Manicheorum reliquerim, vel cupiditate honoris, quem in Catholica adipisci cogitem: tamen non de te vicissim male senties, credo esse beneuolam suspicionem tuam. Et hoc non criminandi causa, sed corrigendi studio dixisse te existimo. Si autem mihi accommodes credendi beneuolentiam, quoniam latebras animi mei arguis, quas utiq; promere ad oculos tuos & demonstrare non possum, facile de ipso mutares sententiam, & nolles amplius temerè affirmare, quod nescis.

Atque hoc ego Augustini ἀπολογία
 * III. Ca- plane meum quoq; faciēs, *Parce,* * ad terti-
 lumnia am criminationem tuam progredior: ubi
 dispan- quod de honestate & humanitate erga liberos,
 tis. sanè dulcissimos mihi, totamque familiam
 abiecta

abiecta paratragœdias, speciosum quidem,
 sed parum firmum aut christianum est. Ad-
 eò enim *παρεικὴν* illā καὶ *εὐσχημονες* ἀπὶ
γοργὴν nihil abieci, vt etiam abiectam re-
 sumptum demum, & verè induerim, quē
 admodum ipse cognosceres, *nisi magis in*
oculis cor haberes, quam in corde. Quæ enim
 maior honestas est, pietate & ordinaria
 charitate? quæ autem ordinaria charitas, ni-
 si quæ minora postponit maioribus, & ani-
 mam magis curat, quam fortunam? Non e-
 go in morte relinquere debebam filios,
 quibus per me vitam seculi huius dederat
 Dominus, & vitam, quod spero, dabit secu-
 li futuri. Quæ res etsi multo constat labore,
 non tamen à me trahi ad otium, nec à vobis
 debet ad inuidiam. Nullus hic humanis af-
 fectibus locus, nullus parentum amor,
 nullus amicorum studijs, nullus periculo-
 rum formidini, sed vnica diuini numinis re-
 uerentia, grata veritatis cultura, conueni-
 ensq; æternitatis metus totam suo arbitrio
 causam moderatur, nec vel minimum de
 suo iure remittit.

Sanè si quæris inficias ire non possum,
 vehementer hæc consilia mea varijs affe-
 ctibus quassata esse. Nunc enim tua *charis-*
sime Parens, septuagenaria canities succur-
 rebat: nunc matris vnice in me recumben-
 tis

August.
lib. 1. contr.
Epist. Pav-
len. cap. 8.

tis fletus, nunc fratrum sororumque anxie-
 tas, nunc liberorum & familiæ periculum,
 nunc amicorum totiusq; familiæ quasi la-
 bas cens fama & exultatio. Sed quæso vos
 per Deum, carissima capita, quid facerem?
 parcerem ne vobis, & mihi non parcerem?
 parerem ne voluntatibus vestris, & Deo im-
 morigerus essem? cauere ne pericula for-
 tunarum, & me cum liberis meis ac fami-
 lia in sempiternum exitium præcipitarem?
 Apagelis profana cura, noxia reuerentia:
 cum Deo mihi res est, ^v *qui potestatem habet*
animæ & corpus perdendi in gehennam. Hu-
 ic malo cum periculo & famæ iactura serui-
 re, quam gloriosus detrudi in infernum,
^x *ubi est fletus & stridor dentium perpetuus.*
^y *Pulchrum est periculum ad Deum transfu-
 gere.* Neque hunc animum impietati mihi
 aut leuitati dabitis, charissimi. CHRISTVS
 sic docuit discipulos. ² *Qui amat patrem
 aut matrem plus quam me, non est me dignus.*
 MOSES sic docuit Iudæos. ² *Qui dixerit pa-
 tri suo aut matri suæ, nescio vos, & fratribus
 suis, ignoro illos, & nescierunt filios suos, hi cu-
 stodierunt eloquium tuum, & pactum tuum,
 seruauerunt, iudicia tua ô Iacob, & legem tu-
 am ô Israel.* CHRYSOSTOMVS sic docuit au-
 ditores. ^b *In omnibus obtemperandum est pa-
 rentibus, præterquam in ijs, quæ pietati officiu-
 unt. Et doctrina Saluatoris, qui amat patrem*
 &c.

w *Matth. 10*
 28.

x *Matth. 13*
 42.

y *Clemens*
in Protre-
pisco.

z *Matth. 10*
 37.

a *Deut. 33*
 9. 10.

b *Homil. 36*
in Matth.

Et credentes filios maioris animi facit, Et patres remissiores ac leniores, ne ab amore CHRISTI liberos dimouerent, videntes tantas esse ipsius vires, ut facile possit a parentibus filios eripere. HIERONYMVS sic docuit Heliodorum. ^{c Epist. 1.} Licet paruulus ex collo pendeat nepos, licet passo crine & scissis vestibus, ubera quibus te nutrierat mater, ostendat, licet in limine pater iaceat, per calcatum perge patrem, siccis oculis ad vexillum crucis euola. Solum pietatis genus est, in hac re esse crudelem.

Deniq; AVGVSTINVS sic docuit Lætum, ^{d Epist. 38.} Qui amat animam suam, perdet eam in isto seculo, in vita aeterna inueniet: ita de parentibus rectissime dicitur, ut qui eos amat, perdat eos, non more parricidarum interficiens, sed spiritali gladio verbi DEI carnalem affectum eorum, quo & seipsum, & eos quos genuerunt, irritamentis huius seculi obligare conantur, pie fidenterque percutiens & occidens, illud in eis viuere faciat, quo fratres sunt, quo cum filiis suis temporalibus, parentes aeternos DEVM Ecclesiamq; cognoscant. Ecce rapit te studium veritatis cognoscende, atq; percipiende voluntatis Dei in scripturis sacris. Rapit Euangelicae predicationis officium. Dat signum Dominus, ut vigilemus in castris, & adificemus iurram de qua hostem sempiterna vita & prospicere & propellere valeamus. Rapit militem CHRISTI tuba caelestis ad praelium, & retinet mater:

Non

e i. Macca.

7. i.

f. Plutarch.

in libell. de

Lacon. inst.

Non planetalis, ^c qualis Machabaorum fuit,
 nec saltem similis ^f Lacedaemoniis matribus, de
 quibus memoria traditum est, quod filios suos,
 ut pro terrena patria sanguinem funderent;
 multo amplius atque ardentius in certamina
 bellica, quam signorum sonitus excitabant.
 Nam mater quae te ad discendam vitam re-
 moueri a curis secularibus non permittit, satis
 ostendit, quemadmodum te, si opus esset, ad ob-
 eundam mortem penitus seculum repudiare
 permetteret. Sed quid dicit, aut quid allegat?
 Fortè decē illos menses, quibus viscera eius one-
 rasti, & dolores parturitionis, ac labores edu-
 cationis? Hoc hoc interfice verbo salutari,
 hoc perde matris, ut in vitam aeternam inueni-
 as eam. Hoc memento ut oderis in ea, si diligis
 eam, si tyro Christi es, si turris fundamenta posu-
 isti, ne dicant transeuntes: hic homo cepit adifi-
 care & non potuit perficere. Carnalis enim
 affectus est iste, & adhuc veterem hominem
 sonat. Hunc carnalem affectum & in nobis &
 in nostris militia Christiana ut perimam⁹ hor-
 tatur, nec tamen ut ingratus sit quisquam pa-
 rentibus, & eadem ipsa beneficia quibus in vi-
 tam hanc editus, susceptus, atque nutritus est,
 enumerata derideat, se, uel potius ubiq; pie a-
 tem. Habent hac locum, ubi maiora non vo-
 cāt. Mater Ecclesia, mater est matris tuae. Hec
 nos de Christo concepit, hac martyrum sangui-
 ne parturivit, hac in sempiternam lucem pepe-
 rit,

g Luc. 14. 30

*rit, hac fidei lacte nutrit, cibosque maiores
preparans, quod adhuc parvuli & sine denti-
bus vagire vultus, herrescit.*

Iam de * vocatione mea non tam tædet * *IV. Ca-*
respondere, quam admiror, in hanc me (*q* *lumen*
aiunt) planiciem vocari. Quis enim i cele- *depulso.*
ratus vocationis suæ repagula perripit,
quam nefandi illi terræ filii, *Lutherus*, ex
ordine S. Augustini fugitivus : *Oecolampa-
dius* Brigittanæ familiæ desertor : *Martyr*
Dominicanæ religionis proditor ; *Bucerius*
Apost. t. Monachus, & contra fidem Deo
datam, contra Sacros Canones & Concilia,
contra communem deniq; omnium Chri-
stianorum sensum & consuetudinem bis
terq; sponsus & pater. Scilicet hi vocatio-
nis desertæ veniam habent, ego culpam: hi
præmium, ego opprobrium. Sed heus tu
Petre, heus *Paule*, heus Sancti Prophetæ &
Apostoli, quid vocationibus vestris fiebat,
cum ^h relictis fratribus & cognatione ve- *h Gen. 13. 8.*
stra; relictis ⁱ regum aulis & cubilibus: ^k re- *4.*
lictis teloniis quæ coëmeratis: ^l relictis reti- *Heb. 11. 8. 9.*
bus & sigenis, quibus vitam sustentabatis: *Exod. 2. 18*
^m relictis synedriis atque inquisitionibus, *Heb. 11. 24.*
quibus operam dabatis: ⁿ relictis curiis ac *25. 26. 27.*
tribunalibus, quorum honore fulgebatis: *4. Matth. 9.*
relictis deniq; omnibus, quæ humanæ vitæ *1. Matth. 4.*
decori aut præsidio esse poterant, & quæ *18. 9.*
vel fortunæ beneficio vel magistratus Im- *m. Act. 9. 7.*
perio *n. Act. 17. 34.*

perio consecuti eratis: cum inquam his omnibus relictis orbi, nudi, spreti atq; exules vocantem Dominum in peregrinas terras, in nouam fidem, in nouam militiam ac professionem nouam alacres sequebamini? Vtrum ea desertio probro vobis ac non potius laudi, imò magnæ non solum gloriæ, sed & centuplæ mercedis seges fuit?

*Matth. 19.
28. 29.*

Ad promittente palam Christo: *° Amen dico vobis, quod vos qui secuti estis me, in regeneratione; cum sederit filius hominis in sede maiestatis suæ, sedebitis & vos super sedes duodecim, indicantes duodecim tribus Israel. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomē meum, centuplum accipiet, & vitam æternam possidebit.* Quid ergo tu mihi nūc desertam impiam vocationem exprobras; cui huius & futuræ vitæ præmium à Deo præstitutū vides? Utinam me sponfore omnes *Heidelbergensium* Magistri & Profellores, omnes ministri & Catechætæ hoc in uocationem suam facinus designarent, & ^P subtracto nūdinis loquacitatis ministerio linguæ suæ, cum Apostolis & Martyribus, cum ¹ *Augustino* & ¹ *Victorino*, cum clarissimis quibusq; totius Germaniæ & Galliæ viris ad Catholicam Ecclesiam transfugerent: maiores felicitati suæ cumulos nunquam forent adiecturi.

*p August. 9.
confess. c. 2.*

*q Ibidem
cap. 6.
r Ibid. lib. 8.
cap. 3.*

*Scd

* Sed ab hoc loco me proximus vocat, ** V. Calu*
 ubi Hyperaspistes vocationi fidē & Ecclesi- *mnia de-*
 am substitutens, quam ibi desertionis Calū- *pulso.*
 niam præstruxit, hic exēdificat, atq; singula-
 ri præterea illa coronide exornat, quod ego
 in *Caluini* secta natus & educatus, tâto ma-
 iori ab ea sacrilegio me subduxerim, quan-
 to familiarioribus illi vinculis iam pridem
 fuerim astrictus. Quod ego telum si rursus
 cum *Brasida* è corpore meo (imò verò ab *J Plutarch.*
 extimo tantum scuto, corpus enim nequa- *in Lacon.*
 quam attigit) extrahere, atq; in hostium vi-
 cissim turmas eiaculari vellem, proh quan-
 tæ in *Lutherum, Melanchtonem, Brentium,*
Illyricum, Suvvenckfeldium, Zuinglium,
Caluinum, Bucerum, Occolampadium, Bul-
lingerum, Martyrem, Simlerum, BeZam,
Zanchium, Vrsinum, Tossanum, deniq; o-
 mnes illos quinti Euangelii Apostolos,
 quorum nullus in ea, in qua natus atq; e-
 ducatus fuit, religione constans perstitit, *1. 2. Thess. 1.*
 sed omnes (prohi dolor!) amore^r veritatis *10.*
 atq; antiquitatis abiecto, "ad insanas se fa- *11. 2. Tim 4.*
 bulas conuerterunt, stragis materiam habi-
 turus essem? Sed vt quam familiarissimè
 me defendam, quæro ex vobis *Parentes,*
 quæro ex te *Parce* collegisq; tuis, quisquam
 ne vestrum in ea, quam à Parentibus Præ-
 ceptoribusq; primitus hausit, religione
 nunc perstet? Abnuere non potestis, ple-
 K roiq;

rosq; vestrum aut Catholicos, aut Lutheranos fuisse, ac media demum vel vltima ætate ad isthac deploratam *Caluini* scholam, tanquã è *Charybdi* ad *Scyllã* deflexisse. Quid ergo nunc mihi patriæ religionis desertæ crimē obuertitis, cuius ego vos triplo aut quadruplo cōdēnare possū? Nego me in ea persistere aut mori debuisse, nisi salutarem fuisse demonstraueritis. Nascimur oēs filij *ADAM*, nascuntur multi in Gentilismo, multi in Turcismo, aut Iudaismo, nec tamē in illo rectē persistunt statu, quia aliud est nasci in Ecclesia malignantium, aliud per communionem Catholicæ Ecclesiæ regnum intrare cœlorum. Meminerimus extra repagula nati per ostium intrare ouile, vt sit ^x *grex vnus & pastor vnus*, & qui persequutores erant cum *Saulo*, pastores defensoresq; cum *Paulo* euadant. Neque ignorare potestis, fœdè multos in adolescentia hallucinari, cū infirmis adhuc iudiciis, & nulla experientia aut literatura cultis, de re omnium grauissima constituunt, & ad quamcunque sunt Religionem, vel casu, vel necessitate delati, ad eam tanquam ad scopulum adhærescunt. A quorum ego stultitia alienus, maturioris ætatis maturiora consilia sequutus, Deniq; ductu melius & felicius agnitam veritatem amplexatus, prioribus erroribus meis æternum *vale* nunciaui, meamq; anchoram

*x Iohann. 10.
16.*

choram in tutissimo Ecclesiæ Catholicæ portu fixi, iuuante CHRISTO, suadente conscientia, trahente *Augustino*, aut quicumq; author est *Hypognosticôn*. *Si iactatus in-* *Lib. 6.*
quit curru inanium quæstionum cadis in flu-
dtus vane contentionis, & veluti naui deserta
gubernaculo, per diuersa & incognita littora
volueris, nec prorsus ibi prospere nauigare po-
tes, reuertere, & sede in portu fidei Catholice,
ubi te nulla possit fluctuosa cogitationis tem-
pestas turbare & mergere.

* Quod tam salutare consilium meum, * *VII. Ca*
 quod leuitatis & Apostasias conuitio su- *lumnæ*
 spectum mihi reddere conamini (carissi- *depulsio.*
 mi) frustra laboratis. Nec enim leuis aut A-
 postata erat ² *Abrahamus*, cum deserto ido- *2 Gen. 12. 8*
 lorum cultu, cui à pueris assueuerat, veri *A. For. 7. 3.*
 Dei cultui cum tota posteritate se manci- *Iosue. 24. 2.*
 pauit. Non leuis aut Apostata erat ^a *Petrus*, *a Matth. 4.*
^b totusque Sanctorum Apostolorum cho- *18. 19.*
 rus, cū ^c *in plenitudine temporis*, quando ces- *b Matth. 19*
 sare vmbre legis debebant, vocanti Domi- *27.*
 no obsecuti, ^d *mysterium à seculo abscondi-* *c Gal. 4. 4.*
tum non solum amplexi sunt ipsi, sed & toti *d Coloss. 1. 26*
 orbi vulgauerunt. Non leuis aut Apostata
 erat ^e *Paulus*, cum Pharisaismo abiecto, cui *e Act. 9. 13*
 totus ab ineunte ætate seruierat, Christi le- *& seqq.*
 ge, cuius antea *Vatiniano* odio flagraue-
 rat, suscepta, omnes animi sui affectus, mo-
 tus & studia in contrarium immutauit.

*f. Lib. 5. con-
fess. ca. 7. §
9. G.*

Non leuis aut Apostata erat ^f *Augustinus*, cum è Manichæorum stabulis in Ecclesiæ penetralia progressus, quos antea coluerat, omnibus animi viribus oppugnauit, & quos antea oppugnarat, omnibus animi viribus propugnare cœpit. Non leuis deniq; aut Apostata erat totus Christianus orbis, cum tuba Apostolica percussus, *Saturnum Iouem, Neptunum, Plutonem, & similes Deastrorum pestes* deseruit, Christoq; inaudito prius numini, Sanctæ fidei instructione præuia, totam sceptorum suorum potentiam subtrahit. Miseros igitur, ac terq; quaterq; inconsideratos, qui se errorum pertinacia diuos fore sperant! § *Nunquam præstantibus in Repub. gubernanda viris laudata est in una sententia perpetua permanſio, sed ut in nauigando tempeſtati obſequi artis eſt, etiam ſi portum tenere nequeas, cum verò id poſſis mutata velificatione aſſequi, ſtultum eſt eum tenere cum periculo curſum, quem ceperis, potius quam eo commutato, quò velis tandem peruenire.* Quanto igitur magis in Ecclesia, vbi animæ ſalutisq; negocium geritur, ^h qui non potuit primas habere prudentiæ, ſecundas debet habere modestiæ: ut qui non valuit omnia impœnitenda credere, ſaltem pœniteat, quæ cognorit credenda non fuiſſe.

*g. Cic. lib. 1.
Epiſt. 9. ad
P. Lentul.*

*h. Aug. prol.
Retract. §
Epiſt. 7. ad
Marcell.*

**VIII. ca.
lumnie
depulſio.*

* Sed communicato me vobiscum conſilio agere maluiſſetis (*carissimi*) neque ita clan-

clanculum profugere. Quid? Clanculum profugere? Ego verò clanculum profugi, qui publicis ferijs, publica rheda, via publica, aperta luce, ordine amicis consalutatis, cum honestissimis ac numero dignitateq; maximè conspicuis viris *Heidelberga Spiram* deiectus; inde (secus non licebat) proximis diebus, totam consilij mei rationem familiæ per scripsi: per familiam Magistratui significandam curavi? ^{Antigon.} Non fugit, qui ^{apud Plu-} opportunitatem à tergo sitam, ^{carch in A-} persequitur. ^{poph.} Theodorus Philosophus interrogatus quondam, cur Athenis profugus ad *Lysimachum* regem venisset? non profugi inquit, sed ^{Philolud.} idem mihi accidit quod *Herculi*. Nam ut ille ^{en lib. Quod} ob peculiâres quasdam virtutes ab *Argonautis* ^{omni p. ob} fuit expositus: sic ego propter magnanimitatem, quam *Atheniensium* rectores non valebāt assequi, urbe sum exclusus. Sed esto, profugerim. Quid tum? Fecinè aliquid à more maiorum vestrorum alienum? Quid *Martyr*, quid *Zanchius*, quid *Vergerius*, quid *Ochinus*, quid alij vestrorum Prophetarum fecerint, vobisne ignotum est? Sed absit impiorum istorū exemplis me tuear. Ad ^{Matth. 12.} Christum dilabor, ^{15.} ad *Iosephum* & *Mariam*, ad ^{Io. 6. 15.} *Paulum* & *Barnabam*, ad plures denique ^{in Matth. 2.} Martyres & Christianos alios, qui sine scrupulo persequentium furorem, de civitate in ^{13.} civitatem, ut à Domino præceptum intellexerant, ^{in Act. 14. 6.} ^{Act. 9. 25.}

6 Math. 10
23.

p. Aelian. li.
3. de Var.
hist.

Plutarch.
in Alcibia.

xerant, fugitarunt. ° Cum persequentur inquit, vos in ciuitate ista, fugite in aliam. Amen dico vobis, non consummabitis ciuitates Israel, donec veniat filius hominis. Et ut^p Alcibiadem etiam huic choro inseram. Is cum ad causam capitis dicendam è Sicilia Athenas vocaretur, renuit, dixitq; stultum esse, pro fuga iudicium capeffere, cum fugere possis. Et cum quidam diceret, an non credis te ipsum patriæ? Respondit, imò ne matri quidem crederem. Time-rem enim, ne fortè per imprudentiam aut errorem veritatis nigrum calculum pro candida submitteret. Idem de communicandis cum amicis, aut collegis, aut quondam præceptoribus consilijs responsum habete. Nam primum re adhuc integra, consului sanè multos, quos cautè & sine periculo potui. Consului Patres in antiquitate; consului fratres in suis aduersus Bellarminum disputationibus: consului *Daneum*, consului *Wittakerum*, consului *Iunium*, consului denique *Rainoldum* & *Sibrandum*, & quicumque isto tempore aduersus Heroem istum quicquam mutire ausus fuerat: quin & cum multis coram sententias contuli. Sed nusquam nil neque rationis neq; opis, neq; consilij: ut Idem mihi planè accideret, quod in Fausto sibi accidisse Sanctus profitetur Augustinus. ^q Posteaquam inquit, ille mihi imperitus earum artium, quibus cum excellero

q. Lib. 5. com
fals. cap. 7.

cellere putaueram, satis apparuit, desperare
cepisse eum mihi illa, quae me mouebant, a-
perire atq; dissoluere, quorum quidem ignarus
pisset veritatem tenere pietatis, sed si Mani-
chaeus non esset. Deinde ad domesticos quod
attinet, istam quærendi sollicitudinem non
solum in me vehementer repressit grauissi-
ma ista Tertulliani præscriptio. [[†] Nobis in-

quit, etsi quærendum esset adhuc, & semper, <sup>De Pra-
script. ca. 12</sup> ubi tamen queri oporteret? Apud hereticos?

Vbi omnia extranea & aduersaria nostræ ve-
ritati? ^{Ad quos vetamus accedere. Quis ser-} <sup>12. Ioan. 1.
10. 11.</sup>

uicibaria ab extraneo, ne dicam ab inimico
Domini fuisse sperat? Quis miles ab infederatis,
ne dicam ab hostibus regibus, donatum &
stipendium capiat, nisi planè desertor, & trās-
fuga, & rebellis? Etiam [†] anus illa intra rectum ^{† Luc. 15. 8.}

suum dragmam requirebat: Etiam [†] pulsator ^{† Luc. 11. 5.}
ille vicini ianuam tunde-
bat: Etiam [†] vidua ^{† Luc. 18. 2.}

illa non inimicum, licet durum iudicem inter-
pellabat. Nemo inde strui potest, unde destrui-
tur. Nemo ab eo illuminatur, à quo conte-
nebratur. Quæramus ergo in nostro, & à no-
stris, & de nostro: Idq; duntaxat quod saluâ
regula fidei potest in questionem deuenire.]

Verum multò magis periculi euitandi ne-
cessitas, vestraeque (vt ita dicam) præ Inqui-
sitorum Sacramentis innocentiae tuendæ
prouidentia. Cum enim inscijs vobis tam
scrupulosæ accuriosæ purgationes impossi-

3 *Matth. 13.*
44:

tæ sint, quid conscijs futurum fuisse existi-
matis? Ego verò cum ¹ *regnum Dei legis-*
sem thesaurum esse in agro absconditum, quem
reperit homo abscondit, & præ gaudio quod
habet super eo abiit, & omnia quaecunq; habet,
vendit, & mercatur agrum illum: & verò di-
es noctesque Catholicorum arua fodiens,
hunc ibi thesaurum defossam, vel maio-
rum potius nostrorum calumnijs, tanquam
grandi lapidum aceruo obrutum inueni-
rem, ut Stentorem agerem, aut garrulitate
mea tantum bonum perderem prostitu-
remue, nihil erat. Quin quemadmodum Au-
gustinus paria consilia agitans: ² *consilium*
inquit, nostrum erat coram te Domino, coram
hominibus autem nisi nostris non erat: & con-
venerat inter nos, ne passim cuiquam effunde-
retur, quæquam tu nobis à conualle ploratio-
nis ascenditibus & cantantibus canticum
graduum, dederas sagittas acutas, & carbones
vastæ ores aduersus linguam subdolan, velut
confutendo contradicentem, & sicut cibum as-
solet, amando consumentem: ita & ego mihi,
præsertim omnem publicæ professionis
fructum desperanti, lentè incedendum,
prudenterque agendum duxi, ne consilio
meo deiectus irrecoverabilem libertatis ia-
cturam facerem.

* IX. Ca-
lumnie
refutatio.

* Quid ergo nunc illud est, quod de do-
lore vobis facto, de iniusto dedecore, de
con-

concitato in Ecclesia scandalo porrò am-
pullatur Hyperaspistes vester? Dolorum
excusabit necessitas: dedecus refutabit pie-
tas: scandalum purgabit vtilitas conuersio-
nis meæ. Quid enim? an dedecus vobis ad-
mittere videtur, qui sanctæ illi fidei nomen
dat, in qua omnis & huius & futuræ vitæ
gloria, maiestas & honor requiescunt?
Non (credite mihi) nō viuunt in dedecore
Sanctissimi Pontifices, non inuictissimi Im-
peratores, non Serenissimi Reges ac Prin-
cipes Non vixerunt maiores nostri, nō au-
proqui, abauī, attauī &c. quorum nomini-
bus gaudemus, quorum factis superbimus,
quorum gloria clarescimus. Non Sancti A-
postoli, non Euangelistæ nec Martyres, nec
Confessores: qui quanto hic maculatiores

a stulta predicationis officio ab impiis habiti *2. Cor. 1.21*
sunt, tanto maiori nunc in cœlis splendore
refulgent, cumque ipsorum claritate syde-
rum concertant. Beatum igitur vestrum de-
decus, o parentes, beatam maculam, si vos
spinæ rosam, vos vitiçæ lilium generare po-
tuitis! Nec minus beatum me, si quod er-
rori vestro offendiculum statuere potui, vt
qui antea pleno cursu in *Caluini* retia pro-
ruebant, nunc meo non nihil exemplo ab-
sterriri, pedem sistant, atq; hanc regiam or-
bis Christiani viam cogitare incipiant. O
quis dies mihi videre dabit, vos ^b omnes esse *1. Cor. 7.7*

K s sicut

c Genes. 7.
38.

d Math. 11.
11.

e Luc. 2. 49

f Lib. 5. con
fess. cap. 8.

*sicut ego sum! non cauda mutilos, ut vos ex
Æsopo luditis, sed fide integros, & veritate
fortes, & constantia firmos: amplectentes
videlicet hanc unam, sanctam, Catholicam
& Apostolicam Ecclesiam, extra quam qui
vitam finit, non magis saluari potest, quam
qui olim^c diluvii tempore extra Noë arcam
vel in montibus, vel in arborum cacumini-
bus refugium quæsierunt. Attamen dolor
vobis iniectus adhuc dolet. ô tenelli! nonne
d regnum Dei patitur vim? nonne & Ioseph
& Maria dolentes quærebant Christum?
At ille^e *Quid est* (inquit) *quod quærebatis
me? Nesciebatis quia in his me oportet esse, quæ
patris mei sunt?* Iam Sancta illa Monica
quam acriter filium clanculum Romam na-
vigantem, luxit & planxit? Accipite verbis
Augustini, mihiq; ignoscite.^f *Egisti inquit
mecum, ut mihi persuaderetur Romam perge-
re, & potius ibi docere, quod docebam Car-
thagine. Sed quare hinc abirem, & illuc irem,
tu sciebas Deus, nec indicabas mihi nec matri,
qua me profectum atrociter planxit, & usque
ad mare secuta est. Sed fefelli eam violenter
me tenentem, ut aut renocaret, aut mecum
pergeret, & sinxi me amicum nolle deserere,
donec vento facto navigaret. Et tamen recu-
santi sine me redire, vix persuasi, ut in loco,
qui proximus nostræ navi erat memoria beati
Cypriani, maneret ea nocte. Sed ea nocte clan-
culo**

culo ego profectus sum, illa autem remansit orando & flendo. Et quid a te petebat Deus meus tantis lachrymis, nisi ut navigare me non sineres? Sed tu alte consulēs, & exaudiens cardinem desiderii eius, non curasti quod tunc petebat, ut in me faceres quod semper petebat. Flavit ventus & implevit vela nostra, & litus subtraxit aspectibus nostris. In quo mane illa insaniebat dolore & querelis, ac gemitu implebat aures tuas contemnentes ista, cum & me cupiditatibus meis raperes, ad finiendas ipsas cupiditates, & illius carnale desiderium in isto dolorum flagello vapularet. Amabat enim secum præsentiam meam more matrum, sed multis multo amplius, & nesciebat quid tū illi gaudiorum factururus esses de absentia mea. Nesciebat, ideo flebat & eulabat &c.

* Ecce quam iustis vndiquaq; præfidiis * *X. Ca-*
& firmamētis tota mea causa suffulta sit. Et *lumnia*
tamen ille cupiditatis æstu plenus, reatum *depulso.*
adhuc apud Deum, infamiam apud bonos
minitari audet. O felicem reatum! O glori-
osam infamiam meam! Si tu *Parce* præstan-
tissima merita tua cum infami huiusmodi
reatu permutare posses, næ tu profectò
perquam beatus & gloriosus fores. Sed de
reatu video ego, De infamia viderint illi,
in quos hæc Imperatoris lex scripta est. §
Receptatores, defensores & fautores heretico-
rum damnamus, firmiter statuentes, ut post-
quam

§ *Authent.*
credentes e.
de heres. &
Manich.

quam quilibet talium fuerit excommunicati-
one notatus, satisfacere contempserit intra an-
num ex tunc IPSO IVRE SIT INFAMIS,
nec ad publica officia seu consilia, vel ad eligen-
dum aliquos adhibeatur, neq; ad testimonium
admittatur. Sit etiam intestabilis, ut nec te-
standi liberam habeat facultatem, nec ad ha-
reditatis successionem accedat. Nullus prater-
ea ei super quocunq; negotio, sed ipse aliis re-
spondere cogatur. Quod si forte index exitto-
rit, eius sententia nullam obtineat firmitatem,
nec cause aliqua ad eius audientiam perferan-
tur. Si vero fuerit advocatus, eius patrocinium
nullatenus admittatur. Si tabellio, instrumen-
ta per ipsum confecta, nullius penitus momenti
censeantur.

Quamobrem CHARISSIMI (vteodem
principio & fine claudam epistolam me-
am) quid est quod tam tragicas passim ad-
uersum me querelas excitatis? qd est quod
tam implacabili in conuersionem meam i-
ra ferimini? Videtis Catholicum me esse o-
portuisse, si saluus esse voluerim. Videtis &
vos esse oportere, si salui esse velitis. ^h Quā
in concussis enim documentorum firmamentis
omnis Caluini vestri, aut Bezzæ, aut Ursini,
aut quorumuis nouatorum vanitas conuin-
catur, non magnum est etiam tardis ingenio, si
tantum patienter aut intentè audierint, perui-
dere. Sed ad sectandam insolitam rectitudi-
nem

^h August.
Epist. 137.
ad Cal.

*nem usitate & quasi familiaris peruerſitatis
vinculum abruptere, maiorum virium est.*

Quare expergiscimini per Deum, expergi-
ſcimini, eicite ex aminis vestris tumultuo-
sa illa præiudiciorum rudera, pacato cor-
de, sedata bile, iusta lance, defensionis meæ
pondera trutinare: ipsius Catholicæ fidei
lectis propugnatoribus; meum in timore
Domini exemplum sequimini, vosq; è fœ-
dissima dispersione ad maternum Ecclesiæ
sinum aggregate: spectate lucentem toto
orbe manifestissimæ veritatis solem, da-
mnate tenebras, eligite lucē, ¹ *ut filii lucis sitis* *1. Ioh. 12.*
12. subtrahite collum diabolo, & subdite *36.*

Christo, qui iudex futurus orbis, beatitudi-
ne sempiterna afficiet Ecclesiam, hæreticos
autem, Schismaticos, & reprobos omnes æ-
ternis suppliciis mactabit. Nec putate vos
ratiunculis vestris, aut *συνφωσμένων* con-
sultorum Hyperaspistarumque vestrorum
λόγους contra hæc tam clara & manifesta
saluos fore. Folia ficulnea sunt: & ^k *foris infu-* *2. Aug. 12. conf. 16.*
flantes in puluerem; excitabitis terram in ocu-
los vestros, iudiciumq; vobis grauius accer-
setis: Tanto quidem grauius, quanto à me
fideliuſ estis moniti. Sermo enim hic quem
de munere Dei, nouit ipse quanta & pacis &
vestri dilectione, deprompsi, testis erit, si
nolitis, correctio verò si velitis. Mogunt. 8.
Idus Septemb. M.DCI.

EPIST.

EPISTOLA XV.

SANCTISSIMO IN CHRISTO

Patri & D. N. CLEMENTI VIII. Pon-
tifici Maximo*IVSTVS BARONIVS VETE-
racastrensis.*

AD III. Calend. Sextileis, cum duobus ante mensibus *Moguntiam* venissem, magna in ærumna mea redditæ mihi sunt alteræ S^{tis} T^r litteræ, paternæ mei ad *Illustriſſimum Electorem Moguntinum* commendatione stipatæ. Quas propterea tanta animi exultatione perlegi, ut quasi in medio naufragio scapham attingere, tutoq; vitæ portui appellari viderer. Rem marmori insculpsi sempiternæ memoriæ: nec danti quicquā gratius à me rependi posse puto, quam si gratum habuero, quod gratis accepi. Spiritui enim gratiæ contumeliā facit, qui beneficium dantis grata mente non suscipit: Ut *Imerico Cancellario* Magnus ille *Bernhardus* quondam descripsit. Verum ne solis agendis gratijs contentus, omnem beneficentiæ fructum ludere videar, En hunc primitiarum fasciculum ad pedes S^{tis} T^r depono: id est breuem modestamque (qualis spiritum Christi decet) pro mea ad Sacrosanctam Catholicam Romanam Ecclesiam transmigrati-
one

ene Apologiam, nomini Illustrissimi Nepotistui, D. CINTHII ALDOBRANDINI, &c. consecratam: quam hoc ipso quoque nomine S^{ti} T^æ velut domus ALDOBRANDINÆ fausto *Atlanti* gratiorem fore speravi. Maiora atque elaboratiora ingenioli vires opera nunc non tulerunt. Proximæ tamen Nundinæ *σὺν* *ἡμῶν* propositum nostrum vberius confirmabunt, nec vlla corrigendi erroris vsquā oblata à me peribit occasio; quin totis viribus hominum saluti incumbam, tenebrisque occæcos non exemplo solum meo, verum & studio & conatu ad Catholicæ veritatis lumen perducere annitar. Sed est à fortuna grande huic successui obiectum obstaculum, cui amoliendo, si qui possunt, seriam nauabunt operam, breui integras conuersorum menses faciemus; quod ex eorum numero æstimo, qui mihi hæctenus ex *Palatinatu* cæterisque vicinis Prouincijs præcipui viri ac duces gregum adfuerunt.

Fructum Apostolicæ commendationis ab *Illustrissimo Archiepiscopo* nostro expectamus. Locus in Curia, quem sciam, nunc vacuus nullus. Interim expectationem optimus Princeps necessario subsidio fulcit; meque benigne habet. De nominis mutatione etsi gaudeam mihi liberum relictum, causæ tamen subsunt, quam obrem meo in
urbem

urbem aduentui (nam ea adhuc spes super-
est) reſeruandam arbitrer. Res obuia calu-
mnijs, & niſi certo autore fiat, maioris apud
Parentes opprobrij, quod ſi non effugere
proſus, declinare ſaltem aliquantulum li-
cebit. De valetudine primum febris *Augu-
ſtana* in Colicam abiit: deinde medici dili-
gétia, quæ certè Deus hic induſtrium peri-
tumque dedit, ſenſim ſublata, neceſſarijs i-
terum vitæ munijſ me præeſſe ſinit. Im-
mortales Deo gratiæ, qui durum ceruicibus
meis flagellum clementer abſtulit: Immor-
tales etiam gratiæ tibi, S A N C^{mc} PONTIFEX,
cuius paterna commiſeratio, atque Apoſto-
lica benediſtio, non minoris quam priſcæ
illæ Patriarchales cenſenda, non dubito
quin vel maximum ſanitati meæ robur at-
tulerit. * *Benedictus Dominus Deus noſter,*
qui voluit te ordinare ſuper thronum ſuum,
Pontificem Eccleſiæ ſuæ: Beati viri tui, &
beati ſerui tui, qui aſſiſtunt corā te omni tem-
pore, & audiunt ſapientiam tuam. Vicisti fa-
nam virtutibus tuis. Diligit Deus Iſrael, &
vult ſeruare eum in æternum. Idcirco poſuit
te ſuper eum, Paſtorem, ut faceres iudicia
atq; iuſtitiam. Mogunt. Calend. O-
ctob. M. DCI.

2. Par.

9. 7. 8.

EPI-

EPISTOLA XVI.

ILL^{mo} ET REV^{mo} D. CÆSARIBARONIO Sorano S. R. E. Cardinali

IVSTVS BARONIVS VETERACAſtrenſis S.

ET si publica gratiarum actione tua incredibilia erga me merita celebrare constitueram, CARDINALIS ILL^{mc}: tamen quia multis ex causis longum fiebat, auertendum putaui, ne immemor paterni tui in me affectus viderer. Primum igitur quod meam ab itinere Romano reiecti causam tam fideliter apud Pontificem Max. egisti, quod meum in Germania luctum moremque literis quam humanissimis consolatus es, quod constantem denique fidem & patrocinium tuum deinceps rebus meis clementissimè addixisti: scito id totum me eo loco habere, quo beneficia longè maxima atque omni laudatoris cothurno superiora haberi debēt. Sed quia multum insuper beneficiorum istorum pondus auget, quotidiana diuinissimorum ANNALIUM tuorum lectio, (quos quotiescunque inspicio, inspicio autē creberrime, præcep̃s in hymnum illum Seueri M. leuitani feror.

ô vere artificiosa apis Dei, construens fanos à Apud S.
diuini nectaris plenos, manantes misericordi- August. E.
piſt. 37.

L am

am & veritatem, per quos discurrens deliciatur anima mea; & vitali pastu quicquid in se minus inuenit, aut imbecillum sentit; refarcire & suffulcire molitur:) Scito eam esse vicissim animi mei πρὸς χάριν ποτὴν, vt si aliquam tuorum meritōrum partem videat assecuturus, non solum me totum, quantus quantus sum, tuæ vnius voluntati libenter consecraturus, sed & ipsâ vitâ tuę vitæ litaturus sim. Sed non vis sanguinem scio: fidem, pietatem, constantiam vis. Quæ ipsa vt tibi de me testatiora sint, eni accipe hunc primitiarum Catholicarum fasciculum, vel primæ potius messis manipulum, APOLOGETICAM meam ad Romanam Ecclesiam transmigrationis defensionem; homini quidem tuo (ratio non ferebat) non dicatam, sed ex voto tamen tuo (spero) scriptam. Quam vbi legeris, & calculo tuo comprobabis, magnum me laboris mei fructum percepisse putabo. Sin improbabis, meq; ad hanc militiam sacram iudicabis imbecilliorē, quæso per Deum tempestiuè mone, reuocaque à carceribus properantem; ne longius in campum progressus, sistendi postea cursus locum nullum inueniam. Nam de studijs quidem meis ipse certum adhuc capere consilium nō potui, alijs me causis ad Theologiam, alijs ad Iurisprudentiam vocantibus. Quæ ipsa in deliberatione me tuo vel maxime

ximè ductu gubernari obsecro. *Theologia* paulò magis insueui : sed clericis potissimè ex hac professione vitā pendere in Ecclesia sentio. De lure iam aliquo vsque ultra humilia etiam subsellia progressus sum. Sed sunt quæ morentur, sunt quæ abstergeant, non ipsa solum tanti pelagi immensitas, verum & tribunalibus ab imperitis aut cupidis iniustitiæ aspersa macula, quam nescio quomodo etiam contrahunt, qui se intimos iustitiæ alumnos profitentur.

De cæteris rebus meis heu quam variā mihi hætenus fortuna ! Ex vna parte vexauit turbo malignissimæ famæ ; ac turpissimorum conuictorum, quibus nomen meum lacerare haud cessarunt etiam ij, qui vel maximè eius patroni esse debuissent. Ex altera insurrexit fluctus grauissimarum offensionum ; irarum atque execrationum ; parentum scilicet & amicorum, qui haud secus ac parricidij reum teterrimis huc vsq; supplicijs me destinare pergunt. Ex altera denique perculit fulgur magistratus ac tonitrua tribunorum *Predicantium* : quorum ille quæ in uxorem, liberos, & suppellectilem librariam perpetrarit, aliàs scribam : hi verò singulis in me concionibus non mitius, quàm in *Verrem* aliquem aut *Catilinam*, aut vt propius sacris nostris efferam, in *Porphyrium* aut *Iulianum* debacchati sunt.

6 Luc. 23.

34

Sed hic à patientia præsidium meum duxi, deflexisque oculis ad eum, qui grauiora à suis contribulibus passus, ^b *Dimitte* (inquit) *illis, pater: non enim sciunt quid faciant:* eodem me clypeo tutatus sum. Neque effecerunt tamen omni conatu suo, quin aliqui pietatis ardore correpti, inter ipsas adhuc perstrepentium spumas Catholicam fidem meditari inceperint: quorum anteambulo- nem se præbuit honestus adolescens IACO- BUS NIGRINVS, qui cum abiurata hæresi, Sacramentorumq; sæpius frequentata re- ligione commodum hic locum non inue- niret, nostro inprimis suasu & hortatu Ro- mam iter capessijt, tuaque inprimis huma- nitate AMPLISSIME CARDINALIS præsens si- bi spopodit subsidiū. Quæ ne eum spes fal- lat, etiam atque etiam oro. Sunt hæc prælu- dia maioris vbertatis, nec deerunt viri præ- clarissimi, qui si *Thesaurum* aliquem nacti fu- erint, breui spero eandem viam ingredian- tur. Quibus adeò studia mea haud defutu- ra sunt, vt quicquid in me est opis, aut dili- gentiæ, aut industriæ, id totum libenter sa- luti eorum cum capitis etiam discrimine deuoturus sim. Patroni hic erga me partes cumulatè exequitur Illustris D. IOHAN. SCHVICARDVS à CRONBERG, *Cathedralis Ecclesie Moguntina Decanus*: qui ad me vn- diquaque ornandum & tutandum prom- ptus,

ptus, vnica Sedis Apostolicæ commendati-
 one videtur futurus longè promptior. Hâc
 igitur mihi gratiam vbi clementer imparti-
 emini, & cumulum vestrorum erga me be-
 neficiorum plenior, & fructum meo-
 rum hic emolumentorum longè reddetis
 auctiorem. Vale ILL^{mo} D^{ne} Mogunt. Calen.
 Octob. M. DCI.

EPISTOLA XVII.

ILL^{mo} ET REV^{mo} D. CINTHIO

Aldobrandino, S. R. E.

Cardinali.

IVSTVS BARONIVS VETE-
racastrensis S.

ERAM equidem iam antea satis in studiū
 admirationemque tui incitatus, ILL^{mo}
 ET REV^{mo} CARDINALIS, cum priori-
 bus literis tuis ostendisses, quanti causam
 meam faceres, quantumq; eam promotam
 cuperes. Posteaquam verò nunc etiam po-
 sterioribus cognoui, nec culpam silentii
 mei grauissimam, errore magis quam stu-
 dio aut negligentia admissam, ab hoc te a-
 nimo dimouere potuisse: tanta facta est ad
 pristinum meum erga te studium accessio,
 quantam verbis explicare non possum. Edi-
 turus itaq; re ipsa qualemcūq; grati animi
 significationem, mitto consecratas amplif-

fimo nomini tuo Catholicorum meorum
 fructuum primitias: id est *Pro mea ad Sacro-
 sanctam Apostolicam Romanam Ecclesiam
 transmigratione APOLOGIAM*. Quam quid
 scribere, quid edere, quid tibi inprimis di-
 care ac consecrare impulerit, quia isthic in
 fronte satis præfatus sum, nihil nunc repe-
 to. Vnum id restat, conatum ut meum be-
 nigne probes, vileque literarium munu-
 sculum μετ' εὐνοίας καὶ μεγάλης συγγνώ-
 μης accipias, reputans id animo, *decumana
 maxima*, prima omnium minima esse *ona*
 consueuille. Cæterarum mearum rerum
 statum CARDINALI BARONIO perscripsi,
 afflictum scilicet illum, & quotidianis ca-
 lamitatibus afflictiozem. Morbo expedi-
 tum furia nunc infestant calumniarum,
 furia inimicitiarum, furia rapinarum, ut
 maximo jure meum illud psaltis facere pos-
 sim. ² *Domine duxisti super me omnes fluctus
 tuos, longe fosisti notos à me, posuerunt me abo-
 minationem sibi. Traditus sum & non egredi-
 ebar: oculi mei languerunt pre inopia: circum-
 dederunt me sicut aqua tota die, circumdede-
 runt me simul. Elongasti à me amicum ac pro-
 ximum, & notos à miseria. Sed quid ad me
 frendens diaboli insania?*

*psal. 87. 3.
 2. 18. 9.*

*6 Horat. li.
 3. Carm. O-
 do. 2.*

*6 IUSTVM & tenacem propositi virum,
 Non cinium ardor praua iubentium,*

Non

*Non vultus instantis Tyranni
Mente quatit solida, neq; Ausser
Dux inquieti turbidus Adria
Nec fulminantis magna manus Iouis;
Si fractus illabatur orbis
Impavidum ferient ruinae.*

Atque hanc mentis meæ constantiam, quo mystæ mendaciorum liquidius perspiciant, omni opere annitor, verbo, gestu, vultu. Nec cesso vndiq; peritiorum animos lacerare, legendarum controuersiarum laborem ne subterfugiant, ac *μυρμολύκεις* illa falsissimorum de nobis præiudiciorum eliminant, quibus sublati haud dubito, mirificos eos in veritate progressus facturos. Neq; aliud est, quod magis homines ab orthodoxa fide absterreat, quàm inania illa terriculamenta, & monstrosa de plerisque doctrinæ nostræ capitibus ab hæreticis excogitata figmenta: quibus quandiu miseri tanquam *capitibus Gorgoneis* defixi hærent, obrigescunt, & vespertilionum instar ad plenam lucem cæcutiunt. Cui vulneri sanando, vrendo, leniendo vt ego periclitus pernoxq; cum cæteris hic instabo: ita vos quæso istic Excellentissimi Principes ad clauum Ecclesiæ sedentes, iuuare votis, fauete animis & linguis, & quæ minus ex animo vestro videbuntur facta, libera virgula emendate, ne non tam nostra in obediendo

voluntas, quàm vestra in præcipiendo successibus publicis autoritas defuisse videatur. Vale. Mogünt. 3. Non. Octob. MDCL.

EPISTOLA XVIII.

ILL^{mo} ET REV^{mo} D. ROBERTO
Bellarmino S. R. E. Cardinali, Archi-
episcopo Capuano

IVSTVS BARONIVS VETERA-
castrensis.

POSTEA QUAM Iure ciuitatis Dei donatus sum, ILL^{me} ET REV^{me} D^{ne} nil maiori cura annitendum putavi, quàm vt pomœria eius quaqua possem, dilatarem, hostesq; ipsius festino cursu ad interitum properantes, ab execrabili insania reuocarem. Quamobrem cum ipsa experiëntia nossem, inter CALVINIANÆ hæreseos sustentacula duo insigniora esse, quibus plerique omnes siue in *Germania*, siue in *Belgio* suos concipiant, foveant, protegant, & ad posteritatem propagent errores: *Iohannis Caluini Institutionem*, & *Zacharia Vrsini Explicationes Catecheticas*: Cogitare iam dudum cœpi, quomodo ista fulcra incidi, & ad perfidiæ defensionem inutilia reddi possint. Cogitationem isthanc auxit negotij perficiendi facilitas. Cum enim à doctissimis viris ita nunc instructa sit Catholica Ecclesia, vt non

non

non vnos tantum *Caluinos* aut *Vrsinos*, sed integras bestiarum huiusmodi turmas prosternere, ac si connittantur, ad internecionē delere queant, quid laboris restet in duobus, summis quidem illis, sed tamen hæreticis Dei; armatura inferiorib⁹, & ad omne ictum nudis? Sed quia multum interest, quo quidque modo, quo duce & auspice geratur, deliberandum censui, cui potissimum hæ partes demandarentur. Ac de *Vrsino* quidem res expedita est, si vel nostratium aliquis cum eo in arenam descēdat. De *Caluino* autem grauior labor, cui cum sollicitē mecum cogito, quem potissimum Antagonistam optem, te vnum inuenio ILL^{me} D^{ne} omnium aptissimum: cuius laus & fama toto orbe percrebrescens, apud ipsos quoque hæreticos tantam existimationem dignitatemq; consecuta est, vt vel sola nominis tui illecebra ad emendum legēdumque incitari soleant. Quamobrem si à grauiissimis occupationibus tuis tantum subcessui temporis decerpere licebit, persuadeas tibi velim, nullum excellentius, nullum fructuosius, magisque Christianæ Reipub. necessarium à te opus elucubrari posse. Erit nempe hæc felix *Disputationum tuarum* coronis, quosque illis tanquam arietibus conuulsi, hoc quasi *Herculeo* telo obtruncabis, ne vlla repullulascere vsquam

L 5 *hydra*

* Hieron. a- hydra possit. * Maſle virtute diuine vir, in-
 pud S. au- orbe celebraris: Catholici te conditorem anti-
 guſt. Epist. queruſum fidei venerantur atq; ſuſpiciunt,
 25. Et apud quod maioris glorie eſt, omnes heretici dete-
 ſummeſt ſtantur; meq; pari perſequuntur odio, qui con-
 Hieron. E- traſtantes ventos ardore fidei perſiti, maluiq;
 piſt 30. ad quantum Dominus gratiæ dedit, ſolus libe-
 Auguſt. rari de Sodomis, quam cum pereuntibus com-
 morari. Mogunt. Nonis Octob. M. DCI.

EPISTOLA XIX.

CÆSAR BARONIVS SORANUS S. R. E. Cardina-
 lis

IVSTO BARONIO VETERA-
 caſtrenſi S.

Illuſtris Domine.

SVAVISSIMAS literas tuas accepi, quæ mi-
 hi partim ſummam iucunditatem, par-
 tim ſummum dolorem attulerunt; tū quod
 perpetuam tuam conſtantiam, quam in re-
 bus aduerſis demonſtras, indicabant; tum
 quod ita te animatum eſſe ſignificent, cu-
 pere te omneſtuas exercitationes & ſtudia
 ad meam ſententiam dirigere. Quod itaq;
 ad primum attinet, benè facis, quod exiſti-
 mes, nihil tam graue tamque moleſtum e-
 uenire poſſe, quod à bona mente te poſſit
 aut debeat auocare. Quod vero ad ſtudium
 genus amplectendum ſpectat, credo in

Theo-

Theologia te posse optimam operam collocare; ut fidem Catholicam, quam verè suscepisti, scriptis etiam, ut incepisti, comprobēs. Litteras quas ad ILL^{cm} D. De animum petis, ynà mitto; teque ad proximum ver *Rome* videre desidero. Vale. Ex Vrbe. 12. Calend Nouemb. M.DCI.

EPISTOLA XX.

CLEMENS PAPA VIII.

DILECTO FILIO IVSTO BARONIO Veteracastrensi.

Dilecte Fili, Salutem & Apostolicam benedictionem.

LITTERAS tuas, & *Apolo-*
logiam de tuo ad gremi-
um Catholicæ Eccle-
siæ reditu, quas ad nos
miisti, libentī animo accepimus,
gratumque est nobis, quod præclara
erga te diuinæ misericordiæ benefi-
cia, & piè agnoscis, & magnificè
prædicas, & ad eandem veritatis lu-
cem, quam Spiritu Sancto auctore
inuenisti, alios adhuc tenebris in-
volutos perducere studes. Non erit,

vt

vt speramus, infructuosus labor tuus, Deo ipso sementi tuæ incrementum dante. Tuum tibi certe meritum apud patrem misericordiarum constabit, ac saluum erit. Quod Venerabilis frater noster *Archiepiscopus, & Princeps Elector Moguntinus*, & nostra commendatione, & tua virtute adductus, benigne, vt scribis, tecum agat, teq; foueat, id nobis pergratum est, nostræque expectationi consentaneum: ad quem alteras nunc quoq; tui causa commendatitias litteras damus, vt te tanto propensius complectatur. Quin etiam & *Decano* illius insignis Capituli te commendamus, vt plura tibi præsidia paremus. Tu verò si *Romam* venire statueris, gratus nobis aduenies, teq; & libenter in primis videbimus, & tibi adiumento erimus. Amamus enim te in Christo paterno

* 1. Pet. 2. affectu. Ipse autem, qui te * *vocauit*
 9. *in admirabile lumen suum*, dona sua in te custodiat, atq; adaugeat, & nos tibi

hi Apostolicam benedictionem nostram ex animo impartimur. Datum *Romæ*, apud Sanctum Petrum, sub Annulo Piscatoris, die XII. Decemb. MDCL. Pontificatus Nostri Anno Decimo.

Silvius Antonian. Card.

EPISTOLA XXI.

CINTHIUS ALDOBRANDI-

nus S. R. E. Cardinalis

IUSTO BARONIO VETERA-
castrensi S.

Magnifice & Ornatissime Domine.

ACCĒPI quidem litteras tuas 3. Non. Octobris datas, nec dum tamen *Apologiam* mihi, ut scribis, dicatam. Nescio quid moræ in itinere ei obiectum narrat egregius Dominus *Iosephus VVindenius*, cui ut video res tuæ non mediocri curæ. Exosculor interim toto animi affectu istas, absentes licet, Catholicorum tuorum fructuum, ut vocas primitias. Quæ utinā iis prosint maximè, quibus hunc potissimum desudasti laborem. Certè nō dubitō quin magnopere probentur, quibuscunque inerit aliquis pietatis ac bonæ mentis sensus. Nolo *fav-*
tem

remagendarum tibi gratiarum officium diutius debere. Hoc igitur persoluo & quidem ex animo, sed ita tamen, ut me nihilominus in ære tuo semper esse agnoscam lubens ac profitear. Omnino messis isthic vberissima, ut testantur eadem litteræ tuæ. In tanta autem operariorum paucitate planè confidimus fore, ut præcipuè virtus tua & industriâ eniteat. Aderit Deus in Vineâ suâ fideliter laboranti, cui etiam paratum *Sanctissimi Pontificis* patrociniû, ut plenius ex *Breni Apostolico*, quod cum hisce litteris erit, accipies. Vale feliciter, illataq; tibi pietatis causâ iniurias, quibus equidem ingemisco, forti ac verè Christiano pectore perferre insiste, hoc subinde reputans, * *non esse condignas huius sæculi passiones ad futuram gloriam, quam tibi auguro & opto.* Romæ diē 21. Decemb. MDCL.

* Rom. 8.
18.

EPISTOLA XXII.

NICOLAUS SERARIUS SOCIETAT. IESU PRESBYTER

DANIELITO SSANO ACAD.
Heidelb. Professori S.

MIRABERE fortassis, Doctiss^{me} D. Tosane, quid ignotusego ad te, ad Calvinianum Catholicus, ad Superintendentem Societatis Iesu Homo. Sanè scribendi causa mihi nulla esset, nisi perperelleres. Atqui id pau-

id paucis exponam, non ut vlllo tecum modo litigem (vetat^a Ecclesiasticus, & paulò^a Cap. 8. 4. suauius Apostolus cum ait.^b *Servum Domini non oportet litigare.*) Sed ut de te apud te, dolens licet ac inuitus querar: neque, ut apud^c S. Hieronymum quidam, *me quod nemo nouit, audisse aut vidisse fingam*, sed ut Paulus meus,^d *que scribo, ecce coram Deo, quia non mentior.* Audieram non ita pridem meas quasdam, cum aliorum quorundam literis apud vos interceptas, & cū alio proficisci deberent, retentas. Sed quia id neq; mihi certum, neq; à quo, aut quam ob causam factum esset, indicatum erat, contempsimusculum. Præsertim, quia mihi eram probè conscius, neque in alijs, neq; in illis à me quidquam positò, quod vel Momos & vitiligatores vlllos meritò irritaret. Deinde quia si ab eo, cui publicæ aliquid auctoritatis esset; retentæ illæ fuissent, ego negry quidem aut my contra. Sed quiritari si quid vellem, apud Deum meum potius, quam apud homines, expostularem. At superiore hebdomade, cum è *R^{di} & Nobilis Domini Metropolitana huius Ecclesiæ Præpositi* domo, ad amicum quendam officij negotijque alicuius causâ iuisssem, monstrauit is mihi, quæ *Heidelberga* venerat, Epistolâ, in qua scriptum erat, *D. Tossanum, & D. Gernandum* illas, de quibus ago, literas

^a Cap. 8. 4.^b 2. Tim. 2.^c Princip.^d Gal. 1. 26.^e adu. Ruf.^f fin.^g Gal. 1. 26.

ras accepisse. Mirari ego, Theologum & Heidelbergensium Theologorum Principem, Veteranum verbi ministrum, & Superintendentem, quod suum non esset, ita palam accipere, neque suo cum posset, Domino redhibere. Attamen aliud nihil tum constitui, sola tui miratione miserationeq; contentus. Nudius autem quart^o, cum iam ex animo iniuriam illam delessem, ecce tibi ex *Aschaffenburgensi* Reu^{mi} & Ill^{mi} nostri aula quidam. Narrat quemadmodum meæ, & *D. Iusti Baronij* literæ *Heidelbergæ* sint ad eundem Reu^{um} & Ill^{um} nostrum missæ. Integræ, inquam, clausæ & obsignatæ? Non, inquit, sed apertæ ac resignatæ. Immo marginalibus etiam notationibus, & sublineata rubrica illustratæ. Auebam videre, & ipsa illico apographa profert, non tam ipsa, quod optassem, autographa. Obstupui: nec tamen steterunt comæ: sed animus; & ut *Philolachus Plantinus*: diu cogitavi, argumenta in pect^o multa insiliui, eamque rem in meo corde volutavi, & diu disputavi. Tandem verò, nō possum, inquam, minus, quam non quidem apud alios, sed apud ipsum innotet *D. Tossanum* conqueri. Dominum illum alterum non novi: & si nossem, forte causa etiam esset, cur de eo putarem silentium satius. *D. autem Tossanum*, concionantem quandoq; audiui, & è scriptis

ptis

ptis noui. Sacras is literas legit: pacatius
& vtilius cum eo licebit agere. Prior etiam
ē duobus nominabatur. Et Notheticam hi-
sce diebus in nostra hæreticorum Biblio-
theca vidi Epistolam, quam ad Theologum
Moguntinum ipse olim; non priuatis lite-
ris, sed Typis publicis destinauit: ægro fer-
re animo haud poterit, si Moguntinorum
nunc aliquis, ab illo læsus, & iniuria non
vulgari affectus, aliquam ad eum vel quæ-
relam vel monitiunculam priuatim & ar-
canè mittat. Obsecro te igitur, mi *D. Tossa-
ne*, cum pax Dei Opt. Max. benignitate in
terrīs alta est, cum inter principes & popu-
los bella nulla sunt, quod nam tibi alienas
litteras interuertendi & recludendi ius? An
plusquam *S. Paulo* vobis prædicantibus
omnia & licent & expediunt? An quia ipsi
Dei Ecclesiæ, diuinarum literarum libros,
diuinæque gratiæ sigilla iam aliquot detra-
xistis, eius etiam membris & alumnis pub-
licum humanumque literarum & sigillo-
rum vsum eripietis? Quia Christi Domini
ac S^{is} Nⁱ omniumq; cœlitum signa sustuli-
stis, in Epistolarum etiam sigilla inuadetis?
Quia Ecclesiasticas & Pontificias leges cō-
tempnistis, diuinas etiam, & quas ipsa omni-
um animis infixit inculpsitq; natura, con-
culcabitis? Diuina vtique, & prout contra
Caluino vestro similimum *Faustum* San-

61. Cor. 6 : 2
E 10. 23.
Eccles. 37 38

f Lib 15 76

M. Stus

Etus dicit Augustinus, *naturalis lex est, Quod tibi non vis fieri, alteri ne feceris*. Si verò literarum quidpiam tu aut in Hollandiam ad *Iunium*, aut in Galliam ad *Bezam*, aut verò ad tuorum vllum aliò dares, easne aut hic Moguntia, aut alibi vsipiam, ab eo qui cum non agis, capi & reserari velles? Imo his ipsi, quas ad te iam scribo, etsi momenti nò magni sunt, alienas inijci manus optares? Verumtamen dico tibi, quia Imperatori *Alexandro* remissius erit in die iudicii, quam tibi. *Clamabat .n. Sapius*, (² Lampridij verbis utar) *q. à quibusdam sine Iudeis, sine Christianis audierat & tenebat, idq. per preconem, cum aliquem emendaret, dicere soebat: Quod tibi non vis fieri, alteri ne feceris*. Dum animo interdum mecum reputo, vt fundendarum pro vita functis precum è ^h Sacris Biblijs exemplum profligaretur, per vos *Machabaeorum* librorum auctoritatem à Satana maxime oppugnata, venit in mentem vereri, ne in sacrum *Tobia* librum idem iuris & honestatis omnis aduersarius linguas stylosq; vestros tanto hactenus opere incitarit & exarmarit, vt ex eodem diuinorum librorum tabulario tam præclara tamque hominum generi utilis & necessaria hæc naturæ lex per uos eraderetur: sicque sensim per axioma vestrum, quia *in Biblijs scripta non esset*, ex hominum animis & moribus peni-

tina

g. de Alex.

h. 2. Mach.

13. 4. 45.

tus exterminaretur. Etsi enim paucis quibusdam visum olim aliter, ea tamen hodiè in tota Bibliaci corporis structura, neq; secundum vnam nostram antiquam, neq; secundum vestras tot & tam varias versiones novas, nisi in aureo & Canonico ⁱ *Tobia* libello, disertè perscripta. Sed Senex apud vos taceat Tobias. Vates audiatur ^k *Isaias*. Erit, ait, *vobis visio omnium, sicut verba libri signati, quem cum dederint scienti literas, dicent: Lege istum, & respondebit, non possum. Signatum est enim.* Is, de quo mihi postea loquendum; hæreticus habet quidem loco aliquo *Tremellium*, & in *Iunio* dissentiens à *Beza* iudicium commendat: Bibliacam tamen eorum versionem mirè improbat, ocysimumque ipsi aut sepulchrum, aut Vulcanum augurat. Quia tamen isthic nata, vobisque admodum bella & bona est, meminisse poteris, in ea pro *signato libro*, *litteras* poni *obsignatas*. Hæ verò legendi perito cum dantur, quomodo se ideo legere non posse respondet, quia obsignatæ sint? non manibus, dentibus, cultellis earum claustra frangere, sigilla conuellere, totas explicare, explicatas arbitrati suo legere ac relegere poterat? Sanè si *Phyficam* vim & robur spectemus, poterat: si *Ethicam*, qua id posse dicimur, quod ritè recteq; possumus; non poterat. Quemadmodum si hisce meis per-

ⁱ *Cap. 4. 16.*

^k *Cap. 29. 11.*

lectis, aut efferuescens iræ impetus, aut biliosior astâtis alicuius vox tibi diceret: *Quid Tossane cessas? Irascere, Irascere: nouamque vili huic animæ plagam inflige: tu pro tua prudentia & grauitate responderes, non possum. Si enim naturalis tantum facultas consideratur, posses profecto in me stomachari, nouiq; quidpiam sycophantari. Sed si quam recta regat ratio & iustitia, potestas spectetur, nihil potes. Isto igitur modo inducit illum Propheta dicentem, se obsignatas legere literas non posse, vt exinde liceat intelligere, quæ apud omnes tum signatarum rerum fuerit religio, quæque apud omnes è naturæ præscripto esse semper debeat. Vt cum meæ illæ tibi traderentur, simulq; vel à tuo ipsius animo, vel ab eo, qui tradebat, diceretur, lege, respondendum abs te merito fuerit, *Non possum. Nam obsignatæ sunt.* In¹ *Apocalypsi*, quæ et si *Lutheranis* Apocrypha, vobis tamen *Caluinianis* Canonica est, *liber septem signaculis signatus* profertur, magna que ab Angelo voce clamat. ^m *Quis est dignus aperire librum, & soluere signacula eius?* Si naturales tantum vires, & audacia requireretur, essent in promptu, qui septuaginta etiam soluere ac frangere possent signacula. Sed quia dignitas, ius, & potestas legitima & sancta in eo, qui soluere vult, necessaria est, subdit *S. Iohannes,**

hannes, præter innocentem & diuinum illum agnumⁿ nemo poterat neq₃ in cælo, neque *in terra*, neq₃ *subtus terram* aperire librum, neq₃ respicere illum. Nō sunt quidem literularum mearum quisquiliæ cum augusto mysticoque signato libro illo conferendæ: Sed ex ea tanti Apostoli visione ac descriptione cognoscimus, ad ea quæ sigillis clausa & munita sunt, aperienda & inspicienda, non esse quemlibet aptum & idoneum: Verum tantummodo illos, qui digni sunt, dignitate morali, iustitiæ naturæque consentanea. Noster vero S. Paulus quid? *Hæc ait, 1. Thess. 4. est voluntas Dei, Sanctificatio Vestra: Et paul-3. culis interiectis, P. ut ne quis supergrediatur, p. Ibid. 5. 6. neq₃ circumueniat in negotio fratrem suū, quoniam vindex est Dominus de his omnibus.* Qui vero pacis tempore, in publica principum gentiumque tranquillitate, quod alterius est, inuito eo arripit, ipsum non supergreditur? & si ex eo, quod arripuit perniciem ei aliquam & incommodum creare nititur, eum non circumuenit? Sunt autem quæ ad aliquem ab aliquo mittuntur Epistolæ, dominorum duorum. Nam qui mittit, suas esse manu signoque suo indicat: is verò ad quem mittuntur, & interiore illarum appellatione, & exteriori tergi superscriptione, sibi eas iure vendicat: & cum eas alius quispiam retentare ac dirumpere vult, re-

clamat & renititur illorum vterque, absens licet: vnus per complicationem & sigillum suum: per superscriptionem nomenq; suum alter. Vt duplex hic quodammodo interueniat supergressio & circumuentio. Valde igitur Dei voluntati repugnat, valde sanctificationem suam impiat & polluit, valde diuinam suam in caput vindictam accersit, literarum eiusmodi retentator & disruptor. Atque hæc & his multo plura, quæ diuinus passim suppeditat codex, apud omnes, apud Theologum tamen & Superintendentem præsertim, momenti esse debent maximi: si tamen libeat, interroga, mi *D. Tossane*, ipsos etiam Iurisconsultos, aut si fortè (quod mihi quandoque vester videtur fecisse *Iunius*, vti & ante annos aliquot *Sohnius*) eos legisti, recole quemadmodum ad *Corneliam de falsis* legem & pœnam, literarum alienarum apertores & inuulgatores reuocent ^q *Bartolus*, ^r *Clarus*, ^s *Dambuderius*, alij. Sed quod ad illam reuocent, non propriam in istos sanctionem afferant, vel ideo accidit, quod hoc iniuriæ genustantum sit, vt quemadmodum de scelere alio dixit Apostolus, ^t *ne inter gentes quidem auditum esset*: vel ^u vti de parricidio dixisse Solon dicitur, *nunquam id futurum suspicarentur* Christiani, Ethnicique legum latôres. Et quæ alia etiam causa, cur aut Philosophi, aut

q *Bartol. l. Cor. de fals.*
 r *Tasio. ad municipalem.*
 s *Clar. li. 5. sentent. 4.*
 t *Verf. Apovians.*
 u *Dambud. in Praxi. crimin. c. 122. num. 19.*
 v *20.*
 w *Cor. 5. 1.*
 x *Plutar. in Solane.*

aut Grāmatici, verborum quibus quæq; res
nominetur, artifices, nullum, quod quidē
sciā; ijs qui culpa sese tali astrinxissent, no-
men imposuerint? Alioquin vt in similibus
cognatisque vitijs, non dubito quin per a-
liquam saltem imitationem, Græcè ac La-
tinè *Grammatocleptas, Grammataposphra-
gistas, litterisfragos, & litterirupas* haberemus.
Mitte istos tamen, & ad Iudæos perge. In-
uenies, quemadmodum dictitent, & in quo-
tidianis ac familiaribus etiam Epistolijs
scriptitent, horrēdam *Rabbi Gersonis*, quem
Meorath haggolāh, siue *captiuorum exilium-
que lumen* vocant, ijs execrationem impen-
dere, qui quæ ad ipsos non spectarent, dis-
soluere at referare literas audeant. Et licet
quam Cornelia pœna, quam Gersonicum
anathema hoc, multo magis illa, quam su-
pra denunciabat * Apostolus, Dei vindicta ^{21. Tb. 4.}
extimescenda sit, ex hisce tamen à Christia-
na sanētitate alienis, cæcis mortalibus dis-
cimus, vim aliorum signis & Epistolis ad-
hibere quam detestabile sit. Magis tamen
fortasse credas, si è tuis aliquos audias. In
suo igitur Theatro⁷ Theodorus, *alienas li- y Volum. 1.*
teras resignare, curiositatis, ait, & perfidie est. ^{10m. 3. pag.}
Scholæ Vestræ antecessor, nisi tamen (vti ^{256.}
cum superiore mereatu eum Francofurti
viderem, facturum mihi quidam Geneuen-
sis dicebat) à vobis discessit *D. Gothofredus,*

M 4 in

2. Int. qui
testamentū
amovens.
ff de leg.
Corn. de fal.
seu D. li. 48.
Tit. 10. 2.
a Luther.
Tom 9 Wit
tenb f. 92.
§ 293.

in sua interlitorum ac resignatorum testa-
mentorum explicatione, ² *Resignat*, ait, *qui*
sigillum auferit, vel qui aperit. Id Bartolus ex-
amovens. tendit ad eum, qui literas alterius aperit. Sed
omnium instar sit magnus vester Parens,
qui in Geneuensi Calendario vestro, vnde
sanctos Dei cœlites exturbastis; *verus Dei*
seruus indigitatur, ³ Martinus Lutherus. Is
non priuatum aut prædicantem quempi-
am, vt ego iā, admonens, sed prout gloria-
tur, *Illustriss^m Saxonia Ducem Landgrauium*
Thuringæ, Margrauium Mißnia accusans,
& maledictis (quam rectè vos maledici hu-
ius nepotes videritis) figens omnibus, *Fur*,
ait, *est fur, siue pecunia fur, siue literarum fur*
sit. Et postea, Non est in orbe terrarum maior
literarum falsator, quam qui arcanam Epi-
stolam contra Domini eius scientiam & vo-
luntatem aperit, vel alieno dat. Aut si eius
Germanica, quod in ijs energiæ plus forlan
sit, malis, bonâ eorum, quibus ista lingua-
rum non placet permixtio, veniâ transcri-
bere non granabor. *Dieb ist ein Dieb / er*
sey ein gelt Dieb / oder brieff Dieb. Vnd
ein fleines darnach. Kein grösser Brieff-
fälscher ist auff Erden / dann wer einen
heimlichen Brieff / wider wissen vnd wil-
len seines Herrn offenbaret / oder einem
frembden zu eigen macht. Habet ibidem
generis eiusdem alia complura. Sed hæc a-
pud

pud humaniores, quia sūt acerbiora, nimis etiam fortasse multa. Quia tamen tam libenter literas nostras aperitis, ex te scire velim, quis tu usea in re sensus? Quid spectes? an vt alieni nouique cognoscas aliquid? Nimia id curiositatis est: nimia à re sua ocij. Scin' quid ^b *prisca Locrensiū lex?* ^b *Plut. lib. de curios.* Ab alio absq; iniuria vlla solo verbo quærere, *quid noui?* capitale fuit. Quid alienas eam ad rem schedas cōpilare, annulos aut ceras refringere? ^c *Culpa est, ait iuris regula,* ^c *ff. de div. regul. iur. l. 36.* immiscere se rei ad se non pertinenti. Turpe est, si prædicantes ^d *aliena* ^d *Iuuenal.*

Scire volunt secreta domus atq; inde satyr. 3. timeri,

Perq; nefas quarunt toto quid fiat in orbe,

Quid Seres, quid Thraces agant.

Rogamus, ait Apostolus, vt operam detis, ^e *et Th. II 4.* vt quieti sitis, & vt vestrum negotium agatis. ^{II.}

Iterumq; cum Thessalonicæ quosdam curiosè agentes inaudisset. ^f *Iis, ait, qui eiusmo-* ^f *2. Thess 3.* di sunt, denunciamus, & obsecramus in D. Iesu ^{12.}

Christo, vt cum silentio operantes, suum panem manducent. An ne contra vos machinentur aliquid litteræ metuis? In tanta Imperii sacri principum coniunctione, in nulla vel minima bellorum suspicione, nimi⁹ est ille metus, nimia timiditas. Nosti de quibus dicat⁹ Regius Propheta. *Trepidauerunt timore* ^g *Ps. l. 13 5.* *re, ubi non erat timor.* Apud Iuris prudentes, ^h *1. de i. 2. 6.*

M 5 ^h *ani*

b L. 124. ff.
de R. g. l. iur.

Vanitatis iusta excusatio non est. Pulchre ac sapienter monuit Claudianus.

i In 4. Cen-
sui. Honorij.

*Rumorum ne avidus. Qui talia curat, in-
anes*

Horrebit strepitus, nulla non anxius hora.

Cum tamen expenditur, à vobis literas, ne quo tendebant, peruenirent, impeditas, isthic apertas & notulis aspersas, sicque ad REV^m & ILL^m nostrum *Aschaffenburgum* missas, apparet vel cum duabus positis iam causis, vel absq; iis, huc vos collimasse, vt mihi, aut per me, Societati nostræ, ipsisque adeo antiquæ fidei sectatoribus, è verborum, si liceret, quorundam tendiculis Calumniam strueretis. Et hoc prioribus illis multo grauius. Seria & clara Verantis Dei vox est. *Non facies Calumniam proximo tuo.* Et magno in Vitio eam ponit è Prophetis, qui dicit, *Chanaan in manu eius statera dolosa, Calumniam dilexit.* Sed bene habet, inquit, S. Hieronymus, quod malitia non habet tantas Vires, quantos conatus. Perierat innocentia, si semper nequitia iuncta esset potentia: Et totum quidqd cupit calūnia, praualleret. Vt ergo cognoscas, scopo isto excidisse vos, frustra que cum Geraritis, de calumniæ puteo, aduersus Isaaci pastores corrixari, de mels tantum, non de aliis quibus eadem iniectæ compedes, literis exponam. Habent aliarum illarum Domini ætatem,

& f

Leu. 19. 13

i Hs. 12. 12.
7.

& si quando iis consultum videbitur; loqui possunt. Do^{um} certe *Iustū Baronium* ne huius quidem consilii scriptionisq; meæ conscium studiū volui, ne forte ipsi apud vos esse in *unguis in ulcere*. Licet enim de ipso tu pro concione, quam alii quidam humanus, prout ex eorum, qui assiduas tibi aures prebent, vno eoq; vt opinor, minimè futili audiebam, continere te tamen haud potuisti, quin eius ad catholicam Ecclesiam accessum in alias potius, quam in veritatis, æternæq; salutis amorem, causas conferres. Sed visitata hæc iam in omnes, quos ab erroribus vestris reuocat pater Luminum, miserator & misericors Dominus, criminatio, neq; tamen noua. Cum n. *Manicheorum* heresin detestatus *S. Augustinus* ad Catholicos transisset, quas non illi vanitioris, vanæque gloriæ causas finxerunt: lege si libet, vel vnā ad illum *Secundini Manichæi* Epistolam, aut potius, quæ in libri contra ipsum principio ipse sanctus respondit. *m* *S. Aug.*
lib. cont. Secund. cap. 1.
et 2.
 Tristis, ait, sum, quod tenaciter in hæsis suspitionibus falsis, partim aduersus me, partim aduersus ipsam, quæ mutari non potest, veritatem. Et paulo post. Senti de *Augustino* quidquid libet, sola me in oculis Dei conscientia non accuset. Iterumq; Non bona de me suspicatus es, quod carnali timore alienius incommoditatis, quæ de vestra Societate mihi accideret

dere poterat, hæresin Manichaorum relinquerem, vel cupiditate honoris. Eadem aut certè similia vobis respondere posset non D. Iustus Baronius tantum, sed alii etiam tot & tanti, quos ab Ecclesia vestri abstulerant errores, & ad eam nunc immensa Dei bonitate & gratiâ, non in *Germania* tantum, sed *Polonia* etiam & *Gallia*, vbi præcipue Christianissimi Regis eminet, stellarumq; aliarum chorum ducit exemplum, reuertuntur. Verum ad meam venio epistolam, & in ea primo ipsa occurrit Epigraphe, quæ isto se modo habuit.

*Reuerendissimo & Illustrissimo D. Cesari
Baronio Amplissimo S. R. E. Cardinali Roma.*

Clamabant hæc omnia neque *Heidelbergæ* neque *Neostadii*, neque in toto *Palatinatu* quenquam esse, ad quem hæc mitteretur Epistola: ideoq; in ista quidem ciuili, communique Germaniæ ac Italiæ pace ac tranquillitate, à nullo eam ibidem frangendam & lustrandam. Flagitabat hoc etiam Reuerendissima & Illustrissima eius, cuius scriptum nomen, dignitas, Sanctitas, & virtus eximia. Aut si apud vos vilia hæc, eo saltem in loco, vbi *Academia* est, ea in vrbe quæ literarum altrix, vetusque sedes; valeat aliquid debuit egregia viri illius tot tantisq;

tisque in lucem editis operibus testatissima
eruditio. Apud alios sanè,

—ⁿ *Ingenuas didicisse fideliter artes,* *n Ouid. 2*
Emollit mores, nec sinit esse feros. *de ponto. E.*

Quanto apud Academicos magis? *Vi. pist. 2.*

sum multis in locis non raro, ut doctorum
in doctos homines, etiam absentes & de fa-
cie ignotos tantus extaret amor, humanitas
tanta, ut quos vidissent nunquam; dilige-
rent, omnique si possent officio prosequer-
entur. Indoctum verò te si quis diceret,
iniuriam opinor tibi fieri putares. Imo et-
iam fortasse, si quis ignotum, inuisum, vel
inauditum tibi *Baronium* affirmaret. Quo-
modo n. eum, cui Ecclesiæ antiquæ no-
tissima esse debet facies, lateat præstantissi-
mus Ecclesiasticæ antiquitatis scriptor, tot
in locis, & toties iam cusus & recusus? præ-
sertim cum è vestris; quib⁹ alia tamen studi-
orum Sparta est; eum legerint interdumq;
commendarint aliqui. Dominum vestrum
Freherum in suo de *cenſus numismate* tra-
ctatu omitto: *Iosephus* certè *Scaliger* in *Cor-*
rectionis suæ correctæ Prolegomenis de i-
pſo ita; *Vir eximia doctrina Dominus Caesar*
Baronius, Annalium Ecclesiasticorum scri-
ptor. Et postea læpius, *doctus, & eruditissimus*
Vir. Quid, quod in eo aliquid se vidisse, in
suarum contra nos calumniarum farragi-
ne, indicat *Celsizans & Lucianizans Lapis*
vester?

vester? Æquissimum igitur erat, te tantum Caluinianæ Theologiæ professorem, Prædicantem, & Superintendentem, quæ tanti viri essent, literas iniuria nulla violare: aut si qui violare alii voluissent, cum illo, cui apud Poëtam inermis dextra, legumque amor; exclamare.

6. Aeneid. 11

Quo ruitis? quæne ista repens iniuria surgit?

O Cohibete iras!

p. 2. Tim. 3.

20.

Si autem cur ad eum ego, qui in *P magna Dei domo* vile ac inhonorum vas sum; scribam, & quidem tam pœnè familiariter; quæras: Scito eum à pluribus iam annis, p eximia sua erga omnes humanitate me nullo meo sanè merito, ad amicorum suorum, quos ubique habet plurimos; album aggregare dignatum fuisse: idque percrebris ad me literis priuatim, suis etiam doctissimis voluminibus publicè, omnibusque beneuolentiæ amicitiaq; symbolis ante & post *Cardinalatum*, non leuiter contestatum fecisse. Non est, non est mi *D. Tossane*, tanta in Ecclesiæ principibus arrogantia & fastus, quantum vos ex vmbonibus vestris interdum declamatis. *Ad populum* scilicet *Phaleras*. Verum in Epigraphe ista cum quod calumniæ pateat, nihil: multa vero sint, quæ ab iniuria magno illi viro, præclaro seculi nostri ornamento inferenda men-

tes manusque vestras arcere debuerint; Videamus, an intro in ipso earum literarum penetrali latuerit forte quidpiam. Tria earum fuisse capita legisti. Primum erat de Domino quondam Calviniano *Iusto Baronio* Alterum de Clarissimo Viro Norinburgensi Patricio, Do. *Carolo imhoff*. Tertiū de quodam Græcæ ac Hebrææ linguarum gnato hæretico. Primum christiana dictavit charitas: secundum cum eadem charitate vetus amicitia: tertium prudentia. In primo, cum variè tum & acerbè à vestris vexaretur D. *Baronius*, opis ei & consolationis aliquid afferre studebam laudabam *Admodum Rdñ & Nobilē Dōm Metropolitana huius Ecclesie Decanum*, ob magna & illustria in illum merita: ostendebam è Pontificia munificentia solatii fructusque plurimum iam acceptum, è commendatione verò, quam ad Reuerendiss^m. & Illustriss^m. nostrum dederat; sperari consimiliter non parum. Quod et propter insitam virtutem atque clementiam, & propter insignem erga Apostolicam sedem, cuius *Moguntina Ecclesia specialis filia* dicitur, observantiam; bona boni principis mens esset. Quod ad alterum attinet; Dominus illi *Carolus*, sua in patria, inter ciues, propinquos, affinesque suos, arctum & diuturnum iam inde à Paschate, solius Catholicæ religionis cau-

9. *Al Phil.*
lem 4.
2. Tim. 1. 3.
1. Thes.
1. 3.

sâ, perpetiebatur carcerem. A pluribus vero annis, cum hæreseon auia deferens rectam veteris fidei viam inijt, mihi cum eo maxima esset cœpit necessitudo. Ipsum tam duro tristisque tempore, tam bona in causa, tantaque innocentia deserere, amici non fuisset. Cum meo igitur S. Paulo,⁹ *memoriam eius faciebam in orationibus meis, sine intermissione* ^s *memor operis fidei eius; & sustinentia spei D. Nostri Iesu Christi, ante Deum & patrem nostrum*, idemque ab aliis pluribus fieri rogabam. Tandem verò mihi etiam, quod mendicis licet omnibus, persuasi, vt humanam ab iis opem & auxilium peterem, quos & pro summa sua dignitate & auctoritate posse aliquid: & pro intensa sua erga Deum & homines charitate, insignique beneuolentia & bonitate velle, certo scirem. In his vero, quid ni Reuerendis^{us} & Illustris^{us} de quo supra, Cardinalis *Baronius*? Opem tamen & auxilium petebam, non aut violentum, aut vlllo modo turbulentum, ciuitatiq̃ue illi, quam ex quo tempore vidi primum, semper dilexi & colui, molestum & graue: absit. Sed inter amicos etiam vsitatum, placidum, & eiusmodi, quod ne barbaria quidem vlla improbaret. Verbi causa, vt *Augustum Sacri Imperii caput rogaretur* (meum hoc verbum erat) vt iuberet *legitimo* (& hoc meum) illum
modo

modo à Senatu illo accusari, eique ad ea, quæ obiiicerentur respondendi potestatem fieri. Nam & hoc latrociniorum, scelerumque omnium conuictissimis, apud tribunalia concedi passim videmus: & ad S. Paulum olim dicebat Agrippa, *permittitur tibi loqui* *Actor.* *pro temetipso.* De Tertio autem capite sic se res habet. Hæreticus ille cuius libens & tum peperci, & nunc etiam parco nomini, sæpè mihi dixerat, cupere se *Italiam* visere, Ipsi etiam, si quidem liceret; Pontifici, ex Hebræis Rabbinoꝝ commentariis contra perfidiam Iudæoꝝ, alioꝝque (semel *Caluinistas* nominauit) cæcitatem, operam nauare. Commendam ergo aliis quibusdam prioribus literis huic ipsi Reu^{mo} Cardinali hominem, & quæ ipsi vel natura, vel studium & labor dederat, literaturæ alicuius talenta, quantum verè amiceque poteram, laudaram. Ne tamen mea hæc laudatio, si quæ itineris adiumenta poscebam, impetrassem, aut sacrosanctæ fidei sinceritati, aut ipsius D. Cardinalis expectationi fraudi esset, visum fuerat, non quæ scripseram reuocare, sed quæ penitior postea introspectu & experientia deprehenderam explicare. Idem verò, ne & hoc nescias, hæreticus superiore hoc ipso Nouembri litteras adhuc ad me dedit, quibus de suis cum Reu^{mo} Cardinale *Bellarmino* studiis

N

agi

agi optabar. Habes capitum, quæ in illis meis inerant; & occasiones & causas. Quid in iis verò, propter quod leges naturæ, Dei, gentiumque omnium perumpendæ fuerint? Quid: è quo vel criminatiunculam ipsa exsculpat Calumnia? Quid aut contra te, aut tuorum vllum? Nam iste, de quo iam aliquoties; hæreticus, neque Lutheranus, neque Calvinianus, neque purè putè sectarum earum, quæ his in oris apud nos palam vigent; vllius est. *Lutherus* ei crassus & rusticus est: *Calvinus* in scripturarum diuinarum expositione, stupidus & inconstans: *Beza* indoctus & penè infans. Alia taceo. nonne fugientem è Mesopotamia Iacob imitari iam possum, tibi que minus quam habuerit Laban, causæ habenti dicere: "

Genes.
31. 36.

Quam ob culpam meam & ob quod peccatum meum, sic exarsisti post me, & scrutatus es omnem suppellectilem meam? Quid inuenisti de cuncta substantia domus tue? Pone hic coram fratribus meis, & fratribus tuis: & iudicent inter me & te: Iudicent sapientiores doctioresque, & indoctiores omnes è tuis Prædicantibus, Theologis, Academicis. Quosdam enim quibus non Cornea fibra est, adhuc apud vos noui. Vel potius, quoniam priua est mea hæc epistola, & inter nos soli tantum agimus, iudica tu ipse, fieri ne à vobis debuerit, quod factum est. Et iudicare melius

melius vt possis, percurram ea breuiter, quæ vel à te vel ab alio aliquo (nihil n. de hoc audire potui) in exemplo, quod à nobis aduenit, minio subnotata erant. Ea enim potissimum sunt, quæ in inuidiam & odium trahere, atque si licuisset, carbone deformare voluit maleuolentia: & ad solum è tribus antea positis epistolæ capitibus primum pertinent. Sunt autem numero quatuor. Quorum primo est etiam in margine præfixa notula hæc, *n. c.* Sed in qua Dauus ego, non Oedipus, Illud verò in hisce verbis est.

Vxorem verò ipsius ac liberos dimittere ad ipsum nolunt Heidelbergenses.

Cum Epistolam illam scriberem XII. Calendas Septembris, ita prorsus erat. Et si enim postea Illustrissimi Electoris clementissimo annutu & benignitate, tam vxor quam liberi ad *Baronium* dimissi sunt, nondum tamen tunc libellum supplicem acceperat illi⁹ Celsitudo, & ab *Ecclesiastico* interim, vti apud vos nominatur, *Senatu* bona illa crebrius vocabatur & examinabatur fœmina; idque etiam aliquandiu, prout ego quidem audiui, post optimum & clementissimum ipsius Illustrissimi Palatini responsum & concessionem. Alterum in istis est.

*Ad Reuerendissimum & Illustrissimum no-
uum Electum nostrum.*

Hic quæso peccati quid? nihil video, nihil ne suspicari quidem possum. Nam reuera erat *Reuerendissimus*, & *Illustrissimus* erat etiam *Nouus electus*, & erat *Noster*. Quæ Atgiua hic igitur calumnia? forte id est, quod *Confirmatum* non addiderim. Sed in litteris, latinis præsertim, non semper solent integri Dominorum tituli recenseri. Et ut recenserentur, nondum tunc, uti modo, *Confirmatus* dicebatur. Tertium est hoc. *Nisi bonam boni principis mentem, quedam fortè quorundam consilia & voces impendant.*

Horum causa sententiaque verborum est. Aiebam de Reuerendissimi & Illustrissimi Archiepiscopi, Dominique nostri benefica in *D. Baronium* voluntate bonam concipiendam spem, quia & bonus esset princeps, & bona eius mens. Quia tamè occupatissimis, variaque rerum momenta pensitantibus, ea etiam interdum, quæ maximè vellent, vel excidunt, vel aliud in tempus differuntur, ostendebam, si quid huiusmodi fortè iam accideret, id malum in partem à nullo interpretandum, neq; Principis bonitati, sed alijs potius impedimentis ascri-

asscribendum. Verbi causa, quibusdam quorundam fortè consilijs & vocibus. Licet enim qui Principibus loquuntur, vel consilia dant, integri boniq; viri sint, de eadem tamen re non eadem semper sentiunt & dicunt: initio maximè, cum subito quid agendum, aut loquendum. E varijs n. rerum circumstantijs aliæ alijs, vt alio atq; alio modo iudicent, occurrunt. Quid atra hæc ergo rubrica significat? an mentiri me, cum *bonum principem* appello *bonamq;* ipsius *mentem* scribo? E rubricatoris ergo sententiâ *malus* ille, & *mala* ipsius *mens*. At hoc ipsius Principis abuti patientia foret, eas ad eum litteras remittere, quæ hoc ipso nomine mendacij accusarentur, quod *bonum* illum, *bonumque* ipsius *animum* prædicarent.

An nimis parum tribuere, cum impediri posse insinuo? At hominem à nullo impediri posse, supra hominem est. Non vult tantum sibi tribui, quisquis sapit mortalis vltus. An adulari, quia eius laudo bonitatem? at certè apud alium & remotissimè quidem à R. dis^o ipso disiunctum loquebar: neque futurum vnquam putabam, vt meæ à vobis harpagarentur literæ, ad illiusq; Celsitudinem mitteretur. Et sanè multo aliàs, & alijs plura & maiora scripsi, quia penè à XX. annis, cum ad meliorum literarum studia

incumberet adhuc adolescens ; præclara mihi eius indoles perspecta : Sed ita vt exigui quidem , debiti tamen huius officij mei nihil hæctenus à quoquam rescierit : neque adhuc rescisceret, nisi vos, nocere dum vultis, nostram erga eos , quibus debemus obseruantiam in lucem efferretis. At fortasse horum nihil Rubricatori meo in mète fuit : sed hoc vnum tantummodo , de me , velut impio, clamare : * *Blasphemauit*, quia *bonum* ait suum principem , contra ipsam scripturam, quæ dicit : *Unus est bonus Deus*. Et in alio Euangelista, *Nemo bonus, nisi solus Deus*. Eo enim arguendi modo Catholicos omnes blasphemie reos nõ raro facitis, quod ab ijs Beatissima Deipara, *Vita*, *dulcedo*, & *spes*, sancti verò, qui beato iam in cœlis a uo perfruuntur; *Mediatores* vocentur. At sanè alibi in eadem scriptura inuenitur *bonus homo*, *bonus* & *rectus corde*, *bonus seruus*, *bonus miles*, *bonus dispensator*, *bonus pastor*. Sed miniatori meo illud satis : *a Bonus homo de bono thesauro profert bona* : & *malus homo de malo thesauro profert mala*, vt alienas literas, suasque calumnias proferre deinceps desinat. Sed quemadmodum aliter Deo & Christo Iesu D^o. ac Sⁱ. N^o. conuenit *mediatio*, *vita*, *dulcedo* & *spes* : aliter B. Virgini & Sanctis : ita etiam *bonitas*, prout doctissimè grauissimeque more suo exposuit in *b octauo de Trinitate*

* *Matth. 26*
65.

y *Matth. 19*

17.

z *Marc. 10.*

18.

Luc. 18. 18.

a *Matth. 12*

35.

b D. *Augu.*
18 de *Trin.*

cap 3.

tate

tate S. Augustinus. Quartum deniq; , quod minio rubefactum fuit, est hoc. *Quoad extracta uxor & liberi sint, tempus tacendi.*

Vix tandem etiam, cum citius Illustrissimi Electoris Clemens benignaque natura missionem annuisset; abeundi potestatem fecisse illum, qui *Ecclesiasticus* isthic vocatur; Senatum, supra iam exposui: & si quod interea verbulum mutisset *Baronius*, nonne remoras *Senatus* ille plures iniecisset? Monebat igitur *Ecclesiastes*, *tacendi tunc esse tempus*. Nomen verò quod mutare statuerat, in causa erat insignis Catholicorum multorum zelus, apud quos *Lutheri*, *Calvini* & similium adeo execrabilia nomina sunt, ut suorum nulli vellēt imposita. Quis aut sibi, aut suorum alicui proditoris *Iuda* nomen veller? Qui Aristocratiam olim oderat, *Aristocratem* non ferebat, & vri habet puerbium; *Scelly filium* abominabatur. *Scitus*, ait in Corinthiam priorem S. Chrysostomus, *nos ne audire quidem velle eorum nomina, qui sic* (in rebus quæ ad salutem spectant) *decipiunt*. Vix possum, quin ad *Iacob* nunc meum redeam, & cum in verbis meis nullum vili calumniæ locum esse monstratum sit, eum rursus imiter, & dicam. ^d *Nisi d. Genes. 31.*
Deus patris mei Abraham, & timor Isaac aff- ^{41.}
fuisset mihi, forsitan nudum me dimisisses. Erepta scilicet non tam mihi, quam per nomi-

nis mei occasionem, Societati nostræ fama,
 omnique apud Reuerendissim. nostrum, &
 sapientissimos eius Consiliarios, gratia. Sed
Psal. 63. 3. & seqq. *protexisti me Deus à conuentu malignātiū,*
à multitudine operantium iniquitatem. Quia
exacuerunt, ut gladium, linguas suas, intende-
runt arcum rem amaram, ut sagittent in oc-
cultis immaculatum. Narrauerunt ut absco-
derent laqueos: dixerunt, quis videbit eos? scru-
tati sunt iniquitates: defecerunt scrutantes
scrutinio. Quid est mi D. Tossane, cur nos
tantopere oderitis? cur in nobis, nostrisque
reculis adeo iuris omnis, & naturæ, & gen-
tium, & publici, priuatique obliuiscamini?
cur in nostra tam curiosè maligne q; iniqui-
ratis omnia, & ex innocentissimis etiam
verbulis, literarumq; apiculis assiduos no-
bis laqueos texere connitamini? Germani-
ca certè natura facilis & placida est: institu-
tio neque agrestis, neque absque literis. V-
na vna vos excæcat hæresis: Vna efferat, o-
dioq; in nos tanto inflammat. Vna hæc effi-
cit, ut per fas & nefas, apud summates, infi-
mates, doctos indoctos, iuuenes & senes,
verbo factò, clam palam nos in odium, in-
uidiam, & exitium rapere, noctes & dies
cogitetis & adlaboretis. Vestros quidem er-
rores detestamur, & vos fieri si posset, ab ijs
perlibenter liberaremus, attamen neq; lite-
ras vnquam vestras intercipimus, neq; ali-
am

am ullam vobis iniuriam inferimus. Quin
verò si qui è vobis, siue Prædicantes, siue
Professores, siue discipuli, ea in loca, vbi su-
mus, in nostra èt *Collegia* veniât, non modo
non repellimus, sed qua possumus humani-
tate iptos, quod ferè vnum cupiunt, in ar-
mamentaria nostra (bibliothecas dico) de-
ducimus: loqui aut differere si velint, audi-
mus: si nolint, non cogimus, comiterq; o-
mnes dimittimus. E vestra, & alijs Scholis
& vrbibus non paucos tam vestræ, quam
Lutheranæ opinationis interrogare, si qui-
dem velis, potes. At si quis ad vos nostras
defert Epistolas, ilicò, quasi ad muros *equus*
adesset *Troianus*, illas aut Neccaro^f præcipi- *f. deneid. 2.*
tare, Aut terebrare canas uteri, & tentare la-
tebras, oportet. Quanto foret mi *D. Tossa-*
ne, satius, vos paulatim post tot & tantas
dissensiones, post tot Christiani orbis cla-
des & dilacerationes; cogitare quæ pacis
sunt & charitatis: Non porro exasperare
semper omnia, tantisque animorum plagis
muriâ perpetuo & calcem inspergere.
Idque publica humanæ naturæ, Christianæ
charitatis, communis pacis præscripta post
habendo & infringendo. Nam cum semper
aliàs, tum hoc præsertim tempore, quando
ad communem ab Hungaria, Germaniaq;
Turricum hostem propulsandum, subsidia
tanta, milite pecuniaque fert Ecclesia Ro-
mana

mana, iustum & probum cum Romanorum, Cardinaliumque literis bellum vobis quod nam esse potest? Et sanè de Illustriss^o. Electore ac Dn^o. Vestro, de totaque ipsius ditione meremini modo isto non optime. Cum enim illius ad mansuetudinem, humanamque societatem ingenium constet propensissimum, cumq; ipsius Celsitudini subditos populos finxerit naturæ parens minimè sæuos ac truces, vos dira in alios etiam absentes, designando, efficitis, vt feritatem hic suspicari, secumq; si non apud alios, exclamare queant exteri:

g Lib. 1. Aet-
uend.

8 *Quod genus hoc hominum? quæue hunc
tam barbara morem*

Permittit patria?

Videre in Germania est ita moratas ciuitates, vt si quas fortè alicubi vel abiectas, vel amissas ciuis quispiam inuenerit literas, eas is, prout inuenit, obseratas ad Senatum ferat, hic pari modo ad eos, quorum sunt, destinet. Vt nescias, vtrum eius, qui abiecit aut amisit, perfidiam & iniuriam magis detestere, an huiuscemodi ciuitatum humanitatem & iustitiam admirere. Vos verò neque abiectas, neque amissas vltro quæritis, rapitis, resignatis, reſeratis: neque ad earum dominos postea saltem ire sinitis, sed calumniæ sanguine rubricatis: & peccati vos vestri pudere cum oporteret, id etiam

iam apud summos & sapientissimos homines, quasi præclarum quid sponte indicatis & prædicatis: ad illorum videlicet exemplum, de quibus propheta: ^h *Peccatum suum quasi Sodomam prædicauerunt, nec absconderunt.* Neque tamen satis decuit de tantulis rerum nostrarum minutijs & diss°. & illustriß°. nostro à vobis exhiberi negotium. Maior maiorum negotiorum magnis imperij columnis impendet moles, quam vt ad Epistoliola nostra, vestrasque suspiciunculas, & criminationum aucupiola cellas illas mentes deuocare oporteat. ⁱ *Non vacat exiguis rebus adesse Ioui.* At Ioue maiores hi. ^R *Scimus enim ait Apostolus, quia nihil est Idolium in mundo.* Qui verò nostris vos beauit literis homo, sponte ad vos sua venit; an ad nos à vobis subornatus, summissusque fuit? si prius: decuit sanè Theologum & Prædicantem eius infidelitati ac nequitia non assentiri: sed aut hominis egregiè impudentiam corripere: aut fidei & officium, quod ijs, quorum essent Epistolæ, deberet, eum docere: aut certè minimum acceptas ab eo literas, violato sigillo, non euoluere: multo magis nullam ex ijs nocendi causam quærere: neque ad occupatissimum Imperij Principem & Septemvrium eas ablegare. Cum à te, vti quidem narrabat; hac adolefcentior Geneuensis

h Isai 3. 9.

i Ouid li. 3.
Trist.

R 1. Cor. 8. 4.

Goulart

*Goulat*riter haberet, si claufas signatasque
 tuas habuiffet, eas (dicere aufim) violare
 aut inſpicere noſtrum nemo auſus fuiſſet.
 Si n verò poſterius, vt eum ad nos homi-
 nem ſummiſeritis; quid dicam, niſi, parcat
 vobis Dominus! Quorum tanto, tamq; fu-
 renti erga nos imbutæ mentes odio, vt non
 ſolum agatis ipſi malè, ſed alijs etiam male
 agendi, plurima fingendi, & mentiendi au-
 ctoreſ ſitis. Nam ille quidem perſonatus *So-
 ſias*, Catholicum ſe aiebat: fuiſſe olim hære-
 ticum, ſed è ſummis, quas grauiffimis de re-
 bus inter *Iunium* & alium neſcio quem Præ-
 dicantium alpha perſpexiſſet, diſſenſionib⁹
 ac litibus, conſilium Eccleſiaſtica vnitatis
 cepiſſe: Romam iſſe, ibidemq; omnes hæ-
 reſes eiuraſſe. Illinc, ob certa quædam ne-
 gotia, in Belgium rediſſe: Romam tamen
 iterum iam cogitare. Si quid quis eò vellet,
 libenter ſe ac fideliter, citoq; perlaturum.
 Aliaque id genus plurima, varijs cum teſti-
 ficationibus: quorum tamen non niſi par-
 ticulam, cum diſtinerer alijs; audire potui.
 Supplicio dignos pronunciat Apoſtolus,
 non eos ſolum, ¹ *qui mala faciunt, ſed etiam
 qui conſentiunt facientibus.* Et alibi, cum di-
 xiſſet, *Fructus lucis eſt in omni bonitate, & iu-
 ſtitia, & veritate,* ſubiunxit, ^m *Nolite com-
 municare operibus infructuoſis tenebrarum:
 magis etiam redarguite.* Redarguendi verò
 par-

Rom. 1.32.

*m Ephes. 5.
 11.*

partes, cui potius, quam qui concionibus
populum tenet, Superintendenti congru-
unt? Atque hæc etiam mihi, vt de iniuria i-
sta paulo tecum agerem copiosius, causa
non postrema. Sic enim statuebam. Cum in
D. Tossani manus mea illa venisse scribatur
epistola, vel ipse est, qui eam resignauit,
excussit, minauit, R^{dis} & Illustri^s No-
stro, calumniandi causâ, misit, vel alius. Si
ipsum: eum post monitionem hanc facti
pœnitebit, & ab huiuscemodi deinceps fla-
gitio cauebit. Si alius: eum ipse his iisdem,
aut consimilibus alijs rationibus, pro gradu
& auctoritate, quam apud *Heidelbergenses*
obtinet, prudenter ac vtiliter monebit &
arguet: dabitque operam, vt ingenerato-
rum à natura societatis humanæ, vinculo-
rum, iustitiæ, pacis, charitatisque Christia-
næ maior deinceps cura sit: resecetur inde-
corarum & perniciosarum litium leges o-
mnis: consulatur nomini & famæ tanti ta-
lisque principis, quantum & qualem vni-
uersa scit & colit Germania: nulla eiusdem
Principis amplissimis, celeberrimisque di-
tionibus, quasi pacis & belli nullum in ijs
discrimen, nulla diuini humaniq; iuris ra-
tio sit; macula inuratur.ⁿ Si enim, ait S. Am-
brosius, in bello iustitia valet, quanto magis in
pace seruanda est? Hoc age, mi *D. Tossane*,
iusta opportunè, importunè, argue, obsecra,

in crepa

*n D. Ambro-
li. effe cap
29.
o 2. Tem
2.*

crepa in omni patientia & doctrina. Sanam hanc, & ex ipsis naturæ diuinæ; verbi haustam fontibus doctrinam sustinebunt, quibus honestas & decorum cordi: neq; *Pa veritate audium* auertent. Verè tibi & ex animo dico, si quid esset, quo in Domino tibi, tuisque vllomodo gratificari & seruire possem, facerem libentissimus: neque pro iniuria, iniuriæ minimū velim reponere. Quod idem ferè de Reuerendissimi ac Illustrissimi *D. Cardinalis*, in quem multis partibus, quam in me *Icanem*, vt cum Dauide dicam, *morituum*, & *pulicem vnum*, maior iniuria est, candidissimo pectore, mitissimoq; animo polliceri aulam. Est enim ille nō excellenti doctrina tantum, sed rara etiam virtute, Christianaq; charitate, modestia, & mansuetudine ornatissimus. Cuius causâ maiorem è malefacto vestro, quam si in me solum admisam foret, dolorem hausi. Fuerit autem æquissimum, quod cum eum tibi mea hac Epistola patefacere, de eoq; apud te vnum, non conuiijs, sed scripturis, non contumelijs, sed argumentis queri, teq; admonere voluerim æquo pacatoque accipere animo: præsertim cū de re, non de te quidquam voluerim dicere acerbius. Quia verò Autographum adhuc meum retinetis, abs te peto, vt vel ipsi, cui erat inscriptū & missum, Reuerendissimo *Cardinali* mittatis,


p Ibid. 3.

*q i Reg 24.
15.*

tatis, vel mihi quam primum licuerit; remittatis. Quod si tantum vos nostras habendi literas tener desiderium, en istas iam habere: quas quia tibi scriptæ & inscriptæ, tuo absque cuiusque iniuria lubitu, adaperias, reueles, concerpas, & attineas licet: sique velis, alias deinceps, Deo propitio, habere plures poteris: sed in vtiliori, meliori, & iuuauiori argumento malim. Deus pacis, & qui gentes in vnitatem fidei congregauit, spiritus nos nimium quam alios ab alijs diuisos & distractos, iterum aliquando in Sanctissimo Christi Iesu D. ac S. N. ^{r Coloss. 1.} Corpore, ^{18.} quod est Ecclesia, illa utique quæ ^{s vna, san-} ^{f Symb. Cons} ^{stantinop.} *cta & Catholica* est; coniungat: veraque animorum consensione, concordia fide, & charitate non ficta, mutuo compingat & conglutinet, vt omnia deinceps facessant scandala, calumniæ, quadruplationes & quæ ab Apostolo vocantur ^{r Gal. 5. 19.} *opera carnis, inimicitia, contentiones, emulationes, ira, rixa, dissension-* ^{20.} *es, secta, inuidia, & his similia, quæ, ait, prædico vobis, sicut prædixi: Quoniam, qui talia agunt, regnum Dei, non consequentur.* Vale. Moguntia M. DCI. Nonis Decembribus.

LIBRI SECVNDI EPISTOLARVM FINIS.

IVSTI



IVSTI BARONII

VETERACASTRENSIS

EPISTOLARVM SA-

CRARVM

LIBER III.

EPISTOLA I.

IVSTVS BARONIVS VETE-

racastrensis, Danieli Tossano Academ.

Heidelb. Professori.

*Anteuer: it
hu & sequē
tes literas
infelix Tos-
sani mors.
Itaque cisse
transmissis
non potuer-
unt, quia
tamen verē
scripta, o-
mnino hic
inserenda
videbantur*



Vid mihi tecum est? Tossane.

Imo verò, quid tibi mecum est? Adeonè furiae hæreticæ mentem tuam exagitarunt, ut cum pro ingenii mei tran-

quillitate, extra causam quæ publicè propo-
sita est, nullo vel minimo à me verbulo la-
cessitus, irritatus aut prouocatus fueris: ta-
men ex quo ruptis & derelictis pestilentis-
simis laqueis vestris, Catholicæ Ecclesiæ
gremio, serio pietatis affectu, nulla fraude
aut simulatione me condidi: tu tamen (ut
audio) partim pro concione, partim pro le-
ctione, partim denique, quas ipse vidi, litte-
ris nullum mei traducendi, mei calumni-
andi, mei proscribendi, grauissimis deniq;
iniu-

iniuriis & contumeliis lacerandi finem facere queas? An ita constitutum habes, ut in obuium quemque arietandum tibi putes; qui vel Catholicus sit, vel Catholicus fiat, Pontificemque Romanum, supremum militantis Ecclesiæ caput, iure consuetudineque maiorum veneretur? Næ si tu hoc animo es, miserum te! miseram conditionem tuam! Franges citius caput, cum omnibus manipularibus tuis, quam nobis vel minimum plagæ signum impresseris. Hic enim ^a *lapis ille angularis, probatus, pretiosus, in fundamento fundatus: super quem qui corruerit, confringetur; super quem verò lapis ceciderit, conteret eum.* Et quemadmodum ^b Magnus LEO scribit. *Quisquis huic Sedi principatum existimat denegandum; illius quidem nullo modo potest minuere dignitatem, sed inflatus spiritu superbia semetipsum in inferna demergit.* Profectò miramur, & ridemus impotentem iram vestram & *Ingentes angusto in pectore ventos.* Sed ut dicere cœperā quid tibi mecū est? *Tossane.* Vtrū forte cum symmistic tuis tantum causæ vestræ, illius perquam ruinosæ præsidium in me collocaueratis, ut nunc spe falsi, expectationeque deiecti, tantos passim in omnium oculis motus tumultusque cieatis? Equidem imprudentes facitis, ut cum nocere cupiatis, emolumentum multum afferatis rebus meis, Catholicis-

O que

^a *Isai. 28. 16*

^b *Epist. ad Episc. Viena m. f. prouinc*

que nostris persuadeatis, non vulgare vos in me amisso damnum fecisse. Quod sane ita à vobis beneficium accipio, ut eo me haud molestè etiam cariturum profitear. Sin (quod pudore dicere cogimini) nil neque in me ingenii, neque doctrinæ, neque opis aut spei singularis fuit, quid frustra tumultuamini amentes? quid aulas, curias, templâ, Scholas, compita, mensas rabiosis conviciis impletis, meque homunculum vnum, tanquam nullum, tantopere amissum doletis? Levis iactura, leuiter ferenda est. Nec quandiu vester fui, hunc denegerem in vobis animum animaduerti. Videbamini lenes, videbamini patientes, magno interdum animo accepta etiam damna contemnentes. At nunc in me quid? Planè in contrarium versi, totos vos abiectissimis affectibus mancipastis, iræ, invidiæ, odio, malevolentiae, calumniis, obrectationibus, mendaciis, & pluribus huiusmodi malignis præsidiiis aliis, quibus tabe luridos animos vestros sæpiusculè cōsolari videmini. Negabitis scio. Sed res in procinctu est. Non solum prima die, qua à vobis digressus sum, ut & cæteris huc usque consecutis ferme omnibus, infasta illa *Pradicantium* soboles, hinc inde per vrbes & villulas sine Musis & gratiis infesto sydere grassans, miserisque popellis sub tristissimo animarum
lato-

latrocino, sub impurissimo humanarum argutiarum fermento, sub frigidissima quantalacunque pietatis latua, repurgatum Dei verbum, reformatum Euangelium venditans: quam potuit acerbissime nomen meum, famam, ingenium, consilia, conscientiam, & quicquid homo sacri habere potest, perstrinxit; clamoribusque suis cœlos & terras; superos inferos; catholicos hæreticos ita repleuit, ut nunc omnium quasi aures hac sola voce tinniant, *Veteracastrensis Apostata est; Veteracastrensis Baalis mancipium est, auro redemptus; ambitione deceptus.* Verum & tu, *Tossane*, tam belli duxque caputq; gregis, manifestariis huiusmodi fratriculorum tuorum telis & machinis haud contentus, tandem etiam ad insidias & stragemata confugiendum duxisti. Ratusque nullam aptiorem mei opprimendi viam esse, quam confictis illis mendaciorum nebulis præ veritatis sole confestim semper liquescentibus & pereuntibus) litterarum mearum, quas me sæpe in urbem dare aduerteras, secretis peruolutatis, dignam calumniæ ansam expiscari: vno tempore (heu scelus!) integrum fasciculum *Roman* destinatum contra omnem honestatem ac pietatem contra omnia gentium & naturæ. Iura interceptisti, resignasti, legisti, propalasti; æne quam cupiditati tuæ fraudem face-

res, ininiasti, glossematis impiis aspei
Aschaffenburgum vt faculam incendii mei
 ad manus Ill^{mi} Archiepiscopi nostri trans-
 misisti, aut saltem isthæc omnia perpetran-
 tibus opem, operam, consensum præbui-
 sti. Quo super immani facinore, non dicam
 Theologo, sed libero homine longè indi-
 gnissimo, cum nuper tibi dicam scriberet
 Reuerendus & doctissimus Societatis IESV
 Theologus, *Nicolaus Serarius*, eiusdem me-
 cum iniuriæ tuæ particeps, adeò nihil ha-
 buisti, quo te illiberalis culpæ purgares, vt
 etiam alligares grauius, noxiamque noxiæ
 adderes. Mea præsertim ex parte, qui cum
 neque scripsissem ad te, neque (quo minus
 camino oleum suffunderem) meo erga te
 Iure vti decreuissem, adeò tamen in omni-
 bus Epistolæ tuæ partibus (quam hoc ipso
 mihi die legendam *Serarius* noster milit)
 abs te inhumaniter, mendaciter, ac calu-
 mniosè notatus, verberatus, ac flagellatus
 sum, vt si vel *Zenone* sim modestior, tamen
 isthæc petulantia tua me excitare, linguam-
 que ad iustissimam defensionem laxare
 queat. Nec tamen de ipso interceptarum
 litterarū crimine quicquam dicere decre-
 ui. Dixit satis & abunde *Serarius*, dicetque
 (vt intelligo) pluribus. De tuis tantum in
 me conuiciis dicam, ostendamque vel ru-
 stica nimis simplicitate te esse, si me talem
 esse

esse opinere, qualem me alii tibi fingunt: vel deplorata nimis malitia, si sciens volensque ipse innocentem tam mendacibus calumniis infectere.

Ac primum quod maturè satis à linea transfiliens, cum tibi nominis tui defendēdi incumberet necessitas, id est cum grauiſſimum interceptarum litterarum crimen à capite tuo, propulsare deberes, missa defensione tua in nomen meum incurris, petulanterque scurratus, ludos ac iocos facis: quid aliud facis, malignissime haereticæ: quàm quod omnibus manifestum inundantis liuoris tui, imo exuberantis stultitiæ & impietatis argumentū ante oculos ponis? Qui si iustam aliquā mei infectādi, aut culpandi rationem apud te inuenisses, nunquam profectò ad hanc tam futilem atque insulſam ludificandi nominis aleam confugisses. Quatamen, si verè rem putabis, non me magis quàm impium illum sectæ vestræ principem, Stigmatiam Nouiodunensem tangis, cuius cum manibus ego quoque te commisisse satis habebo. Nam me quod attinet, expecta: Breui hanc quoque tibi ludiam tollam, nomenque cum re

abdicabo, vt non voce magis quàm corde
ab impia Societate vestra videar quàm re-

motissimus. Atque hanc mihi potestatem

Pontifex Maxi. Imperator, Leges, te tuis

O 3 que

*c Vide sup
pra lib 2 E-
pist 9.
d Dioclet.
& Maxim.
l. 1. c. 6. de
mutat. no-
minis.*

Gouartiter haberet, si claufas signatasque tuas habuiffet, eos (dicere aufim) violare aut inſpicere noſtrum nemo auſus fuiſſet. Si vero poſterius, vt eum ad nos hominem ſummiſeritis; quid dicam, niſi, parcat vobis Dominus! Quorum tanto, tamq; furenti erga nos imbutæ mentes odio, vt non ſolum agatis ipſi malè, ſed alijs etiam male agendi, plurima fingendi, & mentiendi auctores ſitis. Nam ille quidem perſonatus *Soſias*, Catholicum ſe aiebat: fuiſſe olim hæreticum, ſed è ſummis, quas grauiffimis de rebus inter *Iunium* & alium neſcio quem Prædicantium alpha perſpexiſſet, diſſenſionibꝰ ac litibus, conſilium Eccleſiaſtica vnitatis cepiſſe: Romam iſſe, ibidemq; omnes hærefes eiuraſſe. Illinc, ob certa quædam negotia, in Belgium rediſſe: Romam tamen iterum iam cogitare. Si quid quis eò vellet, libenter ſe ac fideliter, citoq; perlaturum. Aliaque id genus plurima, varijs cum teſtificationibus: quorum tamen non niſi particulam, cum diſtineret alijs; audire potui. Supplicio dignos pronunciat Apoſtolus, non eos ſolum, ¹ qui mala faciunt, ſed etiam qui conſentiunt facientibus. Et alibi, cum dixiſſet, *Fruſtus lucis eſt in omni bonitate, & iuſtitia, & veritate*, ſubiunxit, ^m *Nolite communicare operibus infructuoſis tenebrarum: magis etiam redarguite.* Redarguendi verò par-

IRom. 1.32.

m Ephes. 5. 11.

partes, cui potius, quam qui concionibus
populum tenet, Superintendenti congru-
unt? Atque hæc etiam mihi, vt de iniuria i-
sta paulo tecum agerem copiosius, causa
non postrema. Sic enim statuebam. Cum in
D. Tossani manus mea illa venisse scribatur
epistola, vel ipse est, qui eam resignauit,
excussit, miniauit, R^{dis} & Illustris^o No-
stro, calumniandi causâ, misit, vel alius. Si
ipsum: eum post monitionem hanc facti
pœnitebit, & ab huiuscemodi deinceps fla-
gitio cauebit. Si alius: eum ipse his, idem,
aut consimilibus alijs rationibus, pro gradu
& auctoritate, quam apud *Heidelbergenses*
obtinet, prudenter ac vtiliter monebit &
arguet: dabitque operam, vt in generato-
rum à natura societatis humanæ, vinculo-
rum, iustitiæ, pacis, charitatisque Christia-
næ maior deinceps cura sit: resecetur inde-
corarum & perniciosarum litium leges om-
nis: consulatur nomini & famæ tanti ta-
lisque principis, quantum & qualem vni-
uersa scit & colit Germania: nulla eiusdem
Principis amplissimis, celeberrimisque di-
tionibus, quasi pacis & belli nullum in ijs
discrimen, nulla diuini humaniq; iuris ra-
tio sit; macula inuratur.ⁿ Si enim, ait S. Am-
brosius, in bello iustitia valet, quanto magis in
pace seruanda est? Hoc age, mi *D. Tossane*,
iusta opportunè, importunè, argue, obseca,

*D. Ambro-
sius. l. i. effec. cap.
29.
o. 2. Tem-
p.*

increpa

p *ibid.* §. 3.

q *i* *Reg.* 24.
ps.

crepa in omni patientia & doctrina. Sanam hanc, & ex ipsis naturæ diuinique verbi haustam fontibus doctrinam sustinebunt, quibus honestas & decorum cordi: neque *Pa veritate audium* auertent. Verè tibi & ex animo dico, si quid esset, quo in Domino tibi, tuisque vlllo modo gratificari & seruire possem, facerem libentissimus: neque pro iniuria, iniuriæ minimū velim reponere. Quod idem ferè de Reuerendissimi ac Illustrissimi *D. Cardinalis*, in quem multis partibus, quam in me *icanem*, vt cum Dauide dicam, *moruum*, & *pulicem vnum*, maior iniuria est, candidissimo pectore, mitissimoq; animo polliceri ausim. Est enim ille nō excellenti doctrina tantum, led rara etiam virtute, Christianaq; charitate, modestia, & mansuetudine ornatissimus. Cuius causâ maiorem è malefacto vestro, quam si in me solum admittam foret, dolorem hausi. Fuerit autem æquissimum, quod cum eum tibi mea hac Epistola patefacere, de eoq; apud te vnum, non conuictis, sed scripturis, non contumelijs, sed argumentis queri, teq; admonere voluerim æquo pacatoque accipere animo: præsertim cū de re, non de te quidquam voluerim dicere acerbius. Quia verò Autographum adhuc meum retinetis, abs te peto, vt vel ipsi, cui erat inscriptū & missum, Reuerendissimo *Cardinali* mit-

tatis,

tatis, vel mihi quam primum licuerit; remittatis. Quod si tantum vos nostras habendi literas tenet desiderium, eni istas iam habere: quas quia tibi scriptæ & inscriptæ, tuo absque cuiusque iniuria libitu, adaperias, reueles, conceipas, & attingas licet: sique velis, alias deinceps, Deo propitio, habere plures poteris: sed in vtiliori, meliori, & iuuatori argumento malim. Deus pacis, & qui gentes in vnitatem fidei congregauit, spiritus nos nimium quam alios ab alijs diuisos & distractos, iterum aliquando in Sanctissimo Christi Iesu D. ac S. N. ¹ Corpore, ^{Coloss. 1. 18.} quod est Ecclesia, illa vtique quæ ¹ *vna, sancta & Catholica* est; coniungat: veraque animorum consensione, concordia fide, & charitate non ficta, mutuo compingat & conglutinet, vt omnia deinceps facessant scandala, calumniæ, quadruplationes & quæ ab Apostolo vocantur ¹ *opera carnis, inimicitia, contentiones, emulationes, ira, rixa, dissensiones, sectæ, inuidiæ, & his similia*, quæ, ait, ^{Gal. 5. 19. 20.} *prædico vobis, sicut prædixi: Quoniam, qui talia agunt, regnum Dei, non consequentur.* Vale. Moguntia M. DCI. Nonis Decembribus.

LIBRI SECVNDI EPISTOLARVM FINIS.

IVSTI



IVSTI BARONII

VETERACASTRENSIS

EPISTOLARVM SA-

CRARVM

LIBER III.

EPISTOLA I.

IVSTVS BARONIVS VETE-
 racastrensis, Danieli Tossano Academ.
 Heidelb. Professori.

*Anteuer: it
 has & sequē
 tes literas
 infelix Tos-
 sani mors.
 Itaque cise-
 transmitti
 non potue-
 runt. quia
 tamen serē
 scripta, o-
 mino hic
 inferenda
 videbantur*



VID mihi tecum est? *Tossane.*
 Imo verò, quid tibi mecum
 est? Adeonē furiaē hæreticæ
 mentem tuam exagitarunt,
 ut cum pro ingenii mei tran-
 quillitate, extra causam quæ publicè propo-
 sita est, nullo vel minimo à me verbulo la-
 cessitus, irritatus aut prouocatus fueris: ta-
 men ex quo ruptis & derelictis pestilentis-
 simis laqueis vestris, Catholicæ Ecclesiæ
 gremio, serio pietatis affectu, nulla fraude
 aut simulatione me condidi: tu tamen (ut
 audio) partim pro concione, partim pro le-
 ctione, partim denique, quas ipse vidi, litte-
 ris nullum mei traducendi, mei calumni-
 andi, mei proscribendi, grauissimis deniq;
 iniu-

iniuriis & contumeliis lacerandi finem facere queas? An ita constitutum habes, ut in obuium quemque arietandum tibi putes, qui vel Catholicus sit, vel Catholicus fiat, Pontificemque Romanum, supremum militantis Ecclesiæ caput, iure consuetudineque maiorum veneretur? Næ si tu hoc animo es, miserum te! miseram conditionem tuam! Franges citius caput, cum omnibus manipularibus tuis, quam nobis vel minimum plagæ signum impresseris. Hic enim ^a *Isai. 28. 16* lapis ille angularis, probatus, pretiosus, in fundamento fundatus: super quem qui corruerit, confringetur; super quem verò lapis ceciderit, conteret eum. Et quemadmodum ^b Magnus *h. Epist. ad Episc. Viena* LEO scribit. *Quisquis huic Sedi principatum* ^{mes. prouent.} existimat denegandum, illius quidem nullo modo potest minuire dignitatem, sed inflatus spiritu superbia semetipsum in inferna demergit. Profectò miramur, & ridemus impotentem iram vestram & *Ingentes angusto in pectore ventos*. Sed ut dicere cœperā quid tibi mecū est? *Tossane*. Vtrū forte cum symmistic tuis tantum causæ vestræ, illius perquam ruinosæ præsidium in me collocaueratis, ut nunc spe falsi, expectationeque deiecti, tantos passim in omnium oculis motus tumultusque cieatis? Equidem imprudentes facitis, ut cum nocere cupiatis, emolumentum multum afferatis rebus meis, Catholicis-

O que

que nostris persuadeatis, non vulgare vos in me amisso damnum fecisse. Quod sanè ita à vobis beneficium accipio, ut eo me haud molestè etiam cariturum profitear. Sin (quod pudore dicere cogimini) nil neq; in me ingenii, neque doctrinæ, neque opis aut spei singularis fuit, quid frustra tumultuamini amentes? quid aulas, curias, templa, Scholas, compita, mensas rabiosis conviciis impletis, meque homunculum vnum, tanquam nullum, tanto opere amissum doletis? Levis iactura, leuiter ferenda est. Nec quandiu vester fui, hunc denegerem in vobis animum animaduerti. Videbamini lenes, videbamini patientes, magno interdum animo accepta etiam damna contemnentes. At nunc in me quid? Planè in contrarium versi, totos vos abiectionissimis affectibus mancipastis, iræ, invidiæ, odio, malevolentia, calumniis, obrectationibus, mendaciis, & pluribus huiusmodi malignis præfidiis aliis, quibus tabe luridos animos vestros sæpiusculè cōsolari videmini. Negabitis scio. Sed res in procinctu est. Non solum prima die, qua à vobis digressus sum, ut & cæteris huc usque consecutis ferme omnibus, infausta illa *Prædicantium* soboles, hinc inde per vrbes & villulas sine Musis & gratiis infesto sydere grassans, miserisque popellis sub tristissimo animarum
lato-

latrocino, sub impurissimo humanarum argutiarum fermento, sub frigidissima quantulacunque pietatis larua, repurgatum Dei verbum, reformatum Euangelium venditans: quam potuit acerbissimè nomen meum, famam, ingenium, consilia, conscientiam, & quicquid homo sacri habere potest, perstrinxit, clamoribusque suis cœlos & terras, superos inferos, catholicos hæreticos ita repleuit, vt nunc omnium quasi aures hac sola voce tinniant, *Veteracastrensis Apostata est, Veteracastrensis Baalis mancipium est, auro redemptus, ambitione deceptus.* Verum & tu, *Tossane*, tam belli duxque caputq; gregis, manifestariis huiusmodi fratriculorum tuorum telis & machinis haud contentus, tandem etiam ad insidias & stratagemata confugiendum duxisti. Ratusque nullam aptiorem mei opprimendi viam esse, quam confictis illis mendaciorum nebulis præ veritatis sole confestim semper liquescentibus & pereuntibus) litterarum mearum, quas me sæpe in urbem dare aduertetas, secretis peruolutatis, dignam calumniæ ansam expiscari: vno tempore (heu scelus!) integrum fasciculum *Romam* destinatum contra omnem honestatem ac pietatem contra omnia gentium & naturæ. Iura interceptisti, resignasti, legisti, propalasti, ac ne quam cupiditati tuæ fraudem face-

res, ininiasti, glossematis impiis aspersisti, *Aschaffenburgum* vt faculam incendii mei ad manus Ill^{mi} Archiepiscopi nostri transmisti, aut saltem isthæc omnia perpetrantibus opem, operam, consensum præbui-
sti. Quo super immani facinore, non dicam Theologo, sed libero homine longè indignissimo, cum nuper tibi dicam scriberet Reuerendus & doctissimus Societatis IESV Theologus, *Nicolaus Serarius*, eiusdem mecum iniuriæ tuæ particeps, adeò nihil habuisti, quo te illiberalis culpæ purgares, vt etiam alligares grauius, noxiamque noxiæ adderes. Mea præsertim ex parte, qui cum neque scripsissem ad te, neque (quo minus camino oleum suffunderem) meo erga te Iure vti decreuissem, adeò tamen in omnibus Epistolæ tuæ partibus (quam hoc ipso mihi die legendam *Serarius* noster milit) abs te inhumaniter, mendaciter, ac calumniosè notatus, verberatus, ac flagellatus sum, vt si vel *Zenone* sim modestior, tamen isthæc petulantia tua me excitare, linguamque ad iustissimam defensionem laxare queat. Nec tamen de ipso interceptarum litterarū crimine quicquam dicere decreui. Dixit satis & abunde *Serarius*, dicetque (vt intelligo) pluribus. De tuis tantum in me conuiciis dicam, ostendamque vel rustica nimis simplicitate te esse, si me talem esse

esse opinere, qualem me alii tibi fingunt: vel deplorata nimis malitia, si sciens volensque ipse innocentem tam mendacibus calumniis infectere.

Ac primum quod maturè satis à linea transsiliens, cum tibi nominis tui defendēdi incumberet necessitas, id est cum grauiissimum interceptarum litterarum crimen à capite tuo, propulsare deberes, missa defensione tua in nomen meum incurris, petulanterque scurratus, ludos ac iocos facis: quid aliud facis, malignissime hæretice: quàm quod omnibus manifestum inundantis liuoris tui, imo exuberantis stultitiæ & impietatis argumentū ante oculos ponis? Qui si iustam aliquā mei infectādi, aut culpandi rationem apud te inuenisses, nunquam profectò ad hanc tam futilem atque insulsam ludificandi nominis aleam confugisses. Quæ tamen, si verè rem putabis, non me magis quàm impium illum sectæ vestræ principem, Stigmatiam Nouiodunensem tangis, cuius cum manibus ego quoque te commisisse satis habebo. Nam me quod attinet, expecta: Breui hanc quoque tibi ludiam tollam, nomenque cum re

*vide supra
prælib. 2. Epist. 9.
d. Dioclet.
& Maxim.
l. 1. c. 6. de
mutat. nominis.*

que omnibus inuitis ac contra stendenti-
bus concedunt. De IUSTI verò appellatione
quid etiam ringeris? an ea tibi trabs in oculo?
At ego tibi DANIELEM non inuideo,
quid tu igitur mihi IUSTVM? Annis abhinc
triginta ad sacrum Baptismi fontem id no-
minis à Clarissimo *Marpurgensis Academia*
Professore D. IUSTO VIETORE accepi:
toto ætatis tempore, puer, adolescens, iu-
uenis, in Scholis & Academiis, priuatim &
publicè, sine cuiusquam molestia aut con-
tradictione vsurpauit: nec aliud album Aca-
demiæ vestræ, aut, quam vocant, *Sapientia*,
testabitur: haud aliud publicæ *sub te ipsa*
Præside disputatæ^f iam pridem & THESES:
haud aliud denique continuus Parentum,
Præceptorum, fratrum, condiscipulorum,
vsus. Cui quod tu vnus post tot annorum
lustra inuide nunc reniti vis, vide quàm
stultè, quàm petulanter ac malignè facias,
quàm euidentis exulcerati tui in me animi,
acerbissimæ rux in me voluntatis testimo-
nium publicè relinquas.

Sed de primo capite satis. Ad alterum
venio, vbi meis ais *suggestionibus D. Serari-
um* FORTE ad scribendum tibi incitatum fuisse.
Benè addis forte. Forte n. non sic fuit, neq;
sic fuit: q̃ optima conscientia testari possû:
sanctèque tibi affirmo, me planè inscio li-
teras ab eo ad te exaratas, easq; demum po-
stea-

q Anno
1572. Nonis
circiter
Martii.

f Anno
1592. 11.
Martii.
g De ratio-
ne Inda-
ganda &
cognosc. &
ritatis. ex
Iohan. 7. 9.
17. 18.

Itaque transmissæ fuerunt, mihi visas letasque fuisse. Itaque planè sefellit te suspicio tua. Quanquam si maximè hortatu meo hæc ad te Exprobratiuncula deuolasset, quid ab officio alienum fecissem, qui non minus grauitè ac *Serarius*, imò verò grauius atque enormius à te læsus eram? Numquid tibi leuius proditarum litterarum crimen videtur, quàm vt exprobrationis ferula castigari debeat? Aut tu is es, què nemo nostrum seuerioribus interpellare litteris debeat? Maximè, inquis: quia ego (ita enim porro addis) *ingratus, imò ingratiſſimus Palatini Principis alumnus & cliens*. Deum immortalem quid audio? Ego Ingratus? Equidem crimen illud vehementer horresco, *Tossane*: quod priscis olim sapientibus tanti fuisse video, vt Cicero ^h nihil non mali in eo inesse statuatur. Et ⁱ *Hippocratidas* Satrapæ Cariae, qui per litteras significabat, Lacedæmonium quendam conscium insidiarum sibi structarum, eas reticuisse, quærebatque, quid de eo statuendum putaret, in hunc modum rescripsit. *Si magno eum aliquo affecisti beneficio, INTERFICE. Sin verò, ditione tua EIICE, hominem ob timiditatem ad virtutem ineptum.* Quamobrem igitur tu me tam infamis culpæ reum agis? *Tossane*. An quia *Palatini Electoris* in me beneficia non agnosco neq; profiteor? At tu falle-

h Lib. 2. ad Attic.

i Plutarch. in Apoph. Lacon.

ris manifestè: profiteor libenter, prædico, ac plus etiam laudibus istius Principis vndiquaque commodavi, quam tot ignavi alumnorum greges, quos magno quotannis sumptu vix æri campano, aut rusticanis Musis, aut si felicissimi sunt, vmbonibus declamatoriis pares effici videas. Et tamen hi gratissimi sunt, ego ingratissimus. Quamobrem? Quia vitam moresq; Principis vspiam perstrinxi? Non feci, *Tossane*, neq; vnquam facere animum induxi: quin tibi potius tuique similibus pro concione sæpissimè in Celsitudinem eius acerbius inuectis, grauitè indignatus sum, quos affectibus magis & priuata cupiditate, quam publicis commodis duci videbam. Qui nisi Principis bonitate tolerati fuissetis, video quam mercedem reportare debuissetis. Et vos tamen gratissimi, ego ingratissimus. Quamobrem? An quia sumptus stipendii non refundo? At tu nimium iniquus es alienorum debitorum exactor. Quis te quæstorem constituit, vt sumptus à me reposceres? Alius hæc curæ curiæ sunt, non cathedræ tuæ, quam si pro officio diligenter curares, non toties à studiosis disputans ridereris. Sed tamen ne hæc πολυπεια γροσύνη quæ omnibus fermè *Predicantibus* instar fatalis scabiei adhæret, vt altero pede suggestum, altero tribunal premere gesti-

ant,

ant, cor fortè tibi exedat, scito vnum quinquennium integri à me nouenni fidelissime gestis muneribus quasi duplo compensatum: scito Bibliothecam insuper meam, non quidem auream, sed nec triobolarem in vim (quod aiunt) plenioris compensatōis Heidelbergensia adhuc claustra perpeti. Quid igitur habes, quo me vel minimæ ingratitude conuincas? *Tossane*. An quia abiectō *Caluinismo*, Catholicam fidem amplexatus, non solum *Palatinatui* operam meam subtraxi, sed & ^k *quæ antea edificauit, destruo*; id est publicis libellis doctrinam & fidem meam pristinam retracto, omnes simplicitate à me seductos, à deuiis vestris ac præcipitiis reuoco, vestram authoritatem minorem, numerum discipulorum vestrorum breuiorem efficio? Scilicet hæc est illa scelerata mea in *Palatinatum* ingratitude; quam omnes mihi sancti gratulantur, quam pietas suadet, quam vtilitas denique vestra comprobat. Nam vt verbis S. Pauli dicam: ¹ *Si ego vobis spiritualia semino, magnum est si quondam corporalia vestra messui*. Nonne hac ingratitude Christus & Apostoli Iudæos, Augustinus Manichæos, Sancti Martyres totum mundum prosequuti sunt, vt à quibus ipsi hordeo pasti essent, Ambrosia veritatis saturarent, à quibus aqua potionati, nectare salutis

k Gal. 2. 18.

1. Cor. 9. 11.

O s tis

tis inebriarent, à quibus linteis tecti, balte-
 is vitæ æternæ cingerent? O gratissimam
 ingratitudinem! quam si tu *Tossane* non in-
 telligis, sine nos intelligamus, atque impe-
 ritis opprobriis tuis necessitatē summam,
 vtilitatem maximam nostræ tuæq; salutis
 præferamus. Rectè *Cato* quondam, incu-
 santibus multis P. *Sulpitij* ingratitudinem,
 quod se illi optimè merito opposuisset cō-
 petitorem: *Minimè* inquit *mirādum, si quod*
quis maximum bonum ducit, id alteri conce-
dere nolit. Responsurus idem proculdubio
 pro me, si hanc *Tossani* cauillationem inau-
 diisset: minimè insimulandum me ingrati-
 tudinis, cum quod bonum maximum du-
 cā, Catholicæ fidei vnitatem, nutritiis me-
 is affatim rependere cupiam. Utinam uti-
 nam tu *Tossane*, tuæq; factionis plures alii,
 non solum principibus vestris, sed Catholi-
 co inprimis Imperatori, sub cuius alis
 tanquam sub scuto ab exterorum hostium
 incurSIONibus tuti latetis: Ipsi etiam Roma-
 næ Ecclesiæ, à qua Scripturam, Sacramenta,
 atq; omnia pietatis insignia, adde etiam o-
 mnis doctrinæ præsidia accepistis, gratam
 hanc ἀντιπελαργίαν referrretis, ac benefi-
 cia beneficiis, præsidia præsidiis, amorem
 amore, collectam collecta, studium studio,
 vigilantiam vigilantia compensaretis, quā
 suauem ac beatam vtrinque vitam ductu-
 ri, quam

ri, quam forti ac terribili rem Christianam vallo breui aduersus barbaros cincturi essemus. Sed nimirum vos *Athenienses* illi, qui (ut ^m *Themistocles* aiebat) quoties tempestas ^{m Plutar. in Apoph.} ingruit, sub *Platanum* nostram confugitis: quoties serenitas redit, eam vellitis, ac discerpitis. Vos *Marcellus* ille, de quo ⁿ *Pompeius*: Non te pudet inquit illi maledicere, cuius beneficio ex muto factus es facundus, ex famelico eo productus, ut vomitum iam tenere non possis.

Sed iam dudum me vocat *PAREVS* vester, *Tossane*: quem inspecto litterarum mearum fasciculo questum esse ais, mala me fide descriptam suam epistolam, mutilatam nimirum, *Romam* mittere voluisse. Bona tua venia dicam, non credo, si bene *Parcum* noui. Rotundior est, quam qui impudenter ita prauaricari audeat. Si tamen dixit, en quæ fides vestra, quæ constantia, in re tam manifesta inficiari verum? An non cogitat, superesse suum apud me authographum? superesse etiam exscriptorem? Quod si igitur pertinax est, en offero vobis conditionem, ut quemadmodum mearum ad curiam Romanam ita etiam *Parci* ad me literarum bona fide descriptum huc exemplar mittatis: quot tum apices ab autographo deprehensi fuerint aberrare, tot ego me digitis mulctandum interpono. Sed video quid sit: pudet hominem

nem infirmi sui tenuisque in me apparatus.
Sed quid istud ad me? vtrum mea propter-
ea fides indiscrimen vocari debuit? Non e-
go sum ille *Cornelianus* litterarum interpo-
lator, qui excisis nervis atque ossibus alie-
norum scriptorum, *σκελετέυμα* tantum
celebribus viris submittere cogitem. Absit.
Quin si putat *Pareus*, nunc minus in suis
quam oportuit, scriptum esse, sciat ab initio
Pareum minus quàm oportebat, scripsisse. |

Venio ad palmarium Epistolæ tuæ con-
uitium, *Tossane*: quod cum in prima vobis
lingua hætere soleat, miror à te tam diu re-
ticeri potuisse. Ais, *facile patere ex Epistolis*
meis, quid queram apud Catholicos, nempe o-
pes & honores sub diuite Papa, quæ omnia sub
paupere Christo obtinere apud vos ex animi
sententia non potuerim. Ehem grande telum
ad prosterndam omnem fortunam me-
am! Iam *Moguntinenses* sciunt, avarum me
& ambitiosum, quem antea pium & religio-
sum credebant. Vtinam tacuisses *Tossane*
verbum hoc, felicius mea rota curreret,
Nugæ putidissimæ! quid habetis calumni-
atores amplius, quod mihi meique simili-
bus deinceps obiectetis? Vetus hæc calu-
mnia est, toties *Augustino*, toties *Staphylo*,
toties *Wicelio*, *Pistorio*, alijsq; præstantissi-
mis viris ex *o Fre* vestro digressis, ita men-
daciter opposita, vt diabolum ipsum eius
pude-

pudere nunc arbitrer. Sed dic mihi quæso,
Tossane, quibus argumentis aucupium tibi
 meum inoluit? *Ex Epistolis* inquis, *meis*.
 Quamobrem vero? Quia nunc pro fami-
 lia liberisq; sollicitus sum, nunc certam ha-
 bitandi stationem quæro, nunc munus sa-
 lariumq; annuum affecto, nunc in omni-
 bus Pontificis, Cardinalium, Principum o-
 pem imploro. Atqui hanc curam ego pieta-
 tis esse didiceram non *ὡλεονεξίαις*; Paulo di-
 fertè astipulante: ^P *Si quis suorum, & maxi-* p. 1. Tim. 5. 8
mè domesticorum curam non habet, fidem ne-
gavit, & est infideli deterior. Et alibi. ^q *Non* q. 2. Cor. 12.
debent filij parentibus thesaurizare, sed paren- 14.
tes filijs. Quid ergo nunc *Tossane*? Vestrum
 ne quisquam ^s *suis militat stipendijs*? Tu ne r. 1. Cor. 9. 7.
 omnem familiæ tuæ abiecisti sollicitudinē?
 Imo vero omnes insatiabili augendorum
 atque amplificandorum stipendiorum cu-
 piditate laboratis: quæsturam, Senaturn,
 Principem dies noctesque precibus & lit-
 teris sollicitatis: quibus aliqua pinguioris
 culinæ opportunitas, patula manu, ringēte
 ore alienis semper ollis ac penarijs inhæatis,
 nec magis tamen inexplebilē vestram sitim
 fatiatis, quam infelix ille

^s *Tantalus à labris sitiens fugientia captans* J. Horat. li. 1.
Flumina. serm. Satyræ

Ego verò, absit invidia verbo, etsi quam
 debeo familiæ libenter curam impendo: ita
me

Epist. 237.

ad Castor.

me temperanter tamen hæcenus gessi, ut quotquot me norunt, libenter meum faci-
ant illud S. Augustini. ¹ *Voluit Deus ostendere*
per fratrem tuum inimicis Ecclesia, esse in vi-
scribis Christi eius; qui non sua quarant, sed
qua Christi. Verum utcunque sit, suspicami-
ni quod libet, calumniamini quantum licet
unicam oppono vobis coram Deo & An-
gelis mundissimam conscientiam; quam
suo tempore Iustus Iudex omnibus cæli ter-
ræque oculis, mea maiori gloria, vestra ma-
iori ignominia patefacturus est. Sed quid
est, quod me ista, quæ vocât, honorum atq;
opum irritamenta apud vos impetrare non
potuisse garris? *Tossane.* Cur enim uero non
potui? An non virtuti ac diligentia æquæ
atque alij operam dabam? An non Patronos
habebam impensè fauentes? Qui quanto
nunc mei odio flagrant, tanto pridem meas
fortunas studio prosequiebantur, nec leui-
um promissorum authores erant. Si nescis,
quære: si scis, tace, ne ita liquidò tabentem
animum tuum prodas. Etiam multi sine
Tossano remige nauigare potuerunt. At di-
ues est Papa. Deo laus, qui ut Abrahamum
² *heredem mûdi esse voluit, ac pietati huius*
³ *et futura vitæ promissiones fecit: ita sponsam*
quoque suam Ecclesiam nequaquam per-
petua paupertate tabescere, sed ⁴ *regum ac*
Principum nutritione in splendore quo-
que

Rom. 4. 13.

1. Tim. 4.

8.

Isai. 49.

23.

que emergere, ac decenti opulentia cum
² *Salomone* affluere iussit, quo vires habe- *2. 1. Paral.*
 ret & exornandi diuini cultus, & fidei tu- *29. 25.*
 tandæ, & rebellium compescendorum, & *2. Paral. 1.*
 contumacium ^a intro cogendorum, & po- *15.*
 mœriorum denique Christi ad extremos *a Luc. 17. 23*
 vsque *Indos* propagandorum. Quod non
 nescires tu, nisi ^b *Isaiam* Prophetam nesci- *b Isai. 49.*
 res. Sed diues est Papa: quomodo? Rapinis- *23.*
 ne aut sacrilegijs, quibus vestræ plerorūq;
 mensæ radiant & laquearia fulgent. Mini-
 mē: sed bonis iusto titulo, donationis, em-
 ptionis, &c. acquisitis: quorum si tu sub
 simplici palliolo tuo partem aliquam ob-
 tinere posses, haud grauatē videreris acce-
 pturus. Sed pergo. Diues est Papa, quid tum?
 An propterea qui Catholicus sit, diuitijs
 inescatur? Bella ratiocinatio, similis isti al-
 teri: Christus in his terris obambulans;
^c *non habebat, ubi caput reclinaret.* Ergo nos *c Matth. 8.*
 qui pauperiores sumus, sineeriores Chri- *20.*
 stiani sumus. Profecto si paupertate certan-
 dum est, certandum quoque est afflictione
 & pēpersionibus: quibus cum multis vo-
 bis partibus superiores sint *Anabaptiste*, &
 omnis generis facinorosi, in quos quotidie
 magistratus iuste vindicat, arundineam pla-
 nē te hastam in me vibrare *Tossane*, vides.

Plura huius generis ad rem apposita dici
 poterant. Sed ad finem festino, vbi coronis
 dis

dis locò me *Impostorè* vocas, qui Catholicis
de uxore detenta, & alijs perpeffionibus verba
dederim, quique magis ad blandiendum Pa-
pæ, & piscationem auream, quam ad crucem
& martyria paratus sim. Dicamne, *Tossane,*
 vitum te bonum, qui tam splendidè contra
 apertissimam veritatem mentiare? Aude-
 nè negare, familiam meam integros aliquot
 menses *Heidelbergæ* detentam fuisse inui-
 tam? Auden' hoc negare? Quorsum igitur
 ego secunda vice nunc *Palatino Electori,*
 nunc *Senatui Ecclesiastico* supplicavi? Quo-
 rum tot nuncios misi, tot sumptus feci?
 Quære ex ipsis, si lubet, Senatoribus, quo-
 ties misellam vxorem in rostra sua citarint,
 quoties ludificatam domum dimiserint. Ip-
 sum locum intueri, in quo cum sanis istius
 hominis pudefacta & consternata præ
 metu respondere non posset, iam iam de
 deliquio periclitata, exire Senatu iussa
 est. *Sanctiorem Senatum* non in simulo, qui
 annuente Clementissimo Principe statim
 prima meis vice abeundi potestatem fecit.
 Remoras intelligo illas inferiores, quas
 Dei iudicio relinquo. Nunquid tibi adhuc
 impostor sum? Impostoris nomen tu tibi
 vindica, qui turpiter hominum saluti impo-
 nens, hæresin pro fide, toxicum pro pascu-
 is sceleratissime miseris instillas. De obtru-
 sis Pontifici Palpis, falsus es. *De piscatione*
aurea

aurea, iam redargui te, redarguerq; amplius, sicut adpromisit *Serarius*, Piscationis vestrae aureae aliquot documenta prolaturus Tandem de Martyrijs perferendis quā comparatus sim, quid tu disceptas, homo vanissime, nunquā à me neque latus, nec provocat°, nec et vires meas expert°. Deus salutaris constantie pater, si hunc, quo nunc sū, animum mihi confirmare (ut spero) dignabitur, planè nihil recusò hæresin vestram vel sanguine meo condemnare. Sed video prolixior me in calumnijs tuis retundēdis fuisse, quàm oportebat. Abrūpo igitur filum defensionis meae, teque seriò cohortor, alienae in posterum famae ut parcas, & qui nullate iniuria laceffunt, quiescere finas: hæc verò quæ per nefas mihi impingere voluisti, in te legitimè retorta tecum tantisper coquas, donec ipso tempore plura & maiora innocentiae meae argumenta tibi tuisque innotescant. Vale Mogunt. 6. Calend. Februar. M. DCII.

EPISTOLA II.

LYDOVICVS SCHWARTZ-

maier à Schwartzenu, S. Carl. Maieft.

à Consilijs.

IVSTO BARONIO VETE-

racaftrensi S P. D.

AD religionem verè Catholicam & Orthodoxam te accessisse, mi IYSTE, iamdudum

dudum fama, & nuper scriptis tuis summo cum gaudio percepi. Idq; eo libētius, quod non solum *Palatinatui* iam diu inseruiſſe te audio, in quo & ipse natus, ſingulari Dei beneficio ad eius veram agnitionem ſerò tādē perueni: Verum etiam quod à CALVINO tibi nomē, qui omnium hæreſiarcharum princeps, tanto grauius Eccleſiam afflixit, quando eius dogmata cæteris omnibus extiterunt venenatioſa. Sperarim autem APOLOGIA tua in vernaculam linguam translata, multos in *Palatinatu* ad gremium Catholice Eccleſie redituros, præſertim cum iam Principes quidam ipſimet ſe à ſuis falſis Prophetis deceptos videant. Gratulor ergo tibi primum de conuerſione tua, & ſerò horroſ, vt in fide tua conſtāter perſeueres, eamque pro viribus defendas acriter. Deinde etiam eo omnes neruos intendas rogo, patriam vt communem publico quodam ſcripto, & comminando & rogando ab exitiali hæreſi reuocare, veræq; ac vetuſtiſſimæ religioni reſtituere cōſitare. Id quod Deo erit acceptum ſacrificiū: & tu eo ipſo ſalutem æternam promebere.

• Vale. Pragæ. 15. Calend. Maij.

M.DCII.

EPI-

EPISTOLA III.

ILL^{mo} ET REV^{mo} D. ROBERTOBellarmino S. R. E. Cardinali, Archi-
episcopo CapuanoIVSTVS BARONIVS VETE-
racastrensis S.

LONGO ac difficili itinere; è media Ger-
mania euocatus, paucis ab hinc diebus
vna cum fratre in urbem perueni, ILL^{me}
& REV^{me} D^{ne} ea præcipue mente ac con-
silio, vt quoniam mihi iamdudum consimi-
le *Augustini* voto votum, *videre Romam in*
Choro, Pontificem in Cathedra, Cardinales in
Comitatu, partim animum tam insueto spe-
ctaculo oblectarem, partim Deo beneficen-
tissimisq; Patronis, quorum opera vel in
fide institutus, vel in necessitatibus suble-
uatus essem, debitas grates persoluerem,
mihiq; eorundem gratiam constantius de-
inceps deuincirem. Quorum vtrorumque
ita heri in vigilia SS. PETRI & PAVLI initium
feci, vt & Deum veneratus, & Pontificem
cum vniuerso Purpuratorum Patrum col-
legio conspicatus, & meorum etiam præci-
pui salutatis nihil desiderarim, nisi te vnū
desideratissimum BELLARMINVM meum
(fas sit ita loqui intemperantissimo amori
meo) qui si affuisses, corona sanctorum ple-
na, &

na & gaudium meum omnibus numeris absolutum fuisset. Sed intelligo Pastorem ad oues, Patrem ad filios, Ducem ad exercitum conuolasse. Placet & hoc, neque indignor, quin (si accipis à cliente hoc officij) tam sublimem tibi dignitatem, & Episcopale munus, quod **appetentes, bonum opus*
**1. Tim. 3* *1.* appetere Paulus ait, ex animo gratulor. Ardet interim pectus incredibili tui videndi cupiditate, quod quia oculis negatum est, litteris conabor, nec mente à te vnquam vel latum pilum dimouebor. Nos hic fouet & complectitur magnus ille collega tuus BARONIUS, cuius à mensa & contubernio nunquam segregamur. Mirifica Principis humanitas, incredibilis doctrina, rara sanctitas, munificentia cum paucis comparanda, ut si nihil quod Romæ miraremur, hoc vno domestico monumento contenti esse possemus: Ita planè domus eius omnium virtutum pietatisque sacrarium est. Sed & alibi in vrbe confertim se luculenta & maximè insignia pietatis spectacula offerunt, siue templorum ornatum, siue splendorem vrbis, siue Martyrum numerum, siue antiquitatem *αἰωνία*, siue populi deniq; zelum & contriuam religionis contentionem spectemus. O vtinam videant maledici *Arcefile* nostri, virusq; acerbitalis suæ tandem aliquando compescere discant! Sed **seruus*
**Proter.* *malus*

malus nec verbis emendabitur: si enim & intellexerit, non obediet. Muneri tibi mitto literarium opusculum, confectum à me hybernis lucubrationibus, quod donec tuo nomini consecrata prodeant, benignè accipies, meque deuinctissimum Clientem tuum perpetuo fauore complectere. Quod ut facias, maiorem in modum etiam atque etiam obsecro. Vale. Romæ è Palatio Baroni-
ano. 3. Calend. Iulij M. DCII.

EPISTOLA IV.

ILL^{mo} ET REVM^{mo} PRINCIPI D^o.IOANNI ADAMO, Archiepiscopo &
Electori MoguntinoIVSTVS BARONIVS VETER-
acastrensis S.

CONFECI feliciter, quod tua venia ingressus eram iter; ILL^{me} ET REVM^{me} PRINCEPS: id est superatis alpibus, viso *Mediolano*, ac *Bononia Lauretoque*, quadragesimo à *Moguntia* die (cunctari enim sapiusculè calores, ac respirare à iactationibus coegerunt) *Romam* cum fratre appuli, principem illam olim Imperij, nunc religionis, & verè, quod ait ille, * Τῆς οἰκουμένης ἐπιτο * *Polemō*
μὴν. Appulsos hospitio excepit magnum il- *Sophista.*
lud Cardinalium lumen CASAR BARONI-

VS SORANVS: cuius sub aris ac focis adhuc
 requiescimus, nec pedē inde mouebimus,
 quādiu nos alma hæc pietatis mater tene-
 bit. Ita video Optimū Principē in nobis cō-
 plectendis & ornandis nunquam sibi satis-
 facere. Beneficia beneficijs cumulat, amorē
 amore, studium studio. Pōtifex etiam Max.
 proxima Dominica ad sui conspectum ad-
 missum, paterna me benedictione ꝑsecut⁹
 est, percontatusq; de publicis & priuatis re-
 bus nostris, vbi me narrantē de tua valetu-
 dine, pietate, atque intrepido fidei Catholi-
 cæ tutandæ propagandæque ardore intel-
 lexit, quamplurimum se ostendit recrea-
 rum. Cuius rei testis est idem ille Dux noster
Baronius, tanto Pontifice dignus Cardina-
 lis, cuius vtriusque vitam Diui cœlites no-
 stro ac totius orbis bono quàm diutissimè
 seruent incolumem. De vrbe magnificen-
 tia, deq; cæteris pietatis ac fortitudinis pri-
 scæ luculentissimis hic trophæis, nihil est
 quod scribam. Sunt ista iam in ore atq; ocu-
 lis omnium, nec te fugiunt, qui Sanctam
 hanc terram haud paruo olim tempore cal-
 calsti. Vbi etsi præter cæteros non dubito,
 quin sæpè hunc ipsum sacrae litteraturæ
 Principem *Baronium* videris, en tibi tamen
 (si fortè fallar) veram viuamque ipsius Ico-
 nem, quam non minus gratam tibi futuram
 confido, quàm ille ipse est, cuius hodiè laus
 & fa-

& fama vniuersum Christianum orbem
peruagata, instar solis cuiusdam pestilentes
hæreticorum tenebras dispellit, lucemque
affert illis, quos diri erroris pertinacia du-
dum excæcarat. Quo suo archetypo cum
satis cōmendata sit effigies mea, plurib⁹ e-
go verbis illam commendare desino, ac me
potius ad familiam meam conuerto, tuæ
ILL^{mc} PRINCEPS benignissimæ gratiæ com-
mendatam, quam vt illis desiderio mei ac-
censis magis magisque accommodare, ac si
quo libebit signo confirmare digneris, ma-
iorem in modum peto atque obsecro. Erit
ea res non parux tibi apud pares laudis se-
mentis, præmij verò apud Deum etiam
hostimentum. Cuius vt tibi numen perpe-
tuo adsit, ex animo precor ac voueo. Vale.
Romæ è Palatio Baroniano. 3. Non. Iulij. M.
DCII.

EPISTOLA V.

ILLVSTRI ET REVERENDO

Dno. Ioanni Schvicardo à Cronberg,

Metropol^z Eccll^z Mog^z

Decano.

IVSTVS BARONIVS VETERA-

castrensis S.

POSTEA QVAM à vobis discessi, ILLV-
STRI ET REVERENDE D^{nc}, recta per

P 4 Pala-

Palatinatum, mutato nonnihil schemate,
a Plutar. de ac pressa in diuersoriis persona (sicut^a anse-
solentia ani res Cilices Taurum transuolaturi, metu aquil-
malium. *larum Iusta magnitudinis lapide in os sumpto*
taciturnitatem sibi imperant.) *Argentynam*
prexi: inde per Alpes, Lombardiam & Mar-
chiam Romam. Vbi hospitem nactus ma-
gnificum magis an humanum, sanctum an
doctum dubito, Cardinalem Baronium, al-
teram nunc septimanam in obeunda vrbe,
visendis templis, admirandis omnis gene-
ris reliquiis ac trophæis, precibus denique
ad limina Principum Apostolorum fun-
dendis consumo, memor tui, memor sin-
gularistux in me beneficentiæ ac hospita-
litatis, atque (vt ait^b ille) gratias agens non
b Auson. in in sacrario modo Pontificalis Oraculi (qui lo-
G. attar. in tus horrore tranquillo & pauore venerabili
Act. ad Gra. cus horrore tranquillo & pauore venerabili
stanū Imp. rarò eundem animum præstat & vultum) sed
ab initio. usq³ quaq³, tum tacens tum loquens: tum in
catu hominum, tum ipse mecum: & cum voce
patui, & cum meditatione secessi, omni loco, a-
ctu, habitu & tempore. Nec mirum, si ego ter-
minum non statuam tam grata profidendi,
cum tu finem facere nescieris mei honorandi.
Fateor etenim palam, quicquid hæcenus
Moguntia in me contulit, tuo vnus auspicio
collatum esse, cuius etiamnum sub alis
suauiter familia requiescit, vnus Cronbergij
tectis gaudens, vnus Cronbergij patrocinio
fidens:

fidens: quod hic sūmis pariter ac imis, notis
 & ignotis magna vt dixi laude tua p̄dicare
 haud cesso, neque dum viuum cessabo: tan-
 tum ne tu hunc ad te redundantem laudis
 fructum vilem arbitrere. ^c Hoc enim est ^c *Pal. Max.*
 virtutis vberrium alimentum: ^d hoc ἡδίστον ^{lib. 2. ca. 10.}
 ἀγρόαμα, ^e maximum bonorum externorum. ^{in Hier. 67.}
^f cuius dulcedine nulla est tanta humilitas, ^{sive Tyran.}
 quin affatim tangatur. Maeste animo Illu- ^{nico.}
 stris vir, tu mihi Deus, tu mihi pater: ego ^e *Ar. 1. 2.*
 virtutum tuarum haud negligens p̄æco, ^{Eph. 6. ca. 3.}
 Christus vberriima merces: cuius ego te cu- ^{lib. 8. ca. 4.}
 ra totum tuosq; commendo. Vale, atq; er-
 ga familiam qui soles, esse perge. Romæ è
 Palatio Baroniano. Prid. Non. Iulii. M.
 D. CII.

EPISTOLA VI.

IVSTVS BARONIVS VETE-
 racastrensis

IOHANNI MULHVSINO, SO-
 cietatis Iesu Theologo S.
 P. D.

CVM XII^o Kalend. Iulii Romam venis-
 sem, neq; maturius propter itinerum
 & calorum difficultatem venire potuissem,
 optatissimo inuento hospite, *Cardinale Ba-*
ronio, maximè conuenire officio meo, Ec-
 clesiæq; conducere putaui, prospicere ea
 quæ

quæ ad personam meam commendandam, & ad causam, ob quam venissem, instruendam quoquo modo pertinerent. Itaq; memor, quantus hæreticæ luis in hac Sancta vrbe horror, quanta animaduersio esse so-
leret: certo die sponte & liberè cum fratre *S. Inquisitionis Officium* ingressus, superiorisque ætatis cum gemitu enumeratis & reuocatis iterum erroribus, cæterisq; quæ istius loci sunt, fideliter præstitis, nouam ac solennem ab Apostolico Cômmissario, Nobili ac Doctissimo Viro, consueto processu *Absolutionem* consecutus sum. Non quidem quod illa prior *Spirensis* nullarum virium fuerit, sed quod conscientiam magis quàm forum ciuile spectasse videretur. Rei totius fidem pleniorẽ faciet ipsius *Sanctæ Inquisitionis* authenticum ac sig illatum *Testimonium*, cuius tibi apographum mitto.

*a Hieron.
Epist. 21. ad
Paul. c. 30.
cordi.*

De cæteris rebus nosti ipse, quæ hicomnium facies esse soleat. *Baronium* nosse desideras? Depinxit ad vivum prope ^a D. *Hieronymus* in Centenario illo *Paulo Concordiensi*, nisi quod in hoc (*Baronio*) ætas aliquanto minor. Ecce enim sexagenus iam illi ætatis circulus voluitur, isq; semper inter Caucasos atque Aetnas laborum præcepta Domini custodiens, futura beatitudinem vitæ per præsentia exempla meditaturn. Oculi puro lumine vigent, pedes imprimunt certa vesti-
gia

gia, auditus penetrabilis, dentes candidi, vox sonora, corpus solidum, & succi plenum: canicula cum rubore discrepant, vires cum aetate dissentiunt, non memoria tenacitatem, ut in plerisque cernimus, antiquior senectus dissolvit. Non calidi acumen ingenii frigidus sanguis obtundit. Non contractam rugis faciem aetata frons exasperat: non denique tremula manus percurvos chartæ tramites errantem stylum ducit: non defatigatur (quod mirare) in tam immani Annalium mole, proprio semper labore, sine ullius amanuensis opera describenda. Atque ut cætera etiam S. Hieronymi attexam: Futura nobis resurrectionis virorem in hoc Principe Dominus ostendit, ut peccati sciamus esse, quod ceteri adhuc viventes premoriuntur in carne: Iustitia quod ille adolescentiam in aliena aetate mentitur. Et quanquam multis istam corporis sanitatem etiam peccatoribus evenire videamus, tamen illis hoc Diabolus ministrat, ut poeant: illi Deus prestat ut gaudeat: imò verò ut gaudeamus nos, neque ille Herculeo Antiquitatis Ecclesiasticæ eruendæ cæpto succumbat. Quod ut illi mecum totique Catholicæ Ecclesiæ à Deo iugiter precari pergas, amicissime doctissimeque MVLHVSINE, per fidem te tuam, ut maximè possum, obtestor. Vale & cum Sanctis, quicquid Christi leue trahunt iugum, pist. 26. ad præcipue suspiciendis Patribus Francisco August. e Matthe. Rape- 11. 30.

Rapedio Rectore, Iohan. Busao, & Nicolao Serario quàm longissimè salue. Romæ. 6. Calend. August. M.DCII.

TESTIMONIUM ABSOLVTI-
onis S. Inquisit. Romanæ.

VNIVERSIS & singulis presentes litteras visuris, lecturis pariter & audituris, pateat euidenter, & sit notum, qualiter die XXVIII. mensis Iunii M.DCII. Iustus Baronius Veteracastrensis Germanus, Henrici Caluini filius, ætatis suæ annorum circiter XXXI., comparuit personaliter sponte Romæ in Palatio S. Officii, & iuridice facta suorum errorum & hæresum confessione, prout latius in Actis, veniam petiit, & Sanctæ Matri Ecclesiæ reconciliari deprecatus fuit. Quocirca die XXIII. mensis Iulii præsentis anni MDCII. attenta sententia per R. P. Fratrem Deodatum Gentilem lanuensem, Ordinis Prædicatorum, Sacræ Theologiæ Magistrum, Sanctæque Romanæ & universalis Inquisitionis Commissarium generalem, in huiusmodi causa lata Iustus Baronius prædictus abiurauit tanquam for-

*formalis hereticus omnes errores & hæ-
reses Caluini, & in genere omnes & quos-
cunq; alios errores & hæreses contra San-
ctam Romanam Ecclesiam sese quomodo-
libet extollentes, ac successiue ab eodem R.
Patre Commissario absolutus fuit, in for-
ma Ecclesiæ consueta, ab omnibus & sin-
gulis excommunicationis sententiis, cen-
suris & pœnis Ecclesiasticis, quas præmissõ-
rum causa & occasione quomodolibet in-
currit, & communioni fidelium, partici-
pationiq; Ecclesiasticorum Sacramento-
rum, ac Sanctæ Matris Ecclesiæ unitati
& gremio restitutus. Iniunctis eidem pœ-
nitentiis salutaribus: nempe ut semel quã-
primum visitet septem urbis Ecclesias, in-
tus & extra mœnia priuilegiatas. Per tri-
ennium proximè futurum ieiunet in die
Parasceues in pane & aqua. Per idem tẽ-
pus bis singulis hebdomadibus recitet Co-
ronam B. Mariæ semper Virginis: & tan-
dem per idipsum tempus quater in anno
Sacramentaliter peccata sua confiteatur
Sacerdoti ab Ordinario exposito, & de eius
consilio Sanctissimum Eucharistiæ Sacra-
men-*

mentum sumat in Natiuitatis & Resurre-
ctionis Domini nostri Iesu Christi, Penteco-
stes, & omniũ Sanctorũ festiuitatibus. In
quorum fidem &c. Datum Roma, in Pala-
tio dicti Sancti officii, die XXIII. Iulii.
MDCII.

*Quintilianus Adrianus Sanctæ Ro-
mæ & Vniuersalis Inquisitio-
nis Notarius.*

Locus Sigilli.

EPISTOLA VII.

ILL^{mo} ET REV^{mo} D. ROBERTO
Bellarmino S. R. E. Cardinali, Archie-
piscopo Capuano

IUSTVS BARONIVS VETE-
racastrensis S.

VENISSE me in urbem, diuertisse apud
Cardinalem *Baronium*, te videre per-
cupiſſe, scripsi iamdudum, atq; opera Pa-
tris cuiusdã *Oratorij* trãsmisi. Sed taces, nec
verbum contra, vt haud egrè credam quod
ferunt, periſſe literas cum nuncio, vi calo-
rum oppresso. Quod si ita est, En alterum
tibi earundem litterarum exemplum: qui-
bus hoc ynum attexo, quod aliàs quoq; de
Inſti-

Institutionibus Caluini * scripsi, omnem Ger- * *Vide Su-*
maniam nostram hoc à te confutationis be- *pra lib. 2.*
 neficium desiderare. Nam quod *Baronius Epist. 18.*
 alijque viri Principes hanc nuper *Aetnam*,
 mihi impositam voluerunt, vides ILL^{me}
 D^{ne} quàm graue futurum sit, quàm hume-
 ri mei planè non sint ferendo. *Atlantem* ali-
 quem hæc cura desiderat, qui non ego, sed
 tu tuique similes, in sacra hac militia iam
 Veterani, coronisque toties decorati. Mihi
post principia locus, tutumque silentij præ-
 sidium, vnde me haud extrahi patiar, nisi
 neminem omninò velle intelligam. At vo-
 les tu spero, meq; hoc onere leuabis, ne de-
 trectalle magis superiorum voluntatem,
 quàm summè idoneo concessisse videar.
 Vale, meq; reditum ad meos maturantem
 pijsimis tuis apud Deum precibus prose-
 quere. Romæ 9. Calend. Septem. M. DCII.

EPISTOLA VIII.

ROBERTVS BELLARMINVS

Politianus, S.R.E. Cardinalis, Archi-
 episcopus Capuæ

IUSTO BARONIO VETERA-
castrensi S.

Clarissime vir, & singularis amice,

MOLESTE fero, quod literas tuas prio-
 res nō viderim, sed longe molestius,
 quod

quod te ipsum videre non possim. Faxit Deus, ut in patria coniugamur, cum ipsius Dei causa in exilio nos diiunxerit. Ego te ubiqueunque fueris, sincerè diligam, & *Roma* abeuntem precibus & votis prosequar. Arbitror enim, vitam & salutem tuam Ecclesiæ Catholicæ non mediocriter profuturam, si ad *Caluini Institutiones* seriò refutandas animum adieceris. Video enim tibi ad opus hoc perficiendum multa superpetere, quibus vel omnibus, vel nonnullis caruerunt, qui idem opus infelicitè aggressi, infelicius ad exitum perduxerunt. Me certè non solum ætas iam prouecta, & in senium declinans prohibet eiusmodi opus aggredi, sed multò magis sarcina Ecclesiastica, quæ grauissima est, cum non solum more veteri, assidue concionandum, & orandum, vel ut verbis utar Apostolorum, * *orationi & verbo Dei instandum* nobis sit, sed etiam iuri dicendo, & reis puniendis operam dare sine intermissione debeamus. Tibi igitur palmam libenter cedo & iuniori & instructiori. Dominus Deus noster dona sua in te collata conferuet & augeat, ut de hostibus fidei, qui te aliquando captiuum miserè tenuerunt, gloriosè triumphes. Datum Capuæ. die 6. Septemb. M. DCII.

* *Act. 6. 4.*

EPISTOLA IX.

CÆSAR BARONIVS SORANUS
S.R.E. Cardinalis

ILL^{mo} D^{no} IOANNI ADAMO
Archiepiscopo & Electori Mogun-
tino. S.P.D.

Ill^{me} & Ren^{me} D^{ne}.

QVI Moguntia Romam venit *Iustus Calvinus*, idem modo reuertitur Roma Moguntiam *Iustus Baronius*. Quem enim Ecclesia Catholica accepit in sinum, ego in familiam meam libenter suscepi; cum etiam iure spiritualis cognationis, virtute Sacramenti CONFIRMATIONIS, quod consecutus est à Sanctiss^o D^o N^o CLEMENTE Papa VIII. eundem genui mihi filium, & ut spero, non degenerem leonis catulum, qui iam exeruit ungues in eos, qui ipsum in cauea impietatis detinuerunt captivum. Hunc igitur his decoratum à nobis insignibus, iam antea filium tuum, quemque pascui tui, rogo iterum atque iterum ut pater benignus amplectere, & vigilantissimus pastor enutri, uti patronus fove, protectorque defende: suscepturus ego in me cuncta in ipsum collata officia & beneficia, quo nomine R^{mæ} Dⁱ V^x deinctus perpetuo permanebo. Qui & pro Episcopali munificentia erga eius familiam ipso absente

Q abunde

abunde satis exhibita, plurimas gratias ago.
Vale. Romæ 15. Calend. Octob. An. Dom.
M. DCII.

EPISTOLA X.

ILL^{mo} ET REV^{mo} D. CÆSARI
Baronio Sorano S. R. E. Car-
dinali.

IVSTVS BARONIVS VETERA-
castrensis S.

*a Hieron.
Epist. 44
ad Chryso-
gon. Monac.
Aquil.*

SOLICITVM te esse itineris nostri, ILL^{me}
& REV^{me} D^{ne} tam non dubito, quam
me esse tibi charissimum. Itaque ne *ingrati*
hospitis crimen incurram, id est, ^a quod natu-
ra Lynces insitum habere dicuntur, ne post
tergum respicientes meminerint priorum, &
mens perdat, quod oculi videre desierint: ex
proxima etiam *Hetruria* rescribendum tibi
duxi, vt quanto minori ad te interuallo
rescriberem, tanto constantiorem tui me-
moriā habere viderer. Scito igitur regres-
sos ex vrbe septimo post die *Lauretanis*
ambagibus *Perusiam* venisse, vndecimo
Senas. Quo vtroque loco quid mihi, quid
comitibus meis Germanis, *Bernitio* & *Zol-
lero* cum Illustrissimis Academicis negotij
intercesserit, quid Laureæ à nobis affecta-
tum feliciterq; reportatum fuerit, malo te i-
psorummet publicis testimonijs (quæ mit-
to)

to)quàm litteris meis cognoscere. Sanè *Roma* nihil mihi huiusmodi in mente. Ac primum exemplum comitum candidatorum, deinde singularia Academicorum priuilegia atq; inuitationes, tertio fructus in Germania sese tum priuatis fortunis meis, tum publicis vel in Ecclesia, vel in Repub. edendis lucubrationibus adpromittens, faciliè me in hoc consilium pertraxit, quod nec tibi, nec cæteris Illustrissimis Patronis Cardinalibus, *Bellarmino, Aldobrandino, Parauicino*, improbatum iri confido. Successus vtrobique fuit Dei munere perquam oppido felicissimus. Honoris tuo nomine etiam præ cæteris mihi tantum habitum, quantum verbis consequi vix possum. Viserunt, duxerunt, reduxerunt, magna solennitate, maximo numero, vt præter frequentissimã studiosorum cateruam, *Senensium* Academicorum confessus 72. Doctorum corona clauderetur. Orationes in te, in Pontificem, in cæteros Mœcenates meos, quos ordine me narrante, comitibus astipulantibus, litterisque etiam aliquot vestris, quas opportunè mecum habebam, contestantibus cognouerant, habitæ à Promotoribus quàm honorificentissimæ. Plura huius generis pudore, non obliuione, prætereo. Sunt enim talia, quæ etsi vestro potius quàm meo merito in me collata profiteor, arrogantius

Q 2

tamen

tamen fortè quàm vtilius prædicari à me videbuntur, qui totius rei pars maxima fui. Quanquam hanc ipsam me laudis & gloriæ mercedem Illustrissimis Academicis omnino debere agnosco: quibus vt perpetuum amoris venerationisque affectum libentissimè, quoad viuam, præstabo: ita vt vos Amplissimi Mœcenates mei Vestræ quoq; beneuolentiæ auram data illis opportunitate afflare dignemini, vt vehementer cupio, ita maximopere oro.

De tuis verò in me præclarissimis nuper Romæ meritis, quid? ILL^{mc} BARONI: de quadrimestri hospitalitate, de amicissimis sermonibus, de religiosissimis pietatis exemplis, de creberrimis commendationibus, de Sacramentali mecum inita cognatione, de gloriosissima denique nominis contestatione, an mutus lethæusq; ego? Absit: quin Seniore clamosius vbique efferro, sumoq; hanc mihi non vulgaris, vt ita dicam, ostentationis materiam, quod non tuæ tantum clientelæ, sed & tuæ familiæ homo sum. Hoc lætor, hoc exulto magis,

b Horat. l.
Epist. 12.

b *Quem si me liquidus fortuna riuus in-
auret.*

c Hieron.
Epist. 44.
ad Chrysos-
tom. Monac.
Aquil.

Atque hoc huic ipsi Epistolæ inferui, ne (vt ad superiora redeam) λύγκειος à te existimarer, quæ fera, vt Hieronymi verbis concludam, *sub frondente captans arboris ramo*
fuga-

fugaces capreas, aut timidum cervos animal
comprehendit, currentemq; frustra pradandi,
dum hostem suum secum vehit, rabido de super
ore dilaniat, & tamdiu meminit pradandi,
quandiu venter vacuus siccum fame guttur
exasperat: ubi verò sanguine pasta feritas vi-
scera disticta compleverit, cum saturitate suc-
cedit obliuio, tandiu nescitura quid capiat, do-
nec memoriam reuocauerit esuries. Non ego
talis, non: sed quæadmodum^d Ciconia sem- *d Plutarch.*
piternam paternę fidei & amoris memoriã *de Sole. 6.*
in esse ferunt: ita & mihi tuorum bene- *Animal.*
ficiorum crede: nec mihi solum, sed & fili- *Et li 8 Sym*
is, & posteris, & quotquot Baroniani ex me *pos. quasi. 7.*
nominis heredes vnquam superfuturi sunt.
Vale. Senis 4. Non. Octob. M. DCII.

TESTIMONIVM

FACVLTATIS THEOLOGICÆ,
Illustris Academia
Perusina.

Christi nomine inuocato.

NOS Saluutius de Saluutiis V. I. D.
Canonicus Perusinus, Protonota-
rius Apostolicus, ac Perillustris &
Reu^{mi} D. Neapolionis Comitoli, Dei &
Apostolicę Sedis gratia Episcopi Perusini,
& Almi Gymnasii Perusini Cancellarij

Q 3

Optimi

Optimi Vicarius generalis: cum praesentia, assistentia ac decreto R^{di} P. 10. Baptista Dionysii, Canonici Perusini, collegii Theologorum ac Philosophorum Vniuersitatis Perusinae Decani: Vniuersis & singulis praesentes literas, vel praesens publicum Priuilegii instrumentum visuris, lecturis, & auditoris salutem ab eo exoptamus, qui omnium est vera salus. Eorum qui in excelsa alicuius ciuitatis specula constituti sunt, aliorumq; utilitati & gloria consulere debent, munus illud esse videtur, ut pro rebus bene & laudabiliter gestis, viris praestantibus praeium aliquod reddere studeant, ut & ipsi ad maiora sublimioraque magis ac magis excitentur, & alii ad virtutes amplexandas, praeclearaque facinora obeunda eorum exemplo alliciantur. Quod sane cum in rebus aliis consentaneum est, tum vero imprimis, quando quis in aliqua adipiscenda scientia diu noctuq; insudauerit, ut tandem ex amaris studiorum radicibus dulces aliquando fructus percipiat, ceteris autem ad easdem sibi comparandas scientias, igniculos quosdam iniiciat.

Illis

Illi verò, qui de SS. Theologia bene meriti
 sunt, digni præ cæteris nobis videntur, ut
 amplissimis præmiis cumulentur, eoq;
 magis, quo sacra hæc facultas cæteris o-
 mnibus scientiis utilitate, necessitate ac
 dignitate omnium iudicio antecellit. Quæ
 omnia cū ita esse animaduerneret Illust-
 ris atq; Eximius vir, D. Iustus Baronius Vete-
 racastrensis: qui (ut nobis fideliter retulit
 atq; aliunde satis cōpertum fuit) annos cō-
 plures Heidelbergæ Electoralis Palatinus in
 Germania Metropoli didicit partim, par-
 tim, qd utrūq; dolet, Calvinum hæresim do-
 cuit: nunc vero Dei benignitate abhinc
 circiter sesquianno ad Catholicam ortho-
 doxam fidem seriò conuersus, & Catholi-
 corū Theologorū scriptis, partim antea par-
 tim nunc euoluendis, & propriis aduersus
 hæreses lucubrationibus cudendis edēdisq;
 tā præclaros in SS^{ta} Theologia progressus fe-
 cit, ut in hac Ill^{ma} Academia nostra Peru-
 sina rigoroso examini subiectus, abun-
 dantissime omnium expectationi satisfac-
 erit, ac præclaram insuper linguarum
 Philosophiæque cognitionem ac morum

probitatem nobis demonstravit. Quibus
 cum scientiis & moribus cum prædicitum
 esse nobis innotuerit, rationi consentane-
 um esse duximus, ut tantis eius meritis
 decus illud & ornamentum tribueretur,
 quo dignus ab omnibus existimaretur.
 Quod cum à nobis summa cum modestia,
 proprio tamen quodam iure efflagitaue-
 rit, libenti animo morem illi gerendum es-
 se duximus. Quocirca Nos Saluutius de Sal-
 uutiis Vicarius præcipuū & eruditū virum
 D. Iustum Baronium, nobis & R^{do} Decano
 per R^{dum} & Excell^{um} Sacrae Theologiae ac
 Philosophiae Doctorem D. Alexandrum
 Iouium de Perusia, Promotorem ab eo se-
 lectum, suo & R^{di} ac Excellentis Patris
 Magistri Anselmi de Septiis Perusini Or-
 dinis Seruorum, Sacrae Theologiae ac Phi-
 losophiae Doctoris compromotoris nomine
 presentatum, ut iuxta eiusdem Collegii le-
 ges tanquam dignus ad publicum examen
 admitteretur, hoc eodem die, & loco infra
 scripto super pūctis sibi heri in sacra Theo-
 logia ac Philosophia: In Theologia ex lib.
 3. Sent. distinct. 5. & ex eodem lib. 3. Sent.
 Dist. 6. in Philosophia verò tex. 67. lib. 3.
 Phy-

Physicor. sorte assignatis, publicè exami-
 nandum esse decreuimus. Itaq; hodie super
 eisdem punctis, rigoroso examine factò per
 R^{dos} Patres & clarissimos dicti Collegii
 Doctores num. XXII. Ibidem collegialiter
 coadunatos, & collegium ipsum consitu-
 entes, periculum de ipsius eruditione feci-
 mus. Cum igitur in legendo, disputando,
 & loca difficilima interpretando, obiection-
 ibusq;, & argumentis sibi factis subtili-
 ter respondendo coram nobis se præclare
 gesserit, summa omnium cum laude & ap-
 plausu: iure & merito per omnia secreta
 suffragia affirmatiua in Alittera reddi-
 ta, nulla R. reprobatiua in contrarium re-
 perta, & sic nemine penitus penitusq; ac o-
 mnino discrepante fuit approbatus. Do-
 ctoralique laurea in SS^{ta} Theologia ac
 Philosophia dignissimus declaratus. Nos
 itaque Ioann. Baptista Dionysius Decanus
 prædicti & eruditissimi D. Iusli doctrina,
 probitate, aliisq; meritis, quæ in decoran-
 dis tam de Iure, quàm de consuetudine re-
 quiruntur. perspectis, de mandato prædicti
 Admodum R^{di} D. Proepiscopi, de consensu

omnium Patrum & examinatorum prædictorum, & authoritatibus quibus fungimur, CRISTI & B^{mæ} Matris semper Virginis Mariae nominibus repetitis, habito processu, & debita informatione super fide & Religione Catholica eiusdem peritissimi D. Iusti, & facta per ipsum in manibus nostris palam & solenniter fidei professione, iuxta Bullam felicis recordationis Pij Papa IV. eundem D. Iustū uti meritiissimū in SS^{ta} Theologia ac Philosophia graduandum, doctorandum & laureandum, (non obstante uxorem & liberos ipsum habere) esse decreuimus, ut in Doctorem pariter & Magistrum graduamus, doctoramus, & laureamus, & in aliorum Sacra Theologia ac Philosophia Doctorem numerum aggregamus. Cui sic creato & promotio humiliter acceptanti omnem potestatem, & facultatem legendi, concionandi, disceptandi, docendi, sacras literas interpretandi, & glossandi damus atq; concedimus, ita ut gaudeat & fruatur, ac frui & gaudere possit & valeat omnibus & singulis Privilegiis, prerogati-

nis,

uis, immunitatibus, libertatibus, antelati-
 onibus, fauoribus, honoribus & gratiis,
 quibus ceteri in eisdem facultatibus Do-
 ctiores & Magistri gaudent, & fruuntur,
 ac frui & gaudere ubiq; possunt, & debet,
 ac si in alia quauis generali studiorum A-
 cademia ipsum Doctoratus gradum ade-
 ptus fuisset. Demum omnia insignia Do-
 ctoratus & magisterii ad laudem & glori-
 am Omnipotentis Dei illi tribuimus. Pri-
 mo librum clausum, postea apertum da-
 mus: secundo annulo aureo desponsamus:
 tertio biretum in signum laurea capiti im-
 ponimus: quarto Cathedram magistralem
 assignamus: quinto osculo pacis oscula-
 mur. Demum paternam concedimus be-
 nedictionem per eum, qui trinus & unus
 regnat in secula seculorum. Quibus omni-
 bus per R^{dum} Decanum peractis, Nos Sal-
 uentius Vicarius mandamus infra scripto
 dicti Collegii Notario, ut publicum & au-
 thenticum hisce de rebus conficiat instru-
 mentum, illudq; Collegii Sigillo muniat;
 subscribat, registret, ac publicet. Data & a-
 cta fuerunt hac Perusia, in loco capituli
 Cathe-

Cathedralis Ecclesie Perusinae, ad hac solito & consueto: sub Anno Domini, Millesimo Sexcentesimo secundo, Indictione 15. tempore Pontificatus S^{mi} D. N. D. Clementis Divina Providentia Papa VIII. Ann. eius XI. die verò Iouis, 26. Septembris, presentibus ibidem Illustribus & generosis viris, D. Rudolpho Chuen Barone à Belasio, & D. Ioan. Erasmo Chuen Barone à Belasio, & Excellentissimis D. D. Gregorio Bernitio Wratislaviensi, Presbytero, Canonico Cathedralis Ecclesie Wratislavis, & Collegiatae S. Crucis Decano: & Ioanne Zoller, Ecclesie Cathedrales Curien- sis Canonico, Sacrae Theologiae ac Philosophiae Doctoribus, testibus ad praedicta vocatis, habitis specialiter atq; rogatis. Astantibus etiam ibidem pro honore ac dignitate actus huiusmodi quampluribus aliis nobilissimis & praestantissimis viris.

*Locus appensæ Sigilli,
& subscript. Notarii.*

TESTI-

TESTIMONIUM

FACULTATIS IURIDICÆ, IL-
lustris Academ. Senensis.

IN NOMINE DOMINI NOSTRI
Iesu Christi Amen.

BARZELLINVS Barcellinius Ce-
senatensis, Promotarius Apostoli-
cus, S^mi D. N. Papæ utriusque signa-
tura Referendarius, & Ill^mi ac Reu^mi D.
Francisci Mariæ Taurusi S. R. E. & S.
Mariæ super Minervam Presbyteri Car-
dinalis, & Archiepiscopi Senarum sexti,
in Spiritualibus & Temporalibus Vicari-
us Generalis, & ad infra scripta specialiter
deputatus, Vniuersis & singulis mundi
Principibus atq; Prælati, omnib; q; aliis,
ad quos præsentis nostræ peruenerint, ma-
ioribus debitam reuerentiam, amicis quo-
que, & cæteris salutem, & præsperos ad
vota successus. Gloriosa scientiarum Ma-
ter Senarum Vrbs præclarissima & vene-
randa clarissimorū Doctōrū authoritas,
quæ præcunctis sidereis splendoribus obti-
net principatum, illos duntaxat ad publi-
cam

cam Licentiam, & Cathedram Doctorem extollit, quos certamen generalis examinis dignè ad id promouet per concurrentem virtutem, & excellentiam meritorum, ut sic promoti apud vniuersos Mundi Principes, & Rectores pro eorum assistentia ceteris aliis hominum generibus, singulis dignitatibus, & honoribus merito præferantur. Cum igitur Magnificus & Excellens D. Iustus Baronius Veteracastrensis Germanus, S. Theologia Doctor, quem tunc præcipuè vitæ, scientiæ, morum, honestatis, atque virtutum specialis prærogatiua sublimauit honoris. Quando coram nobis pro recipiendis pûctis, & intrando Iuris Canonici, & Ciuilis facultatum examen per Magnificos & Excellentissimos vtriusque Iuris interpretes Dominos, D. Hippolytum Carolum de Piccolomiseis, Dominum Alexandrum Thaurium, Franciscum Accarisium, tertia partis, quæ appellatur ciuitas vrbis vniuersa Senarum, pro hoc tempore vexilliferum, & Dominum Alcibiadem Lucarinum, Patritios Senenses, promotores suos
fuit

fuit presentatus. Et iuravit prout in Bulla Pii Papa quarti. Et ad earandem utriusque Iuris facultatum examen die infra-scripta privata, tremenda, ac rigorosa examinationi omnium, & singulorum Doctorum Collegii Vniuersalis studii Senensis predicti, ad hoc specialiter congregati, se ultro tanquam vir doctissimus & fortissimus animosè subiecit. Et ita in dicto suo riguroso examine, postquam puncta infra-scripta in dictis Iuris Canonici, & Ciuili facultatibus ei per nos more solito specialiter assignata, videlicet C. Primum de Bigamis. L. Non seruum C. de Rei vendication. elegantissimè & doctissimè recitauit, ita egregie argumenta resumpsit, subtiliterq; & copiosè resoluit, quod post longum & rigorosum eius examen tam à nobis, quam ab omnibus Doctoribus dicti Collegii ibidem presentibus concordi voto, atq; consensu, & nemine penitus penitus discrepante miro modo fuit approbatus, eiq; licentiam se doctorandi, & doctoratus insignia recipiendi, tanquam viro dignissimo concessimus gratiosè. Consideratis igitur

itur

tur scientia, etate, vitæq; ac morum honestate, aliisque plurimis probitatis, & virtutum meritis, quibus ipsum Altissimus insigniuit ac decorauit; sicuti tam hodiè in suo rigoroso examine, quàm aliis suis publicis & priuatis actibus mirabiliter fuit comprobatus: utq; tandem studiorum ac laborum suorum coronam meritam valeat reportare, eiusq; gloria aliis trāseat in exemplum, tantòq; magis accendantur ad studia, quanto vberioris dono gratiæ inde nouerint se refertos: Nos Barzellinus Barzellinius Vicarius præfatus auctoritate prædicta Ill^{mi} & Reu^{mi} Dⁿⁱ Archiepiscopi Senensis, & sui Cancellariatus Officii nobis concessa, & qua fungimur in hac parte de consensu & voluntate dictorum Doctorem omnium ibidem præsentium, eundem Dominum Iustum Baronium Veteracastrensem Germanum in dictis Iuris Canonici, & Ciuilis facultatibus Doctorem & Magistrum fecimus, decreuimus, pronunciauimus, & declarauimus: Dantes & concedentes sibi nomen & titulum Doctoratus, & in dictis facultatibus utriusque
Iuris

*luris legendi glossandi, interpretandi, consulendi, iudicandi, cathedram doctoream ascendendi, ceterosq; doctoreos actus faciendi, & exercendi, hic Senis, & ubiq; locorum, quo se duxerit conferendum, plenam & liberam sibi de cetero concessimus facultatem & potestatem. Demumq; ut idem D. Iustus Baronius Veteracastrensis Germanus possessionem sui Doctoratus huiusmodi ab omnibus videretur adeptus, Magnificus & Excellentissimus D. Franciscus Accarissus Praefatus, habita prius de super luculentia & ornatissima oratione, nomine suo, pariter aliorum suorum compromotorum, Doctoratus insignia per ipsum humiliter postulata, sub hac forma tradidit graciosè. Quia primum libros dictarum facultatum clausos, mox assignavit apertos, Biretum doctorem capiti suo imposuit, eius digitum aureo annulo more solito subarrauit, eiq; pacis osculum prae-
 bit, Deum quoq; Omnipotentem humiliter exoravit, ut tam praedictum D. Iustum Baronium Veteracastensem, quam omnes alios Christi fideles sua sanctissima benedi-*

R

ctio-

etione sanctificare dignetur, per infinita
 secula seculorum Amen. In quorum omni-
 um & singulorum fidem & testimonium
 præmissorum presentes nostras litteras fie-
 ri, & per Notarium nostrum publicum in-
 fra scriptum subscribi, sigilli que Pontifica-
 lis præfati Illmi & Rev^{mi} D. Archiepiscopi
 Senensis iussimus appensione solita com-
 muni. Datum & actum Senis, in aula
 magna Palatii Archiepiscopatus, Anno
 ab Incarnatione Dominica, Millesimo
 sexcentesimo secundo, Indictione decima
 quinta: Die vero trigesimo mensis Se-
 ptembris. Clemente Octavo Pontifice Ma-
 ximo, Rodulpho II. Romanorum Impera-
 tore, & Ferdinando Mediceo Magno He-
 truriæ Duce. Presentibus ibidem Perillu-
 stibus Dominis, D. Antonio Tieni Comi-
 te Vicentino, D. Nicolao Valmerana, Co-
 mite Vicentino, D. Bartholomæo Finetto
 Senensi, Testibus vocatis specialiter & ro-
 gatis.

Locus appensi sigilli.

EPISTOLA XI.

ROBERTVS BELLARMINVS

Politianus, S.R.E. Cardinalis, Archi-
episcopus CapuæIVSTO BARONIO VETERA-
castrensi S.

Clarissime Domine,

LITTERÆ tuæ die 30. Iunij scriptæ, vnâ cum libro *Præscriptionum aduersus hæreticos*, quas dudum perijsse arbitrabamur, ecce mihi de improviso ex *Prochia* Insula à quodam mei amantissimo Episcopo adferuntur. Vbi latuerint tamdiu, vnde ad Insulam appulerint, nemo qui sciat. Ac ne quidem ipse Episcopus referre potuit, quis is sit, qui ei litteras & librum deferendum dedit. Inscriptio nominis mei, præsertim cum in ea Insula sacerdotium possideam, fecit, vt litteræ non perirent. Itaque hæc ipsa die, qua litteras tuas eruditissimas, & suauissimas accepi, gratulandum tibi esse duxi, quoniam * *filius tuus mortuus erat, & reuixit, perierat, & inuentus est*. De literario tuo labore nihil habeo quod dicam, cum librū nondum perlegerim, spero talem me inuenturum, qualia cætera sunt, quæ à te prodierunt, in quibus neque sermonis elegantia neque sententiarum gravitas desideratur.

* *Luc. 15.*

24.

R. 2

Vale

Vale mei memor, & sarcinam meam Episcopalem precibus tuis subleua. Datum Capuæ die 8. Nouemb. M. DCII.

EPISTOLA XII.

CÆSAR BARONIVS SORANUS S. R. E. Cardinalis

IVSTO BARONIO VETERACASTRENSI S.

TVAS *Iuste Baroni* litteras diu desideratas tãdem magna animi mei voluptate accepi, & libenter legi. Præter enim manifestissima amoris erga nos tui & obseruantia indicia, id quod summopere de te audire volebam, significabant. Et primum quidem, quod earum me cupiditate incendebat, id erat, quod itineris vestri successus oppido me sollicitum habebat, cum non ignora rem multa solere proficiscentes incommoda comitari, lassitudines, æstus, frigora, insidias, & mille pericula, quæ quousque aliquando diligentius vitare cogitat, eo citius incurrit. Sed, ut spero, eum viæ ducem consequutus es, qui Iunior² *Tobiam* suæ fidei concreditum incolumem à patre & abduxit. & ipsæ auspicis reduxit. Cui te, cæterisque Sanctis omnibus ut semper quàm studiosissimè commendes, & gratissi-

a Tobia 55

tissimum exhibeas censeo, tãquam ijs, quorum apud Deum suffragijs & autoritate preces nostras promoueri & posse & solere certò scimus. Hæc enim sola est via, qua nos erga Sanctos pro eorum in nobis custodiendis vigilantia gratos demonstramus. Alterum quod me in ijsdem delectabat, illud erat, quod feliciter *Doctoratus* graduin nactus es: quem honorem tibi cum Ecclesia Dei communem esse & opto, & futurum spero: imò ipsine an tibi magis ea de causa gratuler, non satis constituo, quod illam per te aliquando ornatum, tuisque laboribus illustratum iri confido. In quo ne meam de te opinionem fallas, quantum verbis consequi possum, & obsecro & oro. Magnum tibi, mi *Iuste*, cum hac dignitate onus impositum est, magna sollicitudo accreuit, præmiorum vero spes & expectatio maxima manet, si illam ea fide & constantia tuebere, qua & te velle credo, & posse confido. Incumbe igitur, incumbere obsecro, & in id omnes neruos, omnem industriam confer, vt quæ te ex inimico & lumini rebeli gratiæ suæ restituit, illa ex sua in te humanitate & amicitia mercedem reportet, vt tuis scilicet studijs & sudoribus istis in partibus *tentorij sui funiculos dilaret*, hoc est, quem *Isai 54.2.* deuijs omnibus misericordiæ sinum cupidissimè pandit, per te gaudens & læta im-

pleat. Quæ cohortatio nec longior esse debet, cum te tua sponte satis propensum ad quiduis pro ea laboris & discriminis subeundum persuasum habeam, nec omittenda tamen fuit, cum hoc apud te vellem relinquere, nil mihi magis curæ esse, nisi ut collatam tibi recenter honoris lauream omnium virtutum phaleris quàm maximè cohonestes. Vale Romæ. 18. Calend. Decemb. M. DCII.

EPISTOLA XIII.

IVSTVS BARONIVS VETERACASTRENSIS

LVDOVICO SCHWARTZ-
maiero à Schwartzzenau, S. Cæs. Maiest.
à Consilijs S. P. D.

AD 18. Calend. Decemb. cum post festum absentiam domum ex Vrbe reuersus essem, primo cubiculi ingressu operientes inueni suauissimas^a literas tuas, illustris D. Ludovice, quinto ante mense ad me datas, plenas amoris, plenas pietatis. Quibus ut confestim responderem, non solum illa ipsa causa monebat, sed & hæc altera, quod tu tanta dignitate vir, inter Imperatorios consiliarios haud postremus, me (quod ait^b S. Hieronymus) *primus ad officium*

^aVide Sup.

lib. 3. Epist.

3

^bEpist. 131.
ad Ruff.

um

um prouocasses, mihiq; secundas in respondendo partes dedisses. Quod non de incuria tui, sed de ignorantia venisse existimabis. Si enim quicumque de tuo in me affectu scissem, præoccupassem sermonem tuum. Iam verò præoccupatus, quid optatius respondebo, nisi gratam mihi fuisse & gratulationem tuam, & cohortationem. Gratulationem, de Catholica matre Ecclesia inuenta: cohortationem, de eadem constanter tuenda propugnandaque. Quo utroque nihil Sanctius à te dici potuit, viro ipsdem pariter mecum erroribus diu quassato, atque eadem tandem cœlesti gratia condecorato, ut si eandem tibi gratulationem reponam, nullo te aptiori munere remuneraturus videar. Sanè cæcus ego amenisque diu in tenebris palpitavi, ac cæciores etiam me per præcipitia duxi, traxique. Illuxit tandem ille, ^c qui illuminat omnem hominem venientem in hunc mundum: ^{c Ioan. 1.9.} meque iam ad portas inferi progressum, superas reuocauit ad auras, verumque paternæ domus ostium monstrauit, patrum pedibus tritum, Martyrum sanguine signatum, orbis fide cinctum. Quod ut ego lustris illis Caluini aut Ipeluncis Lutheri iterum permutem, nulla me vnquam vis, nulla fraus adducet. Quin sto ego in fide Catholica Romana cum pijs maioribus nostris sincerus firmusque, sto securus in-

star muri ahenei, futilia inimicorum tela exalto despiciens, & stultitiam eorum patienter miserans, Deo etiam quotidie pro ipsorum cæcitate humiliter supplicans. De scriptis meis sanè vellem penes me quoque tantum facultatis esse, qui aliquid utilitatis reuocandæ patriæ afferre possem. Sed profectò vides quis sim, primi tyrocinij miles, nec maiorum ad edomandos familiares virium, quam Dominus ipse fuit, quem diserte^d Euangelistæ *parum virtutum in patria sua edidisse* scribunt, ideoque cum infauisto hoc Epiphonemate inde migrasse:^e *non est propheta sine honore, nisi in patria sua, & in domo sua.* Cæteroque *Apologia* iam vernaculè reddita est. Nouorum scriptorum nescio quantum deinceps eliminare possim, qui vt^f Sanctus olim *Iacob* seniori *Lia* iuniore *Rachelem* dudum sibi dilectam superinduxit, ita ego nuper pristino meo Theologiæ studio sororculam Iurisprudentiam aliquandiu deperditam adiunxi sociam, mihiq; etiam publice *Senis* desponsatam huc aduexi, familiariorem deinceps, vt vides, operam futuram.

De cætero itinere *Italico* omnia cesserunt (Dei gratia) felicissimè. Tesseram hospitij *Baroniani* ipsū cognomentū, vt vides, asportauit. Illustre dices & splendidū, fateor, sed ei^g merito qui dedit, non meo qui abstuli. ue enim

d. Math. 13.

57.

Luc. 4. 24.

Ioan. 4. 44.

e. ibidem.

f. Genes. 29.

23. 28.

ue enim & nos eius aestimes virtutibus. In illo ^{g Hieron. E. p. 5. ad Fiorant,} conspicies expressa sanctitatis vestigia: & ego cinis & vilissima pars luti, & iam fauilla, dum vertor, satis habeo, si splendorem morum illius imbecillitas oculorum meorum ferre sustineat. Ille modo ^h se laur, & mundus est, & tanquam ^{h Psal. 50. 9.} nix dealbatus. Ego cunctis peccatorum sordibus inquinatus, diebus ac noctibus opperior cum tremore ⁱ reddere nouissimum quadran- ^{i Math. 5. 27.} tem. Sed tamen quia ^k Dominus soluit compe- ^{k Psal. 145. 8.} ditos, & ^l super humilem, & trementem verba sua requiescit, forsitan & mihi in sepulchro ^{l Isai. 66. 2.} scelerum iacenti dicet, Iuste ^m veni foras. Va- ^{m Ioan. 11. 43.} le Illustris Domine, meque in numero tuorum habere perge. Mogunt. 12. Calend. Decemb. M. DCII.

EPISTOLA XIV.

IUSTVS BARONIVS VETERA-
canstrensis

ANDREAE VERMADIO, SO-
cietat. Iesu Theologo.
S.P.D.

REVERSUM me ab Italica profectio-
ne iam fama puto intellexisti. Gratulare
igitur reduci. ^a Nam multi egressi, nunquam ^{a Cic. in Tuscul.} domum revertere. At tu seriem successumq;
itineris mei nosse desideras? Accipe igitur,
& ignosce festinanti Minervae, quam in me-

R s is ple-

b Plutarch.
de solers. a-
nimal.

is plerunque dominari animaduertiſti. Iter
ingreſſus ſum 4. Non. Maij: ſed ita ut *quem-*
admodum ^b *apes ventosum aliquod promonto-*
rium circumuolatura, ne Zephyrorum uidiſ-
ſicantur; *ſeipſas exiguis lapillis in os ſumptis*
quaſi ſaburrant: ſic ego quoq; me in veſtro-
rum illorum finium prætergreſſu omninò
ſicto ſchemate & magno ſilentio ſaburrand-
um duxerim. *Argentina* hoc vultu ſal-
uus appuli, ibidemque triduo *Winde-*
nio noſtro & *Iohanne Henrico* fratre expe-
ctatis, rādem recta *Basileam* contendimus.
Vbi pomeridiani temporis opportunitate
inuitante, ſcholas Theologorum ingreſſi,
occaſionem diſputandi quæſiuimus, ſed
non niſi finitis lectionibus inuenimus. Hic
enim conſalutato Profefſore publico *A-*
mando Polano, *Ioſephus* noſter neſcio quam
Ratiſbonenſis Colloquij iniiciens mētionem,
tempeſtiuam ſermocinationis materiam
ſubminiſtrauit. De qua vltro citroque ſeſ-
qui horam ferme velitati, verborum ſatis,
intelligentiæ parum apud miſerum *Calui-*
manum deprehendimus, qui ſtatum quæ-
ſtionis *de iudice controuerſiarum ac diuino-*
rum librorum Canone non aliter quā ex
calumnioſis illis magiſtrorum ſuorum præ-
iudicijs repeteret: Maiorē ſcilicet Scripturę
quā Eccleſiæ authoritatem eſſe, ideoq; ſcri-
pturę fidē vel authoritatē ab Eccleſiæ nu-
tu neu-

tu neutiquam dependere, multo minus Ecclesiam controuersiarum iudicem esse posse. Nugas. Quasi verò quisquam nostrum Scripturam Ecclesiæ tanquam partem parti opponendam contendat, ac non potius id agatur, sincerum Canonem sua scilicet natura θεόπνευστον atque ἀξιοπιστον, non aliunde quàm ex Ecclesiæ magisterio nobis, nobis inquam, innotescere, sinceram etiam Canonis interpretationem non aliunde quàm ab eiusdē Ecclesiæ oraculo nobis requirendam, aut expectandam. Sed hæc tu scis PATER, ille nesciuit, aut saltem se scire dissimulauit. Itaque nos cum non sine amica cohortatione atque obsecratione dimissimus, ac proximo biduo *Lucernam* perreximus: vbi celebrata Pentecoste ac salutatis Patribus vestris, nec non *Capucinis* Monachis, sexto post die, ipsis Calendis Iunijs profundissimis *Gottardi* niuib. ac rigidissimo gelu superato, visoque *Ionij* nostri *Como*, magnum illud S. Ambrosij *Mediolanum* attigimus. Quod vt verè tibi dicam, minus fama quàm re habere videtur. Vidi-mus quæ vsquam fuerunt ἀξιομνημόνευται. Nectamen quia ea vndiquaque nunc peruulgata, quicquam huc infarciendum duxi. Sepulchrum S. *Ambrosij*, sepulchrum S. *Marcellinæ Virginis*, & S. *Simpliciani* simul venerati, ad pijsissimi illius *Ambrosij* iunioris

(Caro-

(*Carolus Borromaeus* dico, admirabilis sanctitatis virum, dum vixit, admirabilioris gratiae dum mortuus est) manes in Summa Aede perreximus: cuius tu cultum, cuius miracula si videres, nulli Sanctorum aut Martyrum postponendum iudicares. *Mediolano* nos auocauit *Placentia*: *Placentia* *Parma*, ubi spectaculum celebritatis *Festi Corporis Christi*, eam nobis religionis Sanctimoniam, eam Cleri populi que conferatam multitudinem monstrauit, quam nullus ante hac usquam *Germania Italica* locus. Hinc *Regio*, & *Mutina* obiter lustratis, celebrem illam & vetustam studiorum matrem *Bononiam* capeffiuimus, ibiq; visendistemplis, spectandis celebrioribus monumentis, salutandis contrerraneis *Germanis*, quorum ibi maiorem multo, quam *Senis* aut *Perusie* numerum inuenimus, corporibus denique reficiendis, ac lassitudine abstergenda, integrum quatrimum consumpsimus. Amæna vrbs, splendida, amica Musarum hospes, nec minus pietatis, cuius haud falsum nobis gustum *S. Dominici* familia, Hispanicis structuris indies magnificentior, nec non nobile *S. Michaelis in Busco* Monasterium, amænissimo ac saluberri-
mo extra muros colle inædificatum, præbuit. Sed pietatem Sanctissimæ *Lauretane domui* referuo, non tam marmore suo, quàm
Beatissi-

Beatissimæ Virginis rudi latere admiran-
 dæ. Est hic non statò die (quod ille de fano *c. Plin. lib. 9*
 suo gloriatur) sed toto anno maximus uni- *Epist. 39. d.*
 uerso ex orbe hominum confluxus, maxi- *Museum.*
 ma ex *Gallijs, Germania, Hispanijs, Indijs* ac
 remotissimis etiam populis, Principibus ac
 Regib⁹ anathemata, quotidiana sanationū
 miracula: *plurimæ res aguntur, plurima vota*
suscipiuntur, plurima redduntur, quæ nos o-
 mnia oculis nostris vidimus, & piè mirati
 veneratiq; sumus. Præcipuum duco, quod
in ipsa interiori edicula, quàm oculis suis &
 sermone, vita sua & obsequiis, somno suo
 & vigilijs, precibus suis & gemitibus, cor-
 poris denique & animi sui agitatione toti-
 es ille Princeps salutis nostræ *Iesus,* toties
 castissima mater eius *Maria,* toties beatissi-
 ma auia *Anna,* cum fidelissimo nutritore
Iosepho, cū perpetuis *Angelorum* excubanti-
 um choris cōsecrarunt ac dedicarunt, non
 solum preces ad Deum fundere, non solum
 feliciter propè confecti itineris gratias red-
 dere, sed & ad maiorem constantiam, ad
 maiorem firmitudinem & felicitatem cœ-
 lestis hostiæ alimoniam accipere licuit. Fa-
 cio hæc maximi, & faciunt mecum tot reli-
 giosi millenorum peregrinorum animi, qui
 quotannis magno ardore, maximo nume-
 ro ad hanc Sacram ædem tanquam ad ve-
 rissima Saluatoris incunabula conuolant:
 maiori

d Plin. in
Paneg. Tra-
ian. dicto,

maiori certè iure, quàm ille *Traiano* suo adulatus, ^d *Veniet* inquit, *tempus*, quo posteri *visere, visendum tradere minoribus suis gestient, quis sudores tuos hauserit campus, quæ refeciones arbores, quæ somnum saxa prætexerint, QVOD DENIQUE TECTVM MAGNVS HOSPES IMPLEVERIS.* Sed habes hæc omnia elegantissimè à *Tursellino* tuo libris quinq; explicata. Ego igitur me hinc *ROMAM* Cappelso, quo 12. Calend. Iulij delatus, octauo circiter die post, (interea secreto itinerum molestijs leuatus) à quodam *Congregationis Oratorij* Presbytero, *P. Iuvenale Ancina*, nunc Episcopo *Saluciano* in *Sabaudia*, in Palatium Ill^{mi} *Cardinalis Barony* introductus, ab eodemque humanissimè exceptus sum, verbo, nutu, complexu, & constanti denique ad abitum vsque meum hospitio. Quo si manere in *Vrbe* vel voluisssem, vel potuisssem, perpetuo (ipso crebro pollicente) vti licuisssem. Hic vero quid? Omnia bonitate, pietate & religione plenissima. Atq; vt præteritis publicis, quæ iam vbique satis peruulgata, priuata aliquot nostra commemorem, *BARONIVS* titulis *Cardinalis*, & imaginibus, & signis, cæterum modestia, labore, humanitate, studio, nullo priscorum suorum *Oratorij* Collegarum inferior, mēsa sua perpetuò me dignatus est: fratrem in eodem triclinio aulicis primarijs assidere voluit:

voluit: sumptis prandijs quotidie mecum
 semihoram de rebus meis & deplorato Ger-
 mania statu suavissime contulit, rheda et-
 iam sua sepiissime ad Sacra, ad Cōgregatio-
 nes, ad sacrorū locorū visitationes abduxit:
 Deniq; cū medius annus multū in cōmutan-
 dis hominū moribus valeat, in Principū plus,
 summum illud purpura decus (quod ille quo-
 que ^e Traiano suo laudi dat) adeo nihil de
 pristina ipsius humilitate immutavit, ut li-
 berum sit veniente per publicū principe sub-
 sistere, occurrere, comitari, praterire. Ambu-
 lat inter suos, non quasi Dominus, sed pa-
 rens: & copiam sui non ut imputet facit. Harer
 lateri eius quisquis accessit, sinemq; sermoni
 suus cuiq; pudor, non eius superbia facit. Emi-
 net, excellit, tum virtute, tum corporis proce-
 ritate & gravitate elatior aliis & excelsior.
 Cætera par omnibus, & hoc saltem maior quo
 melior. Magna ante eum, magna post eum, iux-
 ta tamen maxima quies, tantum ubiq; silen-
 tium, tam altus pudor, ut ad par vos penates,
 & larem angustum ex domo Principis mode-
 stia & tranquillitatis exempla referantur. Ip-
 se autem ut excipit omnes? ut expectat? ut ma-
 gnā partem dierum inter tot variorum la-
 borum curas quasi per otium transigit? In mē
 sa eius non aurum, non argentum, nec exqui-
 sita ingenia canarum, sed frugalitas sine de-
 fectu, suavitas iucunditasq; cum gravitate.

Neque

Polonia aut aliis longius diffitis prouinciis illustrior est; quin amicitiam eius appetat, nullus doctior, quin notitiam, nullus afflictior; quin opem & patrocinium. Tanta quotidie facit, quanta si quisquam illorum veterum prætstitisset, *illi iam dudum* (vt ait ^f ille) *radiatum caput & media inter f* *Plin. ibid.* *Deos sedes auro staret aut ebore, angustioribusque aris & grandioribus victimis inuocaretur.* Sed quid ego hæc tam peruulgata toto orbe repetō? Ad priuata potius nostra accingor, ad singularem illam propeque diuinam nobis in aula Baroniana exhibitam humanitatem, ad beneuolentiam, ad liberalitatem, ad studium, ad benignitatem: quæ certè omnia tāta fuerunt, vt illis explicādis par esse sermo meus neuitquam possit. Semel dicam vt filii excepti fuimus, vt filii habiti, vt filii tractati ac dimissi: neq; id à Baronio tantum, verum etiam à cæteris Illustrissimis Cardinalibus, Patronis nostris, *Aldobrandino, Paranicino.* Nam *Belarminum*, quod vel maxime doleo, videre non licuit. Dilucula calorum liberiora in obeundis templis, visendis statuis & antiquitatibus consumpsimus, vsi ad hanc rem duce *Iohanne Baptista Hansenio, Baronio* tum nostro à Secretis, dupliciq; fructu, uoluptatis ac doctrinæ inuitati. *Quemadmodum enim Græcorum historias magis in-*

Hieron. Epist. 108. ad Dominum & Rogat. in lib. P. al. p.

S

telli-

telligunt, qui Athenas viderint, & tertium Virgilii librum, qui à Troiade per Leucaten, & Acrocerannia ad Siciliam, & inde ad ostia Tiberis nauigauerint: & Sanctas scripturas, qui Iudaam oculis contemplati fuerint, & antiquarum urbium memorias locorumque vel eadem vocabula, vel mutata cognouerint: ita & nobis hanc circuitiorem nostram ad *Liuii, Dionis, Plutarchi, cæterorumq;* Latinae historiae Principum monumenta rectius capienda, faciem praelaturam speramus. *Baronius* non ⁿ Platonica tantum, sed & Christiana Philosophia tempestiuè mortalitatem suam meditatus, in Ecclesia sua, ut loquuntur, *Titulari*, splendide certè à se restituta & ornata, ante summum altare, iuxta SS. Martyrum *Nerei & Achillei* sepulchrum, viuus sibi sepulturæ locum cum hac inscriptione destinauit. APVD SS. MARTYRES PATRONOS SVOS CÆSAR BARONIUS SORANVS S.R.E. PRESBYTER CARDINALIS SS. NEREI ETACHILLEI LOCVM SEPVLTVRÆ VIVENS ELEGIT. ANNO IVBILÆO M. DC. Hæc de Baronio. Venio ad Pontif. Max. Venerandum certè & amabilem senem, cuius non minor in me humanitas, non minor beneficentia & pietas extitit. Vidi illum primo in Vesperis vigilæ SS. *Petri & Pauli*, vbi pro more totus Cardinalium cœtus osculo dextæ fidem reuerentiâque

h Plato in Dialog de Sapiens. Clem. Alex. libr 4. stro. Hieron. Apelo. auuer. Ruffin. Cic. 1. Tuscul. Eccles. 7. 40. & 38. 21.

que illi suam oppignerabat. Postridie priuatim in *Vaticano*, deducēte me *Baronio*, ad aspectū eius colloquiūq; admissus sum. Vbi varia de publicis & priuatis rebus nostris, de Catholicis & hæreticis, de omni etiam fortuna meā (vt humilitatem mirere) percontat⁹, præter varia amoris indicia & argumenta id tandem beneficii mihi obtulit, subsisterem *Roma*, omnem se familiam meam eo quoq; accersiturum, ac necessaria nobis subsidia paternè prouisurū. Sed quia *beneficiorum principalium summa est, si illis & nō licet uti*, modeste detrectaui, non sanè illis ex rationibus, quibus *Marcella* suæ fastidiū vrbis instillare conantur *Paula* & *Eustochium*, potentia, magnitudine, multitudine, ambitione hominum, qui cupiunt videri & videre, saluari & salutare, laudare & detrahere, audire & proloqui, ita vt superbas fides & inter linguas rodentium ministrorum postes ingredi auratos sæpe cogamur: verum multò magis longissima interiacentis solivastitate, tum montibus *Pyrenais*, *Alpibus*, immensisque aliis difficultatibus, quas sine præsentis discrimine familiam meam, tenellosque liberos vix superare posse videbam. Detrectaui igitur, & hoc beneficii genus cum alio permutaret petii, quod haud inuitè se facturum spondebat *Optimus Pontifex*. Quid quæris? Cætera his omnia simi-

Apud S.
Hieron. E-
pist. 17 ad
Marcell. Et
communis
est de blebe

lia. Vnum quasi προσηνης loco accipe. Calendis Septembribus, cum pridie in Oratorii Sacello ab Ill^{mo} Sidonio Episcopo cōplemen-
tū, vt loquuntur, ceremoniarū baptismalī accipissemus, ille ipse Pontifex non satis firma valetudine ē Quirinali in Lateranum venit, ibiq; primum de geniculis ad Scalam Sanctam precatus, post in Ecclesia Lateranensi Sacris operatus, mihi & fratri frequētissimo populi conuentu, partim Dominici corporis Sacramentum, partim Christianæ confirmationis Sigillum Sanctissimis ipse manibus suis contulit & impressit. Quo die quoq; exuuiæ gētilitij cognominis nostri planē deletæ, & auspicatori hoc, quod vides, permutatæ sunt. Constringit hac humanitate suā ita omnium animos Pontifex, vt cū maxima illi non minus atq; Imperatori illi concordia, maximus concentus omnium laudum omnisq; gloriæ contigerit, nihilq; hilaritatis eius seueritas, nihil simplicitatis grauitas, nihil humanitati maiestas detrahat:) vt inquam in vnius eius salutem omnium vota conferantur, omnes eum vt genuinum Patrem ac cælo demissum angelum libenter colant ac venerentur. Quod quidem PATRIS nomen tanta ille benignitate, tanta indulgentiā erga quosuis exercet, vt (quod maximi in Principem amoris argumentum esse voluit ^m Plinius) cum publicè inue-

hitur,

*l Plin. Se-
cund. in Pa-
neg. Traia.*

m Plin. ibi.

bitur, vel importatur, non aetas quenquam,
 non valetudo, non sexus retardet, quo minus
 oculos tam fausto sydere oblectare gestiat.
 Illum parvuli noscere, ostentare iuvenes, mira-
 ri senes, agri quoque neglecto medentium impe-
 rio ad conspectum eius, quasi ad salutem sani-
 tatemque prorepere. Videres solennioribus fe-
 stis referta recta ac laborantia, ac ne eum quidem
 vacantem locum, qui non nisi suspensum &
 instabile vestigium caperet. Oppletas undique vi-
 as, angustumque tramitem relictum tibi: ala-
 crem hinc atque inde populum, ubique par gau-
 dium paremque clamorem. Ut merito cum eo-
 dem, quo cum coepi, claudam narratiuncu-
 lam meam: ⁿ Intelligamus, PATER, bona no-
 stra, dignosque nostanti Pontificis usu probe-
 mus: vota pro eo apud Superos ardentia in-
 terponamus, identidemque cogitemus, nobis ac
 toti Ecclesiae nos precari, quae pro salute eius
 precaturi sumus. Et quod praestabilius est aut
 pulchrius Dei Opt. Max. munus, quam castus
 & Sanctus, & Deus similimus princeps?

ⁿ C. Plin.
 ibid.

Habes historiolum eorum VERMADI,
 quæ nobis in vrbe contigerunt, tum ade-
 unda illa tum frequentanda. Accipe breui-
 ter ea, quæ in reditu in Germaniam. XV.
 Calend. Octob. habitis Pontifici gratias, ac-
 ceptaque ab eodem paterna benedictione
 nec non salutatis ordine Ill^{ms} Cardinali-
 bus, Patronis & amicis, in primisque Baronio

nostro munificentissimo Patre (quid enim hospite dicam, cum illud ipsum Sanctissimum Patris nomen, leuius eius erga nos meritis videatur) non sine lachrymis exosculato, postridie cum fratre ac duobus collegii Germanici alumnis *Gregorio Bernitio & Iohanne Zollero Canonicis*, illo *Vratislaviensi* hoc *Curienti*, vrbe egressus, *Lauretana*que domo visitata, septimo post die *Persiam* venimus, vndecimo *Senas*. Quo utroque loco quid noui nobis consilii in mentem venerit, quibus laureis redimiti & condecorati fuerimus, quia toties commemorare tædet, ac superbum forte est, en tibi litteras hac ipsa de re ad *Baronium* nostrum iam dudum exaratas. Quæ si minus tibi sufficiunt, reseruabo cætera tuo ad nos aduentui, quem propediem futurum confido. Nos *Senis* digressi, celerrimis itineribus *Florentiam* perreximus, Italicarum urbium quasi Helenam. Inde *Bononiam* & *Ferrariam*, quarum hæc non ciuibus solum suis inimica, plerosque *Padi* eluuiionibus fugat, verum & mihi parum auspicata, qui proxime ante portam, & paulopost in medio foro cum aduersperasceret, bis eadem hora, equi capspitatoris infortunio grauissime terræ allisus, iam iam de fracta ceruice periclitari videbar. Sed manum subposuit Deus, lapsum erexit *Angelus*, viæ dux & comes, vt præter

ter leuissimum cruris dolorem incommo-
 di nihil asportauerim. *Ferrariam* excepe-
 runt *Venetia*, prodigiosa Vrbs, & cum mi-
 raculo instar *μικροκόσμος* ^o *super maria fun-* ^o *sal. 23. 2.*
data, spectaculum profectionis nostræ vl-
 timum. Nam inde breui Germaniæ limiti-
 bus appulsi, patrios iterum mores agnouimus
 & induimus. Nam *Tridentini* & *Tyro-*
leses, aut nostri iam sunt, aut nostris simili-
 mi: notiora etiam eorundem in vulgus *κε-*
κμηλιδά, quam vt huc accersi mereantur. De
Augusta taceo. Quæ enim præcipua ha-
 bet, tibi haud puto esse ignota. De *Herbipo-*
li magnam gratiam debeo Ill^{mo} *Iulio Epi-*
scopo & *Franconie Duci*, qui transeuntem
 non clementissimè solum complexus, sed
 & triduo integro in aula sua liberalissime
 hospitatus, omnia amoris & beneuolentiæ
 signa mihi cumulatè exhibuit, professionis
 etiam publicæ copiam spondens, si mane-
 re secum cogitarem. Sed reuocabat me dul-
 cis *Moguntia* mea, ad *Rheni* non vt ^P *Hiero* ^p *Epist 41.*
^{ad Ruffin.} *nymo* olim visum est, semibarbaras, sed vt o-
 mnes nunc norunt, *sesquilatinas ripas*. Ad
 quas XVIII. Calend. Decemb. feliciter re-
 uersus, finem vniuersæ profectioni meæ
 imposui, redditisque Deo ac piis cælitibus
 gratiis, præsentiam meam familiæ, operam
 Ill^{mo} *Archiepiscopo Moguntino* ad proximos

annos despondi. Qui vt multi sint, aliquantoq; felicius quam hactenus currât, tu quæso precare mecum sedulo, *Vermadi*, ac longum Vale. Mogunt. Non. Decemb. M. DCII.

EPISTOLA XV.

BEATISSIMO IN CHRISTO

Patriac Domino, CLEMENTI VIII.

Pontif. Max.

IVSTVS BARONIVS VETE-

racastrensis S. P. D.

*Beatissime Sanctissimeque Pater, Domine
Clementissime.*

QVANTA mihi à pueritia *Romam* vidēdi cupido, tantum nunc vidisse gaudium, tantumq; videndi iterum atque iterum desiderium. Non sane *Capitolii* spectandi, aut arcuum, aut circorum, aut thermarum, aut pontium, aut obeliscorum veterum illecebra, quæ voluptatis aliquantum, pietatis parum habere videntur: Sed insignia illa Christianorum Martyrum trophæa, sanctissima Apostolorum vestigia, & gentilitatis calcata, inque sublime se quotidie erigentis vocabuli *Christiani* incunabula, quotidiana veneratione colendi atque exosculandi cupiditate. Quæ mihi non minor in *Romam*
illam

illam vestram (ô beatam sedem!) quam S.

^a Hieronymo in *Palestinam* illam suam: in *Hierosolymam*, in *Beihlehem*. Nam & hic *Petrus* & *Paulus* Christiani Exercitus duces sanguinem pro Christo profuderunt: hic infinita Martyrum millia vt holocaustata Deo mactata, ^b quorum & sepulchra venerari, & sanctas fauillas oculis apponere, quin & ore contingere frequenter licet. Hic *Diabolus* & *Angeli eius* quotiescunque ante tumbas eorum de obsessis corporibus expelluntur, quasi in conspectu tribunalis Christi, atq; omnium Sanctorum confellu stantes, contremiscunt, rugiunt, & sero dolent trucidasse quos timeant. Huc multi Sancti & illustres viri, toto quotannis orbe vota & deuotiones deferunt, putantq; minus se religionis minus habere scientie, nec summâ vt dicitur manû accepisse virtutû, nisi in illis Christum adorarint locis, quæ Apostolorum vestigiis calcata, Apostolorum sanguine resperfa, Apostolorum vita & morte consecrata fuerint. Atq; hæc voti mei causa vna, publica. Altera priuata est ex singulari tua, *Pontifex Opt. Max.* in me humanitate & beneficentia, non solum absenti mihi sæpius, sed & nuper in vrbe coram ita clarè omnibus signis testata, vt si pates mihi gratiæ non referendæ (quî enim id sperem?) sed quod vel maximè decet, agendæ sint, omnem sermonis mei facultatem

^a Hieron.
Epist. 18. ad
Marcel.
Item Paulus
& Eusoch.
ad Marcel.
vt commi-
gret Beihle-
hem, apud
Hierony-
mum Epist.
17.
^b Ibidem.
c Ibidem.
Adde Chry-
sost. hom.
66. ad po-
pul. Anti-
och.

tem

*d. Plin. in Pa-
neg. Trai-
an.*

tem in hoc tam vasto campo leuissimè con-
sumpturus videar. ^d Audiueram pridem te
omne Pontificis munus cumulatè exequi,
audiueram te esse Sanctissimū, humanissi-
mum, patientissimum, sed audiueram tan-
tum. Cogitavi igitur æquum esse, aliquan-
do me iudicio meo, meis oculis, non famæ
semper & rumoribus credere. Veni Ro-
mam, vidi, æstimavi, omnia maiora spe &
expectatione inueni: vt quotiescunque te
vel loquentem, vel orantem, vel sacris ope-
rantem intuerer, recurreret subinde regia

1. Reg. 10. 7.

illa *Sabæe* ad *Salomonem* vox: ^c *Verus est ser-
mo quem audiui in terra mea, super sermoni-
bus tuis, & super sapientia tua: & non crede-
bam narrantibus mihi, donec ipsa veni, & vi-
di oculis meis, & probavi quod media pars
mihi nunciata non fuerit: maior est sapientia
& opera tua, quam rumor quem audiui.*

*1. Reg. 24.
15.*

Quid enim? infinita tacebo, mea tantum
narrabo. Veni in urbem ego ^f *pulex & canis
mortu⁹*, intellexisti, accersuisti, admisisti, vi-
disti, benedixisti, audiuisti, respondisti, con-
giaris ornasti, ad *Lateranum* profectus bi-
nis Sacramentis cōmuniuisti, Sacram ho-
stiam ori, sacrum Chrisina fronti contuli-
sti: deniq; vias retrò capeissentem, noua be-
nedictione, noua liberalitate affecisti. Quæ
profectò omnia tanta sunt, vt si non impio-
rum lance, non statera populi dolosa, sed iu-
stissi-

tissima piorum Christianorum trutina
 ponderetur, non vulgi tantum, sed & sum-
 morum virorum & principum memoriam
 alere, admirationem exercere queant. Sanè
 nostrates hic præteritam æstatem præcipu-
 is meis felicitatibus ascribunt, atque ipse
Illustrissimus Archiepiscopus noster tanto li-
 bentius in numerum *Consistorii* sui *Assesso-*
rum cooptauit, quem tot tantisque tuis be-
 neficiis haud habitum indignum intellexit.
 Gratia igitur immortales sempiterno Deo,
 qui huius tam auspiciati itineris mihi au-
 thor comesque extitit. gratia tibi *Sanct^{me}*
Pontifex, qui tam paternè aduenam excep-
 isti, tam clementer habuisti, tam liberaliter
 dimisisti, eamq; rem omnis deinceps fortu-
 næ meæ faustam esse sementem voluisti.
 Non oblitterabit hanc mihi aut liberis me-
 is, (quos beneficio tuo honestius sanctiusq;
 Catholicæ fidei præceptis fideliter imbui
 sino) vlla vnquam temporis obliuio me-
 moriam. Quin coniunctis semper votis in-
 columitatem tuam Domino Deo ardentis-
 simè commendabimus, vt & corporis ro-
 bore, & animi tranquillitate, & vitæ longæ-
 uitate, & negotiorum omnium prosperi-
 tate, inprimis verò huius amplissimæ Ec-
 clesiasticæ gubernationis optatissimo suc-
 cessu, vberimum te tuorum erga nos me-
 ritorum fructum percepisse cognoscas. Va-
 le

le Sanct^{mc} Pater. Mogunt. prid. Idus Decemb. M.DCII.

EPISTOLA XVI.

ILL^{mo} ET REV^{mo} D. CÆSARI BARONIO Sorano S. R. E. Cardinali.

IVSTVS BARONIVS VETERACASTRENSIS S.

Ill^{mc} & Rev^{mc} D^{nc}.

AD 18. Calend. Decemb, cum variæ varijs ex causis mihi hinc inde nectendę fuissent moræ, tandem Deo duce, Angelis comitibus, precibus votisque vestris suffragantibus, *Moguntiam* saluus & incolumis redij, familiamque de manu Dei protectoris optimè custoditam recepi, gratulantibus amicis, applaudentibus vicinis, tripudiantibus liberis. Quo nomine, vt debui, diuinæ Maieſtati, ac cælitibus omnibus, maximè glorioſiſſimæ Virgini Matri, ac S. Angelo duci ad *S. Crucem* noſtram Sacro instituto gratias cum meis ardentiffimas habui, habeoque deinceps tanto ardentiores, quāto maius & inſuetius beneficiū agnoſco tā longā tamq; difficile viam ultro citroq; inoffenſo pede conficere: *Romam* Orbis Dominam, tantis omnium virtutum luminibus claram, plenīs oculis intueri, tantorum

rum Principum amore, hospitio ac liberalitate frui, viuisque ad pietatem exemplis instrui, quod ego in omni re potissimum iudico. ô quam sæpe mihi in animo illa sacra cultusq; Romani Patrum sanctissima Concilia, fumans millenorum Martyrum sanguis, *Baroniana* domus matutinæ vespertinæque religiones, *Oratorij* preces, flagra, concentus, aliaq; sexcenta huiusmodi pietatis fomenta alia, quæ ego sic pectori meo insculpsi, vt quandiu *Roma* absum, dulcissima patriâ carere videar, alienoque solo peregrinari. Sed *Moguntiam* redeo, tutum hactenus asylum nostrum, & vt spero deinceps futurum tutius: siquidem (quod non sine tripudio nuncio) vestristandem commendationibus Spartam diu expectatam hic ab *Ill^{mo} Archiepiscopo* nostro nancisci licuit. Quæ si minus spes respõdisset, *Ill^{mus} D. Iulius Herbipolensis Episcopus & Franco- nie Dux* (quem tua atque *Aldobrandini Parauiciniq;* causa nihil non velle intelligo: ita crebro vestri meminit, ita libenter largiterque vestro mihi nomine honorem habuit) locum in Academia sua destinarat. Neque ego multum ab hoc consilio abhorruissem, nisi multis hactenus beneficijs *Moguntinis* nostris me aliquanto sensissem obstrictiorem.

De *Perusina* ac *Senensis* Laureæ gratulatione,

tione, gratiam tibi ingentem habeo. Nec opus fuisset huc vsque officij descendere, cum mihi hoc vnum in votis esset, meum tibi cæterisque patronis consilium probare. De studio in Ecclesiam & fide, iubeo te quam esse securissimum. Nec quod dubites scribis; scio, sed quia mos est ita monendi, mones, monendoque laudas, *Ouidio* auctore, quem ego hic animi tui interpretem sequor.

*a Ouid. 5.
Trist. 15.*

^a *Qui monet ut facias, quod iam facis, ille monendo*

Laudat, & hortatu comprobat astra suo.

Vale, & mihi vultum moresq; tuos perpetuo ob oculos versari scito; quibus assequendis et si me nunquam parem fore novi insequar, imen ut poterò, & hanc mihi laudem maximam, tibi gratitudinem summam ducam, si ut *Parvus* ille *Iulus* dextra se patris *Aeneas*

*b Virgil. 2.
Aeneid.*

^b *Implicuit, sequiturque patrem non passibus equis.*

Ita & ego vestigijs tuis minori licet pede insistere, nomenque *Baronianum*, *Baroniano* studio & diligentia, probitate etiam & candore (nam cætera altioris cuiusdam æmulationis sunt) cohonestare pro viribus annitar. Vale iterum & cum Illustrissimis Collegis tuis, *Paravicino* atque *Aldobrandino*, quibus simili propè exemplo scripsi,

eter-

æternum salutem. Mogunt. Prid. Idus Decem.
M. DCII.

EPISTOLA XVII.

ILL^{mo} ET REV^{mo} D. BERNHARDINO
Paulino Sⁱ Dⁱ Nⁱ CLEMENTIS VIII.
Pontif. Max. Datario.

IVSTVS BARONIVS VETERA-
castrensis S.

Ill^{me} & Rev^{me} D^{ne}.

QVANTA vis amoris sit ac *Φιλανθρωπίας*, vel feræ bestię norunt, atq; an-
niculi bimulq; infantes. Vt enim hi blan-
dam nutricis vocem obuijs vlnis sequun-
tur; horridam patris fugiunt & auersantur:
ita illæ multis amantibus vicem repende-
runt, si *Plutarcho*, si *Gellio*, si *Aeliano* credi-
mus. Expertus igitur ego nuper in vrbe sin-
gularem quendam tuam in me meosq; hu-
manitatē ac beneficentiam, accensus etiā
varijs & honorificentissimis gētis nostrę tū
hic, tū illic de te præconijs & laudibus, eum
erga te animum concepi, quem erga dile-
ctissimos mihi, & sanctiori quadam nota
colendos gerere soleo. Nec mihi satisfeci,
donec hoc ipsum ad te perscriberem. Tegi
recusat amor, multo magis premi, flagratu-
rus tanto impatientius, quanto maioribus
vmbraclis inuolutus fuerit. Flagitabat id
ipsum

ipsum gaudium. Maeste igitur animo *Ill^{me}*
 Domine, tuo nomini plaudit *Italia*, plaudit
Germania, plaudunt noti, plaudunt ignoti,
 plaudit etiam paupercula musa mea: quam
 ut florentiorem locupletioreque redde-
 res, scis ipse quibus adminiculis iussulseris,
 quibus stimulis excitaris. Maeste animo, nec
 lassare, quod aucupes quoddam tibi fors of-
 fert minus rectos. Contemne: constabit ni-
 hilominus tuum tibi præmium, Ecclesiæ
 gloria, Pontifici laus, qui quod spem Ro-
 mani nominis sumptibus ipse suis suscipit,
 recte facit. ^a *Nullum est magno principe, im-*
mortalitatemque merituro impedi genus digni-
us, quam quod erogatur in posteros. Nec gra-
 uius Ecclesiæ occasum, Reipub. interitum
 accelerat, quam qui præmia virtutibus ne-
 gat, pœnas sceleribus. Quæ omnia ego ad
 te gratiarum actionis loco, quam si breuem
 impolitamque iudicabis, ignosce. ^b *Ani-*
maduerto enim etiam Deos ipsos, non tam ac-
curatis adorantium precibus, quam innocen-
tia et sanctitate letari: gratioremque existima-
ri, qui delubris eorum puram castamque men-
tem, quam qui meditati carmen intui-
lerit. Vale. Mogunt. Prid. Idus De-
 cembr. M.DCII.

*a Plin. in
Paneg. Tra-*
ian.

b Plin. Se-
cund. ibid.

EPI-

EPISTOLA XVIII.

IVSTVS BARONIVS VETERA-
castrensis

THOMÆ BOZIO EVGVBINO

clariss^o Theologo, Congregat. Orato-
rij Presbytero S.

NIL mihi iucundius est, *Clariss^o Bozi*,
quam ex quo tempore te ceterosque
Oratorij patres, doctissimos sane illos & hu-
manissimos, cognoui, totum vestrum & es-
se & videri. Plurimum me affecit humani-
tas vestra, auxit eruditio, pietas informavit,
zelus denique Catholicæ religionis mirifi-
cè confirmavit, cuius ego sic totus sum,
quam totus vester, atque eius, qui^a *non* *21. Pet. 1. 18.*
pretio redemit nos, *sed sanguine*. Ill^{mo} *Baro-* *19.*
nio meo animam debeo, cui hoc vnum al-
laboro, gratitudinem meam aliquo argu-
mento approbem. Facite & vos quæso, vi-
deat optimus Cardinalis, non immemorem
planè aut degenerem se clientem adopta-
se. Nomen eius perpetuus mihi ad virtu-
tem stimulus est, tantus, quantæ ad conui-
tendum animi corporisq; vires. Neq; mi-
hi *propterea bellus videor*, vt^b *S. Hieronymus* *6 Hieron.*
cuidam illudit, *quia fausto vocor nomine*: sed *Epist. 100.*
ideò me fausto vocatum nomine existimo, *ad Bona-*
vt bellus esse connitar. Sed ad te redeo mi *sum.*

T *Bozi,*

Bozi, quem sincerè diligo & admiror, nec minus eruditissimos Collegas tuos, *Flaminium*, *Gallonium*, *Petrum*, & quem nequitiam ultimo loco nominatum oportuit, *Franciscum* fratrem tuum, quem cum cæteris amantissimè à me saluere volo.

De itineris mei successu, certe illo, laus superis, felicissimo, iam iam ad Mæcenates scribo. Cognoscite. Vnum est quod te scire refert, opellam meam Ill^{mo} nunc *Archiepiscopo* nostro addictam, ideoque *Bambergensibus* gratias agendas. Noui apud nos nihil est, nisi quod *Anglo Caluinianum* quendam in me, (me vero, imo magnos illos signiferos nostros, *Baronium*, *Bellarminum*, *Stapletonum*, &c.) insurgere audio. Quid hominis sit, scire videor. Euomuit iam aliàs horrendas satis in Ecclesiam, vt *Idololatria* scilicet deditam, blasphemias, atque vnus ex illis est, qui in Ecclesia nati & educati, cuculorum tamen more eā tractant, atq; instar mulorum vberibus matris recalcitrant. *Wilhelmus* vester *Perscus* ad vnguem nouit hominem, sinite eum suis coloribus depingat. Mihi lectionis aliquantum habere, malitiæ verò & calumniæ serpentem intimo pectore alere videtur. Sed qualis quantusque sit, farragines eius plenius breui testabuntur. Tu Vale mi *Bozi* atque incudem *Annalium* tuorum indefessus tunde. Mogan. Prid. Idus Decemb. M. DCII.

EPISTOLA XIX.

NICOLAUS SERARIUS SOCIETAT. IESU PRESBYTER

DANIELI TOSSANO ACAD.
Heidelb. Professori

DE alienis abs te resignatis litteris tria mihi, D. Tossane, narras. Primum te illas accepisse solumque legisse: deinde, cum D. Iusti Barony manum ignorares; illas D. Pareo monstrasse: postridie tandem totum Magistratui fasciculum obtulisse. Ac in primo quidem posset aliquis tibi, apertas fuisse astruendi, dicere: Heus mi D. Tossane, ut hoc probas? Ecce alienas fateris te litteras accepisse: clam, praesente conscioque nullo, primum legisse. Quomodo abs te non apertas fuisse doces? Quomodo veri videatur simile, ad te ignotum ab ignoto, ut ais, illas missas? cur ad ipsum non potius Magistratum recta ille misisset? Quantus hic dolis & iniurijs campus? Alienas quilibet intercipere litteras poterit, easque pro animi sui lubitu resignare ac legeré: postea verò causari, à quodā quē nesciret, sibi aut datas aut missas. Tota tua hæc defensio ex eo vno pendet, ut tibi soli illud absq; teste, absq; veri vlla similitudine aut argumento asseueranti credatur. An^a Pythagoram te aut Aristidem vis

Debueras
hac Episto-
la secundā
huius libri
locum tene-
re. Sed ex
quodam in
com. modo
huc ad fi-
nem reiecta
est.

a Hic enim
insuratus
creditum.
Cic. 3. offic.
Et ora pro
Sextio. Plu-
tarch in A-
ristid.

existimemus? At multi ne iurato quidem credant. Ego ramen summo tecum iure nō agam. Contentionis nolo funiculum trahere. Patiar mihi persuaderi, hominē quēdam ignotum, ex ignotis *Lotharingie Burgundinumq;* finibus, ad te ignotū, ob ignotam causam, ex ignota occasione (hæc omnia significas) illas iam solutas & reclusas destinasse litteras: in alio etiam (quia hoc vnum sanctē affirmas) earundem calumniosē miniatarū, & ad *Ren^{um} Nostrum* missarum culpā hæreret tibi assentiar. Sed quia ē

b Tob. 4. 16.

*c Matth 7.
12.*

b Tobia negans nuper præceptum attuli, nō possum, quin (scis autem inter ista quantum discriminis) de aiente, quod apud *S. Mattheum* est, paululum colloquar. *c Omnia quaecunq;* vultis ut faciant vobis homines, & vos facite illis. Abs te petieram, litterarum mihi vel *Rdis^o* & *Illustvis^o* Cardinali *Baronio* exemplar mitti. Cum id primus accepisses, idemque alijs tradidisses, nonne id mihi te præstare consentaneum fuit, ut mea saltem causa repeteres? Nonne ab alio tantulum tibi vel pro iniuria compensationis, vel exigui certē officij, concedi velles? Et cum in alios aliquos totam illam odiosissimę miniationis culpam cōtulisses, nonne hoc vel amicis vel maioribus tuis iam debebas, ut tanta data occasione, tanta pæne flagitante causa, eos paululum excusa-

res:

res: aliquam, vel aliquo duntaxat modo probabilem calumniarum illarum ratione obtenderes? Quid? summo doctissimoque *Baronio*, gravissime à vobis læso, nonne vel vno saltem verbulo facere aliquid satis æquissimum fuit: sed quibus sola saluti fides, ijs vt video parum præcepta curæ. Hisce quæ causa postulabat omnia, omnino præteritis in alia quolibet incurtisi, & quidem adeò temerè ac impotenter, vt licet ^d *alium* premas corde dolorem, iramq; admodum dissimules, te tamen appareat mordere ac nocere, nisi esses edentulus, & *vana sine viribus ira*; optare. Me petis, Societatem nostrā admordes, Pontifici maledicis, in *D. Iustū Baronium* arietas, & quia contra ipsius rationis ordinem agis hæc, adeò in Epistola tua ordo nullus est, vt vix cum cœpisses, iam vel æstu, vel æstro abreptus, in societatem digredereris, in ipsoque pœne principio scriberes: *Sed ad rem*. De omnibus verò istis tacerem, teque silentio solo vlt. iscerer, nisi quo tuas accepi, me dies moneret, vt aliquam te ipsum colligendi corrigendique occasionem tibi darem. Video enim te in vitijs quibusdam non parvis, quæ quia *Prædicantibus* ferè omnibus communia sunt, minus aduertis, inueterasse; in summa temerè de alijs iudicandi & pronunciandi licentia, in fœda pessimè optima quæq; inter

*d Virgilii.
Aeneid.*

pretandi consuetudine: in egregia Catholicorum dogmatum inscitia: in audaci quid libet de quolibet, quem oderis, effutiendi proteruia.

Meam dicis Epistolam *verbosam*; credo, quia verborum, quæ alienarum litterarum resignationis crimen perstringerent, plus quam libenter audiret reus, habebant, cum verba essent neque rerum, neque argumentorum inania. Qui scatent vlceribus, ea vel citissima tantum manu, vel potius omnino non tangi vellent. Iustum circumuenire cur velint impij, hanc in *Sapientia* causam dant. ⁶ *Quoniam inutilis est nobis, & contrarius est operibus nostris, & improperat nobis peccata legis, & diffamat in nos peccata disciplinæ nostræ.* Plenam addis contradictionibus, an quod tibi, an quod mihi contradico? forte istud vis. Nam cum in Epistolæ vestibulo professum me breuitatem dicas, longiculus tibi videor. At *breuiter* toto de argumento agere velle me, non dixi: sed *paucis exponere*, cur ego ad te ignotus, ad *Caluinianum* Catholicus, ad Superintendentem *Iesuita* scriberem. Et verò quod promisi, reapse præstiti. Nam causam ilico subiunxi. Eandem Epistolam ais *habere nihil, præter plenas à pædagogis scpticarum vellicationum, & inanem ostentationem multiplicis lectionis.* Quid habeat illa, qui legit, videt, omninoque volui alienarum

narum litterarum interceptores, resignatores, & criminatores vellicare, vel ipsum potius id faciendi facinus euellere. Non hoc oportet? Non faciendi causa mihi iustissima? Vobis licet, quod vultis facere, & quod non vultis, nemini licet dicere? ^f *Qui ait S. fln Psal. 90*
Augustinus modo tonare volunt, postea ful- ^{exp. 1.}
minantur. De ostentatione verò ^g *tu quis es, g Rom. 14,*
qui iudicas alienum seruum? At multiplex in ^{4.}
Epistola lectio est. Multò certè quam vellent
 alij te doctiores, minor. Sed sit, quia ita tibi
 videtur; aliqua: num quidquid eruditum,
 variaque doctrina tinctum, id ab ostentati-
 one? Cordium certè coniector, & iudex ni-
 mium quàm audax & ineptus es. Neque te,
 tantum in Academia illa Regem, & apud
 non illiteratos homines, loqui ac statuere
 decebat, vnde à bonorum auctorum lecti-
 one abstereretur iuuentus, ne si fortassis le-
 geret, ijsque vteretur, ostentationis abs te
 damnaretur. ^h *Eliabum* illum mihi refers, ^{b1. Reg. 17.}
 qui simplicis candidique pectoris *Dauidi*
 opprobrabat: *Ego noui superbiam tuam, &*
nequitiam cordis tui: Aut vero illos potius,
 qui innocentiae ipsi se quasi nimium osten-
 tanti dicebant; ⁱ *Quem teipsum facis?* Apud ^{i Ioan. 8. 53}
^k *Quintilianum* Iuuenis quidam erga pa- ^{k In Decla-}
 trem patriamque pius, *Tuli* ait (*Deo testor*) ^{mat.}
in aciem, tuli non virium iactationem, non glo-
ria cupiditatem, sed vt patria prestaret ali-

quid utilitas mei, ut hunc mihi deploratum spiritum, hoc destinatum damnatumq; corpus publicarum utilitatum usus absumeret. Ego verò in omne contra hæreticos, criminatores, veritatisq; hostes certamen affero, non ingenij aut lectionis, quam perexiguam sentio, iactationem: non inanis propriæq; alicuius gloriolæ desiderium, sed ut innocentia ac veritati seruiant, quæ in me sunt omnia: ut si quid mihi audiendo & legendo doctrinæ collectum, id etsi perexile, totum in Dei gloriam, Ecclesiæque defensionem & ornamentum conferatur. Ille, ille mihi semper propositus, qui licet ut ostentabundus à Iudæis accusaretur, verè tamen clamabat.¹ *Ego non quero gloriā meā, & si ego glorifico me ipsum, gloria mea nihil est.* Illam tantum in me ostentationem cupio, quam & cupit S. Paulus dicens.¹¹¹ *Cupimus unumquēque vestrum eandem ostentare sollicitudinem, ad expletionem spei usq; in finem.* E falso tamen improboque tuo isto iudicio, ut à re, qua cares in risum, per quem euadas, solueremur, exclamas, *Vah!* Tres inscriptura sunt, qui spirituosi hac exclamatione utuntur. Est inⁿ *Iob* libro pugnax & sternax equus: est apud^o *Isaiam*, è Deorum suorum ligno se calfaciens idololatra: est apud^p *Euangelistas*, Iudæorū, qui crucifixum Dominum irridebant, multitudo. Istos videlicet
vetulus

Uian. R. 50.

§ 54.

m Hebr. 6.

11.

n Iob 39. 28.

o Isai 44.

16.

p Matth 27

40.

Marc. 15. 29

vetulus sannio imitari iam voluisti, aut potius horum extremos tantum. Vsitatum enim vobis, *vt Iudæ ac Iudaorum* facta verbaque imitemini libenter. E vestris non ita pridem cum essent hic aliqui, & nostra in æde, impensarum in Dei cultum aliquid vidissent, ilico ijs in ore fuit Iudæ illud, ⁹ *vt 9 Matth. 26*
quid perditio hæc? & tu mihi modo cum Iudaorum *vah* prodis? Adeo in vestris scholarum templorumque suggestis vos sannis & irrisionibus assuefacitis, vt in rebus etiam ferijs nugari, aliosq; ludere præclarum putetis. Vbi nos in Psalmo primo, cum Septuaginta priscis interpretibus legimus, ¹ *Bea- 1 Psal. 1.1.*
tum, qui in Carhedra pestilentie non sedit: Vos in Latinis, Germanicis, Gallicisq; psalmis vestris libenter canitis, *qui in derisorum confessu non sedit.* Neq; si nouitatis vestrum abellet cacoëthes, reprehendo, cum & Hebræa vox ferre id possit: neque in sensu dissensio sit, sed illud hinc iam colligo, nimirum diu in isto vel pestilentie vel irrisionum Carhedra te hactenus sedisse. ⁵ *Homo, ait Eccl. 23. 9*
elestasticus, assuetus in verbis impropere, in omnibus diebus suis non erudietur. Et paulò ante. ¹ *Indisciplinata loquela nō assuescat ostu- 1 Eccl. 23. 17*
um. Est enim in illa verbum peccati. Miri estis homines. Si paulò scribimus familiarius, imperitiam vocatis: si paulo accuratius, ostentationem. Vobis quid faciemus? Quo-

modo loquemur? Apud vos verum illud
 Catonis; *De frumento utrinde iram, utrinde
 factiones tibi pares.* Et quod noster ait Salo-
 mon, ^u *vir sapiens, si cum stulto contenderit,
 sine irascatur, sine rideat, non inueniet requi-
 em.* Est verò quædam valde inepta & pueri-
 lis ostentatio, in sermonem, vel scriptionē,
 Græca vel Hebræa vocabula, sine causa, si-
 ne vlla gratia, vi aut significantia maiore,
 tantum vt Græculus quis aut Hebræolus
 videatur, ingerere. Vobis autem ea pœnē
 omnibus aded familiaris & domestica est,
 vt si quis vos alioqui non norit, hæc inter-
 noscendi nota iam certissima bellissimaq;
 passim habeatur. Respice te, mi *D. Tossane.*
 Senex iam es: verbosam ad me non vis vi-
 deri Epistolam scribere, & tamen è praua
 inolita iam cōsuetudine non potuisti, quin
 currus, carrucæ, & plaustratibi cum suppe-
 rerent, *αμάξας* obtruderes, & cum *Siloæ* a-
 quarum meminisse velles, *Schilohe* scribe-
 res. Non possum hic te, si liberet, meritissi-
 mo irridere, aduncoque naso tuum tibi sar-
 casmum regerere? *vah, quis in Prædicante*
tantos Græcæ, Hebraicæq; linguae thesauros re-
conditos fuisse unquam putasset? Sed sannas
 istas non vsurpem sanus. Sæpe in istis habet
 locum, quod Atheniensi Parrhesiastæ dixit
 apud Senecam Philippus Macedo: ^x *Multo*
sunt superbiores, qui ista dicunt, quàm qui im-
pune

x Senec. lib.
3. de tra. ca.
23.

punè dicta audiunt. Sed illud ex te quæro, cur adeò Hebraismi tui ostentatio præceps & immodica sit, vt ipsis etiam Domini Euangelistis te anteponas, illosque quodammodo corrigas? Istam enim *Siloe* vocem cū scriberent, & quidem sapius, nunquam vt tu *Schiloham* *שילון* αμ, sed semper, vti nos leniter *σλωάμ* dixerunt^y *S. Lucas*, &^z *S. Iohannes*. Nimirum illo vos delectamini plane pueriliter, qui

^a *Chōmoda* dicebat, si quando commoda vellet

^y *Lucæ 13.*

^{4.}

^z *Iohan. 9.*

^{7.} & ^{11.}

^a *Catull. Epig. 82.*

Dicere, & infidias Arrius hisfidias.

Et magnam ingentis cuiusdam & inaudita sapientiæ apud imperitos famam colligitis, cum in concionibus à vobis citantur *Ieschahahu*, vel *Ieschahia*, *Iirmeiah*, *Iechezkel*, qui à nobis & simplicioribus^b Euangelistis, sacrisq; doctoribus *Isaias*, *Ieremias*, *Ezechiel* nominantur. Sic non tam ridebam, quam in cordis mei profundo ingemiscebam, cum te isthic in S. Spiritus, nouo vanoque spiritu, grandi voce identidem *Iehouach Iehouach* intonantem audirem. Quis enim Euangelistarū, quis Apostolorum, quis veterum Patrum, Græcorum aut Latinorum, quæ in Occidentis Orientisue partibus Ecclesia, ita vnquam Deum publicè aut priuatim vocauit? O hære-

^b *Matth. 3.*

^{3.} & ^{4.} & ^{14.}

^{8.} & ^{17.} &

^{12.} & ^{17.}

^{13.} & ^{14.}

^{Marc. 1.} & ^{2.}

^{7.} & ^{6.}

^{Luc. 3.} & ^{4.} &

^{4.} & ^{17.}

^{Iohan. 1.} & ^{23.}

^{12.} & ^{39.}

^{Act. 8.} & ^{30.}

^{28.} & ^{25.}

^{Rom. 9.} & ^{27.}

^{10.} & ^{16.} & ^{65.}

^{15.} & ^{12.}

tica-

ticarum vanitatū bullas! ô iactantias? Non legistis de huiuscemodi rebus quid Hebraica, Græcæq; linguæ scientissimi iam ante tot secula scripserunt, & monuerunt: *Iosephus, Origenes, D. Hieronymus!* sed profecto vt ipsas hæreses: ita & *profanas istas vocum novitates*, quas detestatur Apostolus: vna gignit & procudit superbia, inanisque apud rude vulgus ostentatio, prout à veritate ipsa coactus sub suarum in Priorem ad Timotheum Epistolam Annotationum finem contra se, suosq; omnes agnoscit ^d *Bezæ*: ob eundem Iehouam à ^e *Genebrardo* in Psalmos flagro pulsatus iustissimo.

ad 1. Tim.
6.
e Genebr.
in Princ. ad
Leit.

Sed quos Societati nostræ dentes infigere connitaris videamus. *Eius, ais, fastum parum a quo ferre Predicatores.* Et hic rursus te in illorum intimas animas penetras, eosque fastum nostrum iniquè ferre iniquus Iudex iudicas. Vnde enim hoc tibi? An quia illos nobiscum disputare audis? quasi citra mutuum contemptum, intra eandem Ecclesiam, cum charitate, acres & disputatores & veritatis indagatores nulli esse queant. Si aut contra *Iulianum*, aut *Confessionum S. Augustini* libros legisses, aliud vtiq; sentire. Certè aliter vobiscum, aliter cum Catholicis disputationē nobis instituendam, ita idē summus in ista palæstra vir alibi breuiter docuit; *cum istis indoctis blasphematoribus*

ribus sacrarum litterarum (id est cum hære-
 ticus) non ea rationum subtilitate agendum est,
 qua ista quærenda sunt, & inter pacificos Dei
 filios disputanda. Pergis: consecrari nostros ho-
 mines verborum phaleras & ampullas. Iam
 supra respondi: & vobis hoc in oculis su-
 des, quod nihil in vobis aut eloquentiæ aut
 doctrinæ admiremur: neq; ij simus, quo-
 rum, uti velleris, inscitiam & barbariem, ve-
 stro cum [†] Frischlino, ridere possitis. Addis, *fln Prisci-*
 eosdem, dum in thesi versantur, esse disertos: *an Papæ*
 eum ad hypothesin veniendum, fluctuantes at-
 que inermes. At cum meas abs te litteras vio-
 latus questus sum, cum graue hoc scelus o-
 stendi, nonne hypothesis erat? Et tamen su-
 pra me nequaquam inermem fatebare,
 quin ad animi visque tui dolorem, & inuidi-
 am non paruum, multiplici lectione, quod
 mihi tamen haud sumo, instructum & ob-
 armatum. Cum tu contra rerum omnium
 aded nudus & expers sis, ut nisi à me S. Au-
 gustini sententiolam mutuatus esses, ne sti-
 pulæ quidem aliquid in pharetra tua fuis-
 set. Nos autem Tobia peculiariter delectari
 nuperrime Ratisbona cognouisti. E^s Triden- *8 S. B. 4.*
 tino Concilio, è ^h Bellarmino, ex aliis cogno- *h. lib. 1. de*
 scere, si pauld esses diligentior, citius petu- *Serb. Dec.*
 isti, & sane delectamur. De hoc enim libro *cap. 11.*
 nobis diuinit⁹ dato, & per Ecclesiam Chri-
 sti sponsam ¹ veritatis columnam, omnium, *i. 1. Tim. 3.*
 qui *15.*

Psalm. 118.
14. 54.

1. Annos. in
Tobiam.

m Apocal.
9. 11.

qui salutis æternæ cupidi, matrem & magistram, proposito, cum propheta canit nostrum quilibet. ^k *In via testimoniorum tuorum delectatus sum, sicut in omnibus diuitiis, & cantabiles mihi erant iustificationes tue, in loco peregrinationis meæ.* Nam quidni sic agamus? An quia magicum vester dicit ^l *Iunius*, & tanquam è Tripode Apollo, modo ab audaculis Hebræa exempla scripta spōdet, modo eius consarcinatorem rhapsodum Indæum censer? Laudauit hæc quidem nuper tanquam magna & admiranda oracula, in suo de principiis libro *Sibrandus* vester *Lubbertus*: sed nobis Apollo hic ^m *Apollyon* est, sine ratione, sine argumento, quod ipsi libet fingens, audacterq; mentiens, prout monstrarem, nisi quidquid ad veritatem facit, tibi esset verbosius. Maximè cum *Lacon* tantus sis, vt eum posses totum nobis *Arnaldum* obiicere, nolueris. Lepidè. Questio est de literis ad te nihil spectantibus: abs te tamen acceptis & resolutis: & tu *Arnaldum* non vis obiicere? Si obiiceres, quam quæso ad Hypothesin istam aptè miserum illum traheres? imò quàm aptè illius iam vel minimam iniicis mentionem? Mirum te nolle etiam obiicere *Lyserum*, *Lermaum*, *Lapidem* vestrū, aut verò quicquid in *Vatinium* dixit *Cicero*, in *Ibin* *Ouidius*. Tantidem omnia. Tibi vero non possem reponere

nere doctissimumⁿ *Stenartium*, litteratissimum *Gretserum*, omnes innocentiae, modestiae ac veritatis, qui ubiq; sunt; patronos? Obscurè demum *de fruentibus vita Regum & Reginarum insidias* loqueris, quos Calu-
in Apol. pro
Societate.
nianos intelligeret, quisquis *Galliae* historias & coniurationes, aut verò nobilissimæ hodierni *Scotorum* Regis matris tristissimum funus legit. Alios tamen, si te benè aspicio, respicis & sanè forent illi ter quaterq; miseri, si certius, constantius, & verius calumnias istas non repellerent, quam tu epistolarum non tuarum effractionis crimen.

Ad Pontificem dilaberis, à quo *de criminibus omnibus dispensari* soleat. Magna in *Praedicantibus* esse solet Theologicarum rerum incitiae: magna maledicendi petulantia. Tu verò quia inter illos, inter viticas spina excellis, videris dare operam, ne in paucis verbis te indoctior & maledicetior quilibet sit. In peccatorum minimo dispensare Pontificem vllum posse num dicimus? Nescis, nescis tantus^o *Magister in Israel*, quid *absolutio- o loban 3.*
lutionem inter & *dispensationem* intersit, & ^{10.}
istiusmodi tamè maledicta, in scholis & tē-
plis, axiomata quasi certissima ore plusquā
sesquipedali venditatis. Quod verò vel di-
spensandi, ut vocas, vel absoluedi vobis
potestatem non arrogatis, laudarem, nisi
hoc

hoc ipsum arrogantissimè diceret. Te si-
quidem, tuosq; Pontifici eo ipso præfers, e-
umq; videri vis id sibi ius arroganter vindicasse. At quemadmodum de Apostolo P in
eo, quo pœnitentiam tuetur libro Sanctus
dixit Ambrosius, *vindicauit acceptum non
usurpauit indebitum*. Vestrum enim omni-
um ingratiis omnibus in S. Petro ei di-
ctum; *⁹ Tibi dabo clauēs regni cælorum, &
quacūq; ligaueris super terram, erunt ligata
& in cælo, & quacūq; solueris super terram,
erunt soluta & in cælis*. Est tamen, ne bono-
rum vestrorum quidquam dissimulem, ali-
qua vestra laus, quod eandem vobis pote-
statem non arrogetis. Nam facitis quod
vos decet. Absq; siquidē omni dispensati-
one, imò generatim & propriè vt dicam,
*absq; omni baptismo, pœnitentia, Sacramento,
Peccatorum omnium veniam, diuinam grati-
am, cælestem hereditatem vobis parentum
vestrorum semen*, vestraque tandem ad om-
nia omnipotens & omnifex sola fides tr-
buit. Deinde vt verissimè libro, quem pau-
lo ante attigi, eodem idem S. scripsit Am-
brosius; *¹ Non habent Petri hereditatem,
qui Petri fidem non habent, quam impia diui-
sione discerpunt*. Et rursum; *Certum est, ait
Ecclesia vtrumq; istud (soluere ac ligare) li-
cere: hæresi vtrumq; non licere. Ius enim hoc
solis permissum sacerdotibus est. Rectè igitur
hoc*

p S. Amb.
lib. 1. de pœ-
nit. cap. 6.

⁹ Matth.
16. 18.

⁹ Amb. lib.
1. de Pœnit.
cap. 2.

hoc Ecclesia vindicat, quæ veros sacerdotes habet: hæresis vindicare non potest, quæ sacerdotes veros non habet. Non vindicando autem, ipsa de se pronunciat, quod cum sacerdotes non habeat, ius sibi vindicare non debeat sacerdotale. Atque hæc in laudem vestram S. Pater. Quam ex eo etiam quod narras, vos in iis, qui ad vos à nobis transeunt, admittendis tam faciles non esse; auferem libenter, si verum id esset. Qui enim (iam præsertim cum mustum vestrum deferbuit, palamque factum apparet cuiusmodi vitis vestra botros, & qualē, ut ille vocabat, *terra sanguinem proferat*) ad vos à nobis transit, nisi per paucos quidam aut excucullati monachi & monachæ, aut alii nescio qui, quos carnis libido, animi vertigo, scelerumq; variorum infamia eijcit? Et quæ vestra in hisce admittendis severitas, nisi ut Hymenæas quàm citissimè faces apparent, nullis ad scelerum expiationem lachrymis, nullo gemitu, nullo ieiunio, nullis dignis pœnitentiæ fructibus opus esse, verbo reque ipsa profiteantur? Egregiam vero laudem. Sed *dives est Papa*. Est. Et vos libentissimi esse velletis: sed vel non estis, vel non tam, quam velletis. Sane in re vestra quoquo modo augenda studii & operæ nihil prætermittitis: & auri argenteque, facti & infecti, æquo plus corraserunt *Schmidelinus, K. mnicius*, alii: qui à

*S. Androg.
des apud
Plin. lib. 14.
cap. 5.*

9 Admon.
de lob. Con.
cord. 649. 12.
p. 441 451.
453.

Neostadiensis Anticoncordia vestra, Theologi eam ob causam aurei nūcupantur. Quia (inquit illa) Illustrissimis Principibus fumos vendunt, neque ad salutem Ecclesie, sed ad suas priuatas cupiditates persiciendas tendunt. In primo noui Euangei vestri feruore abiit è summis & præcipuis Euangelistis in *Daniam* vnus, *Joh. Bugenhagius Pomernus*. Sparsit ille quantum potuit, iucundi & tam ipsa nouitate quam variarum rerum carni gratissimarum licentia plausibilis dogmatis semen. Sed ita, vt sibi ipsi messim faceret simul auream. Nam *Wittebergam* cum reuerteretur;

*Vix è conspectu Danicæ telluris in altum
Vela dabat laurus.*

10 Surian in
Comment.
An. 1532.

Et mirè sibi gaudebat, suoque marsupio gratulabatur dicens: *Habeas meum, o Dania Euangelium: ego aurum tuum habeo.* Isti omnes tamen conatu adhuc votoque suo longè minus conflagrunt. Hinc illæ lachrymæ, illæ contra Papæ opulentiam commurmurationes, nam

11 Horat. li.
1. Epist. 2. ad
L. R.
7 Isai. 48.
83.

Inuidus alterius rebus macrescit opimis.
Habet diuitias Pontifex, quia scilicet vates non vanus *Isaias*, qui præcinit, *Et erunt reges nutriti tui, & regina nutrices tue. Vultu in terra demisso adorabunt te: & puluerem pedum tuorum lingent.* Verum non est *Ecclesia caput idem Pontifex, quia Dominus*

IESVS

IESVS *unicus seruator, & caput corporis sui.*
 Sed ô bone, nonne multi in scripturis sati-
 etis² *Seruatores & Saluatores* vocantur? Le-
 ge *Iudicum* librum, ² *Santlig, Iacobi Epistola,*
 quæ^b *Luthero* quidem *straminea*, sed vo-
 bis *Caluinianis* & rectè, *Apostolica*, extre-
 mum. Quemadmodum ergo hi aliquo,
 quamuis longè inferiore, quam Dominus
 noster IESVS modo *Saluatores* appellantur:
 ita & *Caput, Pôtifex, Rex* & tot in bello ca-
 pitanei. Quid *Angliæ Regina*? Nonne plu-
 rimorum vestrorum calculo, *Ecclesiæ An-*
glicanæ caput? Audio & quidem ab Nobili
 & hæretico Anglo, aliquātulum aliquando
 tergiuersatum *Witakerum*, vestrum: sed
 magno sub incōmodo, quod tamen, si cum
 Catholicis Catholicè dixisset, æterna illi
 afferre commoda potuisset.

De *D. Iusto Baronio* expectas? verum tua
 is mendacia & calumnias tibi^c *suis ad te lit-*
teris iam ostendit. Nam cum tuam accipe-
 rem *Apologeticam Epistolam*, me fortè for-
 tuna in valetudinario inualetudo quædam
 tenebat. Ei legendam misi. Legit statim, &
 confutauit. Erat autem *dies conuersionis S.*
Pauli, qui fecit, vt in *Societatem Iesu*, in quā
 in baptismo palam vt ais, transieras; & è qua
 per hæresin postea discessisti, reditum tibi
 vera cum animi tui conuersione optarem.
 Non est sponsi socius, qui sponsam odit, nō

2. Iudic. 3.

9.

a Iacob. 5.

20.

b Luth. præ-
fat. in Epist.
S. Iacob.c v. de sup.
lib. 3. Epist.

d. I. Iohann. 1.
6.

2. Cor. 1. 9.

est in Christi societate, qui se ab eius Ecclesia distraxit. ^d Si dixerimus, ait S. Iohannes, quoniam societatem habemus cum eo, & in tenebris ambulamus, mentimur, & veritatem non facimus. Duo tamen in ista, quam tibi arrogas, societate mihi dubia. Vnum quod à socijs etiam te tuis dissocias. Illi, apud ^e Apostolum, non in societatem Iesv Christianos omnes vocatos volunt, sed vetere nostro contempto interprete, in communione. Ita enim Calvinus, Beza, Piscator, Tremellius, Iuniusq; vester. Alterum, quod in eam societatem te in baptismo transiisse dicas. Hoc enim, etsi cum Catholicis verum statuo, vestrae tamen hæreseos principijs parum congruit. Qui enim alio transit, ibi antequam transiret, non erat. Sed ex vestro dogmate, ante baptismum in Christi societate iam eras. Qui enim è Christianorum, vel Christiani vnus semine nascuntur, ij etiam, antequam per Baptisma regenerentur, vestra *imputatiua* sanctitate sancti sunt, æternæque hæreditatis participes. Dices; & uerbum *palam*, adeò te apposuisse. Agnosco. Neq; particularum istiusmodi vis parua, sed etiam priusquam baptismo initiare, palam in Christi fœdere & societate iam (è vestra quidem sententia) eras. Nam nonne pater, materque tua palam Christiani erant? Nonne palam constabat omnib; è semine Christiano natum te? Qui ante baptismum igitur in Christo palam eras, in

illius societatem per baptismum palá haud transijsti, nisi è *Turcis* forte, *Gentilibus* aut *Judeis* prodijsti. Huius tamen dogmatis coruiq; vestri malum si nescis; ouum exiit ille, propter quem tibi me notum scribis, hæreticus *Puccius Filidinus*. Conuertere igitur, mi *D. Tossane*, conuertere ad illam, quam turpiter deleruisti, licenterq; hætenus docendo & concionando, quantum in te fuit, lacerasti Christianam Catholicamque societatem. Tua iam deuexa ætas. Niocyssimè redeas, in æternum à Christi lesu beatorumq; omnium cætu diuulsus & exturbatus, illis ob animi tui duritiem & pertinaciam miser consociabere, quibus sanctæ illius societatis auctor, dux & caput diceret: *Discedite à me maledicti in ignem æternum, qui paratus est diabolo & Angelis eius.* Quod in tuarum extremo addebas de *humilitate*, quàm modestè pœneque necessario, vt ab ista in alienas sarcinas inhumanitate auocareris, proposueram, hoc vnum inter nos certamen semper esse opto, vt quemadmodum noster monet Apostolus, *et consideremus inuicem in prouocationem caritatis, & bonorum operum.* Vale, sed si sapis, animo magis quàm corpore. Mogunt. Ca- *g* *Heb. 10. 24*
lend. Februar. M.DCII.

**LIBRI TERTII EPISTOLARVM
FINIS.**



IVSTI BARONII
VETERACASTRENSIS
EPISTOLARVM SA-
CRARVM
LIBER IV.

EPISTOLA I.

CLEMENS PAPA VIII.

IVSTO BARONIO VETERA-
canstrensi.

*Dilecte Fili, Salutem & Apostolicam
benedictionem.*



EGIMVS non mediocri
cum voluptate litteras
tuas, superiori Decem-
bri mente ad nos Mo-
guntia datas, quibus te saluum & in-
columem ad tuos ex vrbe perueni-
se scribis. ^a *Benedictus Deus*, ^b *dines in*
miserordia, qui ^c Angelum suum, fi-
delem comitem tecum misit, qui te
felici itinere huc duxit, & illic re-
duxit. Illud autem gaudemus, quod

^a Ephes. 1. 3.

^b Eph. 2. 4.

^c Tobia 5.

15.

ica-

te adeò lætari animaduertimus, quod *Romam* videris, arcem fidei, domicilium religionis, ciuitatem Sanctam, quam beatissimi Apostolorum Principes, *Petrus & Paulus* suo glorioso martyrio Deo consecratur, & cui totam doctrinam cum sanguine tradiderunt, quorum tu sacra limina piè veneratus es, illius gloriam agnoscens, qui *mirabilis est in Sanctis suis*, & qui ad virtutem & victoriã crucis indicandam, ad sepulchra piscatorum, & pellionum, Regum coronas feliciter & magno eorum bono pstrauit. Delectati sumus hac tua lætitia, & quod iure optimo Deo gratias agis, quod eius dono has antiquissimas, & religiosissimas Basilicas obieris, & deuotè visitaueris, in quibus tot millia fortissimorum Christi Martyrum requiescunt, qui fidei Catholicæ veritatem, quam acceperant, vitæ & sanguinis sui profusione comprobata, nobis tradiderunt. Propterea autem delectamur,

*d Tertull.
de Prescrip.
cap. 36.*

*et sal. 67.
36.*

V 4

quia

1. Cor. 1.
27.

2. Cor. 4. 1.

h Rom. 2. 4.

1. Pet. 2. 9.

quia ex his, quę scribis, perspicimus, te vberem fructum ex Romana peregrinatione cepisse, & spiritum pietatis per Dei gratiam ex his sacris locis copiosius hausisse, qui pię & prudenter non tã vrbis magnificentia, & antiquitatis memoriã quã Dei providentiã & potentiã admiratus es, qui per Sanctam crucem suam mundũ redemit, & vicit, & *per infirma quę elegit, fortia prostravit, & confudit.* Nam quod pię etiam commemoras, te ea recordatione gaudere, quod de manibus nostris diuina Sacrosãctę *Eucharistia* alimonia refectus, & à nobis ẽt in *Lateranensi* nostra *Basilica* salutari *Confirmationis* Sacramento, & signaculo fidei obsignatus fueris, nos quidem indignissimi & *dispensatores* sumus *mysteriorum Dei*, sed tamen gaudium tuum gaudemus, propter salutem animę tuę, qui vna es ex ouibus nostris, nobis à Deo commissis, & quia in te *diuitias bonitatis Dei* admiramur, qui te *ex tenebris eduxit*

duxit in admirabile lumen suum, sic age
 fili, conserua domum Dei, & ne cru-
 bescas crucem Christi, qua in fronte
 per manus nostras consignatus &
 confirmatus es, sed narra omnibus,
 * *quantafecerit tibi Deus, qui potens est.* Lmc. I. 49.

At illud quidem nihil necesse erat
 te scribere, aut nobis gratias agere,
 quod te libenter viderimus, & ali-
 quam amoris nostri significationē
 erga te & tuos adhibuerimus, certē
 valde ex animo id egimus, quia te a-
 mamus, & gerimus in visceribus Ie-
 su Christi, vna cum liberis tuis, quos
 à te Catholicè & piè educari, vt scri-
 bis, pergratum nobis est, illosq; pa-
 terne benedicimus. Sed illud periui-
 cundum, quod narras, te à Venera-
 bili fratre nostro *Archiepiscopo & Ele-
 ctore Moguntino* inter consiliarios &
 Assessores Consistorii sui tam beni-
 gnè allectum & adnumeratum esse,
 quo nomine insignem Antistitem
 plurimum in Domino laudamus, e-
 iusq; erga te beneficentiam nobis

V 5 gra-

gratissimam fuisse & esse testamur.

*1 Psal. 39. 18.
m Psal. 36.
85.* Ne dubites fili, ¹ *Dominus sollicitus est*
tui, nec^m iustum seruum suum derelin-
quet. Ipsum oramus, vt te sua cœlesti

gratia semper tueatur, & nos tibi A-
postolicam nostram benedictionē
amanter impartimur. Datum Ro-
mæ apud Sanctum Petrum sub an-
nulo Piscatoris, die XXIII. Ianuar.
M. DCIII. Pontificatus nostri An-
no vndecimo.

Siluius Antonianus Card.

EPISTOLA II.

CINTHIUS ALDOBRANDI

nus S. R. E. Cardina-
lis

IVSTO BARONIO VETERA-
castrensi S.

Ornatissime Domine.

GRATVLOR te ad tuos rediisse incolu-
mem, quod ex tuis litteris gratum fu-
it cognoscere. Lætum etiam illud, quod te
adeo

adedò humaniter exceptum narras primum ab *Episcopo Herbipolensi*, deinde ab ipso *Archiepiscopo & Electore Moguntino*, quibus profecto me hoc nomine plurimum debere profiteor. Quanquam id quod tu commendationi meæ tribuis, ego potius eorum humanitati, tuisque meritis imputandum censeo. Tibi quidem prodesse volui, & per eos nonnihil potuisse gaudeo. Utinam & à me ipso maiora, tibi ac tuis vtiliora quandoque præstari possent, certarem utique cum iis omnibus, quibus dignitas tua maximè curæ, nec in ea ornanda à quoquam superarer. Accipies vnà cum his *Apostolicum Breue*, quale scilicet, & tu optas, & pietas tua meretur. Vale & nos mutuo amare pergito. Romæ die XXV. Ianuar. M. DCIII.

EPISTOLA III.

OCTAVIUS PARAVICINVS S.

R. E. Cardinalis

IVSTO BARONIO VETERA-
castrensi S.*Magnifice & Clarissime Vir.*

PERLEGI cum voluptate litteras, quas XII. Decemb. ad me dedisti, quibus itineris tui ordinem, & acta denique reditum,
&

& Spartam isthic assignatam complexus es. Tibi porro gratulor, mihiq; gaudeo, quod omnia Deo fauente, ex animi sententia cesserint, ipseque videris fructum aliquem nostri in te amoris, maximè penes laudatissimos Præsules *Moguntinum*, ac *Herbipolensem*, ad quos scripseramus, quod quidem, ut magis etiam indies experiaris, curabimus libentissimè officiis quibuscunque. Nouimus etenim quantum pietati ac virtuti tuæ insigni debeat. Nunc denique felicia tibi tuisque omnia in perpetuum precamur à bonorum omnium auctore Deo, Romæ. die XXV. Ianuar. M.DCIII.

EPISTOLA IV.

BERNHARDINVS PAVLINVS

S. D. N. CLEMENTIS VIII. Pontif. Max.

Datarius

IVSTO BARONIO VETERACASTRENSI S.

LEGI libenter litteras tuas, Ita enim amanter scriptæ sunt, ut tuum omnem erga me amorem, quo nihil mihi potest esse carius, effundere videantur. De filio autem tuo, si eandem istam tuam in me animi beneuolentiam respexeris, non esse, cur mihi gratias agas, reperies. Omnino hoc velim pro certo habere, me quidquid illius, & tui

& tui etiam ipsius iuuandi causa efficere
potero, id omni tempore promptè ita effe-
cturum, vt te etiam non minimum à me di-
ligi intelligas. Benè vale. Deus verò te suis
magis magisque indies augere benedictio-
nibus dignetur. Romæ die 3. Martij. M.
DCIII.

EPISTOLA V.

ILL^{mo} ET REV^{mo} D. CÆSARI BA-
ronio Sorano S. R. E. Cardi-
nali

IVSTVS BARONIUS VETE-
racastrensis S.

Ill^{me} & Rev^{me} D^{ne}.

ACCEPI facultatem S. Inquisitionis Ro-
manæ, tua mihi opera impetratam,
pergratam sanè illam mihi, atque antiquis-
simis exemplis, si de ratione taceam, corro-
boratam. Ita enim ^a Plato palam in Legibus ^{a Lib. 7. de}
suis: Poëta inquit, præter civitatis leges & in-
legib.
ra, item honesta & bona ne quid composito, &
quod composuerit, ne cui priuatorum ante o-
stendere fas esto, quàm indicibus super hac re
constitutis legum custodibus ostensa ea appro-
bataq;. Ita ^b Valerius de Nume libris: Eos ^{b Val. Max.}
quia aliqua ex parte ad dissoluendam religio-
nem pertinere videbantur, lib. 1. cap. 1.
L. Petilius Prætor
Vrb.

Urb. ex autoritate Senatus per victimarios igne facta, in conspectu populi cremavit. Ita denique^c *Laërtius* (quæ singula etiam^d *Lipsius* noster observavit) de *Protagora*: *Libros eius Athenienses in foro combusserunt, per præconem eos à singulis qui habebant, colligentes. Quamobrem quod in hoc Sanctum Ecclesiæ institutum tam mordaciter, ut solēt,*^e *hæretici inuehuntur, insaniunt, nec aduertunt illud Apostoli:*^f *Profana & inaniloquia deuota. Multum enim proficiunt ad impietatem, & sermo eorum ut Cancer serpit. Et illud alterum:*^g *Hæreticum hominem post unam & secundam correptionem deuota, sciēs quia subuersus est, qui eiusmodi est, & delinquit, cum sit proprio iudicio condemnatus. Nimirum hæc est illa*^h *amara colocynthis, hæc*ⁱ *mors in olla, quam filij Prophetarum gustare non potuerunt. Cæterum illud quod facultati meæ conditionis loco intextum reperio, de mittendis semper nouorum librorum fœtibus in urbem, non satis assequor. Aut enim Italico more scriptum est, aut de grandibus solum voluminibus, quæ posteritatis memoriam expectant, accipiendum. Nam in subitis & extemporaneis scriptionibus nostris, quæ ut orbes ac patinæ in oblatrantes intempestiuè canes, ita illæ in subito incurstantes hæreticos iaciuntur, nescio vtrū cautelæ tantum aut curæ requirendum sit:*
cum

c Lib. 9. in
Gesta Prota-
gor.
d Esbr. ad
u. f. Dialo-
gist.

e Franc. Iu-
nius pref.
iudicio ex-
purgat.
f 2. Tim. 2.
17
g Tit. 3. 10.

h Galen. li.
6. simplic.
medicam.
i 4. Reg 4.
40.

tum & hic diligentia nihil ab ordinarijs
 censoribus prætermittatur: & mea illa *πα-
 ρωουατα* (de meis enim loquor) nihil sint
 aliud, quàm ^k *Hemeroby Hypanici*, aut ^l *her-
 bula foliatales*. Sed tamen quia^m *obediētiā* ^l *Plantam*
meliorē scio *utilima*, & in dubijs securio-
 ra præferenda sunt, libellum Elenchiticum
 quem iam ab reditu in *Hunnum Pseudoim-
 bilis Wittebergensis* promulgatorem ador-
 nabam, abdicare potius, atque in alienum
 quasi nomen, in alienam familiam transde-
 re, quàm vel minimum à præscripto supe-
 riorum exorbitare malui. Tu vale Ill^{me} Do-
 mine, ac me nihilominus hoc dubio solue.
 Mogunt. Non. April. M.DCIII.

EPISTOLA VI.

ILL^{mo} ET REV^{mo} D. ROBERTO
 Bellarmino S. R. E. Cardinali, Archie-
 piscopo Capuano

IVSTVS BARONIVS VETERA-
 castrensis S. P. D.

Ill^{me} & Rev^{me} D^{ne}.

MIRABILEM *Præscriptionum* mearum
 casum! quæ tam longinquis oris va-
 gatæ, tam incertis authoribus ad te delatæ,
 nullum

a Psal. 76.
20. 21.

b Marul. li.
1. cap. 4.

nullum tamen neque erroris comitem, neque viæ ducem nominare potuerunt. Supplicari licet, haud abfuisse eum, ^a *Cuius via in mari, & semita in aquis multis, cuius vestigia non cognoscuntur, qui deduxit sicut oves populum suum, in manu Moysi & Aaron.* Sed utcumque sit, gaudeo munusculum meum tibi redditum, qui quod tam liberaliter de opella etiam mea sperare audes, facis tu quidem singulari quodam tuo in me amore, renouasque memoriam Magni illius Pontificis Gregorij, qui aliquando laudes suas à probato quodam viro decantari audiens, ita respondisse fertur. ^b *Deum deprecare frater, ut his quæ de me prædicas, dignus efficiar, sicut & tu dignus es, cuius opinio improbari non debeat. Sed plerumq, euenit, ut ea quæ de ijs, quos amamus in medium proferimus, maiora vero sint. Itaq, quamuis ista commendatione tua longè inferiorem me esse agnoscam, charitati tamen gratias ago.* Idem ego tibi Ill^{me} Bellarmine: cui ut placere quam maximè cupio, ita vitam longissimam opto.

Mogunt. Non. April. M.

DCIII.

Epi-

EPISTOLA VII.

ILL^{mo} ET REV^{mo} D. CINTHIO

Aldobrandino, S. R. E.

Cardinali.

IVSTVS BARONIVS VETÈ

racastrensis S.

Ill^{me} & Reu^{me} Domine.

A CCEPI paucis ab hinc diebus integrum litterarum ex vrbe fasciculum, quas inter quasi signa ducebat quartum S^d Dⁱ Nⁱ CLEMENTIS VIII. Pontificis Max. ad me miserum vermiculū *Apostolicum*. Quod ubi ego aspexi, cohorrui prope admiratione, atq; in sacra delapsus, tacitè mecum exclamare cœpi. ² *Vnde mihi hoc, quod Sanctus* *Luc. 1. 17* Domini toties *venire dignatur ad me?* Equidem multi sunt haud paruo loco, quibus omnis sua felicitas præ hac felicitate mea sordet, cuperentq; minis aliquot, si liceret, vnam huiusmodi membranam redimere. Sed nec ego ex quo Regiam Domini cognoscere cœpi, vnquam meis quantacunq; cura exaratis litterulis persuadere potui, sine trepidatione sanctum illud Apostolicæ Maiestatis solum accederent, quod ipsis etiam Regibus venerationem incurrere videbant. Verumtamen bone Deus, quanta ibi

X

ele.

b Cic. Oras.
pro Flac.
c Homer. 2.
Iliad.

d Epist. 52.
ad Pamma.
pro lib. suis
aduoc. lo-
tem.

clementia, quanta comitas, quanta huma-
nitas hospitatur? Nunquam scribo, quin
ad me rescribat, nunquam quaero, quin re-
spondeat. Cui verò? Mihi *b* *Mysorum* *ulti-*
mo, & quod aiunt *c* *καρῶν βαρβαροφώνων*
facile principi: Quæ ipsa *Φιλοφροσύνη* fa-
cit, vt cum nunc respondendi vicem debe-
am, litteris tamen illam, ne nimiam mihi
scribēdi licētiā arrogare, aut nouas sem-
per Bullas aucupari videar, reddere non au-
deam. Tu quaeso *Ill^{mc} Domine*, pristinis tuis
erga me meritis hoc adijce: age coram meo
nomine Pontifici Max. gratias, excusa silen-
tium, excusationemq; non ab ignauia aut
obliuionis infami crimine pete, sed à mo-
destia officio, quod agnoscens S. Hierony-
mus, *d* *Christiani* inquit, *pudoris est, interdum*
etiam apud amicos (quanto magis apud tam
sublimes principes?) *tacere, & humilitatem*
suam magis silentio consolari. quam retractan-
do veteres litteras ambitionis crimen incurre-
re. De tuis verò litteris in præsens quoque
nil respondeo, quam gratas fuisse illas, gra-
tam gratulationem, gratissimam beneuo-
lentiaē testificationem, quam vt ego perpe-
tuo obsequiorum cultu tanquam iniecta
strue alam atq; augeam, quam potero eni-
xissimè conabor. Vale *Ill^{mc} Cardinalis*. Mo-
gunt. 3. Idus April. M.DCIII.

EPI-

EPISTOLA VIII.

ILL^{mo} ET REU^{mo} D. OCTAVIOParauicino S.R.E. Cardi-
naliIVSTVS BARONIVS VETERA-
castrensis S.Ill^{me} & Reu^{me} Domine.

EXPECTATISSIMAS litteras tuas magna animi voluptate vidi, maiori legi & relegi: tanto quidem maiori, quanto pluribus mensibus hoc à te beneficij genus desideravi. Cum enim quotquot è sacro illo augustoque *Purpuratorum Patrum* collegio rebus meis patronos benigne adsciuit Deus, certatim hætenus (quod ego pietati ipsorum non meritis meis tribuo) amantissimis me litteris suis salutassent, egoq; illas tanquam *Perficam* quandam gazam custodire, atque inter *κειμήλια* mea reponere solem, quò vel vnico hoc pignore posteris meis pientissimæ matris erga me serotinum carulum demonstrarem Indulgentiã:

^a non sic tempestate iactatus portum nauta ^{a Hieron.}
prospectat, non sic sitientia imbres arua deside- ^{Epist. ad}
rant, non sic curuo assidens littori anxia filium ^{Ruffin.}
mater expectat, vt ego tuas hætenus deside-
ratas anxia quadam mente & suspenso o-

X 2 culo

culo expectavi litteras. Vix enim constare sibi numeri argumentum videbatur, nisi reliquis ordine in pluteo cōstitutis, tu quoque tuum adhuc vacuum in eodem locum expleuisses. Respondisti desiderio, scripsisti, stationē tuam occupasti, largius omnia & liberalius, quā opinio mea ferebat. Quid ego contra? Exulto, triumpho, loculamenta mea repleo, non quod vnus repleti queāt, sed quod primas secundæ tertiæque consequi soleant. Quod vbi feceris *Ill^{me} Cardinalis*, maximo me beabis gaudio, familiæq; tui in me amoris clariora figes argumenta.

De nostris rebus Germanicis, quatum te studiosissimum perspexi, pauca sunt quæ scribam. *Ratisbonæ* Imperialia nunc Comitia agitantur. Vtinam omine eo ac successu, quem res Christianæ flagitant. De *Argentinenſi* *Episcopatu* contrarijs inter se armis certant, *Lotharingiæ Dux* & *Brandenburgicus Elector Iunior*, cuius plerique *Protestantium* Principum partes adiutas cupiunt. Sunt qui eodem N. N. inclinare putent, sed ego pluris apud tam bellicosum Principem Dei atque Ecclesiæ causam futuram spero, quam ut contraria illi arma ferre audeat. De *Belgio* forte certiora apud vos, quam hic. *Oſtenta* illa nimis diu robur suum & pertinaciam ostentat. Sed ille qui ^b *confringit capita leonum*, & *ferreas portas deiecit*, nō dubito quin tandem

Isa. 57. 7

Isa. 45. 2.

Act. 12. 10.

tandem ostentatrici illi suas quoque vires
 ostensurus sit. De cæteris taceo, teque cum
 sancta vrbe, sanctissima curia Dei Opt.
 Max. præsidio æternum commendo. Vale.
 Mogunt. 3. Idus April. M. DCIII.

EPISTOLA IX.

ILLVSTRI ET REVERENDO

D. Ioann. Pistorio, Doctori Theologo

Clariss°, Præposito Vratisla-
 uensi, &c.

IVSTVS BARONIVS VETE-
 racastrensis S.

GRATVLERNE tibi prius, iam dudum ex
 faucibus orci liberato, inq; Regia Dei
 loco excelsa & splendido inter lucidissimas
 Ecclesiæ faculas cõstituto, *Illustri & R^{de}*
D^{nc}: an mihi gaudeam, vix demum recens
 è *Caluinianis* voraginibus erepto, & nunc
 ad contemplandam Catholicæ fidei purita-
 tem oculos, ad propugnandã man⁹ vtrunq;
 instruenti, equidem ambigo. Istic benefi-
 cium Dei commendat temporis maturitas,
 illustrat nominis claritas, auget copiosissi-
 ma ad omnes redundans vtilitas. Hic tem-
 poris tarditas maturitate ætatis compensa-
 tur, obscuritas nominis patronorum fulgo-
 re collustratur, commodorum vtilitas ex-
 pectatione fulcitur. Quidni igitur gratuler

X 3

emi-

eminentissimæ dignitati tuæ, gaudeam hu-
 militati meæ, utrique ex morte excitatæ, ex
 tenebris extricatæ, ad salutis indubitatum
 tramitem constitutæ, Dei deniq; maximo,
 quod in hominem conferri potest, benefi-
 cio dotatæ. Sed hanc gratulationem nostrâ,
 vide quantus cæcorum dolor clamorq; in-
 terpellat. Illi enim distortos oculos ani-
 mosque gerentes, distorta de nobis iudicia
 ferunt, gratiam Dei interpretantes pœnam,
 lumen tenebras, veritatem mendacium, sa-
 lutem denique æternam sempiternum exi-
 tium. Qua in re etsi deplorandam magis
 quam exagitandam miserorum cæcitatem
 fateor, obstinata tamen illa in repudiandis
 defensionibus iustis surditas, insatiabilis ca-
 lumniandi libido, qua in nos quasi furijs
 quibusdam incitati sine modo & ratione
 feruntur, nescio quomodo etiam patientis-
 simum quemq; laceffit, ac stimulis agit in-
 credibilib⁹. Ut primū per populos tua olim
 audita conuersio (liceat mihi ita communi
 Ecclesiæ stylo loqui) mirum quāto perē in-
 censi allophylosum animi, quam efferatæ
 linguæ, conuocati Senatus, calculi omni-
 um nigerrimi proiecti! Quo tempore ego
 cum^a Paulo custodiebam secus pedes meos ve-
 stimenta lapidantium Stephanum, nec min⁹
 animo feriebam, quam illi lingua aut ma-
 nu. Paulo post ad publicas illas confitio-
 rum

• 27. 7. 58.

rum

rum *ἀπαύξας* fuffectus (Cathedras magi-
 strales dico) nō minus acriter bacchabar &
 latrabam , quā grandes illi moloffi , quo-
 rum rudimentis ego imbutus fueram , vt
 quod ab ^b *Augustino* alicubi scriptum est ,
iure tunc tecum non docendi cibo, sed refellen-
di fastibus ageretur. Nunc Dei munere ean-
 dem tecum viam ingressus, eandem fortu-
 nam experior, misereque odijs, calumnijs,
 proscriptionibus lacinatus, quasi grandi
 lapidum aceruo tantum non obruor ac se-
 pelior. Sed hactenus fortè par conditio no-
 stra, *Illustris D^{ne} Pistori*: isthac verò impar,
 quod tu magno quodam animo è fluctibus
 illis & tempestatibus emersus, iamdudum
 perfugium nostrum & portum Ecclesiam
 limatissimis scriptis quasi fossa valloq; cin-
 xisti ac muniuisti: ego cum turbinibus ad-
 huc multis colluctans, neque pari robore
 pollens, parum tanta causa dignum instru-
 ere exercitum queo. Conuocaui tamē quas
 in procinctu habui copiolas, easque vt ^c *A-*
brahā suos vernas, in *Amraphel* & *Arioch*, ¹⁴
 & *Chodorlahomor*, & *Thadabgentium*, re-
 gem eduxi, conflicturus si queam, sin min^o,
 velitaturus. Cui^o ego te tyrocinij quia quā
 maximè spectatorem opto, en tibi signa
 mea & castra, en tela & falces, tuis perdis-
 miles scio, sed nec à tyrone acutiores requi-
 rendæ. De cæteris ^d *mih* omninò decretum.

*b Lib. 1. de
 morib. Ca-
 sol. Eccles.
 cap. 18.*

c Genes. 14.

*d Hieron.
 Epist. 94.
 ad August.*

X 4

est te

*est te non vt commilitonem, sed vt ducem
amare, te suspicere, calore, mirari, tuamq; dicta
quasi mea defendere: idq; vt à me officij ge-
nus gratum habeas, peramanter oro. Vale.
Mogunt. 4. Calend. Iun. M.DCIII.*

EPISTOLA X.

OCTAVIVS PARAVICINVS

S.R.E. Cardinalis

IVSTO BARONIO VETERA-
castrensi S.

Clarissime Domine, vti frater.

FACIT singularis tua humanitas, vt tãti c-
stimes, ac tãto opere extollas exiguã meã
in te benevolentia significatione: exiguam
inquam, ne dixerim inanem, cum verbis
tantum non re cõstet. At animum te meum
spectare in primis arbitror. Vnde & reliqua
tibi omnia meritò polliceri potes, quã à
me ad tui commodum ac dignitatem ema-
nare possint. Addis noua quãdam de rebus
publicis, quorum cognitione oblectari me
solitum recte autumas: pergratum utique
hoc officium, ac tuum comprobatur erga me
studium, vnde tibi magis obstringor. Vtinã
verò pijs votis tuis rerum euentus respon-
deant, quod si contigerit, vt sperare velim,
alias à te ipso litteras expectabo, quã maio-
ri quidem nos gaudio cumulabunt. Deum
pre-

precor, te feruet, ac ornet magis indies. Vale.
Romæ die 31. Maij. M.DCIII.

EPISTOLA XI.

ILL^{mo} AC REV^{mo} D.OCTAVIO

Paravicino S. R. E. Cardi-
nali

IVSTVS BARONIVS VETE-
racastrensis S.

CVM iam multos dies argumenti inopia
scribere ad urbem cessarem, Ill^{me} &
Rev^{me} Domine: tempestiuè tandem rupit
silentium meum latissima atque exopta-
tissima *Friderici Hujmanni*, viri Nobilissimi,
ac Palatini Electoris in arce *Bocksberg* a Præ-
fecti cōuersio. Qui cum hæctenus annis sat
multis & ipse *Caluini* errores sectatus fuisset,
& alios pro data sibi faculrate sectari cō-
gisset, fermè etiam, vt ^a*Hieronimi* verbis ^a*Epist. 99.*
vtar, *omnium iudicio summo* inter istos sacer- ^{ad A. Jell.}
dotio dignus decerneretur, tandem ^b percel- ^b*Acto. 9. 3.*
lente Domino cælitus *Saulum*, Catholico. ^c*scq.*
rum authorū, ac *Bellarmini* in primis nostri
lectione adeò à pristino mentis furore de-
iectus, & ad Catholicam vnitatem dedu-
ctus est, vt non solum alacriter cum duo-
bus filiis lectissimis iuuenibus, *Herbipoli*
hæresin eierarit, Sacramentorum vinculis
se palam ac firmiter nobis astrinxerit, sed

X s &

& nunc, quantum audio, perpeſſionibus
variis hanc profeſſionem ſuam ceu ſigillo
obſignet. Cuius viri fortunam, vt & meam,
quotieſcūq; mecū animo contēplor, toties
Romanæ iſtæ mulieres mihi ſubeunt *Paula*

*c. Hieron. E-
piſt. 22 ad
Aſell.*

Ididem.

*& Melania: quæ cum contemptis faculta-
tibus, pignoribusque deſertis crucem Domini
quaſi quoddam pietatis leuarent vexillum fa-
bulam toti urbi præbuerunt. Quæ ſi balneas
peterent (inquit ^d S. Hieronymus) unguenta
eligeret, diuitias & viduitatem haberent ma-
teriem luxuria & libertatis, DOMINÆ voca-
rentur, & SANCTÆ. Nunc dum in ſacco & ci-
nere formoſa volunt videri, in gehennam ignis
videntur cum ieiuniis & pudore deſcendere:
videlicet non licet eis applaudente populo peri-
re cum turbis. Si gentiles hanc vitam carpe-
rent, ſi Iudei, haberent ſolacium non placendi
eis, quibus diſplicet Chriſtus. Nunc vero, pro-
neſas, homines Chriſtiani, prætermiſſa domo-
rum ſuarum cura, & proprii oculi trabe neglo-
cta, in alieno oculo feſtucam querunt. Lace-
rant ſanctum propoſitum, & remedium pœne
ſuæ arbitrantur, ſi nemo ſit ſanctus, ſi omnibus
detrahatur, ſi turba ſit pereuntium, ſi multitu-
do peccantium. Tibi placet lauare quotidie: a-
lius hæc mundities ſordes putat. Tu attagenem
ructas, & de comæſo acipenſere gloriaris: ego
faba ventrem impleo. Te delectant cachinnā-
tiam greges: me Paula Melaniaque plangen-
tes:*

125. Tu aliena desideras: ille contemnunt sua.
Te delibuta melle vina delectant: ille potant a-
quam frigidam suauiore. Tu te perdere exi-
 stimas, quidquid in presens non habueris,
 comederis, deuoraueris: ille futura desiderant,
 & credunt vera esse, quæ scripta sunt. &c. Sed
 quid ego hæc ad te Ill^{me} Domine? Refricare
 tibi volui gaudium, quod pro pietate tua
 ex huiusmodi conuersorum exemplis affa-
 tim capere soles. Nec dubito quin si hunc
 virum omni virtutum genere ornatissimū
 noſſes, duplo hoc gaudium gauisurus eſſes.
 Faxit Deus, hanc restorationis Germanicæ
 Protasin vberior deinceps Epitasis sequa-
 tur. Cui quidem conatui Ill^{us} Archiepisco-
 pus noster item Rex^{us} Episcopus Herbipolen-
 sis D. Iulius hæreticis passim reliquiis ex-
 pargendis toti incumbunt. Illisq; tanquam
 succenturiati accedunt duo laudatissimi v-
 triusq; prouinciæ Decani Cathedrales, D.
 Iohann. Schuicardus à Cronberg, Moguntinē-
 sis, & D. Iohann. Cunradus Kottwitz ab Aulen-
 bach, Herbipolēsis: viri religiosissimi, Catho-
 licæ vnitatis propugnatores acerrimi, nu-
 tritii liberalissimi: quorum hunc vnum te-
 nuiorum in Franconia Parochiarum subſi-
 diis vltra quinquaginta millia florenorum de
 suo sponte impendisse constat. O magnum
 Delzeloten! quem non modo comparate,
 sed & anteferre possumus ambitiosis illis
 simul

¶ *Lactant.*
l. 6. 6. cap.
13.

¶ *Tit. 11.*
g. 1. cor. 3. 5.
9.

simulachrorum cultoribus, ^e qui quidquid pretiosi habebant, ait Lactantius, in ea conferebant, quibus nec uti poterant, nec gratias agere qui acceperant. Quanto iustius est & verius, videntia Dei simulachra, imò ^f ministros & cooperatores Dei, excolere, ut promerere inuenire videntem? Qui sicut vsui habent quicquid acceperint, & gratias agunt: ita Deus in cuius conspectu bonum feceris, & probabit & mercedem pietatis exoluet. Quoniam enim mortalis conditio non patitur esse hominem ab omni macula purum, debent largitione perpetua peccata carnis aboleri. Vnum est enim sapientis & iusti & vitalis viri opus, diuitias suas in sola iustitia collocare: qua profecto qui eget, licet ille Crasum aut Crassum diuitius superet, hic pauper, hic nudus, hic mendicus putandus est. Prouexit me longiuscule præstantissimorum virorum laus, quam nec tibi molestam fore spero: multo min? Hufmanni nostri conuersionem, quem ego tibi ut nobile Ecclesiæ virgultum, Baronio etiam atque Aldobrandino, deditissimis huic hominum generi Principibus, maiorem in modum commendo. Vale. Mogunt. Idib. Iul. M. DCIII.

EPISTOLA XII.

CÆSAR BARONIVS SORANUS S. R. E. Cardinalis

IUSTO BARONIO VETERACASTRENSI S.

Vir Clarissime.

PERGRATVM mihi fuit auditu, quod de recenti conuersione *D. Friderici Hufmanni*, Palatini Comitæ præfecti significas, qui è *Saulo* effectus *Paulus*, è persecutore confessor, Catholicus ex hæretico, è castris tenebrarum in campum processerit lucis orthodoxæ. Atque eo quidem gratus accidit, quod iam quasi oculis cernam, tanto illum virum, diuina cooperante gratia, fortio-rem in Apostolicæ fidei palæstra futurum athletam, quanto acriorem olim scribis Catholicorum fuisse hostem. Ego quidem ni te sponte satis alacriter intelligerem in arenam descendere contra infensissimos Ecclesiæ Dei perduelles, facerem ut mea cohortatio, quam plurimi apud te valere sat scio, tui te officii admoneret: rogaremque, ut nihil tibi antiquius esse patere, ac desiderium conuersionis animarum. Verum id ea de causa facere præmitto,

ne aut

ne aut de tua voluntate dubitare videar;
aut tu aliter atque ego scriberem, interpreta-
tari possis. Scis mi *Iuste*, quæ præmia sint ijs
constituta, qui alios ad pietatem erudiunt.

* *Dan. 12.*

3.

* *Fulgebunt enim ut stella in firmamento, &*
si bene contemplabere, non dubito, quin
id vnum tibi ad æternam nominis tui me-
moriæ conciliandam faciendum existima-
bis, ut quam maximam Iesu Christo ani-
marum multitudinem lucrere. Valetudi-
nem tuam diligenter cura. Romæ. 4. Non;
August. M.DCIII.

EPISTOLA XIII.

CÆSAR BARONIVS SORANUS
S. R. E. Cardi-
nalis

NICOLAO SERARIO SOCIE-
tat. Iesu Theologo. S. P. D.

Admodum Reuerende Pater.

DELECTARVNT me mirum in modum
litteræ tuæ, quibus significas, *Sancti*
Camerini sacras reliquias nuper apud vos
post tot annorum intervalla inventas, & ad
excitandam piorum deuotionem in lucem
reuocatas esse. Ego certe pro mea in San-
ctorum pignora religione cum præsens nō
possim, quod licet, absens ipsis vota supplex
defero,

defero, & ore cordis osculum figo: *sanctum-que Camerinum*, ut pro me apud diuinam maiestatem intercedat, etiam atque etiam oro. Quod ad libellum *D. Ebroicensis* attinet, illum accepi; agnoscoque in eo tuam erga me humanitatem. De rebus *Moguniacis* à te, ut scribis, stylo expressis, plurimum tibi gratulor. *Iusti Baronii*, nostri confutationem *Pseudo Iubilai Lutherani*, nondum vidi, desidero autem quam maximè. Verum cur suppresso nomine? & quodnam illud quod commemoras, *Romana Inquisitionis* præceptum? ego certè non satis quid eo velis, capio. malletem autem nomen apposuisse. Vale & nos ama. Romæ. Idid. Septemb. M.DCIII.

EPISTOLA XIV.

ILL^{mo} ET REV^{mo} D. CÆSARI
Baronio Sorano S. R. E. Cardinali.

IUSTVS BARONIVS VETERA-
castrensis S.

SVMMO mihi fuerat pretio redimendum
(^atuis te verbis nunc alloquar, Ill^{me} & Rev^{me} D^{ne}) ut amplitudo tua dignaretur accipere, quod amantissimis litteris à me sibi postulat impertiri. Ecquid illud est? in-
quis.

*a Epist. ad
Marc. Fug-
ger. tom. 1.
Ann. præs-
xam.*

ibid.

quis. Dicam simul & faciam. Scribis *Serario* nostro, *Pscado Iubileum* meum *VVutbergensem* nondum vidissete, desiderare autem quam maximè. Quid mihi gratius, quid iucundius, quidue honorificentius accidere potuisset (agnoscis ^b tuæ iterum Epistolæ verba) quam ut mea qualiscunque festinata lucubratiuncula à tali tantoque Romanæ Ecclesiæ principe, cuius acerrimū iudiciū, exquisitam doctrinam, ego cautè fugerim, vel fugere merito atque exhorrescere debebam, sponte sua desideraretur? Animavit me profectò hæc voluntas tua, atque in eam etiam spem erexit, si quid fortè minus ad gustum tuum, aut accuratum illū summorū artificum tornū fuerit, facilioris me veniæ apud te locum inuenturū. Accipe igitur tenuem libellum, & non meo tantum studio, verum etiam operarum vereor negligentia plus satis rudem. Mantissæ loco *Serarius* adiecit *D. Chrysostomi Florum* nouum opus: ego dicaculi in te ac *Belarminum Stapletonumque* (me nescio quomodo) *Saulem Prophetis* etiam accensuit occæcatissimus homo) hæretici Satyram: cui vtrum respondendo an silendo satisfieri expediat, ego equidem non decerno. Vos consilium capite, & quod placuerit, mandate. Faciam obsequendi vobis voluntatem probem, si non pugnandi dexteritatem.

* 1. Reg.
10. 11. 12.

De suppresso vero nomine meo in Anti-
Iubilæo, necdum rationem assequeris?
Ill^{me} Obsecro ne quid fraudis aut degene-
ris timoris suspicare. Vna m^{thi} *Inquisitio*
vestra præ oculis fuit, cui, quia de m^{te} du-
buis, ad vnguem parere malui, quàm vel mi-
nimæ inobedienciæ aleam subire. Tu tamè
si fortè pinguius à me acceptam Bullam o-
pinabere, eamque (quam mitto) de solidis
atque æternis voluminibus, sicut ipse ma-
gis magisque reor, interpretabere: fac per
Deum quamprimum sciam, leuissimi ope-
ris erit admissi erroris emendatio. Vale.
Mogunt. 6. Idus Octob. M.DCIII.

BULLA S. INQUISITIO-
nis Romanæ, super lectione
librorum prohibi-
torum.

DOMINICVS Tituli S. *Maria trans*
Tiberim, Pinellus: Frater Hiero-
nymus Bernerius, Tituli S. Lau-
rentii in Lucina, Asculanus: Paulus Sfon-
dratus Tituli S. *Cecilia*: Camillus Tituli
S. *Chrysogoni Burghesius*: Franciscus Ti-
tuli S. *Crucis in Hierusalem*, Auila: &
Pompeius Tituli S. *Balbina*, Arigonus
X nun-

nuncupati, Presbyteri miseratione diuina
S. Romana Ecclesia Cardinales, in vni-
uersa Repub. Christiana aduersus hereti-
cam prauitatem Generales inquisitores, à
Sancta Sede Apostolica specialiter deputa-
ti: dilecto nobis in Christo IVSTO BARO-
NIO Germano salutem in Domino sempi-
ternam. Cum in generali congregatione S.
Romana & Vniuersalis Inquisitionis ha-
bita in Palatio Apostolico apud S. Petrum
coram S. D. N. Domino CLEMENTE
diuina prouidentia Papa VIII. ac nobis die
infra scripta pro parte tua supplicatum fu-
erit, ut tibi quosunque hæreticorum, seu
aliàs prohibitos libros legendi & retinen-
di ad effectum eorum hæreses & errores
redarguendi & confutandi licentiam con-
cedere dignaremur: nos quibus inprimis
cordi est, ut omnis hæretica prauitas è mē-
tibus hominum tollatur, ac summopere
cupientes ut S. Catholica & orthodoxa fi-
des ubique floreat & augeatur, authorita-
te Apostolica nobis in hac parte commissa,
tibi, de cuius doctrina, prudentia, & in fi-
dem Catholicam sinceritate, quibus apud

nos

nos fide dignorum virorum testimonio commendaris plane confidimus, ut omnes & quoscunque libros hæreticorum, seu aliàs prohibitos etiam in Indice Romano librorum prohibitorum damnatos, ad effectum ut præmittitur, hæreses & errores in eis contentos redarguendi & confutandi, secreto & per te ipsum tantum, & sine aliorum scandalo aut periculo legere & retinere liberè & licitè possis & valeas, licentiam & facultatem, ad quinquennium proximè futurū ab infra scripta data numerandum duntaxat duraturam, tenore præsentium damus, concedimus & impartimur. Non obstantibus in contrarium facientibus quibuscunque. INIUNCTO tamen tibi, ut tam præsentium litterarū exemplū, quā librorum prohibitorū prædictorū, quos huiusmodi nostræ facultatis vigore leges aut retinebis, notā quamprimum exhibeas Ordinario loci, ubi te morari contigerit, ut tempore huius facultatis elapso, vel post obitum tuum, si te interim forte ex hac vita migrare contigerit, libri prædicti ei consignentur, ut provideat di-

ligenter, ne ad aliorum manus perueniant, sed per ipsum tradantur igni comburendi. VOLVMVS, prater ea vt si te scribere aliquos libros contingat, priusquam eos typis mandes aut euulges, ad hanc Sanctam vniuersalem Inquisitionem Romanā mittere tenearis. In quorum omnium & singulorum fidem & testimonium presentes litteras gratis expeditas per infra scriptum nostrum Officiiue eiusdem S. Romanae & Vniuersalis Inquisitionis Notarium fieri fecimus, & manibus nostris subscriptas, sigilli S. Inquisitionis predictae, quo in talibus utimur, iussimus appensione muniri. Datum Roma in Generali congregatione dictae S. Inquisitionis, 4. Calend. Decemb. Anno à Natiuitate D. N. Iesu Christi. M. DCII. Pontificatus Sancti In Christo Patris & Dⁱ. Nⁱ. Dⁱ. CLEMENTIS diuina prouidentia Papae Octauii, Anno undecimo.

*Subscriptiones Cardinalium
supra nominatorum.*

*Quintilianus Adriannus S.
Rom. & Vniuersalis Inquisitionis
Notarius.*

EPISTOLA XV.

ILL^{mo} ET REV^{mo} PRINCIPID.
D. IVLIO Episcopo Herbipolensi, Fran-
coniæ Duci, &c.

IVSTVS BARONIVS VETE-
racaſtrenſis S.P.D.

Vix dum nuper ex Vrbe domum reuer-
sus, Ill^{me} & Rev^{me} Princeps, quieti me
dare, atque abstergendis aliquantulum iti-
neris molestijs vacare: id est leuare animū,
farcire vires cogitabam: cū ecce amici missa
ad me petulantissima ac mordacissima *Ae-
gidij Hunnij*, noui, si dijs placet, in Saxonia
Iubilarij fecialis, seculari declamatione, ro-
gant obtestanturque, desperatæ hominis
maledicentiæ occurrā, machinisque ad-
motis calumniarum tela infringere, men-
daciorum valla subruere annitar. Renuo,
exculog; primum lassitudinem, deinde nū-
dinarum tempus propè instans: tertio æta-
tem meam ac tyrocinium, nominoque qui
rectius hanc Spartam videantur ornaturi.
Abnuunt, instant, persuadentque tandem,
promittam, facturum quod possem. Adij-
cio animum, apto calamum, scribo festinata
magis quàm deliberata opera. Prodit tan-
dem libellus, atque in hostem gladium vi-
brat. Ille priusquam mucro meus ad latus

eius pertingeret, concidit, atque infelicem animam exhalat, non stylo meo, sed numinis vi percussus. Hic ego reuocare libellum, si possem. Sed exiuerat iam ultra limen nostrum, atq; in manus plurimorum peruenerat. Sino igitur ire, ac quem viuum nō poterat, eius mortui manes infestare Iubeo. Venit is nunc etiam ad te *Ill^{me} Princeps*, nō quod quisquam tuorum hoc pharmaco indigeat: absit, perpurgasti satis arua tua, euulsisti diligentissime lolia illa, & lappas, & tribulos, & vrticas, & si quid amplius huius senticeti est: sed quod tibi fidem meam in Deum, studium in Ecclesiam, gratitudinem in benemeritos probare cupio. Quib⁹ quā rectē non solum te accenseam, sed inter nobiliora etiam capita constituam, norunt ij, qui nuper oculati tuæ in me reducem comitatis, tuæ liberalitatis & hospitalitatis testes fuerūt. Sine per Deum* *Macedonem* illum PHILIPPVM meminerim, qui cum *Philoni Thebano*, cuius obses *Thebis* hospitio vusus, beneficentiaque cumulatus erat, varia munera mitteret, illeque nullum admitteret: *noli inquit, opinionem inuicti adimere mihi, dum benefaciendo & demerendo te reddar inferior.* Si quid simile à te metuerem, *Ill^{me} Princeps*, simile responsurum darē, nō quod magnitudine tecum contendere velim (qui enim ita insaniam?) sed quod gratitudi-

* *Plutarch.
in Apoph.*

tudine cum beneficijs tuis certare. Vale, tenuemq; ineam opellam non veteranorum lacertis, sed anniculorum tyrunculorum viriculis admetire. Mogunt. 12. Calend. Octob. M.DCIII.

EPISTOLA XVI.

IVLIVS DEI GRATIA EPISCOPUS Wirceburgensis & Franconia: Dux, &c.

IVSTO BARONIO VETERA-
castrensi S.

TVAM aduersus *Hunnum Wittebergensis Pseudolubilai* promulgatorem, concertationem litterariam, rectè accepimus. Peritè & animosè iugulum ipsius petuisti, feliciter eundem confodisti. Idcirco licet ipse defunctus, & longiori vita minimè dignus haud sentiat, sentiunt tamen, quotquot delira ipsius placita sectantur, eumque tanquam fulgentissimam Evangelij & purioris doctrine facem prædicant. Breui opusculo, & paucis vigilijs multa quæ ad Catholicæ Ecclesiæ famam illustrandam, multa quæ ad dogmata fidei confirmanda spectant, egregiè præstitisti, non ut nouitius, sed veteranus & exercitatissimus in castris Catholicorum miles. In confutandis & expugnandis aduersarijs nostris, ut dimicare

* 1. Reg.
15.28.

pergas animo intrepido, non hortamur, cum probè nobis constet, voluntatem ac literaria subsidia * *ad preliandum praelia Domini* haud tibi deesse. Sospitem & incolumem te diu optamus, & paterno amore complectimur. Vale & nos, vti antehac, amare perge. Wirceburgi. 18. Octob. An. M.DCIII.

LIBRI QUARTI EPISTOLARVM FINIS.



IUSTI



IVSTI BARONII
VETERACASTRENSIS
EPISTOLARVM SA-
CRARVM
LIBER V.

EPISTOLA I.

ILL^{mo} ET REV^{mo} D. CÆSARIBA-
ronio Sorano S. R. E. Cardi-
nali

IVSTVS BARONIVS VETE-
racastrensis S.



VANQVAM hoc nouo ver-
tentis anni ingressu, quem no-
bis omnibus faustum felicem-
que esse volo, leti ominis cau-
sa læta potius quàm tristitia aut
funesta scribere cupiebam, Ill^{me} ac Rev^{me}
D^{ne}? tamen cum æterna illa ac mirifica cœ-
lestis prouidentia vis: cuius nutu supera,
infera, media imperuestigabili ordine ro-
tantur, funestare potius quam serenare hu-
ius anni primordia voluerit, nō eligere ma-
teriam scribendi, sed oblatam accipere co-

Y s actus

actus sum. Erat vix recens *Archiepiscopus* hic noster *Moguntinus*, qui instat muri atheni hæreticorum in *Germania* furiosissimis conatibus obfistit, à luctu Ill^{mi} Præsulis sui *D. Wolffgangi*, piissimæ memoriæ, feliciter restauratus: cum ecce tristissimo atque insperatissimo casu, die abhinc octauo, properantibus in vindictam nostram fatis, in eandem calamitosissimam viduitatem suam relabitur, amisso optimo ac fidelissimo pastore suo *D. Iohanne Adamo*: qui febri maligna correptus, vno octiduo decumbens, desperata medicorum opera, sanctissimis Sacramentorum pharmacis instructus constantissima fide Catholica *Aschaffenburgi* in hybernis animam Deo reddidit. Cuius obitum tâto grauius omnes hic merito ferunt, quanto erat ille Princeps ad cōtemnendas hæreticorum minas animosior, ad repurgandas Ecclesias cupidior, ad promouendam Catholicam fidem publicamq; tranquillitatem studiosior. Sed est in tanta iactura hæc vna nobis spes reliqua, Deum Opt. Max. qui nunquam Ecclesiam libidini prædæque hostium planè expositam voluit, placidarum huiusmodi virtutum semina inter Illustres *Capituli Metropolitani* procures nō parca fruge reliquisse, aliudq; nobis germen (quod ita superi bene faxint) proxima Electione, cui 13. Calend. Martij dies

dies statutus est, excitaturum, unde si non maiores, equè saltem magni ac nobiles fructus enascantur. Percrebruit & hic fama de aliorum quorundam in Germania Principum Catholicorum obitu. Sed quia illi tutò adhuc fidere non audeo, à nominibus abstinéo, donec certiora perferantur. Interea tu vale *Ill^{me} Cardinalis*, ac necessitatem tantæ Ecclesiæ, quæ reuera hic ab *Romana* proxima est, precibus Domino Deo iugiter commēda. Mogunt. 17. Cal. Februar. M.DCIV.

EPISTOLA II.

OCTAVIUS PARAVICINVS

S.R.E. Cardinalis

IUSTO BARONIO VETERACASTRENSI S.

MAGNA sanè cum voluptate ex litteris tuis accepimus, quod vir nobilis & egregius *Fridericus Hufmannus* in Catholicorum castra saluus & constans aduenerit. Cuius exemplum faxit diuina bonitas vt multi sequantur. Nos certè speramus, nec virtuti ac zelo tuo hac in parte parum confidimus. Cum N. N. egimus de re tua perammanter, promittit se fore memorem, ac vt eo melius esset, peculiari ac intimo libello quodā suo rem ipsam adnotauit. Ad N. N.
vbi

vbi primum scripserimus, officium non prætermitemus de quo nos admones. Lætatur verò maiorem in modum, quod laus Deo bono & honorifico loco sis, tibi que maiora indies optamus, & precamur. Vale in Domino. Romæ. die XXXI. Ianuar. M. DCIV.

EPISTOLA III.

ILL^{mo} AC REV^{mo} D. OCTAVIO
Paravicino S. R. E. Cardi-
nali

IVSTVS BARONIVS VETE-
racastrensis S.

QVAM mirabili rerum vicissitudine hic aliquādiu rotati simus, Ill^{me} & Rev^{me} D^{ne}: Archiepiscopo vno defuncto, altero electo iterum & inaugurato, nil dubito quin aliunde perceperis. Verum mœrorem, quem alterius mors incusserat, alterius felix auspicataq; electio ita leniuit, vt quamuis dolenda illa maximè iactura, hac tamen tam larga compensatione leuius ferenda videatur. Renunciavit nobis 13. Calend. Martij dies Archiepiscopum & Electorem Moguntinum, magnum illud Capituli nostri fidus, D. Iohann. Schmeicardum à Cronberg, Decanum: cuius honore ac Principatu

cipatuita nunc læta est vniuersa Moguntia,
 imò vniuersa Moguntina diœcesis, vt gra-
 tulationibus ac iubilis omnes vici, omnia
 compita resonent. Nam quemadmodum
Traiano ad Imperiũ euecto * *C. Plinius ex-* * *In Pare*
 clamat: *Non vnus Nerva iudicium illud, il-* *gyr. Tra-*
la electio fuit, sed qui ubiq; sunt homines, hoc *ian. dictio.*
idem votis expetebant, ille tantum iure Prin-
cipis occupauit, primusq; fecit, quod omnes fa-
cturi erant: id ipsum nos de hoc nostro Ele-
 cto, atq; Electoribus eius Capituli Proceri-
 b⁹ asseuerare possum⁹: nō vnus cleri, vni-
 us Capituli iudiciũ illud, illā electionē fuis-
 se: sed oēs quotquot vbiq; tā amplis huius
 prouinciæ finibus continentur homines,
 hoc idem votis omnibus expetiuisse, hunc
 ipsum animis suis iam dudum tam Sacræ
 Sedi destinasse & consecrasse. *Neq; enim*
tantopere cunctis factum placeret (inquit ibi-
 dem Plinius) *nisi placuisset antequam fie-*
ret. Meus verò quis in hac liberalissimi
 Mœcenatis amplissima fortuna animus sit,
Ill^{me} Cardinalis, verbis consequi non pos-
 sum. Vnum dicam, incedo omnibus lætiti-
 is, neque id ideò tantum, quod digna ran-
 dem vigilantissimo Præfuli merces respon-
 derit: verum multo magis, quod eum mihi
 nactus Principem videor, cuius auspicijs
 deinceps paulo suauiores ad Ecclesiam re-
 deuntibus viæ patefiant, quique tam vari-
 orum

orum impedimentorum sentes humaniori aliquantum falce auerruncet.

De rebus meis gaudeo memorem fore optimum Mœcenatem. De *Friderico Hufmanno*, scribet ipse breui ad vos, totamque rerum suarum seriem quasi in tabula depinger. Interea tu vale *Ill^{me} D^{ne}* meq; nominis tui obseruantissimum tuo Patrocinio nunquam destitue. Mogunt. Prid. Calend. Martij. M.DCIV.

EPISTOLA IV.

IVSTVS BARONIVS VETERACASTRENSIS

FRIDERICO HUSMANNO A
Namedei, Nobill^{mo} Viro
S.P.D.

ALIVANTVM mœroris, sed plus gaudij mihi attulerūt litteræ tuæ, *Nobilissime Friderice*. Mœrorē incussit iniquissima illa quorundam hominum aduersus caput tuum machinatio, nulla vel minima iustitia aut iustitiæ specie suffulta, sed omni ex parte liuore, odio atq; insatiabili vindictæ cupiditate redundans: vt quid magis doleam, crassissimam hominum cæcitatem, an astutissimam malitiam, planè mecum non discernam. Cæci as est, aduersus innocentissimum virum consurgere, atque eius famam lace-

lacerare, animum criminari, salutem conculcare. Malitia, æquissimas defensiones respuere; responsa cauillari, falsissima crimina comminisci, atque identidem in capite condemnationis collocare. Sed quid agas? hæreticorum priscus iste mos, vt nulla in re sibi magis satagendum, magis vigilandum actumultuandum censeant, quam in persecutione eorum, qui abiectis magistrorum suorum nugis vni constanti Catholice Ecclesie magisterio se subijciunt, atque è dispersione ad domum paternam *S. Petri* redeunt. Sic Iudæi *S. Paulum*, Manichæi *S. Augustinum*, Pelagiani *Leporium*, Lutherani *Staphylum*, *Wicelinum*, *Pistorium*, aliosq; quam plurimos sectæ suæ prudentissimos desertores tractarunt, vt nos qui recentiorum vestigijs insistim⁹, meliorem nobis optare fortunam nec debeamus, nec possimus. Sapienter itaq; tu quidem (quod magna vicissim me voluptate perfudit) furibundos hominum conatus & patientia toleras, & prudentia declinas. Sic enim ex præcepto Domini^a *animi nobis in patientia possidendi*,^b *serpentina prudentia induenda*,^c persecutiones in magna felicitatis parte ponendæ, ac deniq; gratiæ agendæ Deo, qui in præteritorum delictorum vindictam momentaneas seculi huius perpeffiones imponere nobis dignatur, quas^d *S. Paulus*,

^a *Luc. 21. 19*

^b *Matth. 10.*

^c *16.*

^d *Matth. 5.*

10.

Act. 5. 41.

d Rom. 8. 18.

nullo

nullo modo condignas esse ait gloria venturi-
ui, quæ reuelabitur in nobis. Sed nolo nunc
latissimum hunc consolandi campum in-
gredi, qui te ipsum satis ad tam bruta hosti-
um tela perferenda & superanda animatum
esse video. Ad litteras potius tuas redeo,
quibus quod in ipso statim vestibulo tan-
tam amoris vim & copiam profundis, ut nō
in numero tantum, sed capite quoq; vero-
rum amicorum me vnum collocandum
censeas, agnosco equidem magnæ cuiusdā
tuæ in me benevolentia documentum, sed
cui ego vix ex voto respondere queā. Etsi
enim in amore tui & cultu nemini eorum
concedam, quibus te amicissimum nosti,
tamen profecto isto, quo me dignaris loco,
non solum me indignum, verum etiam im-
parem esse profiteor. Quid enim penes me
est, ex quo nobilissimo & amplissimo viro
dignum aliquod commodum emolument-
umue prouenire queat? Sanè litteras ad
Ill^{mos} Cardinales libens volensque scripsi,
quisq; eorum animus erga te & omnes no-
stri ordinis sit, verbis eorūdem intelligere
te volui. Sed quod inde expectandum sub-
sidium, eorum fuit, non meum. Nuncius e-
go solum atque interpret necessitatis tuæ:
qui si huiusmodi officio fructum aliquem
videar rebus tuis allaturus, velim iubeas
non roges, mandes non obsecres. Suadeam
verò

verò ipse primo quoq; tempore ad urbem scribas, collaudataque summorum in te principum voluntate, si qua in re tibi vsui esse posse existimes, libere ab eis petas. Nō denegabunt tibi officium suum: ita ardent conuicti forū amore, ita in eis ornandis nunquam sibi satisfacere queunt.

De ceteris rebus scribam breui certiora. De præfenti studioso, quem mihi commēdas, dignum eum iudico bonorum virorū gratia & fauore. Sed certè hic nullus iuuant di eius locus. Intelligo potius apud te gratiosum esse cupere. Cui si quid mea commendatio afferre adiumenti potest, en de manu in manum tibi eum trado, vtq; cum omnibus rebus iuues atq; ornes, oro. Proselytus & ipse est, purus ex impuro, Catholicus ex hæretico, quæ illi pietas merito decori adiumentoque esse debet. Vale *Nobilis*

Vir, teq; serio à me amari atq; coli scito. Mogunt. 6. Idus Febru-

ar. M. DCIV.

Z

Epi-

EPISTOLA V.

ILL^{mo} ET REV^{mo} PRINCIPI
D. Iohan. Schuicardo, Electo Arch^{po}
Et Electori Mogunti-
no &c.

*IVSTVS BARONIVS VETERA-
castrensis S. P. D.*

Ill^{me} & Reu^{me} Princeps, D^{ne}
Clementiss^e.

ID nempe ominabar, id precabar, ac votis
omnibus desideriiisque expetebam, cum
nuper grauissimo viduitatis vulnere hanc
Archiepiscopalem Ecclesiam perculsam
viderem, vt tu, qui haftenus beneficentis-
simi erga me Patroni ac Mæcenatis, imo
Dei, vt ita dicam, ac Patris munus longè cu-
mulatissime expleueras, deinceps mutato
nomine, ac demessa meritorum tuorum se-
mente, Clementissimus mihi Princeps,
Reuerendissimus Elector & Archiepisco-
pus S. Sedis *Moguntinae*, quæ non minus
post Apostolicam, quàm post imperatori-
am in Germania prima est, renunciarere &
inaugurarere. Quod animi mei augurium
ac votum tam felici nuperrimæ Electionis
successu comprobatum fuisse, toto pectore
lætor & gaudeo, aded quidem, vt si me ex-
ultare potius ac tripudiare dixerò, non so-
lum

lum non mentiar, verum etiam minus dixero. Auger siquidem hanc mentis meae lætitiā mirum in modum, reliqui totius cleri ac populi suffragium: quos inter nemo est, honestioris saltē nominis aut famæ, quin huic Insulæ tuæ aperra etiā voce gratuletur, ac Iubilo quodam sonoro applaudit, non humanis consiliis, sed cœlesti numine Principem sibi optimum ac desideratissimum contigisse protestans. Romana vero curia atque Imperatoria aula quibus lætitiis hanc sceptrorum tuorum famam complexuræ sint, intelligere quidem mihi videor, at dicere superuacaneum iudico. Ita enim iam pridem eximiæ tuæ virtutes magnarum rerum administratione dignissimæ, passim vniuersi Imperii Ecclesiæque Proceribus innotuere, ut quem magis ad præsentēs rerum motus sedandos, salutaremque ad portum sapientibus consiliis dirigendos, huic excelsæ speculæ præfectum velint, inuenturi sint neminem. Quamobrem nos, nisi in diuos cælitē ingrati esse velimus, Omnipotenti Deo ante omnia maximas agere gratias debemus, qui Ecclesiæ suæ tam difficili tempore de tam optato faustoque pastore prouiderit. Postea tibi ex animo gratulari, qui nulla ambitione concordibus votis, vno pietatis virtutisq; tuæ merito in eum locum euectus es, vbi

amplissimam habiturus sis facultatem, & diuinæ gloriæ Catholicæq; Ecclesiæ quàm maxime augendæ atq; amplificandæ: & hæreseon impietatisque longè lateq; propulsandæ & extirpandæ: & animarum fallacibus hamis inescatarum liberandarum lucrifaciendarumque: denique de maximis humani generis vtilitatib. quàm largissimè ac prolixissime promerendi. Quam ego actionem cum propriam istius Cathedræ, tum in primis gloriosæ & iucundæ vitæ effectricem iudicō. Vt non aliena à proposito

a Plin. Secund. in Panegy. Traiano dicto.

nostro illa ^a Plinii Panegyris futura sit, cum Traiano ad Imperium euecto inter cætera sic gratulatur. *Extemplo ut quisquis factus est Princeps fama eius; incertū bona an mala, ceterū aterna est. Non ergo perpetua Principi fama, quæ in vitium maneat, sed bona concupiscenda est. Ea porro non imaginibus & statuis, sed virtute ac meritis prorogatur. Quin etiam leniora hæc formam Principis figuramq;, non aurum melius vel argentum, quam fauor hominum exprimat teneatq;, quod quidem prolixè tibi cumulateq; contingit, cuius latissima facies & amabilis vultus in omnium civium ore, oculis, animo sedet. Sed forte libentius Episcopus Episcopum de Principatus bonis veraque gloria differentem audias. Audi igitur non Episcoporum tantum, sed & doctorum Ecclesiæ maximū, AYGUSTINVM. ^b*

b Lib. 5. de Civitate Dei. c. 24.

Nos

Nos inquit Christianos quondam Imperatores (intellige pariter & suo modulo cæteros gubernationi Ecclesiæ vel Reipub præfectos Pontifices, Patriarchas, Episcopos &c.) nequaquam ideo felices dicimus, quia vel diutius imperarunt, vel imperantes filios morte placida reliquerant, vel hostes Reipub. domuerunt, vel inimicos ciues contra se insurgentes & cauere & opprimere potuerunt. Hac enim & alia huiusmodi arumiose vitæ vel munera vel solatia, quidam etiam cultores demoniorum accipere meruerunt, qui non pertinent ad regnum Dei, quo pertinent isti. Et hoc de misericordia scilicet factum est, ne ab eis, qui in eum crediderunt, hac tanquam summa bona desiderentur. Sed felices eos dicimus, si iusta imperant, si inter linguas se sublimiter honoratum & nimis honorabiliter salutantem, & sibi nimis humiliter obsequium non extollatur: si se homines esse meminerint: si potestatem suam ad Dei cultum dilatandum maiestatiq; eius famulari faciunt: si Deum timet, diligant, & colunt: si plus amant regnum illud, ubi non timet habere consortes: si tardius vindicant, facile ignoscunt: si eandem vindictam pro necessitate regende tuendæq; Reipub. non pro saturandis inimicitiarum odiis exercent: si eandem veritatem non ad Impunitatem iniquitatum, sed ad spem correctionis indulgent: si quod asperè coguntur plerunque decernere, misericordie leni-

nita-

nitate & beneficiorum largitate compensant: si luxuria in eis tanto castigatior, quanto potest esse liberior. Et si hac omnia faciant non propter favorem inanis gloriæ, sed propter charitatem felicitatis aternæ: si propter peccata sua humilitatis, & miserationis, & orationis sacrificium Deo vero immolare non negligunt. Tales Christianos Imperatores & Principes dicimus esse felices interim spe, donec ipsa futuros, cum id quod expectamus aduenerit. Hæc S. Augustinus: cuius ego verba non Parænesin tibi, Princeps Ill^{me} sed mihi & aliis speculum virtutum tuarum proponere volui: qui te hac regula non vivere & Imperare debere, sed hætenus in tua Prælatura constanter admirantibus omnib⁹ vixisse, ac deinceps in hoc longè eminentissimo folio cōstantius admirabiliusq; victurum & imperaturum firmiter confidimus & spondemus: eoque nomine longè impensius etiam non nobis solum verum vniuerso quoque Archiepiscopatui Moguntino gratulamur. Si enim

c. Sap. 6. 28.
d. Lib. 15. ad
Quint.
Frat. Epi. 1.
e. Lib. 1. de
Consolat.
Philosoph.
Prof. 4.

verum est, quod Salomon ait: *Verè Rex sapiens, populi stabilimentum est*: si vera Platonis sententia, tantoperè à^d Cicerone ac^c Boetio celebrata: tum deniq; beatas fore Respub. si aut docti & sapientes homines eas regere cœpissent, aut qui regerent, omne suum studium in doctrina ac sapientia collocassent: quis neget tuo longè religiosissimi ac sapientissimi

Prin-

Principis Imperio longè maxima felicitate omnes hosce populos *Electores* à Deo affectos dotatosque esse? Qui providentissimus Deus clementer etià faxit, auspicato fidere hosce fasces tuos capefferis, & fama rebusque gestis omnes maiores tuos non æques solum, sed & superes. Quod ut preces pro te nostræ quotidie allaborent, enixè studebimus. Tu de nobis firmam hanc sententiam menti tuæ insculpto, quo hæc tē^o Sacramento ILL^{mo} Antecessori tuo adstricti fuimus, eodem etiam tibi & ætiori adstrictos fore, quasque commendatas gerimus *Spartas*, pari cura ornatuuros: quin nihil unquā ad Celsissimi nominis tui dignitatem, ad gloriæ tuæ immortalitatem, atq; omnis iustæ voluntatis, qualis tuæ semper est, obsequium intermissuros. Vale. Mogunt. Prid. Calend. Mart. M.DCIV.

EPISTOLA VI.

IUSTVS BARONIVS VETERACASTRENSIS

VALENTINO LEVCHTIO, DOCTORI Theologo, Canonico Francofurtensi &c.

S.P.

HEU tu quid narras? Gallum illum nostrum tam prouectæ ætatis virum, tam

Z 4

matu-

42. Pet. 2.
32.

maturæ prudentiæ & doctrinæ, adeò fœdè ac turpiter lapsum, imò ad pristinum voluntabrum relapsum, atque ^a *instar canis vomitum resorbuisse?* Quis nostrum vnquam tantam in homine leuitatem post tam variarum tribulationum ignes suspicatus fuisset? Ego certè nunquam nisi optima quæque; nec quisquam credo hic nostrum aliter. At hoc exemplum coarguit simplicitatem nostram, crucemq; figit omnibus conuersis, ne quisquam deinceps vlla vel ope vel opera eos sit securè coadiuturus, ô rem turpissimam! Sed quæ causa homini ad tam immane scelus? Desperatio, quod nusquam videret se stabilem aut fixam sedem inuenire posse. Dolendum certè hoc, neque excusanda negligentia eorum, qui quæ possunt, huic hominum generi non præstant. Sed numquid hæc sufficiens tam fædæ Apostasiæ causa? Quid si vel vitam pro fide Catholica profundere debuisset? quales Martyres multos habet Gallia, multos Anglia, multos Belgium, & fortè etiam hæc Germania nostra: qui quia norunt, ^b *incomparabiliter pulchriorem esse veritatem Catholicorum, quam Helenam Græcorum, pro ista fortius aduersus hanc Sodomam, quam pro illa mille heroes aduersus Troiam dimicauerunt.* At hic confessor nimium, mollis tenerq;, non sâguine, nō morte, sed vna nuditate, vna fame ad

b August.
Epist. 9. ad
Hieron.

me ad tam luctuosum fanae sempiternaeque salutis suae iacturam se adigi patitur. ô stultitiam ineluctabilem? quis mihi dabit ^{c August.} *lin-* ^{Epist 39 ad} *guam auream & cor ferreum, quibus ego non* ^{Licent. quæ} *carminibus sed lamentationibus sufficiam plā-* ^{aliis 41.} *gere extremam hominis miseriam! Quid enim cōscientia eius? tacet aut reclamat? Reclamare certissimum est, si vna vnquā gutta purioris fidei imbuta fuit. At nunc mole vanissimorum præmiorum, aut saxis magnificarum pollicitationum premitur, tandem tamen insurrectura, & tyrannum suum ad acerbissimam vindictam abreptura. Rectè enim Pythagoras ille Samius. Κακὰ μείζω πάσχει διὰ τῆ συνειδότῳ ὁ ἀδίκων βασιλεύς, ἢ ὁ τῷ σώματι καὶ ταῖς πλεγαῖς μαστιγῆται. Vir iniquus & affluctus conscientia, plus mali patitur, quam ille, qui in corpore castigatur, & flagris caditur. Ego interim nihil ad hominem, nec Patres nostri, qui rectè iudicant, omnia in ista ^{d Matth.} *arundine consolidanda frustra fore. Misereatur eius Præpotens Deus, & si veniæ locus, in viam reducat: sin minus, misereatur aliorum, quos hoc offendiculum non leuiter, vt metuo, percelleret, nec parum à salutari viæ curriculo absterrebit. Mitto tibi binas ex vrbe à D. Iosepho nostro, cuius exemplum & mira religio magnopere hunc cō-*
solari*

d Matth.
11. 7.

o August.

Epist. 39. ad

Leont. qua

stias 41.

solari luctum nostrum potest. Utinam utinam simili zelo omnes conuersi propositum suum persequerentur. Iste enim est *Paulinus* noster, ad quem ut *Augustinus* *Leontium*, ita nos leuiculos istos transfugas amandare possumus. *Vade* inquit in *Campaniam*, disc *Paulinum* egregium & sanctum Dei seruum, quam grandem fastum huius seculi, tanto generosiore, quanto humilioris ceruice incunctanter excusserit, ut eam subderet *Christi iugo*, sicut subdidit, & nunc illo moderatore uineris sui quietus & modestus exultat. De libris à *Sublindio* nostro nihil dum vidi, nec audiui. Hærent vsquam aut perierunt. Electum nouum *Archiepiscopum Moguntinum*, certe optatum ac tanto folio dignum Principem, tibi mihiq; gratulor. Faxit Deus pedo eius diu salubriterque pascamur. Vale. Mogunt. Prid. Non Martii. M. DCIV.

EPISTOLA VII.

OCTAVIVS PARAVICINVS

S. R. E. Cardinalis

IVSTO BARONIO VETERA-

castrensi S.

Magnifice & Clarissime Domine.

TETIGERAT VOS sanè manus Domini, in obitu pijsissimi Præsulis vestri *Moguntini*

zini, sed mox pro summa clementia sua sanauit, dato altero pari virtute præclaro, ita ut eum plane ad cœlestem gloriam euocatum, non ereptum nobis dicere debeamus. Ego vero ob electionem optimam ac optatissimam eo etiam nomine non mediocriter sum lætatus, tum tua causa, tum aliorum ad Ecclesiam redeuntium. Nam parentem ac patronum qualem voluistis, nacti estis. De *Husmanno* quæ scripsisti pergrata, & speramus meliora indices. Cum N. N. de re tua egi, sumusque ambo in hoc intenti, ut æquissimo desiderio tuo satisfiat. Dedit mihi *Ill^{mus} Baronius* libellum à te missum, cui non est cur plura modo, sed felicia quęcunque precor finem faciens. Romæ die 27. Martij M.DCIV.

EPISTOLA VIII.

IVSTVS BARONIVS VETERA-
castrensis N. N. Sanam & constan-
tem mentem.

ACCPEI nuper tuas quasdam, amicas satis, sed *sine die* quod aiunt & *consule*. Quod quo consilio feceris, nondum conijcio. Si festinatione, bene est, ego idem mihi interdum accidisse memini. Sed interea haud dubijs sermonibus percepi, te nescio quid remoræ & tentationum in fidei cur-
culo

culo sustinuisse. Quod eo facilius credidit
quia & huiusmodi aliquid litteræ tuæ, si
verborum tamen inuolucro innuebant. I
si est, doleo, & quanquam medicus parum
nobilis sum, præsens tamen vulneri tuo
quam absens medicinam afferre malo. No
equidem puto vllum tibi doctrinæ Catho
licæ caput suspectum esse posse, qui ipse va
ria vetustatis lectione percepisti, quàm fir
mo consensu vniuersa antiqua Ecclesia pe
X V. ordine secula Catholicæ nobis fide
societate cohæreat: quanto odio omnes a
Romana S. Petri, tanquam noui Aaronis sed
diuaticantes persecuta sit: quantis laudib
S. Irenæus, Cyprianus, Ambrosius, Augusti
nus, Hieronymus, Chrysostomus, Basilus, Gre
gorius, &c. Pontificem Max. tanquam cer
tissimam in omni hæreseon tempestate au
choram extulerint, probarint, commenda
rint: adeò vt^a S. Cyprianus vno hoc com
pèdio artificiosissimè ac felicissimè omne
controuersias dirimi posse statuat: vt quid
quid successorum S. Petri voce damnetur
diuino oraculo damnatum statui debeat
quidquid eorundem suffragio comprobe
tur, de Christi ipsius mente profectum cre
di oporteat. Respiciens scilicet S. Martyr a
ea, quæ in^b Deuteronomio Moyses, in^c Ma
lachia Propheta: in^d Mattheo Christus: i
priori ad Timotheum Apostolus grauissi
mè sanctissimeque scripta reliquerunt.

a Lib. de &
nitate Ec-
cles. cap. 3.

b Deut. 17.

8. 9.

c Malach. 2.

7.

d Matth. 18

17.

e 1. Tim. 3.

12 13.

Iam morum aliquod si offendiculū passus es, cogita^f *Iliacos in tra muros peccari* & *f Horat l. 6. extra: cogita & nostrates homines esse*, à *1. Epist. 2. ad Loll.* quibus^g *nil humani alienum putandum sit.* *g Terent.* Quid enim Christus? *h Supra Cathedram Heantoni.* Moysi inquit, *sed erunt Scribæ & Pharisei.* *b Matth. 23* omnia ergo quęcumq; dixerint vobis, servate^{2.} & facite, secundum opera verò eorum nolite facere. Dicunt enim & non faciunt. Denique cogita, si quis accurata velit utrosque trutinā pensitare, duplo triploque melius apud nos viui, quam apud *Caluianos* istos aut *Lutheranos Libertinos*, qui quod in nobis damnant, ipsi liberius perpetrant, sine ieiunijs, sine eleemosynis, sine orationibus, sine castitate & voluntaria paupertate licentiosissimè viuētes, haud secus ac si *1. Isai. 28. 15.* *Cū morte fœdus percussissent, & cum inferno pactum.* Extra hæc siquid sit, quod te offendat, ego quidem cognoscere ex te aueo, coniectare vero nullo modo possū. Scribe ad nos, veni ad nos, consule nos, non ita inopes rationum Theologos nostros inuenies, quin scrupulos tibi tuos leniter contusuri, & tuę tranquillęque conscientię oleum infusuri sint. Si tu quid reclamantis animi gestasti, quæso te cur non emollisti ante? Cur non medicis animę tuę aperuisti, ut in tempore vomicam tuā secarent, linirent, sanarent? Nunc posteaquam te sanum exhibuisti,

isti, sanus Ecclesiæ limina intrauisti, turpiter resilis, & non vsque quaque benè tibi esse quiritaris. ô si tu cogitares, quantæ hic infamiæ notam, quanti periculi aleam incurres, qui matrem tui conuersione exultantem mœrore iterum percutis, animulam Christo oblatam Diabolo post!iminio reddis, fratres sensim bono exemplo tuo euigilantes, raptim malo exemplo tuo in Lethargum calamitosissimum reuocas, tibi deniq; ipsi secunde pœnitentiæ fores occludis: heu heu quâ tui te facti pœniteret, quâ tæderet, quam puderet! Reuoca per Deum animum, calca Diabolum, subige tentationes, magno Ecclesiæ pharmaco, quam *Catholicam* te credere, non *Calunianam*, non *Lutheranam*, Symbolum Apostolicum docuit: aut si hæc medela infirmior, robur adde ex præclarissimis *S. Augustini*, *Cypriani*, *Tertulliani* tractatibus, *Præscriptionibus* meis inseris. Quos ubi attentè diligenterque legeris, iuro tibi, nisi cæcus fataliter esse velis, haud vnum diem *Calunianum* istum funem trahere poteris.

Obijciunt quædam isti, ad quæ tu non satis tibi videris respondere? Quid tum? Tu ne putas quosuis nostrum qualuis istorum strophas soluere posse? Vix olim, vix hodie plebs Christianorum omnes *Philosophorum*, *Arianorum* aculeos retundere potest: non aliquo

aliquo istorum robore, sed sua infirmitate, aut parum exercitato ingenio. Sicut ^k *In pugna pugilum & gladiatorum plerunque non quia fortis est, vincit quis, aut quia non potest vinci: sed quoniam ille qui victus est, nullis viribus fuit. Adeo: dem ille victor bene valenti postea comparatus, etiam superatus recedit. Non aliter hereses de quorundam infirmitatibus habent, quod valent, nihil valentes, si in bene ualentem fidem incurrant. Ac tales quidem valentes homines, tales sublimioris eruditionis & spiritus viri nequaquam nobis desunt, qui omnes istorum, quas tu a heneas putas demonstrationes, haud secus ac telas araneorum distillando quasi dissipare, concerpere, & in cineres pulveresque, cominuere possunt. Fac periculum mihi. mitte aliquod huiusmodi ferreum tuorum argumentum: nisi Theologi id nostri tuo ipsi iudicio solide viriliterque confecerint, ego permitto ut quocunque te impetus rapuerit, libere eas. Aliud est, Theologiae limina quotidie terere, aliud de mense vel anno semel è longinquo fores eius salutare: alij S. Thoma nerui, alij Locorum Musculi aut Philippi stipulae sunt. Quid multa? Vnum tu forte argumentum attulisti, in quo dissoluendo quia tardiores fuere nostri, de ceteris etiam diffusus es. Argumentum id sumptum fuit è loco Promotionis. Nonne si verum*

*k Tertull.
de Praesc.
cap. 2.*

rum

11. *Cor. 10. 12**in Apoc. 3.*
11.

rum fateri vis, ac rem tetigi. At tu parum fortis miles es, qui hoc bacillo cecidisti. Primum pro studiorum tuorum ratione, non ita possunt semper nostri, ut volunt. Deinde si possint, putas ne quandoq; non magna in hominibus promouendis cautione opus esse, quorum multi ¹ cum videntur stare, cadunt, multi cum videntur progredi, resiliunt. Tandem nec de te omnium dierum sol occiderat. Tene tantum stationem, quam accepisti, redi, ^m ne alius accipiat coronam tuam. Ni redieris, maculam leuitatis & perfidia nemini inures turpiorem, quam tibi & liberis tuis, quibus nusquam nec Catholici nec haeretici plenam adhibebunt fidem. Quod ne tibi malum eueniat, Deum trinum & omnes Sanctos oro: quos Catholica etiam Ecclesia propitios fore, gloriamq; eius & amplitudinem ad latiores semper fines propagaturos scio, si vel tu maximè ad antiquum, quod haud spero, ingenium sis redditurus. Vale mi N. & vehementiae affecti animi ignosce, qui ubi dolet, tibi dolet, ubi exultat, tibi exultat. Vale iterum. Mougunt. 3. Calend. Maij.

M. DCIV.

EPI-

EPISTOLA IX.

ILL^{mo} ET REV^{mo} D. PHILIPPO
Electo Episcopo Wormati-
ensi

IUSTVS BARONIVS VETERA-
castrensis S.

SI tam libenter à te susceptus est Episco-
patus Wormatiensis, Ill^{me} & Rev^{me}
Princeps, quam libenter eundem ego tibi
collatum audiui, sanè in magnum vtrique
gaudium concurrimus. Est enim ea digni-
tas tanta, vt D. Ambrosius alicubi exclamet:

^a Nihil in hoc seculo excellentius sacerdotibus, ^{a S. Ambr.}
nihil sublimius Episcopis reperiri posse. Et pau- ^{in Pastoral.}
lò ante. ^b Honor inquit, & sublimitas Episco- ^{b Ibidem}

palis nullis poterit comparationibus adequa-
ri. Si Regum fulgori compares, & Principum
diademati, longè erit inferius, quàm si plumbi
metallum ad auri fulgorem compares. Quippe
cum videas Regum colla & Principum, sub-
mitti genibus sacerdotum, & deosculata eorum
dextra orationibus eorum se credant cõuni-
ri. Sed & Apostolus huic Excellentiae satis
luculentum præbet testimonium, cum ait:

^c Episcopatum qui desiderat, bonum opus desi- ^{c 1. Tim. 3. 1.}
derat. Opus ^d (inquit D. Hieronymus) non ^{d In eundē}
dignitatem, laborem nō delicias, opus per quod ^{Pauli locū.}

A a humi-

humilitate decreſcat, non ſaſtigio intumeſcat. Sed quàm longe ego te ab huiusmodi typho alienum noui Ill^{me} D^{nc} tam dignum iam diu arbitratus ſum, qui & priuatis tuorum in me beneficiorum meritis, & publicis virtutum in omnes præſtantiffimarum ſuffragijs aſtipulantibus, ab excelsa ſupremæ prælaturæ Sede, ad celliffimam ſupremæ gubernationis Eccleſiaſticae ſpeculam, inter marmoreas diuinæ domus columnas, & ſereniſſimos *Romani Imperij* Principes eueherere & connumerarere. Vbi ſcilicet & digno honore coruſcates, & ampliorem pietatis ſapientiæq; tuæ in rebus longè maximis exercendæ copiam obtineres. Quam voti mei ſummam ita feliciter nuper in te adimpleram fuiſſe, & gaudeo ex animo, & tibi toto pectore gratulor: ne tibi ſolum, ſed & ouibus tuis, & afflictiſſimæ Eccleſiæ Wormatiensi, quæ ut *lilium inter ſpinas* modo hac, modo illac compuncta & lacerata, dudum tui ſimilem Principem deſiderauit, qui & ſpinetis huiusmodi aculeos deſringere, & lilij ſuis lætam pietatis auram ſuſflare poſſet, non exemplis minus vber, quàm præſidio firmus, & doctrina fecundus: quam ego potiſſimam huius Præſulatus laudem puto. Nam ^f ſicut Senatorem *chlamys ornat*, ſicut agricultura *ruſticum*, ſicut barbarum *arma*, ſicut nautam *navigationis peritia*, & ſin-

o *ſent.* 2. 2.

f *Anthroſ.*
in *Paſſoral.*

Et singulos quosque opifices operis sui qualitas, ipsos demonstrat auctores: si Episcopum non aliter nisi Episcopatus operatio designat, ut ex bono opere magis quam professione noscatur plus meritis esse Episcopum, quam quod nomine vocitetur. Alioqui^s Ecclesie Principes, qui in delicijs affluunt, & inter epulas atq; lascivias pudicitiam servare se credunt, propheticus sermo describit,^h quod eyciendi sint de spatio sis domibus, laurisq; conuiuijs, & multo labore epulis conquisitis, & eyciendi propter malas cogitationes, & opera sua. Et si vis scire, quo eyciendi sunt, Evangelium lege: ¹ in tenebras scilicet exteriores, ubi erit fletus & stridor dentium. An non confusio & ignominia est, Iesum Crucifixum, magistrum pauperum, atq; esuriientem, factis predicare corporibus? ieiuniorumq; doctrinam rubentes buccas, tumentiaq; ora proferre? Si in Apostolorum loco sumus, non solum sermonem eorum imitemur, sed conversationem quoque, & abstinentiam amplectamur. Hæc ego tanto fidentius ad te, Ill^{me} & Ru^{me} Princeps, quanto sanctioribus te moribus vitam tuam ad hæc regulam componere scio. Dominus Iesus te Sacro Apostolorum collegio ascriptum, indies magis magisque sapientia adaugeat; valetudine corroboret, successu firmet, omni denique spiritus munimine cingat, quo cõceptæ de te spei cumulatissime respondeas, atq; Ec-

g S. Hieron.
in ca. 2. Michea.
C. Ecclesia
dist 35.
h Michea.
2. 1. 2.

1. Matih. 22
13.

clesiæ Catholicæ statum florentiorem, exulatum calamitatem tolerabiliorem, famam tuam plurimis seculis diuturniorem efficias. Vale. Mogun. 16. Cal. Iunij. M. DCIV.

EPISTOLA X.

IUSTVS BARONIVS VETER-
racaſtrenſis A.S.E.H. S.P.D.

PLVRIMVM affecit *Patres* nostros tua in scribendo humanitas, gratumq; magis ipsis quàm molestum fuit, suum abs te in hoc præsertim officiorum genere desiderari studium. Optant vnicè, crebrius scribas, haustisque acidulis, quas saluberrimas tibi mecum precantur, præsens colloquare: humanissimo præsertim ac doctissimo illi *Mulhusino*, cuius genium delibasti iam olim, gustares plenius, si anchoram hicaliquandiu tuam figeres. Sed video pulsum remorum tuorum: ah non satis felicem Esto: non præternavigabis tamen, quin illa *κατάπρατα & περιψήματα* atque vngues vlcerum vestrorum cominus salures, & leui velitati uncula periclitere. Erit hoc illis longe iucundissimum, tibi vero utilissimum: quem virum doctum & prudentem imperitis nugis tamdiu adhærescere, non pauci mirantur, plures dolent. Sed quis no-
uit,

uit, ^a *qua hora Patrifamiliās nouos vinea ſua a Matth. 20.*
operarios aduocare libeat. Sunt intra Eccleſi- 6.
 am fortes milites: ſunt extra Eccleſiam for-
 tes perduelles, ne nimis cito depugnatum
 fidei prælium torpidum reddat orbem, at-
 que induſtriæ conſtantiæque laudem adi-
 mat probatis: quos quo ſine hic vel cami-
 nus vel Mars inteſtinus exerceat, Apoſto-
 lus, docuit, cum ait: ^b *oportet hæreſes eſſe, ut b1. Cor. 11.*
qui probati ſunt, maniſeſti ſiant. Ego te mi N. 12.
 cum priſtinis amicis, Præceptoribus & di-
 ſcipulis meis tam longè ab hæreſi abeſſe
 cupio, quàm longè abeſt ^c *Felix illa Roma- cTertull. de*
na Eccleſia, d ad quam perfidia non poteſt ha- Præſc. c. 36.
bere acceſſum. e Huic Eccleſiæ etſi maximè ho d Cyp. E-
 diè Rainoldus veſter, Pareus, Polanus, &c. piſt. 45.
 more maiorum ſuorum hæretico ſucco eL. o Magn.
 ſuffartorum Principatum exiſtimant dene- Epist. ad E-
 gandum, illius tamen nullo modo poterunt mi- piſc. Vien-
 nuere dignitatem, ſed inflati ſpiritu ſuperbiæ nens. pro-
 ſemetipſos (ni à mente deſciſcant) in inferna uinc.
 demergent. Authores non nomino, noſti i-
 pſe, ſi Tertullianum, Cyprianum, Leonem,
 Magnum noſti. Nec plura addo, ne qui ſa-
 lutare inſtitui, diſputare videar. Tu Vale, &
 nos amantes tui pari affectu comple-
 ctere. Mogunt. 12. Calend. Iulij.

M.DCIV.

EPLSTOLA XI.

ILLVSTRI ET REVERENDO

D^{no} Georgio Friderico à Greiffenclaw,Metropol^e Eccl^æ Mog^æ Præ-
posito, &c.IVSTVS BARONIVS VETE
racastrensis S.P.D.a Plutarch.
in Apoph.b Seneca lib.
de benefio.c Seneca l.
bidem.

ACCEPI munus tuum, liberale herclè & magnificum, meaque prope persona sublimius. Sed vobis scilicet magnis viris præ oculis *Magnus* ille *Alexander*,^a qui amicorum cuidam *Perillo* dotem filiabus petenti, L. talenta obtulit. Cumque is sufficere X. diceret, *Tibi* inquit, accipere tantum satis est, *mihi dare non item*. Perinde atq; alteri^b ciuitatem donans, cum is non conuenire humili fortunæ suæ ciuitatem responderet: *non quero* inquit, *quid oporteat te accipere, sed quid deceat me dare*. Multo rectius equidem & regia magnificentia sua dignius, quàm^c *Antigonus* ille, à quo cum *Cynicus* peteret talentum, respondit, plus esse quàm *Cynicum* deceret petere: iterum repulsus cum peteret denarium, respondit minus esse, quàm quod regem deceret dare; turpissima (inquit *Seneca*) cauillatione, qua inuenit quomodo neu^{rum} daret. In talento *Cynicum*, in denario regem respexit. Cum posset & denarium

rium Cynico dare, & talentum tanquam rex.
 Sed ad te redeo *Illustis & Ren^{de} D^{ne}*, cuius
 tanto clarius erga me liberalitas emicuit,
 quanto minus à me vel verbis rogata, vel
 meritis prouocata est. Sponte mihi referasti
 fontem benignitatis tuæ, quem citra que-
 relam clausum retinere potuisses. Ego igitur
 quia natura, lege, & ratione perspe-
 ctum teneo, ^d *nil magis iustitia conuenire,*
quam suum cuiq³ reddere, meritis laudem, be-
neficio gratiam: ^e *quæ una virtus non solum*
maxima, sed etiam mater omnium virtutum
reliquarum est: equidem nihil est quod ma-
 lim, quam huic munificentia tuæ patibus
 vel factorum vel verborum momentis re-
 spondere. At de factis quid? despondi ani-
 mum. Ecquid enim est quod reponam? Au-
 rum? Non habeo. Vniones cæлатаe aut pi-
 etæ opera? non possideo. Operas vtilis? Nō
 valeo. Magnifica studiorum emblemata?
 non audeo. Hæc enim incerta, illa vi-
 ribus superiora. At de verbis, id est, agendis
 habendisue gratijs, nunquam committam,
 meum à te iure officium desiderari possit.
 Hærebit fixa menti memoria, ebuccinabit
 laudem lingua, clamabit ad superos oratio,
 quæq; me destituunt referendi vires, cæle-
 sti munere decuplo sarcientur. Vale. Mog.
 Calend. Nouemb. M.DCIV.

*d Senec. E-
 pist. 28. ad
 Lucil.
 e Cic. pro
 Cn. Planc.*

LIBRI QVINTI EPISTOLA-
 RVM FINIS.



IVSTI BARONII

VETERACASTRENSIS
EPISTOLARVM SA-

CRARVM

LIBER VI.

EPISTOLA I.

ILL^{mo} ET REV^{mo} D. CÆSARIBARONIO Sorano S. R. E. Cardinali

IVSTVS BARONIVS VETERACASTRENSIS S. P. D.



Go omni officio ac potius pietate erga te cæteris satisfacio omnibus, mihi ipsi nunquam satisfacio. Tanta enim magnitudo est tuorum erga me meritum (pergo cum ^a Cicerone Vestratete alloqui, CARDINALIS AMPL^{me}) vt quoniam tu nisi perfecta re omni, id est omnibus pristini erroris mei lineamentis erasis, meq; ipso auspiciacioris tibi cognominis fœdere associato, de me non conquiesci: ego quia non parem tibi gratiam referre possum, vitam mihi esse acerbam putem. Quamobrem

*a Famil.
Epist. 1. ad
P. Lentul.*

rem mihi sacer erit perpetuo Calendarum ^{b Ann.}
ille Septembrium dies, cum mane mecum ^{M.DCII.}

& cum fratre in *Lateranum* profectus, Pon-
tificem Maximo (quæ singularis eius erga
nos humanitas fuit) è *Quirinali* eodem ad-
uentante, primumq; solenniter sacris ad a-
nimi etiam nostri alimoniam operante, po-
stea neglecta dudum hæreticis initiationi-
bus *Sanctissimi* ^c *Chrismatis signacula* fron-

tibus nostris imprimente, tu quæ Sacra-
menti istius solennitas est, mihi patrini lo-
co adstare, mecumq; spiritualem illam co-
gnationem inire, quæ verò tua longè maxima
bonitas, hoc mysticę cognationis Vinculū,
immortali cognominis tui arrha obsignare
dignatus es. Quam ego tuam longè Illu-
strissimi Principis erga me inum terræ fili-
um longè prolixissimam humanitatem, q-
bus verbis efferam, quibus laudibus prædi-
cem, penes balbutiem meam non reperio.

^c S. Leo
serm 4 de
Natiuit.
Dni. cap. 4

Equidem æmulatus videris patrem ^d Euan-
gelicum, qui vr filium lacerum pannosum-
que ad se postliminio redeuntem, quam
primum eiectionis centonib⁹ noua stola indui,
& annulo nouo ornari, & calceamentis nouis
muniri iussit: ita tu pertæsus in me familia-
que Sanctæ Ecclesiæ profelytis turpissimi
Caluiniani nominis Exuuias, constitutis iam
ex voto reliquis, non satis nos nouo ornari
cognomine habuisti, sed quo in omnibus

^d Luc. 15.
22.

*o Iuvenal.
Satyr. 2.*

menlura amoris tui largiter redundaret, tuo etiam proprio ornaſti, tuo proprio beaſti, tuo proprio collocupletaſti: infelice illo CALVINO longe ^e *ultra Sauromatas & glacialeſ Oceanum* relegato. Quam rem etſi moleſtè quidam, vt audio, quidam etiam inuidè & acerbè ferunt, mea tamè pluriſ ratio facti, quam hominum malignitas intereſſe debet.

*ſl. l. C. de
m. l. r. no-
minis & ſ.
Si quis in
nomina. In
ſtitut. de
Legat.
g V. p. l. 4.
C. de Legat.
h l. i. C. de
mutat. no-
min. Aade
Boſſ cap.
40. de mu-
tat. nom.
Pet. Gregor.
lib. 36. ſynt.
cap. 4.
i L. 107. &
146 &
209 & 211.
ff. de k. g.
Iur.
l. ſal. ſ. o-
minis 13 ff.
ad l. Cor.*

Primum enim quis vel leuiter juris prudens iſtud non habet perſpectiſſimum, ^{no-}mina ad recognoſcendum ſingulos impoſita, & ^b *mutabilia* eſſe, & liberrimè inter homines liberos Electionis? Statuentibus ſic duobus famoſiſſimis Diocletiano & Maximiano Impp. *Sicut* ^h inquirunt, *in-*nitio nominis, cognominis, prænominis, recognoſcendi ſingulos impoſitio libera eſt priuatis: Ita eorum mutatio innocentibus periculofa non eſt. Mutare itaq; nomen, vel prænomen, ſiue cognomen, ſine aliqua fraude licito Iure, ſi liber es, ſecundum ea quæ ſæpe ſtatuta ſunt, minime prohiberis, nullo ex hoc præiudicio futuro. Si LIBER ES, inquirunt. Nam Seruorum alia ratio, qui vt in ⁱ Iure peſſimo loco ſunt, ita nomen non in ſua, ſed in Dominorum poteſtate conſtitutum habent: cuius rei mox indiçia aliquot apparebunt. Deinde FRAVDEM quoque abeſſe volunt. ^k Dolo enim malo ſeipſum adoptans, aut nouum ſibi no-

hi nomen imponens, pœnam legis Cornelia *mel. Paul.*
 incurrit quemadmodum ¹ *Servus ille quasi* *lib. 5. sent.*
Fabia filius esset, ex Ceioni Commodi filia Pa- *ist. 25. ad h.*
latina domo vindicata, iubente Pertinace fla- *Corn. 8. si*
gellis casus, Domino redditus est: Et^m Hero- *quis sibi.*
philus Equarius medicus C. Marium septies *1. Cassiodorus*
consulem, animum sibi vindicans, decreto Cæsa- *in Val. Max.*
ris extra Italiam relegatus est: deniq; ⁿ alius *lib. 2. cap.*
quidam clarissima Octavia Augusti sororis u- *16.*
tero se genitum fingens, Imperio Augusti remo- *n. Val. Max.*
publicæ triremis affixus est. A liberorum *ibid.*
 hominum bona fide vel sibi, vel servis suis,
 aut libertis, aut filiis adoptivis, aut hæredi-
 bus, aut ciuibus à se factis nomen immu-
 tantium, tam cōferre sunt Romanæ Histo-
 riæ exempla, vt quibus seligendis potissi-
 mum inhæream, agrè mecum constituam.
Aulus^o Vitellius (prima siquidem recensio *o Sueton. in*
 Imperatorum esto) Germanici cognomen *Vitell. cap.*
 sibi delatum, cupidè recepit. Augusti distu- *2.*
 lit, Cæsaris in perpetuum recusauit. *Senerus*
Afer, vt Populo Romano placeret, cognomen
 Pertinacis accepit. ^p *Iulianus* vt militi *p Herodiam.*
 b^o voluptuosis satisfaceret, Commodi no- *lib. 2.*
 mine vsus est. ^q Tandem & *Commodus* loco *q Herodiam.*
 sui nominis, & pro Marci filio, Herculem *lib. 1.*
 Iouis filium se nominari voluit, depositoq;
 cultu Romanorum Principū pellem Leo-
 nis substituit, ac clauam manu gestauit, de-
 mumq; se mille gladiatorum victorem ap-
 pellari

pellari iussit. Quam rem quoque Ausonius in Tetraſtichis tetigit.

COMMODOVS inſequitur pugnis maculoſus arena,

Threſidico Princeps bella movens gladio.

Elifo tandem perſoluens gutture pœnas

Criminibus, ſaſſus matris adulterium.

† Carol. Si-
gon. lib. de
nom. Rō.
Poſt. in
Miſc. cap.
31.

ſ Quintil.
lib. 1. cap. 7.
† Cic. 16.
Fam. 2. af-
ſim. Euseb.
in Ch. on.

O'ymp. 93.
u Plin. lib.
31. cap. 6.

† Gell. 17.
c. 6. lib.
4. ad.

Attic E-
piſt. 14.
2. lib. 40.

46. G. 55.
Adde Ma-
nus comm.

in lib. 1. E-
piſt. Cic. ad
Marc. Brut.

5. Epiſt.

De ſeruis ſervitutem adhuc ſervienti-
bus^r memoriæ proditum eſt, prænomen
Domini geſtare ſolitos: quod & *Lucipores*,
Marcipores, *Publipores*, *Quinctipores*: id eſt,
Lucii, Marci, Publii, & ^s *Quincti* pueri te-
ſtatum faciunt. De Libertis appellationem
Patroni imitâtibus, exemplo ſunt ^t *M. Tul-*
lius Tiro, & ⁿ *M. T. Laurea*, Ciceronis Li-
berti duo, nec nõ^x *Linus* *Andronicus* Poëta,
quem à Marco Liuvio Salinatore, cuius filios
erudierat, libertate donatum Eusebius in
Chronicis author eſt: denique vt multos
præteream, *Eutyhides* Attici ſervus; de quo
ſic^y Cicero: *De Eutyhide gratum eſt*, qui
vetere prænomine, nouo nomine *T. erit Cacili-*
us, vt eſt ex me & te iunctus *Dionysius Marcus*
Pomponius. Iã adoptiuos ^z *Dion* author eſt,
Omnia illorum nomina ferre conſueuiſſe,
quorum in familiam tranſiſſent, gentilitio
nomine ſuo retento quidem, ſed aliqua ta-
men ex parte commutato, & plerunque in
ANVS terminato: vt in exemplis *P. Cornelii*
Scipionis Emiliani, & *L. Manlii Acidini*
Fulvi-

Fulviani, & P. Licinii Crassi, & Q. Cæcili Q. F. Pomponiani Attici, & M. Terentii M. F. Liciniani Varronis Luculli, aliorumq; plurium manifestum est. De Civitate donatis eundem morem prodit antiquitas. Sic enim ^a Cicero: Cum Demetrio Mega mihi vetustum hospitium est, familiaritas autem tanta, quanta cum Siculo nullo. Ei Dolabella rogatum meo civitatem à Casare impetravit, qua in re ego interfui. Itaq; nunc P. Cornelius vocatur. Item ^b Cæsar. Commodissimum visum est, M. Valerium Procillum C. Valerii Caburi filium, cuius pater à C. Valerio Flacco civitate donatus erat, mittere. Prostrems & hæredibus testamento sæpe nova nomina imposita ^c leges multæ docent, multaq; exempla. Liuvia enim cum Dolabellam ex parte hæredem instituisset, nomen mutare iussit. Qua de re sic ^d Cicero ad suum Atticum. Dolabellam video Linia Testamento cum duobus cohæredibus esse in triente, sed inberi mutare nomen. Est πολυπικὸν σκέμμα, rectum ne sit nobili adolescenti mutare nomen mulieris testamento: sed id φιλοσοφώτερον διευκρινήσωμεν. cum sciemus, quantum quasi sit in trientis triente. Sic ^e Basilus quoq; M. Satrium sororis filium cum fecisset hæredem, nomen suum ferre voluit; nec non Octavius Tiberium ex parte dimidia & sextante, & Liniam ex parte tertia

Et cōm. in lib. 2. Cic. ad Q. Fratr. Epist. 1. in lib. 3 fam. Epist. 36.

lib. 1. de bello Gallic.

et sed esse et facta et si sub nomine ff ad Trebel. d. lib. 7 ad Attic Epist. 8.

Cic. 3. off. sic.

tertia hæredes instituens, eandem illis ferendi nominis sui conditionem imposuit.

f. lib. 15. Metam. Quod ^f Ovidius fata Augusti canens hinc versibus prædicat.

*A. de Bris-
Jon lib. 7. de
Formul.*

Ing₃ futuri
Temporis aeterni venturorumq₃ nepotum
Prospiciens, prolem sancta de coniuge natam,
Terre simul nomenq₃ suum curasq₃ iubebit.

Atque hæc ex usu priscae illius laudatissimæque Romanorum Reipub. instituto nostro sufficere poterant. Sed & ipsa

Gen. 11. 6.

26. 27. 29.

Gen. 12. 6. 1.

4. 6. 7.

1. Rom. 4. 6.

11. 12. 16. 17.

Gen. 17. 5.

Luc. 19. 9.

1. Gen. 11. 31.

Gen. 12. 7.

8. 9. 13. 18.

Ios. 24. 2.

1. Gen. 17. 5.

1. Gen. 11. 6.

29. 30. 31.

in Gen.

17. 15.

2. Gen.

41. 42. 45.

1. Daniel 1.

17.

rum mos, maiora nobis aptioraque exemplorum præsidia subministrant. Ipso enim sacrorum Codicum in limine quid?

Nonne ^g *Abram* ^h fidelium pater ⁱ abiecto idolorum cultu, susceptaque Veri Dei religione ^k Abraham vocatus est? Et ^l *Sara*

uxor eius ^m *Sara*? Et ⁿ *Ioseph*, Sapphathopaneas? & ^o *Daniel*, Balthasar? & *Ananias*, Sadrach? & *Misael*, Misach? & *Zarias*, Abdenego?

Et ^p *Simon* Apostolorum Princeps, Petrus? & ^q *Iohannes Iacobusq₃* fratres, Boanerges? & ^r *Saulus*, Paulus? & fideles denique omnes ^s *discipulorum* nomen Antiochiæ, nonne cum voce Christianorum permutarunt?

Quam rem sic pulchrè suis rationibus illustratam exposuit ^t S. Athanasius

Omnes inquit qui credebant in Domino nostro Iesu Christo, non Christiani, sed discipuli-

tan-

tantum modo vocabantur. Et quia multi no-
 rorum dogmatum auctores existerunt, doctri-
 na obuiantes Apostolica, omnes sectatores su-
 os, discipulos nominabant, nec ulla erat nomi-
 nis discretio inter veros falsosq, discipulos siue
 Christi siue Dosithei, siue Iudæ cuiusdam siue
 Iohannis sectatores, qui se quasi Eccl. sia fate-
 bantur quin potius uno discipulorum nomine
 ferebantur. Tunc Apostoli conuenientes An-
 tiocie sicut horum (Luca^a narrante) Acta
 testantur, omnes discipulos uno nomine, id est
 Christianos appellant, discernentes à commu-
 ni discipulorum vocabulo, & ut diuini per
 Isaiam Oraculi sermo compleretur, quo ait:
 seruientibus mihi vocabitur nomen nouū.
 Hanc ergo ab Apostolis traditam de nouis v-
 tendis nominibus formam Ecclesia tenens con-
 tra diuersos hereticos (ut sana fidei ratio po-
 stulat) diuersas edidit nominum nouitates.
 Quæ postrema S. Athanasij verba, quasi
 publicam & receptam hanc mutandorum
 in Ecclesia nominum consuetudinem fuisse
 docent: quod & ^x Eusebius testatur, cum
 scribit. Christianos olim pro nominibus Idolo-
 rum, quæ ipsis fuerant à parentibus imposita,
 noua sibi nomina alicuius prophete, Elie, Iere-
 mia, Isaie, Sammelis, Danielis, &c. adscuisse.
 Idque plerunque Sacramentis (vti verifi-
 mile est) interuenientibus Sic enim in bap-
 tismo ^y Adrias & Paulina à B. Stephano
 Epi-

p Matth. 10.
 2. & 16. 18.
 q Marc 3.
 17.

r Act. 13. 9.
 2. 13. 16. Ori-
 gen. pref.
 Com. in. E-
 pist. Rom.

s Act. 11. 26.
 & 26. 28.
 t Athanas.
 in dissut.
 cont. Ariū.
 u Act 11.
 26. & 26.
 28.

x Euseb.
 lib. 8. cap.
 20. 21.

y Baron.
 Tom. 2. An-
 nal. 259.
 §. 11.

Episcopo noua nomina Neonis & Mariæ acceperunt. Sic in Chrismatis Sacramento (ne ego primus id tentasse videar)² *Hermenigildus*, Hermenigildi Regis filius, ex hæretico Catholicus factus, Iohannes vocatus est. Et³ *Voicechus*, vel vt alij legunt, *Wentius* in Baptismo dictus, Pragensis Episcopus à S. Adelberto primo Archiepiscopo Magdeburgensi, sacro Chrismate inunct⁹, Adelberti nomen traxit. Denique *Carolus IV. Imp.* primum Wenceslaus dictus, idem Imperatorium nomen Parisijs cum Sacro Balsamo recepit. Quæ tanta tantorū Principum exempla (Pontificum enim Romanorum, multorumque religiosorum receptissimum in hoc genere zelum in præsens omitto) hoc vno à me distant, quod illi propria etiam nomina, firmiter scilicet impacta, ego solum cognomentum, idque odiosissimum ac turpissimi hæresiarchæ sono maculosissimum refigendum atque abolendum putaui. Quod potissimum defensionis meæ caput nunc sequitur, vt paucis etiam pro instituti breuitate perstringam.

Scribunt^b probati authores, tanta cura veteres nominum *δυσφημίαν* vitasse, vt ne *Epidamni* quidem aut *Maleuenti* nomina ferrent, quin ea tandem in *Dirrachij* & *Benenenti* appellationes commutarent: o-

Plin. lib. 3. minis scilicet causa, vt à^c veteribus tradi-

tum

2 *Greg. Turon. lib. 5. cap. 8. 3.*
 a *Baron. Tem. 10. Ann. An. 980. § 1.*
 Addenotat ad SS. Martyr. *Abundantii*, *Abundantii*
Ecc. Passiones Romæ excus. An. 84. f. 33.

b *Suet. in Augusto cap. 92. Ad de Brissou. lib. 1. de formul.*

tum est, ne eo locorum profecturis ipso nomine triste quid portendi videretur. Scribit etiam^d Plinius, Publicis lustris nomina victimas ducentium prospera electa fuisse. Et in publicorum vectigalium locacatione *Lacum Lucrinum* propter Lucri sonum nomini inhaerentem primum locatum fuisse, Festus tradit his verbis: *Lacus Lucrinus in Vectigalibus publicis primus locatur fruendus, Ominis boni gratia, ut in delectu Consue primi nominantur Valerius, Saluius Statorius.* Qualibus nominib⁹ dubio pcul fuerunt milites, quos^e Tacitus in Capitolij dedicatione adhibitos fuisse scribit. Ingressi inquit, milites, quibus fausta nomina, felicibus ramis. Sed maiori adhuc cura haereticorum nominum duo *Φημίον* Christianos in Ecclesia euitare consueuisse, argumento est, quod ea ex *Diprychis* etiam dederent, nec memoria quidem viuere paterentur, qui vnanimis in Ecclesia Dei viuere nolissent. Quod de re^f *Anastasium Papam* audiamus, de nomine *Acacij* abolendo ad *Anastasium Orientis Imp.* sic scribentem. *Legatione fungimur pro Christo: ne eos propter offensionem vel scandalum patiamini publice nominari, quorum merita vel aeternus illum Iudicem latere non possunt, in cuius iam sunt iudicio constituti.* Et infra. *Precamur Clementiam vestram, ut specialiter no-*

cap. 11. *Epist.*
Pop. *Mela.*
lib. 11. cap.
1. *Plaut.*
Menach.
Act. 11. *scen.*
1. *Dion. lib.*
4.
a *Plin. lib.*
28. cap. 2.

e *Tacit. lib.*
20.

f *Epist. de*
nomine *Acac.*
abolend.

Bb men

men taceatur Acacij, & quod multis ex causis scandalum vel offendiculum Ecclesie concitavit, speciali appellatione taceatur, cum sicut diximus, in generalitate sacerdotum uniuscuiusque merum illum indicem latere non possit, qui novit quid cuique tribuendum sit pro aestimata dispensatione meritorum, cui soli cogitationes quoque manifeste sunt. Digna Summo Pontifice vox, & planè ad amissam illam Apostoli: *Ab omni specie mala abstinete vos*: & iterum ^h Fornicatio & omnis immunditia, aut avaritia nec nominetur in vobis, sicut decet sanctos. O quanta mali species, Hæresiarcharum larvas in fidelium cœtu circumferre! quanta ⁱ fornicatio, religiosæ mentis nilum ab unica CHRISTI sponsa Ecclesia ad fœdissima allophylorum prostibula convertere! Quorum mentionem ut in ^k *Acacij*, ^l *Macedony*, ^m *Euphemij*, ⁿ *Flavita*, *Anastasi Imperatoris*, ^o *Zenonis*, ^p aliorumque cœlestis pudicitiae contemeratorum nominibus damnatis abolere antiquitas voluit: Ita quis neget hodie pari Iure impurissimorum fornicatorum, *Lutheri*, *Calvini*, *Zuinglij*, *Beze*, *Serucci*, *Gentilis*, *Melanchthonis*, &c. Cognomenta tanquam putrida sterquilinia, non è sacris tantum tabulis, ab usu & foribus Ecclesiæ, sed è labijs etiam ac sermone hominum eliminanda? Quis enim

exo-

21. Thef. 5.

22.

h Ephes 3.3.

i Dent. 31.16

Esaia 1. 21.

Ierem. 3. 6. 1.

23.

Hæron. E-

pist. ad Ruf.

k Baron. To.

6. Ann. an.

427 § 3.

libid. An.

515 § 50.

m libid.

n libid. An.

489 § 3.

o libid. An.

518 § 25.

p libid.

ex omni antiquitate hæreticus sceleratio-
 ra hisce beluis aut fecit, aut facere potuit?
Insurrexerunt ⁹ *aduersus testamenta Dei:* ⁹ *Psalm. 54.*
 tabulis fœderis consciderunt: fidei puri- ^{22. & ibid.}
 tatem coinquinarunt, vnitatis vestem diru- ^{August.}
 perunt, religionis medullam in pulueres
 accineres conuerterunt: *Calvinus* in pri-
 mis, qui tanquam Colophon impietatis,
 horrendo Prædestinationis commento ^{10.} *r Calvin. li 2.*
 omnibus diuinæ bonitatis, veritatis, mise- ^{Instit. cap.}
 ricordiæ, iustitiæ insignibus erasis, ^{21. & 22.} *Busiri-*
dem quendam aut *Phalaridem*, aut his et-
 iam crudeliorem *Satanam* pro Deo nobis
 substituit. Et tu tamen postulare audes
 hæretice, huius ego sacrum vt nomen in
 Ecclesia pro monili geram, cuiusque om-
 nem memoriam sempiterna obliuione
 damnaui, illi sempiternum memoriæ asy-
 lum in capite meo constitutam? Longè a-
 liter ⁵ *Psalmes.* *Deleantur* inquit, *de libro vi-* ⁷ *Psalm. 68.*
mentium, & cum IUSTIS non scribantur. ^{29.} *A-*
liter pia olim Ecclesia, impio *Anastasio* in
 loco sancto sepulto: ¹ *Tollantur* inquit, *ossa* ¹ *Baron. To.*
Manicheorum. ^{6. Ann. an.} *Aliter* denique omnes ^{518 §. 25.}
 hodie Christiani Catholici, qui ad *Calvini*
 nomen non secus ac tristissimi cacodæmo-
 nis, aut perfidissimi *Ischarioris* mentio-
 nem naueant, expuunt & efferuescunt.
 Horum ne igitur ego stomachum perpe-
 tuo fomento alerem? hunc tam capitale

Dei bonorumque omniumque hostem
 quotidiana hominis repetitione venerarer?
 Absit: nihil irreligiosius. Quin quemad-
 modum ^v *Agnus ille in monte Zion, filius*
 hominis, annectus podere, & procinctus ad ma-
 millas Zona aurea, vincentibus promittit
 manna absconditum & calculum candidum,
 & in calculo nomen novum scriptum, quod
 nemo scit, nisi qui accipit, ut scilicet qui sta-
 tus conversionem consecuti sunt, cognomine
 quoque mutato fulgeant, ut verbis ² Impe-
 ratoris nostri utar: Ita ego Catholicæ ma-
 tri reconciliatus, atque omni hæretica lue
 expurgatus, quo ne minima quidem pristi-
 ni erroris vestigia superessent, grato liben-
 tique animo nouo me cognomine imbui
 passus sum: sine vlla vel Dei vel parentum
 meorum ignominia: quos ut etiamnum
 transplantatus libenter agnosco, omnique
 diuini & humani Iuris veneratione totus
 prosequor: ita errorem eorum constan-
 ter damno, mentemque illis à Deo fa-
 nio rem omnibus animi votis precor & o-
 pro.

Habes *Cardinalis Illustrissime*, quæ mihi
 hoc tempore de nominis à te mihi facta
 consonantia (sic Anastasius Papa ad Ana-
 stasium Orientis Imper. indigitat) scribere
 libuit & licuit. Vnum forte id restat, ut
 quia te ipso ^v autore, Antiochia ² teste,
 quæ

*Apoc. 1. 13
 & 2. 17.*

*In ff. de
 rat. & me-
 thod. Iuri
 Docend. ad
 Antecess.*

*Baron. To.
 7 Ann. an.
 528. §. 27.
 2. Eugr.
 lib. 4. ca. 6.*

quæ nouo nomine *Theopolis* dicta, Nestorianis blasphemijs inquinata, Costrois Persæ præda effecta est, parum interest, nouum nomen sine nouis moribus induere: Tibi tanti mihi beneficij authori, non solum omnes debitissimas grates, verum etiam (quod facio) omnia illa iura Iurem, quibus me tanto *ὁμωσυμία* vinculo tibi reddidisti obstrictum. Inter quæ illud facile princeps & palmarium, vt auspicatissimum BARONIANVM cognomen, virtutibus dignitatibusque tuis tantoperè nobilitatum, omni fide, pietate, constantia, doctrina, industria, aliorumque Catholicorum ornamentorum decore, quantum possum, excolam & quod vnicè cupio, viuus mortuusque cohonestem. Vale, *Mæccenas Ampliss.* meque semel in clientum, atque adeò etiam familiæ tuæ numerum cooptatum, quæso nunquam isto albo excidi patere: quin indies firmitus insculpe, fortius tuere, atque acius hortare, quo maiores luculentioresque honori tuo semper è studijs meis fructus enascantur. Morguntia. Idibus Februar.

M.DCV.

EPISTOLA II.

BEATISS^o SANCTISS^o; IN
Christo Patri & D^{no}, CLEMENTI VIII.
Pontif. Max.

IVSTVS BARONIVS VETE-
racastrensis.

AVSVS sum aliqd, *Beatiss^{me}* PATER, bona certè voluntate, nescio vtrum pari
S^{is} T^æ approbatione. Sed ausus sum, au-
dereque me iussit admirabilis illa tua tot
tantisque experimentis mihi cognita hu-
manitas: quam si præsentis quoque causa
accommodaueris, nihil verebor, ne non
consilium meum firmum ratumque habi-
turus sis. Natus est mihi anno abhinc plu-
minus altero ex vrbe reduci, subitò, quo
aiunt, sub manu libellus, *Pseudo Iubilæo* Lu-
theranorum in *Saxonia* oppositus, quoniam
quia nunc typis suis reuocare, meoque su-
genuino nomine edere statuebat typogra-
phus, ego quoque mihi, quod prius negle-
xeram, de Patroni clypeo cogitandum es-
ducebam: idque tanto magis, quanto plu-
ra & venenatiora mihi nunc è tenebris e-
uoluto hostium spicula viderentur perti-
nescenda. Cum verò huiusmodi *apophor-
reta* (muneris enim nescio quid & hono-

ris etiam habere creduntur) Mæcenatibus
 potissimum, id est præclarè meritis studio-
 rum nutritijs consecrari viderem: quos
 inter S^{as} T^a ita mihi multis ab annis tam
 principe loco est, quàm est omnium mor-
 talium loco summo constituta, sub tò apud
 animum meum decreui, non esse huic lu-
 cubrationi alium à te quærendum patro-
 num. Causas exponet libellus ipse sat mul-
 tas: exponam & ego plures, si quis con-
 fertiorem ætiologiam desideret. Sed non
 necesse est vltiorem huic rei operam im-
 pendere. Vides ipse, hoc argumentum to-
 tum tuæ fuisse & esse personæ, cuius in Se-
 de vt oppugnanda omnes vires hæreticus,
 ita ego in eadem defendenda omnes inge-
 nij doctrinæque neruos consumo. Ille te
Antichristum vult, ego Christi Vicarium;
 ille Pseudopropheta, ego Apostolum: il-
 le tyrannum, ego patrem. Cui pugna vt
 plures etiam spectatores colligerem, hac
 ipsa nominis tui illecebra efficere volui.
 Neminem enim tam depressæ mentis fu-
 rorum puto, quem non hæc tam excel si *A-*
gonotheta mentio ad aliquam saltem ala-
 critatem excitatura, & si quidem despera-
 tus, ad maiorem insaniam redactura, sin ve-
 rò sanabilis, gratia & voluptate maiori
 perfutura sit. Taceo quod omnis nostra
 opera, Ecclesiæ restaurandæ locata, opera

^a Luc. 5. 5. tua est, qui sub signis tuis militamus, ^a ad
^b Iohan. 21. 6. *inssum tuum retia cycimus*, nutu tuo ^b fal-
^c ces aptamus, nec tuo tamen sed Christi nu-
^d tu, cuius in te & pastorum colimus, &
^e veneramur potestatem. Tibi enim hic vi-
ces suas resignavit, ut quia ^e ipse maioribus
bonis cumulandis abiturus erat, te vicari-
um haberemus sacerdotem, ^d cuius ex ore
legē requireremus, ^e cuius iudicio lites diri-
meremus, cuius ductu ab omni fidei nau-
fragio tuti immunesque persisteremus. Tu-
is igitur ut dixi legibus paremus, tua signa
sequimur, tuoque auspiciatissimo nomini
omnem nostram operam, quocunque in
genere nauatam rectissimè consecramus.
Ut si vel priuata illa tua in me merita negli-
gerem, causæ tamen affatim suppeteret,
quamobrem hanc dedicandi rationem se-
qui debuerim. Sed absit ut negligam. Tu
mihi ^f *Ambrosius*, qui tanto sumptu char-
tas, pecunias, Notarios & polygrapho illi
^g *Origeni* suppeditasse scribitur: tu *Augustus*
^h meus, quem sempiterno cum Poëta carmi-
ne canam.

^f Hieron. E-
^g p. st. 18 ad
^h Marcell.
ⁱ Vincent.
^j Lirinens.
^k in commom.

^l ead 23.
^m b Virgil. Ec-
ⁿ 109. 1.

^h *O Melibæe, Deus nobis hac otia fe-
cit!*

*Namque erit ille mihi semper Deus, il-
lius aram,*

*Sapè tener nostris ab ouilibus imbuet
agnus. Ille*

EPIST. SACR. LIBER. VI. 391

*Ille meas errare boues, ut cernis, & i-
psum*

*Ludere, qua vellem, calamo permisit
agresti.*

Accipe igitur per Deum Sanct^{me} Ponti-
fex hoc quaecunque grati animi pignus:
atque ita quæso accipe, ut te sementis tuæ
manipulum ferre putes. Si vberiora desi-
deras, sanè debere me fateor, at posse nego,
vbi potero, metes & tu, ¹ *Dixque interea*
non solum thure, sed & mola falsa litari cogi-
tabis. Vale. Mogunt. Nonis Februarij.
M.DCV.

*Plin. p. af.
Nat. hist.*

EPISTOLA III.

ILL^{mo} ET REV^{mo} D. BERNHAR-
dino Paulino Si Dⁱ Nⁱ CLEMENTIS
VIII. Pontif. Max. Da-
tario

*IUSTVS BARONIVS VETERA-
castrensis S.*

EN tibi tandem, Ill^{me} & Rev^{me} Dne, pro
tua illa insigni in me beneficentia &
comitate dudum debitum destinatumque
αὐτίδωρον. Quale inquis? Litterarium
tenue, rude ac minus perpolitum, quam
Bb 5 vel

vel voluntas mea, vel dignitas tua longè maxima postulabat. Sed quia non eorum te numero accenseo, qui ponderibus rerum, non voluntate donantium munera

^a Luc. 21. 31

^b Arist. lib.

^c Eschic. ca.

1.

metiuntur, contra omnem ^a diuinæ & ^b humanæ Philosophiæ rationem: acquiesces spero τοῖς παρῶν, excusabisque ipse tempus, occasionem, locum, quæ singula vides vel nolentem me in hæc angustias cōgisse. De argumento libelli noli laborare.

Appendicula est *Prescriptionum* mearum dudum editarum: quas quia admordere conatus erat homo *Anglicanus*, iure hanc à me defensiunculam extorsit. De loco

^e Plutarch.

in Lacon.

^d Laert. lib.

2. cap. 8.

^e Plutarch.

in Lacon.

purgabit me tibi ^c *Agessilaus*, purgabit ^d *Aristippus*, purgabit denique ^e *Damondas*, qui omnes ultimo quondam loco con-

stituti, susq; deq; id habuerunt, animosque non locum viris, sed viros loco cōciliare

dignitatem responderunt. Quod si tu quoque existimabis, Ill^{me} & Ren^{me} D^{ne} nil

spero supererit, quamobrem meum tibi munusculum sordere debeat. Vale, & si fas

precari, hanc vnam mihi gratiam habe, vt gratū habeas, quod gratissimo tibi animo dicatum iui. Vale iterum. Mogunt. 4. Non. Martij. M. DCV.

LIBRI SEXTI EPISTOLARVM

FINIS



BE-

BENEVOLO LECTORI.

SI breuitatem huius libri
VI. miraris Lector, cogita
cum anno numerum mihi
Epistolarum crescere sole-
re. Quoniam igitur in pri-
mis adhuc huius anni men-
sib⁹ consistimus, plures nec
scribere Epistolas, nec edere
licuit. Tu igitur vale, & se-
quētes suo tempore, si con-
sultum uidebitur, à me ex-
pecta.

ERRA-

ERRATA TYPOGRAPHICA.

Pa. 3. in marg. post Heb. 11. adde 1. p. 4. l. 6. lege illa. p. 32. l. quarta a fine, laudatam. p. 40. l. 18. tadei. p. 59. l. 16. Oecumenicis. p. 62. l. 2. petra. l. 5. convincit. p. 33. l. 9. robustiores. p. 89. l. penult. opportunitates. p. 109. in marg. l. 1. post. Epist. adde 54. p. 142. l. 23. catecheta. p. 173. l. 17. positum. p. 175. l. 3. netheticam. l. 10. querelam. p. 187. in marg. l. 3. elegia. p. 20. l. ult. insta. p. 206. in marg. l. 2. per sequentes litteras, intellige illas, quæ infra demum loco 19. eiusdem lib. sequuntur. p. 208. l. penult. sidere. p. 224. l. 9. quanto. l. n. antepenult. promerebere. p. 230. l. 24. proficiendi. p. 274. l. 2. Troade. p. 290. l. 6. Burgundionumque. p. 299. l. 12. pro eum l. cum. p. 305. in marg. post. Epist. adde 1. p. 326. l. 2. colere. p. 333. in marg. lin. ult. lege, prefixa. Cetera quæ vel in Epistolis, vel in VINDICIIS etiam AntiRainoldinis (quas fateor festinatione mihi relegerenō licuisse) vsq̃iam τ Φάσματα occurrent, prudens æquusq̃ Lector per se ipse facile corriget, ac longum valebit.

LAVS DEO OPTIMO MAXIMO,
Virginique Matri Mariæ.

FINIS.

MOGVNTIÆ.

*Ex officina Typographica Ioannis
Albini omnium Antiquissima, atq;
artis huius prima.*



Anno M.DCV.



